

**CIHM
Microfiche
Series
(Monographs)**

**ICMH
Collection de
microfiches
(monographies)**



Canadian Institute for Historical Microreproductions / Institut canadien de microreproductions historiques

c 1995

Technical and Bibliographic Notes / Notes techniques et bibliographiques

The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

- Coloured covers/
Couverture de couleur
- Covers damaged/
Couverture endommagée
- Covers restored and/or laminated/
Couverture restaurée et/ou pelliculée
- Cover title missing/
Le titre de couverture manque
- Coloured maps/
Cartes géographiques en couleur
- Coloured ink (i.e. other than blue or black)/
Encre de couleur (i.e. autre que bleue ou noire)
- Coloured plates and/or illustrations/
Planches et/ou illustrations en couleur
- Bound with other material/
Relié avec d'autres documents
- Tight binding may cause shadows or distortion
along interior margin/
La reliure serrée peut causer de l'ombre ou de la
distortion le long de la marge intérieure
- Blank leaves added during restoration may appear
within the text. Whenever possible, these have
been omitted from filming/
Il se peut que certaines pages blanches ajoutées
lors d'une restauration apparaissent dans le texte,
mais, lorsque cela était possible, ces pages n'ont
pas été filmées.

Additional comments:/
Commentaires supplémentaires:

Comprend du texte en française.

This item is filmed at the reduction ratio checked below/
Ce document est filmé au taux de réduction indiqué ci-dessous.

10X	12X	14X	16X	18X	20X	✓	22X	24X	26X	28X	30X	32X
-----	-----	-----	-----	-----	-----	---	-----	-----	-----	-----	-----	-----

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- Coloured pages/
Pages de couleur
- Pages damaged/
Pages endommagées
- Pages restored and/or laminated/
Pages restaurées et/ou pelliculées
- Pages discoloured, stained or foxed/
Pages décolorées, tachetées ou piquées
- Pages detached/
Pages détachées
- Showthrough/
Transparence
- Quality of print varies/
Qualité inégale de l'impression
- Continuous pagination/
Pagination continue
- Includes index(es)/
Comprend un (des) index
- Title on header taken from:/
Le titre de l'en-tête provient de:
- Title page of issue/
Page de titre de la livraison
- Caption of issue/
Titre de départ de la livraison
- Masthead/
Générique (périodiques) de la livraison

The copy filmed here has been reproduced thanks to the generosity of:



National Library of Canada

The images appearing here are the best quality possible considering the condition and legibility of the original copy and in keeping with the filming contract specifications.

Original copies in printed paper covers are filmed beginning with the front cover and ending on the last page with a printed or illustrated impression, or the back cover when appropriate. All other original copies are filmed beginning on the first page with a printed or illustrated impression, and ending on the last page with a printed or illustrated impression.

The last recorded frame on each microfiche shall contain the symbol → (meaning "CONTINUED"), or the symbol ▽ (meaning "END"), whichever applies.

Maps, plates, charts, etc., may be filmed at different reduction ratios. Those too large to be entirely included in one exposure are filmed beginning in the upper left hand corner, left to right and top to bottom, as many frames as required. The following diagrams illustrate the method:



L'exemplaire filmé fut reproduit grâce à la générosité de:

Bibliothèque nationale du Canada


Les images suivantes ont été reproduites avec la plus grande soin, compte tenu de la condition et de la netteté de l'exemplaire filmé, et en conformité avec les conditions du contrat de filmage.

Les exemplaires originaux dont la couverture en papier est imprimée sont filmés en commençant par la première planche et en terminant soit par la dernière page qui comporte une ampreinte d'impression ou d'illustration, soit par la seconde planche, selon le cas. Tous les autres exemplaires originaux sont filmés en commençant par la première page qui comporte une ampreinte d'impression ou d'illustration et en terminant par la dernière page qui comporte une telle ampreinte.

Un des symboles suivants apparaîtra sur la dernière image de chaque microfiche, selon le cas: le symbole → signifie "A SUIVRE", le symbole ▽ signifie "FIN".

Les cartes, planches, tableaux, etc., peuvent être filmés à des taux de réduction différents. Lorsque le document est trop grand pour être reproduit en un seul cliché, il est filmé à partir de l'angle supérieur gauche, de gauche à droite, et de haut en bas, en prenant le nombre d'images nécessaires. Les diagrammes suivants illustrent la méthode.

MICROCOPY RESOLUTION TEST CHART
(ANSI and ISO TEST CHART No. 2)



ELEMENTA PHILOSOPHIE CHRISTIANÆ

AD MENTEM

S. THOMÆ AQUINATIS EXPOSITA

AUCTORE

STANISLAO-A. LORTIE

SACRE THEOLOGIE DOCTORE ET PROFESSORE IN UNIVERSITATE
LAVALLENSI

TERTIA EDITIO

RECOGNITA ET EMENDATA

TOMUS PRIMUS

LOGICA-ONTOLOGIA

B 103
L67
1917
v.1

QUEBECI

Ex typographia *L'Action Sociale Ltée*
103, via Sancte-Anne, 103

1917

COPY DEPOSITED NO.

53

G. J. Hart,

Pittman and Co.



ELEMENTA PHILOSOPHIÆ CHRISTIANÆ

AD MENTEM

S. THOMÆ AQUINATIS EXPOSITA

AUCTORE

STANISLAO-A. LORTIE

SACRAE THEOLOGIAE DOCTOR ET PROFESSOR IN UNIVERSITATE
LAVALLENSI

TERTIA EDITIO

RECOGNITA ET EMENDATA

TOMUS PRIMUS

LOGICA-ONTOLOGIA

QUEBECI

Ex typographia *L'Action Sociale Ltée*
103, via Sanctæ-Anne, 103

1917

B103

L67

1917

Nihil obstat.
C. J.

Aloisius Adolphus Paquet, pter,

Censor.

15^a Januarii 1917.

Imprimatur,

† L.-N. CARD. BÉGIN,

Arch., Quebecen.

15^a Januarii 1917.

Permis d'imprimer,

Frs PELLETIER, P. A.

Sup. Sem., Que.

15 janvier 1917.

Droits réservés, Canada, 1917.

LETTRE-PRÉFACE

(Première édition)

*Lettre adressée à l'auteur par Monseigneur O.-E. Mathieu,
doyen de la Faculté des Arts, professeur de philosophie
à l'Université Laval.*

QUÉBEC, 1 août, 1909.

M. l'abbé S.-A. Lortie,

Université Laval,

Québec.

Cher confrère,

Vous demandez au doyen de la Faculté des Arts, et à votre ancien professeur de philosophie de vouloir bien présenter au public l'ouvrage important que vous publiez. Je ne puis pas ne pas me rendre à votre désir, heureux que je suis de la publication de cet ouvrage qui vous fait grandement honneur, et dont la famille universitaire a droit d'être fière.

La premier Manuel de Philosophie publié au Canada eut pour auteur l'abbé Jérôme Demers, un des prêtres les plus distingués qui ait travaillé à l'œuvre du vieux Séminaire de Québec. Ce volume vit le jour en 1835. Quand on songe qu'à cette époque les bibliothèques n'existaient presque pas au Canada, qu'il était à peu près impossible de se procurer les livres nécessaires à la composition d'un manuel de philosophie, on peut se faire une juste idée du travail qu'a

dû s'imposer l'abbé Demers, de la force intellectuelle dont il a fait preuve, de l'admiration qu'il mérite.

Sans doute, ce traité de philosophie était loin d'être parfait. Mais, durant de longues années, il rendit d'immenses services aux professeurs et aux élèves, qui y trouvaient un résumé clair et méthodique de toutes les questions importantes que doivent avoir étudiées les jeunes, avant de dire adieu aux études classiques.

Le livre de M. l'abbé Demers fut remplacé plus tard par les ouvrages du Père Tongiorgi et du Père San Severino ; et au Congrès des études, en 1880, il fut décidé que le manuel de Zigliara serait mis à l'avenir entre les mains de tous les élèves des maisons d'éducation affiliées à l'Université Laval. Le programme du Baccalauréat fut calqué sur cet ouvrage. Il y a trente ans, c'était certainement le manuel de philosophie qui convenait le mieux à notre cours d'étude.

Il renferme cependant des longueurs qui embarrassent et les professeurs et les élèves ; certaines thèses devenues plus importantes ne semblent pas suffisamment bien traitées, des questions discutées surtout depuis quelques années y sont omises ; il a vieilli. Votre manuel vient remédier à ces lacunes.

Vous avez conservé à peu près l'ordre suivi par Zigliara ; votre ouvrage est plus court, plus clair, plus facile à étudier. La doctrine que vous exposez, puisée à bonne source, est fondée sur des raisons solides, appuyée de l'assentiment des auteurs les plus compétents.

Vous développez certaines questions de droit public, devenues de nos jours plus importantes que jamais. Vous avez compris la nécessité d'éclairer la jeunesse sur ces questions, dans un siècle où la vérité est presque partout altérée par le mélange de tant d'erreurs. " *Diminutæ sunt veritatis a filiis hominum* ".

Vous avez donné une attention spéciale aux thèses sur lesquelles les élèves doivent subir l'examen de la licence en philosophie ; et vous avez fait suivre ces thèses d'un grand

nombre d'objections qui peuvent être posées aux élèves par les interrogateurs à l'examen oral.

Depuis plusieurs années, professeur de la somme théologique de S. Thomas, au Grand Séminaire de Québec, personne ne sait mieux que vous que la philosophie est la base solide de la théologie. Aussi avez-vous traité avec un soin tout particulier les questions, surtout de Métaphysique, dont la connaissance est absolument requise en Théologie. Ceux qui se destinent à l'étude de la science sacrée, trouveront donc un grand avantage à bien étudier votre nouveau manuel de philosophie.

Ce que nous nous plaisons à louer dans cet ouvrage, c'est surtout l'ordre, la clarté, la mesure ; tout y est dit dans une langue simple, sans ornement, qui est le miroir d'une pensée en pleine possession de la vérité qu'elle fait transparaître et goûter.

Le soin apporté à l'exécution typographique du livre, la disposition matérielle des chapitres, des thèses, des paragraphes, rendent plus sensibles encore ces qualités d'ordre et de clarté que l'on retrouve à chaque page.

Votre ouvrage est surtout destiné aux élèves qui préparent le Baccalauréat ; il exclut les longs développements et il laisse aux professeurs la liberté de donner eux-mêmes ces développements, s'ils les jugent utiles, et de rendre ainsi leur enseignement plus personnel. Ils ne manqueront pas non plus de faire plus attrayante l'étude de la dialectique, en faisant faire tous les jours à leurs élèves des devoirs, qui leur fournissent l'occasion d'appliquer les règles si nombreuses et si importantes de cette première partie de la Logique ,et de prouver qu'ils font plus un travail d'intelligence que de mémoire.

" La gloire, dit-on, est dans l'effort et non dans le succès." La gloire de l'effort, vous est déjà acquise. Ces trois volumes supposent une somme de labeurs et de connaissances qui vous font grand honneur. Et la gloire du succès ne man-

quera pas non plus ; car votre ouvrage a tout ce qu'il faut pour donner entière satisfaction et aux professeurs et aux élèves qui, à l'avenir, seront heureux de s'en servir.

Daignez agréer, cher Confrère, avec mes félicitations, l'assurance de mes meilleurs sentiments.

O.-E. MATHIEU, ptre, P. A.

AVERTISSEMENT

Cette troisième édition ne diffère pas *substantiellement* des deux premières. Un nouvel article, qui a pour objet l'*agnosticisme* et le *relativisme*, ajouté au chapitre de l'*existence de la certitude*, quelques corrections ici et là, certaines modifications dans l'exposé des arguments de deux ou trois thèses, voilà tous les changements jugés opportuns. C'est dire que le manuel du regretté abbé Lortie, manuel adopté par tous les Séminaires et Collèges classiques affiliés à l'Université Laval, garde sa physionomie propre. A leur apparition, il y huit ans, les *Elementa philosophiae christianaæ* recevaient de nos maisons d'enseignement secondaire un accueil bienveillant qui n'a cessé de s'accentuer. Nous profitons de l'occasion pour les remercier de ce sympathique encouragement.

faut
aux
ons,

PROLEGOMENA

DE PHILOSOPHIA IN GENERE

I. Philosophiae definitio.

Philosophia secundum vim vocis, φίλος, amicus, σοφία, sapientia, significat amorem sapientię. Sapientis autem est considerare causas altiores⁽¹⁾; unde philosophus dicitur qui altiores rerum causas inquirit, ut de ipsis rectum valeat proferre judicium.

Philosophia secundum rem definitur: Scientia rerum per earum causas ultimas, naturali rationis lumine comparata.

Dicitur 1° *scientia*, scilicet, *cognitio certa et evidens rerum per causas*. *Certa*, ut distinguatur ab *opinione* et a *dubio*; *evidens*, ut distinguatur a *fide* quae est *argumentum non apparentium*⁽²⁾; *per causas*, ut distinguatur a cognitione immediata primorum principiorum, et a cognitione pure empirica quae habetur per sola accidentia sensibilia externa.

2° *Rerum*, scilicet, omnium rerum, tum *sensibilem* et *corruptibilem*, ut sunt mineralia, vegetalia, animalia bruta et ipse homo secundum partem sensibilem; tum *immateriale* et *incorruptibilem*, ut sunt animae rationales, substantiae separatae et ipse Deus, rerum omnium causa efficiens prima

(1) ARIST. *Metaph.*, lib. I.

(2) HEB. XI, 1.

et ultimus finis. Unde, dicente Tullio⁽¹⁾, philosophia definitur : « *humanarum divinarumque rerum, causarumque quibus hæ res continentur scientia.* »

3° *Per earum causas.* — Causa est omne unde res est aut fit aut cognoscitur. Id unde res est, dicitur id ex quo res educitur, sicut tabula ex ligno, vel id quo res constituitur in sua natura, sicut homo constituitur in esse hominis per animam. Id ex quo res educitur est causa materialis, id quo res in sua natura constituitur est causa formalis. Utraque vero, materialis nempe et formalis, est *intrinseca rei*.

Id autem unde res fit est id quod rem producit in esse, sicut artifex tabulam, vel id gratia cuius res fit, sicut pecunia est id gratia cuius tabula producitur. Id porro quod producit est causa efficiens, id vero gratia cuius tabula producitur est causa finalis. Utraque autem, efficiens scilicet et finalis, est *extrinseca rei*.

Itaque id unde res est duas causas intrinsecas complectitur : *materialem* et *formalem* ; id autem unde res fit duas extrinsecas complectitur : *efficientem* nempe et *finalem*.

Id tandem unde res cognoscitur est medium quo utimur ad rem sciendam. Porro medium potest esse vel *causa* vel *effectus* rei. Hinc divisio in causas in *essendo* et causas in *cognoscendo*.

Philosophia autem pertingit ad omnes illas causas.

4° *Ultimas.* — Philosophus non quascumque rerum causas investigat sed supremas et ultimas. Unde philosophus distinguitur a scientiarum experimentalium cultoribus qui non nisi de proximis rerum causis occupantur⁽²⁾.

(1) *De Officiis*, lib. II, cap. II.

(2) « La science positive ne poursuit ni les causes premières ni la fin des choses ; mais elle procède en établissant des faits, en les rattachant les uns aux autres, par des relations immédiates. »

BERTHELOT. Lettre à Renan. *La science idéale et la science positive.*

« La science expérimentale est essentiellement positiviste, en ce sens que, dans ses conceptions, jamais elle ne fait intervenir la considération de l'essence des choses, de l'origine du monde et de ses destinées. » PASTEUR

5° *Naturali rationis lumine comparata.* — Hisce verbis distinguitur philosophia a theologia. Omnis enim scientia conclusiones deducit ex principiis : theologia, ex veritatibus supernaturalibus lumine fidei cognitis, in suis conclusionibus procedit ; philosophia autem, a veritatibus naturalibus rationis naturali lumine comparatis.

II. Philosophiae objectum.

Cujuscumque scientiae objectum est materiale vel formale. *Objectum materiale* est illud circa quod scientia vel facultas versatur ; v. g. : res sensibiles constituunt objectum materiale visus. Res omnes materiales et immateriales circa quas philosophia versatur, constituunt igitur objectum ejus materiale.

Objectum formale est ratio sub qua scientia vel facultas objectum suum materiale respicit. Dicitur *objectum formale* quod, res ipsa quam scientia seu facultas immediate attingit in objecto suo materiali ; v. g. : color respectu visus. Dicitur *objectum formale quo*, ipsum medium quo, vel ratio propter quam res ista attingitur ; v. g. : lux respectu visus.

Objectum formale quod philosophiae sunt *causae ultimae rerum*, scilicet, id quod philosophia immediate in rebus attingit. *Objectum formale quo* sunt prima principia, quibus mediantibus philosophia ad conclusiones sibi proprias pervenit. « *Principia, dicente S. Thoma, sunt veluti animi lux irradians conclusiones,* » unde dicuntur *lumen naturale rationis*. Constat igitur illud triplex objectum indicari dum definitur philosophia : scientia *rerum*, per *earum causas ultimas*, comparata *naturali rationis lumine*.

III. Philosophiae divisio.

Philosophia dividitur in *Rationalem*, *Realem*, et *Moralem*, seu in *Logicam*, *Metaphysicam*⁽¹⁾ et *Moralem*.

Logica est illa pars philosophiae quae considerat *ens rationis* seu logicum, et dirigit mentis actus in cognoscenda veritate.

(1) Usque ad seculum XVIII, philosophia realis complectebatur *Physicam*, *Mathematicam* et *Metaphysicam*; decursu autem temporis, *Physica* et *Mathematica* factae sunt scientiae speciales, a *Philosophia distinctae*.

ELEMENTA PHILOSOPHIAE CHRISTIANÆ


Metaphysica considerat *ens reale* seu existens in natura independenter ab intellectu nostro.

Moralis considerat *ens morale*, et dirigit actus voluntatis in ordine ad finem ultimum obtainendum.

Ens reale considerari potest vel in genere, in quantum est *ens*, vel in specie. *Metaphysica* igitur alia est *generalis*, quæ dicitur etiam *Ontologia*, alia est *specialis*.

Ens in specie consideratum est vel mundus, vel anima rationalis, vel Deus; unde, methapysica specialis subdividitur in *Cosmologiam*, *Psychologiam* et *Theologiam* seu *Theodiceam*.

Illarum partium ordo multiplici ratione considerari potest: sic, ratione *dignitatis*, præest *Theodicea*, propter nobilitatem sui objecti; ratione *utilitatis*, *Moralis*, quæ hominem dirigit ad finem ultimum, maxime necessarium; sed *in ordine discipline* priorem locum tenere debet *Logica* quæ « tradit communem modum procedendi in omnibus aliis scientiis.»⁽¹⁾ Etenim in addiscendo necesse est incipere ab eo a cuius cognitione cognitio sequentium dependet. In philosophia addiscenda, incipiendum est igitur a *Logica*. Divisio philosophiae in sequenti schemate proponitur:



IV. Philosophiae utilitas.

Philosophia utilis est homini privato, societati, fidei christianæ necnon omnibus aliis scientiis.

(1) S. Thom. *In Metaph. I, II, Lect. V.*

1° Homini priuato. — Id quod hominem perficit in suis nobilioribus facultatibus ipsi utile est. Atqui philosophia intellectum et voluntatem maxime perficit. — Intellectus enim a philosophia illuminatur cognitione veritatum altissimarum, et roboratus exercitiis veluti gymnasticis artem perdifficilem recte judicandi necnon et errorem detegendi consequitur. Voluntas autem in operatione boni perficitur. Homo enim, in scientia veritatis edoctus, melius cognoscit quae Deo, sibi metipsi et aliis debet, et ideo, officia sua facilius adimplere potest, non præpeditus ignorantia, non territus obstaculis quae sepe saepius homines retrahunt a virtute.

2° Societati. — Cum perfectio totius a perfectione partium pendeat, philosophia homines privatos perficiens, indirecte societati utilis est. Tranquillitati autem et felicitati reipublicæ directe favet, cum omnibus civibus demonstrat has veritates quae sunt fundamentum ordinis socialis, oeconomici et politici.

3° Fidei christianæ. — Triplex est utilitas philosophiae respectu fidei christianæ :

a) *Demonstrat veritates quae sunt præambula fidei.* Etenim ad fidem amplectendam homo scire debet : Deum esse, esse omniscium et veracissimum, providentem et justum, etc, animam humanam esse spiritualem et immortalem. Munus est autem philosophiae ista omnia demonstrare ac propugnare ; unde, juremerito, Vaticanum Concilium dicit quod *recta ratio fidei fundamenta demonstrat*.

b) *Veritates supernaturales fidei per analogias et similitudines veritatum naturalium illustrat.* Illa illustratione homo in aliqualem mysteriorum intelligentiam ascendere potest, necnon et manifestam reddere harmoniam ordinem naturalem inter et supernaturalem.

c) *Veritates fidei contra impugnantes defendit.* Nulla vera dissensio inter fidem et rationem haberi potest, cum idem sit Deus qui mysteria revelat fidemque infundit, et lumen rationis animæ humanæ indidit. Deus sibi contradicere non potest. Munus est autem et officium philosophi christiani,

defendere veritatem revelatam contra impugnationes incredulorum, demonstrando ipsas adversari philosophicis veritatibus, vel non esse nisi meras hypotheses ex quibus nihil necessario concludi potest.

4° *Aliis scientiis.* — Aliæ scientiæ existere non possunt nisi præsupponatur certitudo cognitionis humanæ, admittatur veritas quorundam principiorum, et sciatur methodus juxta quam a notis ad ignota procedere licet. Atqui hæc tria suppeditantur a philosophia sive in Logica, sive in Metaphysica. Ergo philosophia aliis scientiis maxime utilis est.

LOGICA

SEU

PHILOSOPHIA RATIONALIS

PROLEGOMENA

I. **Logica definitio.** — Secundum nomen, Logica significat scientiam rationis; secundum rem, definitur: ars seu scientia directiva rationis humanæ in cognoscenda veritate.

Dicitur 1° *ars*, non quidem *proprie et stricte*, sed *analogice*: *ars* enim est *recta ratio operum faciendorum*. Factio autem est actus transiens in exteriorem materiam.⁽¹⁾ Ars igitur proprie dicta est ordinatio actuum cadentium circa materiam sensibilem exteriorem. Logica autem est ordinatio ipsius actus rationis qui est interior et spiritualis, ideoque *proprie* non potest dici *ars*. Attamen logica potest dici *ars* propter similitudinem quam habet ad artes. Sicut enim *ars* proprie dicta ordinat actus exteriores ad debitum fines per diversas regulas, ita logica per determinatas leges dirigit actus rationis in debitum finem qui est assecutio veritatis.

Dicitur 2° *scientia*, quia *proprie* est talis. Scientiæ proprium est cognoscere res in suis causis. Logica autem non tantum tradit regulas directivas rationis, sed ipsas demonstrative probat, scilicet, has regulas scientifice deducit ex natura et causis ipsius rationis. Non solum docet modum recte ratiocinandi, sed etiam rationem tradit ejusdem modi derivatam ex subjecto, vel ex objecto, vel ex fine ratiocinationis.

(1) S. THOM., I-II, q. 57, a. 4.

Unde logica dicitur *ars* quia mentem ad recte judicandum per præcepta dirigit; dicitur *scientia* quia hæc præcepta per proprias eorum causas demonstrat.

Dicitur 3° *directive*, quia logica non est *scientia* pure *speculativa* sistens in contemplatione ordinis rationalis, sed est *scientia practica*, ordinem rationalem considerans ut applicetur et servetur in actibus rationis.

Dicitur 4° *rationis humanae*, quia actus rationis consti-
tuunt objectum circa quod versatur logica. *Operationes
mentis* in se igitur, sunt *objectum materiale logicæ*; ut *diri-
gibles* in cognoscenda veritate, sunt *objectum formale ipsius*.
Unde logica dicitur *scientia rationalis*, non quidem quia est
secundum rationem, quod est omnibus scientiis commune,
sed quia est circa ipsum actum rationis sicut circa proprium
objectum.

Dicitur 5° *in cognoscenda veritate*, et hisce verbis deter-
minatur *finis logicæ* qui est mentem expeditam facere ad veri-
tatem certo attingendam.

II. Divisio logicæ — 1° Ratione principii a quo procedit,
logica est *naturalis* et *artificialis* seu *scientificæ*.

Logica naturalis est aptitudo a natura cuique menti indita,
qua etiam rudes sine ullo magisterio nullaque doctrina de rebus
obviis et necessariis recte judicant. *Logica artificialis* est
disciplina studio comparati, est logica naturalis magis evoluta,
reflexione et studio perfecta.

2° Ratione objecti logica dividitur in *Dialecticam* in
Criticam.

Dialectica est illa pars logicæ quæ agit de mentis opera-
tionibus, nempe de apprehensione, judicio et ratiocinatione
necnon et de regulis ipsarum directivis. Dicitur etiam *Logica
pura, subjectiva, formalis*.

Critica est illa pars logicæ quæ agit de principiis supre-
mis quibus nititur certitudo cognitionis nostræ; investigat
enim utrum operationes mentis ad verum attingere possint.
Dicitur etiam *Logica applicata, objectiva, materialis*.

III. Logicae inventor. — Quæ de logica et præsertim de Dialectica traduntur, primo scientifice exposita sunt ab Aristotele Stagyrita, qui in philosophiam rationalem, scripsit libros, quos *Categoriarum*, *Perihermeneias*, *Priorum et Posteriorum Analyticorum*, *Topicorum*, *Elenchorum*, titulis donavit, et quorum collectio *Organum* dicitur. Ita profunde præcepta logicæ in his libris expendit, ut fatente ipso Kant, ⁽¹⁾ nihil addendum successoribus reliquerit. Barthélémy S. Hilaire, ⁽²⁾ qui recentissime Aristotelis opera de græco sermone in gallicum convertit, hæc de Logica Stagirite scripsit : « S'il m'est permis, en terminant ce prodigieux tableau, de ramener un instant les regards sur celui qui a essayé de le tracer, je dirai qu'ébloui et comme accablé de ce magnifique spectacle d'une intelligence dont les lumières ont inondé et vivifié les âges, je ne puis trouver des mots pour égaler et rendre le sentiment d'admiration qui me pénètre. Je répète après Leibnitz : *profundissimus Aristoteles!* et considérant qu'avant le Stagirite la science n'est pas née, et qu'après lui elle est close, je me surprends quelquefois à croire, par un mélange du sacré au profane, que la Logique d'Aristote est une sorte de révélation. »

IV. Logicae necessitas. — Logica est necessaria ad scientiam comparandam non utcumque sed perfecte. Etenim scientia perfecta versatur circa conclusiones, etiam remotissimas, a principiis deductas. Itaque philosopho necessaria est *quædam ars*, qua veluti duce ipse procedat, sine errore, a principiis ad conclusiones. Logica igitur docet quo modo procedendum est in cognoscenda veritate, ideoque facilius et tutius ad certitudinem ducit. Unde recte dicit S. Augustinus⁽³⁾ : « Hæc docet docere, hæc docet discere ; in hac reipsa ratio demonstrat, atque aperit quæ sit, quæ velit, quæ valeat.

(1) « La logique ne s'est pas trouvée dans la nécessité de reculer d'un pas depuis Aristote : ce qu'il y a encore de remarquable, c'est qu'elle n'a pu faire jusqu'ici un seul pas de plus. » *Critique de la raison pure*. Tome I, p. 2.

(2) *Logique d'Aristote*, t. p. 319.

(3) *De ordine*, L. II, c. 13.

Scit scire ; sola scientes facere non solum vult, sed etiam potest.⁽¹⁾

(1) « Mon père m'avait dressé à cette gymnastique intellectuelle où la logique de l'Ecole, et les habitudes d'esprit qu'on acquiert en l'étudiant jouaient le principal rôle. Je suis convaincu que, dans l'éducation moderne, rien ne contribue plus, quand on en fait un usage judicieux, à former des penseurs exacts, fidèles au sens des mots et des propositions, et en garde contre les termes vagues, lâches et ambigus. On vante beaucoup l'étude des mathématiques pour atteindre ce résultat : elle n'est rien en comparaison de celle de la Logique... Grâce à cette étude, des élèves parviennent à débrouiller une idée confuse et contradictoire avant que leur propre faculté de penser ait atteint son plein développement, tandis que tant d'hommes capables d'ailleurs n'y peuvent parvenir, faute d'avoir été soumis à cette discipline. Quand ils veulent répondre à leurs adversaires, ils s'efforcent de soutenir l'opinion contraire sans même essayer de répondre aux arguments de leurs antagonistes. » STUART MILL, *Mémoires*, p. 18.

« L'étude de la logique est un exercice éminemment propre à donner à l'esprit de la clarté, de la précision, de la rigueur... Elle force l'esprit à définir les mots avec précision ; à voir sous le mot l'idée, dans l'idée les caractères contenus et la sphère d'application ; à remarquer les rapports exacts des idées entre elles, comme aussi à s'enquérir de la portée exacte d'un jugement et des relations de plusieurs jugements entre eux... Ajoutons que la connaissance de la Logique, n'eut-elle aucun de ces résultats, n'en serait pas moins bonne et utile, en ce sens qu'il est toujours bon et utile de savoir. À quel sera de connaître les lois du mouvement des planètes ? Mais il semble que l'ignorance de ces lois diminuerait tout ensemble et l'univers et l'esprit de l'homme. L'ignorance des lois qui régissent la marche de la pensée ne serait pas moins dommageable. C'est pourquoi l'œuvre de Képler, qui nous a révélé les unes, et l'œuvre d'Aristote, qui nous a enseigné les autres, sont du même ordre et dignes au même titre de respect et d'admiration. » ERIC RABIER, *Logique*, 4^e édit. p. 90-92.

LOGICÆ PRIOR PARS

DIALECTICA

Dialectica regulas proponit quibus regitur intellectus in suis operationibus. Tres autem sunt intellectus operationes, tres igitur sunt dialecticæ partes :

- I° De simplici apprehensione.
- II° De judicio.
- III° De ratiocinio.

LIBER PRIMUS

DE SIMPLICI APPREHENSIONE

Simplex apprehensio terminatur ad *ideam*, exterius manifestatam *termino*, qui dicitur signum *ideæ*. Illa autem prima mentis operatione, *quid sit res aliqua cognoscimus*⁽¹⁾ : de re, quidem, cognoscitur quid sit, mediante *definitione* et *divisione*. Sequens igitur erit huius primi libri dialecticæ partitio :

- 1° De *ideis*.
- 2° De *terminis*.
- 3° De primo modo sciendi, seu de *definitione*.
- 4° De secundo modo sciendi, seu de *divisione*.

(1) ZIGLIARA, L. I. III.

CAPUT PRIMUM

DE IDEIS

Prologus. Querendum est de natura ideæ necnon et de speciebus, inter quas eminent ideæ quæ prædicabiles, prædicamentales et postprædicamentales dicuntur. Unde materia hujus capituli in quinque articulos distribuitur : 1° De *natura ideæ*, 2° De *divisione idearum*, 3° De *prædicabilibus*, 4° De *prædicamentis*, 5° De *postprædicamentis*. En igitur schema totius capituli :

I. De natura ideæ	Apprehensionis notio
	Ideæ notio
	Idearum comprensio et extensio
	Fontes divisionis idearum
	Ratione diversitatis objectorum
II. De divisione idearum	Positiva, negativa Abstracta, concreta Logica, realis
	Ratione comprensionis : Simplex, composita
	1° Singularis, particularis, universalis
	2° Universalis est : distributiva, collectiva
	3° Distributiva est
	univoca : prædicabilia, prædicamenta analogæ : transcendentalia
	Ratione subjecti
	Intuitiva, abstractiva Directa, reflexa
	Ratione perfectionis in repræsentando
	Clara, obscura Distincta, confusa Completa, incompleta Adæquata, inadæquata
Ratione comparationis ad invicem	Identica, diverse
	Associate, insociate Sociabiles inscribiles

III. De praedicas- bilibus	{ Notio Numerus: Genus, Species, Differentia, Proprium Coordinatio.
IV. De praedica- mentis	{ Notio Numerus : Substantia, Quantitas, Qualitas, Relatio, Actio, Passio, Ubi, Quando, Situs, Habitus Opposito: contradictoria, contraria, privativa, relativa. Prioritas : temporis, naturae, consequentiae, ordinis, Similitas : " " " dignitatis. Motus: Generatio, Corruptio, Augmentatio, Diminutio, Alteratio, Motus localis. Modus babendi.
V. De postpraedi- camentis	

ARTICULUS I

DE NATURA IDEÆ

I. Simplicis apprehensionis notio.—*Simplex apprehensio est actus intellectus, quo cognoscitur quidditas seu essentia rei quin de ea aliquid affirmetur vel negetur.*

Dicitur 1° *actus intellectus*, quia apprehendere est operatio intellectus non voluntatis.

Dicitur 2° *quo cognoscitur*, quia simplex apprehensio est cognitio quedam. Cognitio autem fit secundum quod cognitum est in cognoscente. Unde hæc prima mentis operatio dicitur *apprehensio* quia res cognita quasi manu apprehenditur et quodammodo in mentem transfertur, et in ea incipit existere idealibus veluti coloribus depicta.

Dicitur 3° *quidditas seu essentia rei*, quia objectum intellectus sunt naturæ rerum universales, seu essentia. «Sensus est singularium; intellectus autem universalium⁽¹⁾.»

Dicitur 4° *quin de ea aliquid affirmetur vel negetur, quia simplici apprehensione simpliciter percipitur de objecto quid sit; aliquid autem affirmare vel negare de ipso ad judicium pertinet.*

II. Ad simplicem apprehensionem reducuntur quidam actus qui denotant vel conditiones ejus vel operationes concomitantes. Tales sunt: *attentio, reflexio, abstractio, comparatio, analysis et synthesis.*

(1) *Sum. Theol.*, p. 1, q. 85, a. 3.

Attentio est mentis aversio a quocumque alio objecto ut obtutum suum in unum præ ceteris considerandum defigat.

Reflexio est redditus mentis in proprios actus considerandos.

Abstractio est actus mentis quo ex pluribus quæ in objecto sunt unum separativim considerat et apprehendit; v. g.: in Deo consideratur justitia.

Comparatio est actus mentis plures ideas inter se conferentis ut mutuas imdem relationes inveniantur.

Analysis est operatio qua mens conceptum quemdam compositum in plures conceptus simpliciores resolvit: v. g.: conceptus hominis analysi resolvitur in conceptus animalitatis et rationalitatis.

Synthesis est operatio qua mens plures conceptus simplices in unum cunjungit: v. g.: conceptus animalitatis et rationalitatis in unum hominis conceptum mens conjungit.

III. Ideæ notio. — *Idea* græce, latine *forma* dicitur. Est igitur idea: *forma alicujus rei præter ipsam rem existens.* ⁽¹⁾ Omnis cognitio fit secundum quod cognitum est in cognoscente. Est autem cognitum in cognoscente non secundum suam entitatem physicam et realem, sed secundum sui similitudinem. Unde idea etiam definitur: *simplex rei repræsentatio in mente facta.* ⁽²⁾

Dicitur 1° *Repræsentatio*. — Etenim non est idea ipsa res cognita, sed repræsentatio seu similitudo objecti cogniti.

2° *Rei*, scilicet, objecti. Objectum ideæ est id quod per ideam repræsentatur. Objectum illud duplex est, materiale et formale. *Objectum materiale* est res ipsa quæ mentis actu attingitur, prout in seipsa est. *Objectum formale* est id quod de re per ideam repræsentatur. Una eademque realitas physica potest esse formaliter multiplex, prout plura objecta formalia menti offert. Sic. v. g., in Deo mens considerare potest vel bonitatem, vel justitiam, vel sapientiam. Illæ diversæ formalitates quæ inveniuntur in uno objecto et quibus cognosci potest, dicuntur *notæ objecti intelligibilis*, et prout in ideis reluent, *notæ idearum*.

3° *Simplex*, ad excludendam affirmationem aut negationem quam continent mentales conceptus judicii et ratiocinii.

(1) *Sum. Theol.* p. I. q. 15, a. 1.

(2) ZIGLIARA. *Logica* I. III.

4° *In mente facta*, scilicet, in intellectu. Unde distinguatur idea a phantasmate oportet. a) Phantasma enim est opus imaginationis, idea autem ipsius intellectus. b) Phantasma commune est brutis et hominibus, non autem idea. c) Phantasma materialia modo materiali et sensibili representat; idea autem immaterialia vel materialia modo immateriali exhibit, scilicet, naturam rerum omni conditione materiali et sensibili expertem.

VI Ideæ diversa nomina. Idea varia sortitur nomina:

Species vocatur, quia est similitudo vel imago objectum representans. **Conceptus** dicitur, quia est partus quidam et opus mentis. Dicitur **conceptus formalis** prout denominat ipsam ideam, et **conceptus objectivus** prout significat ipsum objectum cuius idea est representatio seu similitudo.

Verbum mentis vocatur, quia illa similitudine res ipsa mente profertur et mens sibi quodammodo loquitur.

Terminus mentalis tandem dicitur, quia est ultimum elementum in quod complexæ mentis operationes, nempe judicium et ratiocinium, resolvuntur.

V. Idearum comprehensio et extensio. — Omnis idea unam vel plures notas comprehendit, uni vel pluribus subjectis convenit. *Collectio notarum ideæ* dicitur **comprehensio ideæ**. **Extensio ideæ** est *collectio individuorum quibus idea convenit*.

Quo major est ideæ comprehensio, eo minor est ejus extensio, et vicissim.

Ex.: *Substantialitas* et *corporeitas* constituunt comprehensionem ideæ corporis. *Substantialitas*, *corporeitas*, *vita*, *sensibilitas*, constituunt comprehensionem ideæ animalis. Sed animal habet extensionem minorem ac corpus, quia comprehensio ejus est major. Omnia corpora et animalia existentia efformant extensiō rem idearum corporis et animalis.

ARTICULUS II

DE DIVISIONE IDEARUM

I. Fontes divisionis idearum. Ideæ possunt considerari absolute vel relative. *Absolute*, secundum diversitatem objectorum quæ repræsentant, secundum comprehensionem vel extensionem ipsarum. *Relative*, secundum relationem ad subjectum in quo sunt, seu *ratione originis*, secundum relationem ad objecta repræsentata, seu *ratione perfectionis* in repræsentando, secundum relationem ad alias ideas, seu, *ratione comparationis* idearum ad invicem. Ideæ igitur dividuntur :

- 1° Ratione diversitatis objectorum ;
- 2° Ratione comprehensionis ;
- 3° Ratione extensionis ;
- 4° Ratione subjecti seu originis ;
- 5° Ratione perfectionis in repræsentando ;
- 6° Ratione comparationis ad invicem.

II. Divisio idearum ratione diversitatis objectorum.

a) Idea est *positiva* vel *negativa*.

Idea positiva est illa quæ exprimit entitatem aliquam ; v. g. : lux, vita.

Idea negativa est illa quæ entitatis carentiam exprimit ; v. g. : tenebræ, mors, cæcitas. Idea negativa supponit ideam positivam qua mediante concipitur, nam omnis negatio supponit affirmationem ; v. g. : *visio* est entitas quedam positiva, cuius

negatio cæcitatem constituit, et ipsa notio cæcitatris non concipitur nisi notione visionis. Unde negativa per positiva intelliguntur.

b) *Idea est abstracta vel concreta.*

Idea abstracta est illa quæ exprimit aliquam formalitatem præcisam a quocumque subjecto; v. g.: *sanitas, humanitas*. — Formalitas est omnis notio seu ratio qua aliquid concipitur et denominatur. Subjectum est omne id cui aliquid tribuitur.

Idea concreta est illa quæ exprimit aliquam formalitatem sed ut affientem aliquid subjectum; v. g.: *sanus, homo, doctus*.

Omne concretum componitur ex subjecto et ex aliqua formalitate; v. g.: *sanus, ille* (subjectum) cui tribuitur *sanitas* (formalitas); *homo, ille* cui tribuitur *humanitas*, etc.

Concretum est triplex: *metaphysicum, physicum, logicum*.

Concretum metaphysicum est illud in quo formalitas intrinsece et essentialiter inhæret subjecto; v. g.: *homo, humanitas* intrinsece et essentialiter inest homini.

Concretum physicum est illud in quo formalitas intrinsece inhæret subjecto, non autem essentialiter; v. g.: *medicus, medecina* (ars seu scientia) inhæret intrinsece homini cum non autem essentialiter.

Concretum logicum est illud in quo formalitas neque essentialiter neque intrinsece inhæret subjecto; v. g.: *homo laudatus, laus* non est in ipso laudato, sed in ore laudantium.

c) *Idea est realis vel logica:*

Idea realis est illa quæ exprimit objectum prout in se est, independenter a mentis consideratione; v. g.: *angelus, homo, Deus*.

Idea logica est illa quæ exprimit objectum secundum essendi modum quem habet a mente et in mente; v. g.: *genus, species*.

Cum autem objectum primæ mentis considerationi subest prout in se est, idea realis dicitur exprimere *objectum prime*

intentionis; cum vero in secunda consideratione, objecta ordinem, vel dispositionem, vel essendi modum a mente accipiunt, idea logica dicitur representare *objecta secundæ intentionis*.

III. Divisio idearum ratione comprehensionis. —

Ratione comprehensionis idea est *simplex* vel *composita*.

Idea simplex est illa quæ ex pluribus notis non constat, ac proinde in plures resolvi non potest; v. g.: idea entis.

Idea composita est illa quæ pluribus notis constat, et quæ in plures resolvi potest; v. g.: idea hominis⁽¹⁾

IV. Divisio idearum ratione extensionis.

Ratione extensionis idea est *singularis* vel *universalis*.

Idea singularis est illa quæ designat individuum, objectum scilicet ita determinatum ut pluribus convenire non possit; v. g.: Petrus, Roma. Individuum constituitur notis quæ simul sumptæ nonnisi uni convenire possunt. Istæ notæ dicuntur *individuantes*, et sequenti versiculo continentur;

Forma, figura, locus, tempus, stirps, patria, nomen.

Idea universalis est illa quæ significat aliquid unum commune pluribus aliqua saltem ratione; v. g.: homo, animal, substantia. Subjecta seu individua quibus idea universalis convenit dicuntur *inferiora* ideæ.

Idea universalis vel sumitur secundum totam suam extensionem et dicitur *simpliciter universalis*, vel sumitur cum quadam restrictione et dicitur *idea particularis*; v. g.: aliqui homines:

1° Idea universalis est *distributiva* vel *collectiva*:

Idea distributiva est illa quæ significat aliquid commune pluribus cum collectim tum divisim sumptis; v. g.: homo, circulus.

(1) Zigliara definit *ideam simplicem*, quæ unicam rei essentiam significat; *ideam compositam*, quæ multiplicem rei essentiam exprimit. Recentes tamen alteram definitionem amplectati sunt.

Idea collectiva est illa quæ significat aliquid commune pluribus non divisi sed simul sumptis ; v. g. : civitas, familia.

2° **Idea universalis** alia est *univoca*, alia *analogia*.

Idea univoca est illa quæ significat aliquid commune pluribus eadem ratione ; v. g. : homo.

Idea analogia est illa quæ significat aliquid commune pluribus ratione partim eadem, partim diversa ; v. g. : visio quæ communiter dicitur de cognitione tum sensitiva, tum intellectiva.

Objecta per ideas analogas repræsentata dicuntur *analogia* et definiuntur : illa quorum nomen commune est, res seu ratio per nomen significata partim eadem, partim diversa.

V. Transcendentalis idea. — Idea universalis dividitur in ideam univocam vel analogam. Inter ideas univocas recensentur *prædicabilia* et *prædicamenta* de quibus proponitur quæstio in sequentibus articulis ; inter ideas analogas numerantur *transcendatalia*. **Idea transcendentalis** est id *quod omnibus ac singulis rebus quæ sunt aut esse possunt aliqua saltem ratione convenit*. Transcendatalia sunt quinque numero : *ens, verum, bonum, aliquid, unum*. Dicuntur *transcendentalia* quia nullo rerum genere determinato continentur ; transcendunt omnia genera. Determinatur natura unius et alterius transcendentalis in Metaphysica.

VI. Divisio idearum ratione subjecti vel originis.

a) **Idea est intuitiva et abstractiva.**

Idea intuitiva est illa quæ immediate accipitur a praesentia reali rei cognitæ, v. g. idea meæ cogitationis.

Idea abstractiva est illa quæ non immediate accipitur ab ipsa re cognita, sed ab alia re prius nota in qua resultat ; v. g. : causa ex effectu.

b) **Idea est directa et reflexa.**

Idea directa est illa quæ repræsentat objectum, prout primo menti subest ; v. g. : idea coloris, corporis.

Idea reflexa est illa quæ repræsentat objectum prout subest menti in ipsum reflexione redeunti ut melius conside-

retur. — Reflexione autem mens reddit ad considerandum : vel objectum jam directe cognitum, et illa reflexio dicitur *ontologica* seu simpliciter *recogitatio* ; vel proprios actus subjecti cogitantis, et reflexio dicitur *psychologica*, seu simpliciter *conscientia* ; sic, consciī sumus nos intelligere et velle.

VII. Divisio idearum ratione perfectionis in representando.

a) Idea est *clara* vel *obscura*.

Idea clara est illa cuius ope objectum a quolibet alio secernimus ; v. g., habetur idea clara leonis cuius ope leonem ab alio objecto distinguere possumus.

Idea obscura est illa cuius ope objectum ab aliis non satis discerni potest.

b) Idea est *distincta* vel *confusa*.

Idea distincta est illa quae exhibet præcipuas notas essentiales quibus res aliqua constituitur ; v. g., idea distincta homini est illa cuius ope non tantum distinguitur homo ab alio objecto sed qua cognoscitur homo esse compositum corporis organici et animæ rationalis.

Idea confusa illa est quae non exhibet præcipuas notas essentiales quibus res constituitur.

c) Idea est *completa* vel *incompleta*.

Idea completa est illa quae clare exhibet omnes notas essentiales in quas resolvi possunt notæ principialiores quibus res constituitur ; v. g. : idea completa hominis non tantum exhibit hominem esse animal rationale, sed ut animal, esse substantiam corpoream, organicam, sensibilem.

Idea incompleta est illa quae non exhibet omnes notas essentiales in quas resolventur notæ principialiores quibus res constituitur.

d) Idea est *adæquata* vel *inadæquata*.

Idea adæquata est illa quae totam intelligibilitatem rei exhaustit ; v. g. : idea adæquata alicujus objecti possidetur, cum cognoscuntur non tantum notæ essentiales, sed etiam

notæ individuantes, et omne id quod ad tale objectum pertinet quacumque ratione.

Idea inadæquata est illa quæ totam intelligibilitatem rei non exhauiat, eoque eam non adæquat.

VIII. Divisio idearum ratione comparationis ad invicem.

a) Ideæ sunt *identicæ* vel *diversæ*.

Ideæ identicæ sunt illæ quæ ex iisdem notis resultant ; v. g. : homo et animal rationale.

Ideæ diversæ sunt illæ quæ diversis notis coalescunt ; v. g. : domus et arbor.

b) Ideæ sunt *associatae* vel *insociatae*.

Ideæ associatae sunt illæ quæ inter se ita mutuo nexu conjugantur ut una habita aliam in mentem revocet ; v. g. : fumus et ignis. (1)

Ideæ insociatae sunt illæ quæ neque in se, neque respectu subjecti cogitantis ullo nexu tenentur.

Ideæ ad invicem associari possunt duplici nexu, objectivo scilicet et subjectivo : objectivus oritur ex natura ipsa vel conditionibus objectorum, nexus subjectivus, ex conditione subjecti cogitantis. — Nexus objectivus, — vel est naturalis, ut : 1° *relatio causæ et effectus*, sic fumus evocat ideam ignis, Æneides, ideam Virgilii ; 2° *relatio principii et consequentiæ*, ut imputabilitas revocat ideas meriti et demeriti, fatalismus, ideas negationis imputabilitatis et moralitatis ; 3° *relatio medii et finis*, ut aratum revocat ideam arationis, seminatio, ideam messionis ; — vel est accidentalis, ut : 1° *relatio similitudinis et oppositionis* : mors Ludovici XVI, regis Galliæ, revocat ideam mortis Caroli I, regis Angliæ, et bellum, ideam pacis ; 2° *relatio contiguïtatis in loco et tempore* : Virgilius in mentem revocat sæculum Augusti, et Tiberinum flumen, Romam ;

(1) Nulle pensée en nous ne languit solitaire ;
L'une rappelle l'autre, et, grâce aux noeuds secrets
Par qui sont alliés les différents objets,
En images sans fin une image est féconde. DELILLE, *Imag.* I.

3° relatio resultans inter plura ex moribus et institutione hominum, sic vexillum revocat ideam patris, et corona laurea ideam victoris, divitiae ideam beatitudinis. Nexus autem subjectivus est etiam multiplex, sed difficilius enumerantur relationes ex quibus exurgit; tamen ad sequentia capita reduci possunt. Associatio enim subjectiva oritur: 1° vel ex eo quod illae idæ quæ associantur simul a nobis jam habitæ sunt; 2° vel ex eo quod siniles aut oppositas ideas jam experti sumus; 3° vel ex eo quod in similibus aut oppositis circumsstantiis versati sumus.

Quanti momenti sit idearum associatio, facile apparet ex ejus influxu in memoriam cuius exercitium facilius reddit, in phantasiam, cuius evagationes explicat, in litteras quarum omnes fere tropi, metaphora scilicet, allegoria, comparatio, etc., in ipsa nituntur, in ipsam ritæ consuetudinem⁽¹⁾ cuius rectitudinem vel improbitatem demonstrat, errores enim et præjudicia falsas idearum associationes ut fundamentum habent.

c) *Idæ sunt sociabiles vel insociabiles:*

Idæ sociabiles sunt illæ quæ convenire possunt simul in uno eodemque subjecto; v. g.: *justitia et misericordia, virtus et scientia.*

Idæ insociabiles sunt illæ quæ ad invicem sese excludent; v. g.: *materia et cogitatio, rotunditas et quadratura, ens et non ens.*

(1) Accoutumons-nous à joindre ces deux idées: gloire et plaisirs de la terre, éternelle confusion; et encore ces deux-ci: croix et mortifications, félicité éternelle. BOSSUET, *Méditations sur l'Évangile*.

ACTICULUS III

DE PRÆDICABILIBUS

I. **Prædicabilium notio et numerus** : — *Prædicabilia sunt diversi modi secundum quos idea universalis de suis inferioribus affirmari potest. Prædicatio enim est affirmatio vel negatio alicujus de aliquo.*

Prædicabilia sunt quinque numero: nam idea universalis affirmari potest de suis inferioribus quinque diversis modis. Etenim idea universalis affirmatur de suis inferioribus vel ut aliquid pertinens ad essentiam eorum, vel ut aliquid eorum essentiae superveniens. In primo casu vel explicat totam et integrum essentiam suorum inferiorum, et sic habetur species, v. g.: Petrus est homo; vel partem essentiae, potentiali et determinabilem qua inferiora cum cæteris conveniunt, et vocatur genus, v. g.: Petrus est animal: vel partem actuantem et determinantem qua res ab aliis discriminatur, et est differentia, v. g.: Petrus est rationale. — In secundo casu, vel idea universalis affirmatur ut aliquid ex principiis essentialibus proveniens et habens necessariam connexionem cum illis, et dicitur proprium, v. g.: Petrus est capax scientie; vel est aliquid non habens necessariam connexionem cum principiis essentiae, et dicitur accidentis, v. g.: Petrus est justus. Quinarius igitur est numerus prædicabilium: Genus, species, differentia, proprium et accidentis, quod sequenti schemate clarius apparebit. Prædicatio est:

Essentialis	$\left\{ \begin{array}{l} \text{Completo : Species — Petrus est homo.} \\ \text{Incompleto : } \left\{ \begin{array}{l} \text{Genus — Petrus est animal.} \\ \text{Differentia — Petrus est rationalis.} \end{array} \right. \end{array} \right.$
Accidentalis	$\left\{ \begin{array}{l} \text{Necessaria : Proprium — Petrus est capax sciendi.} \\ \text{Contingens : Accidens — Petrus est justus.} \end{array} \right.$

II. Singulorum prædicabilium notio.

Species est unum aptum inesse pluribus, numero differentibus, et prædicari de illis in quid complete ; v. g. : *Homo* prædicatur de Petro ut species.

Dicitur a) *Unum aptum inesse pluribus* ; quod dicitur de singulis prædicabilibus, sunt enim idem universales.

b) *Numero differentibus* : — numero differre est differre per unam vel alteram ex septem notis quæ constituunt individuum. Species prædicatur de inividuis, seu inferiora speciei sunt individua, quæ quidem non differunt nisi notis individuantibus.

c) *Et prædicari de illis*, prædicabilis enim proprium est prædicari, affirmari de pluribus subjectis.

d) *In quid*, scilicet, sicut aliiquid pertinens ad essentiam rei de qua prædicatur.

e) *Complete*, quia species est prædicatum dicens totam essentiam rei de qua affirmatur.

Genus est unum aptum inesse pluribus, specie differentibus, et prædicari de illis in quid incomplete ; v. g.: *Animal*.

Dicitur a) *specie differentibus* quia inferiora immediata generis sunt species ; v. g. : *Homo* est *animal*.

b) *In quid incomplete*, quia genus est prædicatum quidditativum seu essentiale, dicens partem tantum nempe determinabilem essentiae subjecti de quo prædicatur.

Differentia est unum aptum inesse pluribus et prædicari de illis *in quale quid*; v. g.: *Rationale* affirmatur de homine ut differentia.

Dicitur *in quale*, scilicet, per modum qualitatis, *quid, essentialis*.

Proprium est unum aptum inesse pluribus et prædicare de illis *in quale necessario*; v. g.: *Risibilitas* dicitur **proprium hominis**.

In quale necessario, scilicet, per modum qualitatis necessariae. In quo differunt ad invicem *qualitas essentialis* et *qualitas necessaria*, ex hoc apparet quod *qualitas essentialis* est constitutiva essentiae, dum *qualitas necessaria* dimanat ab essentia jam constituta.

Accidens est unum aptum inesse pluribus et prædicari de illis *in quale contingenter*; v. g.: *Sedere* prædicatur de homine ut accidens.

In quale contingenter, scilicet, sicut *qualitas quædam contingens*, quæ potest esse vel non esse in *subjecto*.

III. Generum, specierum et differentiarum coordinatio. Genera, species et differentiae inter se coordinari possunt: nempe genus est *supremum, infimum et subalternum*.

Genus supremum est illud quod supra se non habet aliud genus, sed transcendentalia tantum; v. g.: *substantia*. — *Genus infimum* est illud quod infra se non habet aliud genus sed tantum species; v. g.: *animal*. — *Genus subalternum* est illud quod tum supra se, tum infra se habet alia genera; v. g.: *vivens*.

Eodem modo species dicitur *suprema, infima et subalterna*, ita etiam differentia. Coordinatio generum, specierum et differentiarum exhibetur in sequenti schemate, quod *Arbor porphyriana* dicitur, a Porphyrio qui in sua *Isagogæ* ipsum tradidit:

Substantia	
corporeæ	incorporeæ (spiritus)
	Corpus
organicum	inorganicum (minerale)
	Vivens
sensibile	insensibile (planta)
	Animal
rationale	irrationale (brutum)
	Homo
Paulus, Carolus, Henricus, etc.	

Toto genere differunt quæ in nullo genere convenient, v. g. : piscis et voluntas. — *Genere* differunt quæ in eodem genere proximo non continentur ; v. g. : animalia et mineralia. *Genus* autem *proximum* est illud sub quo immediate continetur species de qua quæritur ; v. g. : animal respectu hominis. — *Specie* differunt quæ continentur in eodem genere proximo sed non in eadem specie ; v. g. : homo et brutum. Quæ specie differunt, eodem genere proximo constant, sed non eadem differentia ultima. *Differentia ultima* est illa quæ cum genere proximo constituit speciem. *Genus proximum* hominis et bruti est *animal*, sed *differentia ultima* hominis est *rationale*, bruti autem, *irrationale*.

ARTICULUS IV

DE PRÆDICAMENTIS SEU CATEGORIIS

I. **Prædicamentorum notio.** — Prædicabilia sunt diversi modi prædicandi aliquid de aliquo ; sed illa quæ prædicantur sunt innumera et indigent ordinari. Omnia autem prædicata universalia possunt in diversas classes distribui, ita ut sub supremo genere, naturali et ordinata serie, reliqua genera et species subalternæ usque ad infimam et usque ad individua per gradus suos collocentur. Series ejusmodi a supremo genere descendens usque ad individua, vel ab individuis ascendens usque ad suprema genera, nomen habet *prædicamenti*. Etenim quæ Aristoteles, *categorias*, latini, duce Boetio, *prædicamenta* dixerunt, quo nomine significantur suprema genera ad quæ universales rerum conceptus revocantur.

Definitur ergo *prædicamentum* logice acceptum : *naturalis dispositio seu series generum, specierum et individuorum quæ sub genere supremo continentur*. — Hæc ordinatio est opus rationis res a se conceptas ordinantis, ideoque *prædicamentum logicum* est formaliter *ens rationis* ; sed fundatur in *ente reali*, quia mens ordinat rationes objectivas quas de rebus intelligit. Unde dicitur *prædicamentum logicum tota series ab individuo ad genus supremum*. *Prædicamentum* autem metaphysicum est *modus essendi supremus proprius entis realis finiti*. (1)

(1) LORENZELLI, *Philosophiae theoreticæ Institutiones*. Vol. I, p. 36.

II. Prædicamentorum numerus. — Licet plena tractatio prædicamenti ad metaphysicam spectet, solet tamen aliquid de ipsis quasi obiter in logica notari, nec improprie. Etenim munus logicæ est ordinare operationes mentis in acquirenda veritate; quod facere non potest, nisi ordinata habeat ea ex quorum investigatione veritas comparatur. Quare, scholastici, duce Aristotele, omnes realitates finitas, quæ de aliquo subjecto nuntiari possunt, in decem classes, categorias seu prædicamenta nuncupatas, distribuunt.

Distributio prædicamentorum non desumitur ex numero rerum, sed ex diversis essendi modis qui rebus competunt. Jam vero, quæcumque res est *ens*, et ipsi enti competit *decem* diversi essendi modi. Etenim enti competit esse vel *in se* vel *in alio*; si est *in se* dicitur *substantia*; si autem est *in alio*, dicitur *accidens*, quod *multiplex* est pro multiplici modo essendi *in alio*. Et quidem potest aliquid esse *in alio*, aut ut illud *extendens* (*quantitas*), aut ut illud *modificans* (*qualitas*), aut ut illud ad aliud *referens* (*relatio*), aut ut ejusdem *actio* vel *passio*, aut ut illud determinans quoad *locum*, *tempus*, *situm*, *habitum*. Ergo sunt decem prædicamenta, seu diversi modi generales quibus ens existit. Qui diversi modi, memoriæ adjuvandæ causa, his versiculis comprehenduntur.

Arbor	sex	servos	ardore	refrigerat	ustos;
<i>Substantia</i>	<i>Quantitas</i>	<i>Relatio</i>	<i>Qualitas</i>	<i>Actio</i>	<i>Passio</i>
Ruri	cras	stabo	sed tunicatus	ergo	
<i>Ubi</i>	<i>Quando</i>	<i>Situs</i>	<i>Habitus</i>		

III. Discrimen inter prædicamentum et prædicabile. — Prædicamenta sunt suprema genera rerum sub quibus ordinantur prædicata. Prædicabilia vero sunt diversi seu varii modi prædicandi aliquid de aliquo. Differunt igitur prædicamenta a prædicabilibus, sicut attributa a modo attributionis, sicut prædicata a modo prædicandi. Prædicamenta exhibent attributa ipsa quæ prædicantur, prædicabilia exhibent modum quo prædicantur. Unde notio prædicamentalis exprimit aliquid absolutum, rem nempe prout in se est vel existit,

exprimit modum essendi rei ; prædicabilis notio exprimit aliquid relativum, rem prout refertur ad aliud, scilicet, ad subjectum de quo prædicatur, exprimit nempe modum prædicandi rem. In propositione : Petrus est homo, *homo* est prædicatum. Si consideratur prædicatum in se ut modus essendi rei, *homo* est res cui competit esse per se, est *substantia*, seu in prædicamento substantiæ ; si consideratur prædicatum prout refertur ad subjectum de quo affirmatur, scilicet, modus prædicandi rem, *homo* affirmatur de Petro in quid complete, est nempe prædicatum dicens essentiam completam subjecti, est *species*. — Quia autem prædicamentum exprimit rem prout in se est et primæ mentis consideratiōi subest, dicitur objectum primæ intentionis.⁽¹⁾ Prædicabile vero exprimit rem prout subest secundæ mentis considerationi in qua mens, reflexione in proprios conceptus, ipsos refert ad subjecta, ideo prædicabile est objectum secundæ intentionis.

IV. Conditiones quæ requiruntur ut res sit in prædicamento. — Ut res aliqua esse possit in prædicamento requiritur ut sit :

1° *Ens reale*, nam ens reale, non autem ens rationis, secundum diversos modos essendi in decem prædicamenta distribuitur.

2° *Ens per se*, id est unicam dicens essentiam ; ens per *accidens*, multiplicem naturam complectens, secundum diversas essentias ad plura prædicamenta reduci debet.

3° *Ens finitum*, quia ens infinitum transcendent omnia genera.

4° *Ens completum*, quia partes non ratione sui, sed ratione totius ad prædicamentum reducuntur.

5° *Ens univocum*, quia prædicata essentialia univoce prædicantur de omnibus quæ sub eodem genere continentur.

(1) Nihil minus prædicamentum logice spectatum est *secunda intentio* : nam dicit ordinem seu dispositionem prædicatorum sub uno genere, qui ordo est opus mentis, et ens rationis.

V. De diversis modis quibus aliquid in categoria seu prædicamento poni potest. — Tribus modis aliquid in categoria poni potest : *directe, indirecte, reductive.* *Directe* in categoriis collocantur genera, species et individua, quia rationem totius habent. *Indirecte* ponuntur in categoriis differentiae quæ sunt in linea laterali, et generibus adjacent ad constituendas species. *Reductive* omnia ea quæ sunt principia illorum quæ sub prædicamento sunt, ut partes sesentiales, vel integrantes, etc.

VI. Singulorum prædicamentorum notio. — Determinare naturam prædicamentorum, prout essendi modos reales significant, ad metaphysicam pertinet ; unde hic in logica unius et alterius prædicamenti definitionem breviter tantum referemus.

Substantia est ens, cui competit esse in se, et non in alio tanquam in subjecto, v. g. : *homo*. *Accidens* est ens qui convenit esse in alio tanquam in subjecto. *Quantitas* est accidens extensivum substantiæ. *Relatio* est ordo seu habitudo unius ad alind, ut *paternitas, servitus*. *Qualitas* est accidens modificativum substantiæ in seipsa, ut *sanitas, virtus*. *Actio* est accidens quo causa constituitur actu aliquid producens, ut *percussio*. *Passio* est accidens quo actio in subjecto recipitur, ut *calefieri*. *Ubi* est determinatio rei ad locum, v. g., *in cælo, domi*. *Quando* est determinatio ad tempus, v. g. : *hoc anno*. *Situs* est dispositio partium in loco, v. g. : *stare, sedere*. *Habitus* est ordo indumenti ad indutum, v. g. : *vestitus, calceatus*.

VII. Accidens prædicamentale distinguitur ab accidente prædicibili. — a) *Accidens prædicamentale* exprimit omne id *quod existit in alio*, i. e. id cui non competit *esse in se*, sed *in alio*, tanquam in subjecto ; igitur *accidens prædicamentale* complectitur *proprium* et *directe opponitur substantiæ*. b) *Accidens prædicabile* exprimit *modum contingentem* quo aliquid predicitur de aliquo. Igitur *accidens prædicabile* opponitur *proprio* ; etenim *proprium* est in alio modo necessario. Attamen *accidens prædicabile* potest esse *substantia*, sicut

vestis respectu *omnis*. c) Non datur *medium* inter substantiam et accidens prædicamentale, quia non concipitur medium inter *existere in se* et *existere in alio*. d) Datur vero *medium* inter substantiam et accidens prædicabile, scilicet *proprium*. Nam inter *existere in se* (substantiam) et *existere in alio modo contingentia* (accidens prædicabile) habetur *modus necessarius* (*proprium*) existendi in alio. Etenim *homo* (substantia) habet *potestatem loquendi* (*proprium*) et postea *loquitur* (accidens prædicabile.)

ARTICULUS V

DE POSTPRAEDICAMENTIS

I. Postprædicamentorum notio et numerus.—Postprædicamenta sunt diversi respectus qui prædicamenta consequuntur, quando non in seipsis sed ad invicem considerantur. Quinque sunt numero : *Oppositio, prioritas, similitas, motus, modus habendi.*

II. De oppositione.—*Oppositio est repugnantia duorum essendi simul et sub eodem respectu in uno eodemque subjecto.*—Oppositio est *relativa, contradictoria, privativa et contraria.* Etenim repugnantia hæc habetur vel ratione dependentiae seu ordinis, et habetur oppositio relativa ; vel ratione remotionis vi cuius unum excludit alterum, et in hoc casu, vel unum totaliter removet alterum, et habetur oppositio contradictoria ; vel relinquit subjectum, et oppositio est privativa ; vel tandem relinquit subjectum et etiam genus, et oppositio est contraria.

Oppositio relativa est repugnantia quæ oritur ex mutuo respectu seu ordine duorum inter se ; v. g. : oppositio inter patrem et filium.

Oppositio contradictoria est repugnantia inter ens et non ens, inter rem et ejus negationem. Contradictoria sunt illa quorum unum est negatio totalis alterius ; v. g. : Homo et non homo, lapis et non lapis.

Oppositiō privativa est repugnantia inter formam et ejus carentiam in proprio subjecto, scilicet, in subjecto capaci ; v. g. : inter cæcitatē et visum in homine, inter scientiam et ignorantiam in intellectu.

Oppositiō contraria est repugnantia duorum quæ sub eodem genere ponuntur sed ab eodem subjecto mutuo sese excludunt : v. g. : Virtus et vitium, scientia et error, album et nigrum. Contraria igitur sunt illa quæ in eodem genere sunt, sed quæ simul in uno eodemque subjecto conjungi non possunt.—Contraria alia sunt *mediata*, alia *immediata*. *Mediata* sunt illa quæ medium habent, quorum igitur neutrum necesse est inhærere subjecto : v. g. : Album et nigrum.—*Immediata* sunt illa quæ medium non habent et quorum unum necesse est inhaerere subjecto proprio aut de ipso prædicari : v. g. : Sanitas et morbus, respectu animalis ; par et impar respectu numeri ; honestas et dishonestas respectu actus liberi.

III. De prioritate.—*Prioritas* est *præcessio unius ad alterum*. Quia autem quinque modis unum potest præcedere alterum, quintuplex est prioritas : *temporis seu durationis, naturæ, consequentiæ, ordinis et dignitatis*.

Prioritas temporis est *præexistētia unius ad existentiam alterius* ; v. g. : adolescentia præcedit virilitatem.

Prioritas naturæ est *cæxistentia duorum ita ut tamen unum esse accipiat ab altero* ; v. g. : sol et lux sunt simul, sed quia lux est a sole, sol est prior natura luce.

Prioritas consequentiæ est *præcessio unius ad alterum eo quod hoc secundum subaudit et includit primum* ; v. g. : Est homo, ergo animal : animal habet prioritatem consequentiæ respectu hominis.

Prioritas ordinis est *præcessio unius ad alterum in rerum dispositione* ; v. g. : in philosophia, logica est prior metaphysica.

Prioritas dignitatis est *præcessio unius ad alterum in ratione officii* ; v. g. : rex est prior subditis.

IV. De simultate.—*Simultas* est *negatio præcedentiae unius ad alterum*. Est *temporis, naturæ, ordinis, etc., secun-*

dum quod negatur præcessio temporis, vel naturæ, vel ordinis, etc.

V. De motu. *Motus, late sumptus, est transitus ab uno ad alium modum sese habendi. Sex species numerantur : generatio, corruptio, augmentatio, diminutio, alteratio, latio seu motus localis.*

Generatio est transitus a non esse ad esse substantiale ; v. g. : de non homine generatur homo.

Corruptio est transitus ab esse substantiali ad non esse ; v. g. : per ignem lignum corrumpitur.

Augmentatio est transitus a minori ad majorem quantitatem ; v. g. : homo nutritione augmentatur.

Diminutio est transitus a majori in minorem quantitatem ; homo morbo vel senectute minuitur.

Alteratio est transius subjecti ab una in aliam qualitatem ; v. g. : a sanitate ad segritudinem.

Latio seu motus localis est transius corporis ab uno in aliud locum.

VI. De modo habendi. — *Modus habendi est determinata ratio qua una res alteram habere dicitur. Quinque recensentur : 1° Per inhæsionem, ut homo habet scientiam ; 2° Per continentiam, ut dolium habet vinum ; 3° Per possessionem, ut homo habet agrum ; 4° Per relationem, ut pater habet filium ; 5° Per juxtapositionem, ut homo habet vestem.*

CAPUT SECUNDUM

DE TERMINIS

Prologus. — Quæ de terminis dicenda sunt, sub duobus articulis distribuuntur : de natura terminorum, et de proprietatibus. Tota materia capitinis, sequenti scheniate ordinate proponitur :

De terminis.	
I. De natura	Signi notio Signi species Termini notio Termini species
	{ 1° Formale, instrumentale, arbitrarium. 2° Speculativum, practicum. Gestus Vocabulum Scriptura 1° Categorematicus, syncategorematicus 2° Simplex, complexus 3° Univocus, analogus sequivocus 4° Absolutus, connotatus 5° Positivus, negativus 6° Concretus, abstractus 7° Singularis, particularis, universalis
II. De proprietatibus	Suppositio Appellatio Ampliatio Restrictio Alienatio
	natura species { 1° materialis, formalis 2° formalis est : realis, logica 3° realis est : absoluta, personalis 4° personalis est : singularis, universalis, particularis 5° universalis est : distributiva, collectiva 6° particularis est : disjunctiva, disjuncta leges natura species : materialis, formalis leges

ARTICULUS I

DE NATURA TERMINORUM

I. **Signi notio.**—Termini sunt signa idearum. **Signum** autem a S. Augustino definitur : *res quæ, præter speciem quam ingerit sensibus, aliud aliquid facit in cogitationem venire*; ⁽¹⁾ v. g. : fumus est signum ignis. Signum igitur est omne id quod prius cognitum hoc ipso dicit in cogitationem alterius. Signum propriæ dictum est quid sensibile, unde dicit Augustinus : « *res quæ præter speciem quam ingerit sensibus* ». — In signo tria considerari possunt : 1° res quæ significat, et dicitur **signum**; 2° res quæ significatur, et dicitur **signatum**; 3° vis significandi, seu nexus inter signum et signatum, et vocatur **significatio**.

II. **Signi divisio.**—a) Signum est *formale* vel *instrumentale*.

Signum formale est illud quod dicit in cogitationem alterius vi similitudinis; v. g. : statua, imago, sunt signa formalia personarum vel rerum quas repræsentant.

Signum instrumentale est illud quod dicit in cogitationem alterius vi cuiuslibet alterius connexionis, scilicet, quin sit rei significatæ similitudo; v. g. : fumus est signum instrumentale ignis.

b) Signum est *naturale* vel *arbitrarium*.

(1) *De doctrina christ.*, l. II, c. I, n. I.

Signum naturale est illud quod vim significandi *ex natura sua* habet, unde apud omnes idem significat; v. g.: genitus est signum naturale doloris, risus lætitiae, fumus ignis.

Signum arbitratum, quod etiam dicitur *signum datum vel ad placitum*, est illud quod vim significandi habet *ex institutione Dei vel hominum*; v. g.: laurus est signum victorie, vexillum album signum pacis, sacramenta signum gratiae.

c) **Signum est speculativum vel practicum.**

Signum speculativum est illud quod non efficit quod significat; v. g.: oliva est signum speculativum pacis, ipsam significat sed non facit.

Signum practicum est illud quod non tantum significat, sed causat seu efficit rem significatam; v. g.: boreas est signum frigoris, Sacraenta N. L. sunt signa practica gratiae.

III. Termini notio. — **Terminus, quoad nomen**, idem est ac *limes, extremum*, et ab Aristotele definitur: *id in quod resolvitur propositio tanquam in prædicatum et subjectum.*⁽¹⁾ Etenim subjectum et prædicatum sunt extrema propositionis, sunt termini. Unde quemadmodum idea dicitur *terminus mentalis*, quia est ultimum elementum in quod resolvuntur judicium et ratiocinium, ita vocabulum dicitur *terminus oralis*, quia est ultimum elementum in quod resolvuntur propositio et syllogismus.

Terminus, quoad rem, definitur: *signum ideæ, et rei simplici apprehensione perceptæ.* Vocatur etiam *signum logicum.*

Terminus est signum manifestativum ideæ; ideæ vero manifestari possunt triplici modo: gestibus, vocabulis, et scriptura.

• **Gestus** sunt *quilibet motus corporis ordinati ad manifestandos internos animi sensus;* hujusmodi sunt vultus et ocu-

(1) *Prior Analyt.*, I. I, c. I.

lorum motio, capitum, manuum brachiorumque motus ordinati, etc. Ad gestus reducuntur lacrymæ, risus, vocesque inarticulatæ ut gemitus. Quamvis gestus adhibeantur ad manifestationem idearum, tamen exprimunt potius affectiones et animi sensus. Principem autem locum inter idearum signa obtinent vocabula et scriptura.

Vocabulum est *vox hominis articulata ex institutione conceptus mentis significans*. Dicitur *vox* quæ est *sonus ab ore animalis prolatus, cum imaginatione quadam.* ⁽¹⁾

« Non omnis sonus animalis est vox, inquit S. Thomas. ⁽²⁾ Contingit enim lingua facere aliquos sonos, qui tamen non sunt voces, sicut et tusientes faciunt sonum qui non est vox. Oportet enim ad hoc quod signum sit vox quod verberans secundum sit animatum et cum imaginatione ad aliquid significandum. »

Dicitur *vox hominis*, quia brutorum voces non sunt vocabula.—*Articulata*, id est, variis litteris vocalibus et consonis ac syllabis diversimode per variam labiorum, lingue, dentium, palati, gutturisque actionem modificata et quasi totidem articulis distincta. Non omnis vox hominis est vocabulum, sed vox articulata.

Dicitur *conceptus mentis significans ex institutione*. Etenim vocabulum est signum arbitarium : quamvis enim naturalis sit homini facultas loquendi, nulla est tamen vocabulorum cum certis conceptibus naturalis connexio. Quod quidem facile appareat ex tanta linguarum apud varias gentes diversitate. Electio igitur vocabulorum ad res constanter exprimendas ex institutione pendet.

Decem sunt, ut aiunt grammatici, vocabula quorum præcipua sunt nomen, verbum, et attributum quibus utuntur logici.

Scriptura est signum loquela seu vocabulorum, et definiri potest, *collectio signorum quæ ordinantur ad representanda vocabula modo visibili et permanenti.*

(1) ARISTOTELES, in II de Anima c. XVIII.
 (2) De Anima, l. 2, lect. 18.

IV. Corollaria : 1° Vocabula primo mentis conceptus significant, deinde res ipsas quas conceptus repræsentant; ex natura enim sua ordinantur ad exprimendas notiones internas.

2° Scriptura primo significat *verbum orale*, secundario *verbum mentale* et res ipsas.

V. Terminorum species :—*a) Terminus est categorematicus et syncategorematicus.*—*Terminus categorematicus* est ille qui singillatim sumptus completam significationem habet; v. g., homo, arbor.

Terminus syncategorematicus est ille qui solus completam significationem non habet sed tantummodo alteri adjectus: v. g.: omnis, aliquis.

b) Terminus est simplex et complexus.

Terminus simplex seu incomplexus est ille qui unico tantum vocabulo constat; v. g., Deus, homo.

Terminus complexus est ille qui constat pluribus vocibus quarum unaquaque aliquid significat; v. g., homo justus.

c) Terminus est univocus, analogus, et æquivocos.

Terminus univocus est ille qui plura significat secundum eamdem rationem; v. g., homo prout dicitur de Petro, Paulo, etc.

Terminus analogus est ille qui plura significat secundum rationem partim eamdem, partim diversam; v. g., visio prout significat cognitionem visus et intellectus.

Terminus æquivocos est ille qui plura significat secundum rationes formaliter diversas; v. g., canis prout dicitur de certo animali terrestri, de pisce et de constellatione.

d) Terminus est absolutus et connotativus.

Terminus absolutus est ille qui aliquid significat ad modum per se stantis sive realiter per se stet, sive non; v. g., homo, animal, virtus, dulcedo.

Terminus connotativus est ille qui aliquid significat ad modum alteri adjacentis sive realiter sit alteri adjacens, sive non; v. g., justus, dulcis, vivens, pictor. Dicitur *connota-*

tivus quia praeter formam quam significat, connotat subiectum de quo dicitur.

e) *Terminus est positivus et negativus.*

Terminus positivus est ille qui exprimit aliquam realitatem ; v. g., lux, justitia.

Terminus negativus est ille qui exprimit carentiam entitatis seu realitatis ; v. g., caecitas, mors, tenebrae. Quidam termini sunt *voce* positivi et *sensu* negativi, ut mors, caecitas ; alii autem sunt *voce* negativi et *sensu* positivi, ut immortalitas, infinitum.

f) Dividuntur adhuc termini secundum ideas quas exprimunt, et dicuntur concreti vel abstracti ; singulares, particulares vel universales ; collectivi vel distributivi, etc.

ARTICULUS II

DE PROPRIETATIBUS TERMINORUM

I. Terminorum proprietates.—Quinque sunt terminorum proprietates : *suppositio, appellatio, ampliatio, restrictio et alienatio.*

II. Suppositionis natura et species.—*Suppositio est usus termini pro re aliqua.* Utimur autem terminis in propositionibus ; non fit igitur suppositio nisi in propositione.

1° Dividitur suppositio in *formalem et materialem.*

Suppositio materialis est *usus termini pro seipso* ; v. g. : Cicero est vox trium syllabarum ;—Ubique est adverbium.

Suppositio formalis est *usus termini pro re significata* ; v. g. : Cicero est orator ;—Homo est animal.

2° *Suppositio formalis* dividitur in *realem et logicam.*

Suppositio realis est usus termini pro re significata secundum modum essendi quem habet extra mentem in seipsa ; v. g. : Homo est animal. *Suppositio realis* dicitur etiam *suppositio primæ intentionis.*

Suppositio logica seu secundæ intentionis est usus termini pro re significata secundum modum essendi quem habet in mente et a mente ; v. g. : Homo est species.

3° *Suppositio realis* dividitur in *absolutam et personalem.*

Suppositio absoluta est usus termini pro natura absolute considerata ; v. g. : Homo est animal.

Suppositio personalis est usus termini pro individuis ; v. g. : *Homo est musicus.* Si absolute supponeret *homo* in illa propositione, propositio esset falsa.

4° **Suppositio personalis** dividitur in *singularem*, *universalē* et *particularem*.

Suppositio singularis est usus termini pro uno individuo determinato ; v. g. : *Socrates est Homo*, — *Hic homo est justus.*

Suppositio universalis est usus termini communis pro omnibus suis inferioribus ; v. g. : *Omnis homo est animal.*

Suppositio particularis est usus termini communis pro quibusdam e suis inferioribus ; v. g. : *Aliquis homo est justus.*

5° **Suppositio universalis** dividitur in *distributivam* et *collectivam*.

Suppositio distributiva est usus termini communis pro omnibus suis inferioribus seorsim sumptis, scilicet, pro omnibus et singulis inferioribus ; v. g. : *Omne corpus est grave.* Corpus A est grave, et corpus B est grave et corpus C est grave, etc. Haec successiva individuorum substitutio ideæ universalis sub qua continentur dicitur *descensus*. Suppositio distributiva dicitur *completa*, si terminus accipiatur pro singulis individuis, et *incompleta*, si accipiatur pro speciebus tantum. In propositione : *Omne corpus est grave*, *corpus* supponit *complete*, sed *animal* supponit *incomplete*, in propositione sequenti : *Omne animal fuit in arca Noe.*

Suppositio collectiva est usus termini pro omnibus suis inferioribus simul et non seorsim sumptis ; v. g. : *Omnis Apostoli sunt duodecim*, — *Milites constituunt exercitum.*

6° **Suppositio particularis** dividitur in *disjunctivam* et *disjunctam*.

Suppositio disjunctiva est usus termini pro uno aut altero e suis inferioribus, eoque indeterminato, ita tamen ut de uno aliquo seorsim accepto verificari possit oratio ; v. g. : *Aliquis apostolus fuit proditor.*

Suppositio disjuncta est usus termini communis pro uno aut altero e suis inferioribus, eoque indeterminato, ita

tamen ut de nullo seorsim accepto verificari possit oratio : v. g. : Aliqua *naris* ad navigandum necessaria est.

III. Regulae suppositionis.—1° Suppositio est formalis vel materialis, realis vel logica, absoluta vel personalis secundum exigentiam naturæ subjecti et prædicati, modi eorum essendi et ipsius propositionis.

2° Terminus acceptus ad significandum individuum semper supponit singulariter.

3° Terminus communis affectus signo syncategorematico universalis, *omnis*, *nullus*, supponit universaliter ; et suppositio est distributiva vel collectiva secundum exigentiam prædicati.

4° Terminus communis affectus signo syncategorematico particulari, *aliquis*, *nonnullus*, supponit particulariter ; suppositio autem est disjunctiva vel disjuncta secundum exigentiam prædicati.

5° Terminus communis *in sede subjecti* nullo signo syncategorematico affectus, supponit universaliter seu distributive⁽¹⁾ si prædicatum necessario ipsi conveniat vel repugnet, particulariter seu disjunctive si prædicatum accidentaliter tantum ipsi conveniat aut repugnet. Ratio est quia si prædicatum necessario subjecto convenit vel repugnat, necessario etiam convenit vel repugnat omnibus inferioribus subjecti ; si autem prædicatum accidentaliter subjecto conveniat, convenit inferioribus secundum aliquam partem repugnat vero secundum aliam ; v. g. : Homo est animal, Homo non est asinus ;— Homo est justus, Homo non est justus. *Homo* in duabus primis propositionibus supponit distributive, in aliis particulariter seu disjunctive.

6° Terminus communis *in sede prædicati* supponit universaliter si propositio est negativa, particulariter si propositio est affirmativa.—Etenim *vi negationis*, subjectum excluditur a totalitate extensionis prædicati, v. g., dum dicitur :

(1) Universaliter et distributive, particulariter et disjunctive, promiscue sumuntur.

Homo non est angelus, significatur hominem esse nullum angelum. *Vi affirmationis*, subjectum ponitur sub extensione prædicati, et prædicatum in subjectum fertur secundum partem tantum suæ extensionis; v. g.: *Homo est animal rationale*, scilicet, *homo est aliquid animal rationale*.—Prædicatum in propositione affirmativa supponit particulariter etiamsi sit convertibile cum subjecto, ut in definitione. Etenim, ut dicit S. Thomas, ⁽¹⁾ *affirmationes falsæ sunt, si prædicatum universaliter prædicetur*. Sic, in exemplo allato, si *animal rationale* universaliter supponeret, haberetur: *homo est omne animal rationale*. Cum autem *homo* supponit universaliter, prædicatum illud affirmari debet de singulis inferioribus quæ continentur sub homine; et hoc autem fieri non potest, nam falso dicitur: *Petrus est omne animal rationale*. Ergo.

IV. Appellationis natura et species. — *Appellatio* est *applicatio unius termini supra alium*: *Deus justus*. Terminus qui applicatur dicitur *appellans*, et terminus cui applicatur dicitur *appellatus*. In exemplo allato *Deus iustus*, *Deus* appellatur *justus*; *Deus* est terminus *appellatus*, et *justus* terminus *appellans*.

In terminis concretis *appellatio* est *formalis* vel *materialis*.—*Concreti* enim est compositum subjecti et alicujus formæ, et terminus *concretus* significat et formam et subjectum.—*Appellatio formalis* est applicatio termini alicui concreto ratione formæ; v. g.: *Medicus sanat*; *medicus sanat* ratione artis mediceæ a qua præcise dicitur *medicus*, ipsi applicatur terminus *sanat* ratione formæ, et *medicus* dicitur sumi formaliter.—*Appellatio materialis* est applicatio termini ratione subjecti; v. g.: *Medicus cantat*; *medicus sumitur materialiter*, scilicet, pro subjecto cui convenit an medica.

(1) In 1. *Periher.*, Lect. X. Cf. LORENZELLI, *op. cit.*, vol. I, p. 55.

Circa appellationem hæc notanda sunt : 1° Terminus appellans semper sumitur formaliter. 2° Terminus concretus appellatus per se sumitur materialiter. Cum ergo dicitur, *Deus factus est homo*, significatur : id quod habet deitatem, scilicet, persona divina (Deus materialiter sumitur) assumptis vel factum est habens naturam humanam (homo formaliter sumitur). 3° Ex his sequitur subjectum propositionis sumi materialiter, prædicatum vero formaliter, quia prædicatum appellat subjectum. 4° Tamen terminus abstractus formam aliquam tantum significans, non potest sumi nisi formaliter.

V. Reliquarum proprietatum notiones.—**Ampliatio** est extensio termini a minore ad majorem significationem ; v. g. : Mansueti hæreditabunt terram ; quod verum est de præterito et de præsenti.

Restrictio est contractio termini a majori ad minorem significationem ; v. g. : Eva est mater omnium viventium. **Terminus viventium** restringitur ad significandum tantum homines.

Alienatio est translatio termini a sensu proprio ad sensum metaphoricum ; v. g. : Christus est agnus.

CAPUT TERTIUM

DE DEFINITIONE ET DIVISIONE

Prologus. — Definitio et divisio ad primam mentis operationem pertinent, quia utraque est notio pluribus significata vocibus sine ulla mentali compositione. Una et altera recensentur inter modos sciendi. Modus enim sciendi definitur : *oratio manifestativa rei obscuræ*. Definitio rei essentiam, divisio partes ejus manifestat. Sermo instituetur de *natura, speciebus et legibus* tum definitionis, tum divisionis. Sequitur schema capitii tertii :

DE DEFINITIONE ET DIVISIONE

I. De definitione :

Natura

- | | |
|---------|--|
| Species | <p>{ 1° Nominalis, realis.
2° Realis : intrinseca, extrinseca.
3° Intrinseca : essentialis, descriptiva.
4° Essentialis : physica, metaphysica.
5° Descriptiva : propria, accidentalis, causalis, genetica.</p> |
| Leges | <p>{ 1° Definitio sit clarior re definita :
Definitum excludi debet a definitione.
Definitio non sit metaphorica.
2° Definitio constet genere proximo et ultima differentia.
3° Definitio et definitum sint salva veritate convertibilia.
4° Definitio non sit negativa.</p> |

II. De divisione :

Natura — Totius et partis.

Totius species :

- | | |
|----|--|
| 1° | Totum actuale, potentiale. |
| 2° | Actuale : essentialis, integrale. |
| 3° | Essentialis : metaphysicum, physicum. |
| 4° | Totum morale, artificiale, potestativum, accidentale |

Species—Divisio actualis, potentialis.

Actualis :—essentialis, integralis, metaphysica, etc., secundum totius species.

Legis : I° Divisio sit adaequata.

II° Nullum membrum divisionis exceedat aut adaequet totum.

III° Membra divisionis sint opposita.

IV° Divisio sit immediata.

V° Divisio sit, ut fieri potest, brevis.

, secun-
totum.

ARTICULUS I

DE DEFINITIONE

I. Definitionis notio. — Secundum *nomen* definire idem est ac fines seu limites ponere; sicut ager ab agro dividitur et distinguitur limitibus suis, ita res a re separatur et distinguitur definitione.

Secundum *rem* definiitio est *oratio significans quid sit res*, seu *oratio qua respondetur interroganti quid sit res*; v. g.: interroganti quid sit *homo*, respondetur, *animal rationale*. *Animal rationale* est definitio.

Definitio dicitur *oratio* quia pluribus constat vocibus. Cum enim munus sit definitionis clarius manifestare rem, ipsa declarat in quo res definita cum aliis convenit, et in quo ab ipsis distinguitur; unde necesse est definitionem constare duobus saltem terminis, quorum unus convenientiae conceptum, alter differentiae exprimat.

II. Definitionis species. — 1° Definitio alia est *nominis* et dicitur *nominalis*, alia est *rei* et dicitur *realis*.

Definitio nominalis est *oratio significativa ejus quod per nomen significatur*; — vel est mera explicatio etymologica, seu originis nominis, v. g.: *philosophia* est *amor sapientiae*; — vel declarat significationem nominis secundum quod communiter intendunt homines; v. g.: *Deus* est *prima causa omnium rerum*.

Definitio realis est *oratio explicativa naturae rei per nomen significatorem*; v. g.: *Homo* est *animal rationale*.

2° Definitio realis dividitur in *intrinsecam* et *extrinsecam*:

Definitio intrinseca est illa quæ explicat rem per principia ipsi inherentia; v. g.: *Homo est compositum ex corpore organico et anima rationali.*

Definitio extrinseca est illa quæ explicat rem per principia ipsi non inherentia; v. g.: *Anima est substantia a Deo creata ad imaginem et similitudinem suam.* Illa definitio fit per causam efficientem et causam exemplarem quæ cum causa finali sunt principia rei extrinseca. Dicitur etiam causalis.

3° Definitio intrinseca dividitur in *essentialē* et *descriptivam*.

Definitio essentialis est illa quæ rem explicat per principia quæ essentiam rei constitutunt. Est autem duplex, *physica* scilicet et *metaphysica*.—**Definitio physica** est illa quæ explicat rem enumerando partes *essentiales* ad invicem *realiter*, seu independenter a mentis operatione distinctas, quæ partes sunt *materia* et *forma*, v. g.: *homo constat corpore et anima.* **Definitio metaphysica** explicat rem enumerando partes *essentiales*, non *realiter*, sed operatione mentis distinctas, quæ partes sunt *genus* et *differentia*; v. g.: *Homo constat animalitate et rationalitate.*

Definitio descriptiva est illa quæ rem explicat vel per *proprietates* quæ ab *essentia* dimant, et dicitur *propria*, vel per *accidentia* ipsi rei *inherentia* quæ collectim *sumpta* possunt rem determinare et ab aliis distinguere, et dicitur *accidentalis*; v. g.: *Homo est animal scientiæ capax* (*definitio propria*); *Polyphemus* definitione *descriptiva* *accidentalī* a Virgilio describitur:

*Monstrum horrendum, informe, ingens, cui lumen ademptum
Trunca manum pinus regit, et vestigia firmat.*

Aeneid. III, vv. 658-9.

Ad definitionem *descriptivam* reducuntur a quibusdam tum *definitio causalis* (*extrinseca*) tum *definitio genetica* quæ

rem explicat exponendo modum quo producitur; v. g.: Eclypsis lunæ est defectus lucis ex interpositione telluris inter ipsam et solem.

Ex hisce omnibus definitionibus appareat solam definitionem essentialiæ rei principia constitutiva seu essentialia declarare; unde præstantissima est illa definitio et de ipsa præsertim verificandæ sunt leges definitionis.

III. De legibus definitionis.—Regula prima.—*Definitio sit clarior re definita.* Definitio enim usurpatur ad reni declarandam et manifestandam, sed nisi clarior sit re definita, nihil declarat nec manifestat. Contra hanc legem peccant vel qui idem per idem explicant; v. g.: *Logica est ars tradens regulas logicas*; vel qui metaphoras adhibent ineptas; v. g.: *Homo est arbor inversa*; vel qui unum per aliud et vicissim definiunt; v. g.: *Dies est tempus constans 24 horis*; et *Hora est pars diei quaria et vigesima*. Unde ad modum corollarii hujus regulæ dicitur:

a) *Definitum excludi debet a definitione.* Esset enim explicare idem per idein et definitio non esset clarior re definita.

b) *Definitio non sit metaphorica.* Metaphora enim trahit terminum a proprio suo sensu ad alienum, ideoque non potest ad claram et perspicuam rei notionem ducere.⁽¹⁾

Regula secunda.—*Definitio essentialis constet genere proximo et ultima differentia.*—Definitio enim essentialis debet manifestare complete rei naturam; sed essentia completa constituitur ex genere proximo et ultima differentia. Ergo definitio

(1) « Une des principales causes, à notre avis, de l'obscurité qu'on reproche à la philosophie allemande, c'est la valeur trop métaphorique de son langage... » C'est à la scolastique et au bas latin, disons-le en passant, que le français doit l'incomparable netteté qu'il apporte dans la langue philosophique. Les termes sont presque tous abstraits (sauf dans la terminologie de la sensibilité) et ne donne aucune prise à ces trabisons qu'entraînent les expressions métaphoriques. »

A. Darmsteter, *La vie des mots*, 5e édit. p. 73.

« La scolastique a amplement payé sa dette à la France qui l'avait produite; et nous ne craignons pas d'affirmer que c'est à elle que la langue

essentialis constare debet genere proximo et ultima differentia. Homo est *substantia rationalis*, — *substantia rationalis* non est bona definitio, quia substantia non est genus proximum hominis, et ideo non explicat præcipuas notas essentiales hominis. — Illa lex verificatur proprie de definitione essentiali, tamen proportione quadam servatur etiam in aliis definitionibus quando fiunt par aliquid quod locum tenet generis et differentie.

Regula tertia. — *Definitio et definitum sint salva veritate convertibilia, seu definitio sit reciproca.* — Definitio enim debet esse res definita, omnis et sola, clarissimum tantum explicata. Unde dum definitio de definito affirmatur haberi debet adæquatio, ita ut unum pro altero sumi possit. Definitum ergo et definitio converti possunt. Rejicienda est sequens hominis definitio : Homo est animal mortale.

Regula quarta. — *Definitio non sit negativa.* Definitio enim respondet questioni quid sit, non autem, quid non sit res. Tamen de quibusdam rebus positive cognosci non potest quid in se sint, ut de Deo respectu intellectus nostri ; unde accipitur definitio negativa, vel cum conceptus distinctus non habetur nisi per negationem, sicuti fit in attributis divinis ; vel quum medium non datur inter duo quorum unum positive definitur ; sic simplex definitur per negationem partium, compositum autem per partium affirmationem.

IV. Corollarium. — Cum res definiatur per aliam notiorem et ista per alteram, facile apparet non omnes res definiri posse ; siliter iretur in infinitum. Item cum vera et perfecta definitio sit essentialis, constans genere proximo et ultima differentia, quæ quidem extra omne genus sunt, ut Deus, et transcendentalia, proprie definiri non possunt.

française doit cette précision, cette clarté, qui en font le plus actif et le plus précieux instrument des idées dans les temps modernes. Sans les travaux de la scolastique, sans ses dissections logiques, notre langue n'aurait jamais atteint cette prodigieuse netteté qu'aucune autre n'égale.» (Barthélémy Saint-Hilaire.)

ARTICULUS III

DE DIVISIONE

I. Divisionis notio.—Divisio cum sit *modus sciendi* est oratio manifestativa rei; explicat enim rem enumeratione partium. Definitur: *oratio distribuens totum in suas partes*. *Totum autem est omnis id quod in plura resolvi potest; —partes vero elementa ex quibus totum coalescit.*

II. Totius species.—Totum est duplex, *actuale et potentiale*:

Totum actuale vel realis, est illud quod partes distinctas ex quibus resultat actu in se includit; v. g.: Homo est totum actuale resultans ex corpore organico et anima rationali.

Totum potentiale vel logicum est illud quod ratione sua extensionis plura tanquam partes sub se continet; est nempe idea universalis quam ratione sua extensionis omnia sua inferiora tanquam partes includit; v. g.: Animal sub se continet homines et bruta, unde dicitur rationale vel irrationale.

Plura sunt discrimina inter totum actuale et totum potentiale: 1° Ut vi denominationis appareat, totum actuale *actu* habet partes suas; totum potentiale, *potentia* tantum. 2° Totum actuale partes suas comprehendit et ratione hujus comprehensionis resultat; totum potentiale ad partes extenditur, et ratione extensionis ut totum constituitur. 3° Totum actuale de singulis suis partibus affirmari non potest: nec anima, nec corpus dicitur homo; totum potentiale de singulis suis partibus affirmatur.

Totum actuale est essentiale vel integrale.

Totum essentiale est illud quod resultat ex partibus quæ essentiam constituunt. Est physicum vel metaphysicum.

Totum physicum est illud quod coalescit ex partibus physice separabilibus, i. e. quæ de facto existere possunt separatae independentur a mente, quales sunt corpus et anima in homine. — Totum metaphysicum est illud quod coalescit ex partibus metaphysice separabilibus, i. e. quæ existere non posunt separatae independenter a mente, cujusmodi sunt animalitas et rationabilitas in homine.

Totum integrale est illud quod resultat ex partibus quæ essentiam rei non constituunt, sed eam integrum et completam efficiunt, v. g., corpus humanum dicitur totum integrale in quantum resultat tanquam ex partibus, ex capite, manibus et aliis membris quæ ad ejus integratatem naturalem pertinent.

Totum dicitur adhuc morale, artificiale, potestativum, et accidentiale.

Totum morale est illud cuius partes sunt voluntates ad eumdem finem conspirantes; scilicet, est multitudo entium rationalium quæ inter se ratione consequendi finem aliquem conjunguntur; v. g.: familia, civitas, exercitus.

Totum artificiale est illud cuius partes industria humana uniuntur; v. g.: domus.

Totum potestativum est illud quod coalescit ex pluribus virtutibus seu potentiis agendi; v. g.: anima prout in se plures agendi virtutes complectitur.

Totum accidentale est illud quod ex pluribus resultat accidentibus simul unitis.

III. Divisionis species. — Tot sunt divisiones quot sunt totius species. Divisio agitur est: 1° *actualis* et *potentialis*.

Divisio actualis est distributio totius in partes diversas quibus actualiter componitur; v. g.: arbor plures habet partes: truncum, ramos, folia, fructus.

Divisio potentialis est oratio distributiva universalis in sua inferiora; v. g.: Animal est rationale et irrationale; Homo est albus, niger, cupreus et flavus.

2º Divisio actualis est *essentialis, integralis, metaphysica, physica, potestativa et accidentalis* secundum quod est distributio totius *essentialis, integralis, metaphysici, physici, potestativi et accidentalis* in suas partes *essentiales, integrales, metaphysicas, physicas, potestativas et accidentales.*

IV. Divisionis leges.—**Prima regula.**—*Divisio sit integræ seu adæquata, scilicet, membra dividentia simul sumpta adæquent totum divisum.* Aliter enim divisio peccaret vel excessu vel defectu, et non esset amplius distributio totius in suas partes. Unde rejicienda est divisio viventis in hominem et brutum, quia vivens ad alia etiam sese extendit, ad plantas nempe, ad angelos et Deum.

Secunda regula.—*Nullum membrum divisionis excedat aut adæquet totum.*—Totum enim est majus sua parte; nulla pars igitur potest excedere vel adæquare totum. Vitiosa est divisio animalis in vivens, sensitivum et rationale. *Vivens* enim magis, et sensitivum sæque ac animal extenditur.

Regula tertia.—*Membra divisionis sint opposita, scilicet, unum non includat sed excludat alterum: aliter idem bis repeteretur et multiplicarentur partes quæ revera partes non sunt.* Falso dividitur terra in Europam, Asiam, Africam, Americam, Oceaniam et Italiam. Italia enim in Europa continetur.

Regula quarta.—*Divisio sit immediata, scilicet, totum dividatur prius in proximas partes, proximæ in secundas, et ita deinceps.* Secus enim divisio non esset completa, nec claritatem in ideis induceret sed confusionem. Confusa est divisio substantiæ in viventem, sensibilem et rationalem. Substantia enim immediate dividitur in corpoream et incorpoream, corporea autem in organicam et inorganicam, etc.

Regula quinta.—*Divisio, ut fieri potest, sit brevis.* Aliter enim non claritatem sed confusionem afferret. « Confusum est, teste Seneca, quidquid usque ad pulverem sectum est. » « Idem vitii habet nimia, quod nulla divisio. » *Epist. 89.*

LIBER SECUNDUS

DE JUDICIO

PROLOGUS.—Prima operatione, nempe simplici apprehensione, intellectus essentiam, seu quidditatem rei in seipsa concipit, puta quid sit homo, quid sit album, etc. ; pluribus autem habitis conceptibus mens inter ipsos comparationem instituit et convenientiam seu discrepantiam ipsorum affirmat vel negat. Affirmando autem unum apprehensum alteri componit, negando, unum ab altero dividit. Illa secunda operatio qua intellectus plures conceptus affirmando componit vel negando dividit, dicitur *judicium*. Sicut autem terminus est signum ideæ, ita judicii signum externum est *propositio*. Unde hic secundus Dialecticæ liber erit bipartitus : prima pars erit *de judicio*, secunda, *de propositione*.

CAPUT PRIMUM

DE JUDICIO

PROLOGUS. — Mediante propositione manifestatur judicium, et cognoscuntur ea quæ ad utrumque pertinent; properea, sola quæ sunt propriae judicii in hoc unico articulo declarantur, sequenti ordine disposita:

De judicio	Notio	
	Materia et forma	
	Prærequisita ad judicium	
	Varia nomina	{ Compositio vel divisio Affirmatio vel negatio Assensus vel dissensus
	Species	{ Ratione subjecti: prudens vel temerarium Immediatum vel mediatum Analyticum vel syntheticum. Non datur medium inter judicium syntheticum et analyticum.

ARTICULUS UNICUS

DE NATURA ET SPECIEBUS JUDICII

I. **Judicij notio.** — Quoad *nomen*, secundum metaphoram, vox *judicium* ad secundam mentis operationem significandam adhibetur. *Judicium enim proprie significat sententiam judicis controversiam dirimentis; sed quemadmodum judex de re sibi subjecta pro auctoritate fert sententiam, ita mens de objectiva idearum idenditate seu diversitate discernit.* Unde vox *judicij* ad significandum illum mentis actum translata est.

Quoad *rem*, a S. Thoma definitur: « *Actio intellectus secundum quam componit et dividit affirmando et negando.* »⁽¹⁾

Est igitur *judicium actus intellectus a simplici apprehensione distinctus*; simplex enim apprehensio nihil negat vel affirmat, dum *judicium est mentis actus quo aliquid esse affirmamus vel negamus.*⁽²⁾

Dum intellectus duos conceptus inter se comparat, tria contingere possunt: vel percipit illos conceptus inter se convenire, vel inter se differre, vel neutrum. Si neutrum perspiciat, intellectus in simplici apprehensione remanet, nihil affirmando, nihil negando. Si vero convenientiam seu disconvenientiam conceptuum perspiciat, novus exurgit actus in

(1) *Quæst. disput. De veritate q. 14. a. I.*

(2) *ZIGLIARA L. 18. I.*

mente a simplici apprehensione distinctus, quo intellectus componit et dividit affirmando vel negando duorum conceptuum convenientiam. Iste autem actus quo intellectus duos conceptus affirmando componit, vel negando separat est judicium.

II. Judicij materia et forma. — Duo conceptus vel duæ res quæ ab intellectu comparantur constituunt *materiam* judicij, id nempe circa quod fertur judicium. Illud de quo aliquid affirmatur vel negatur dicitur *subjectum*; illud vero quod de alio affirmatur vel negatur dicitur *attributum* vel *prædicatum*. — Id autem quod *subjectum* cum *prædicto* componit vel separat, dicitur *forma* judicij. Actus mentis quo *subjectum* *prædicto* componit vel dividit, exprimitur verbo substantivo *esse* quod instar *copulae* inter *prædicatum* et *subjectum* explicite vel implicite habetur; unde copula *est* significat formam judicij.

III. Ad judicium prærequisita. — Tria ad judicium prærequiruntur: 1° apprehensio *subjecti* et *prædicati*; 2° ipsorum comparatio; 3° perspicientia seu apprehensio convenientiae vel discrepantiae inter utrumque. Etenim jam percepta convenientia vel discrepantia inter *subjectum* et *prædicatum*, intellectus potest unum de alio affirmare vel negare.

IV. Judicij varia nomina. — Judicium dicitur: 1° *Compositio* vel *divisio*, quia conceptus conjungit vel separat; 2° *Affirmatio* vel *negatio*, quia conceptum identitatem affirmat vel negat; 3° *Assensus* vel *dissensus* quia mens per actum judicij conceptum identitati annuit vel renuit.

V. Judicij divisio. — 1° Ratione *subjecti* judicium est *prudens* vel *temerarium*.

Judicium prudens est illud quod fertur post attentam, *subjecti* et *prædicati* comparationem.

Judicium temerarium est illud quod fertur absque diligenti comparatione *subjecti* et *prædicati*.

2° Ratione *objecti* judicium est a) *immediatum* vel *mediatum*; b) *analyticum* vel *syntheticum*.

a) *Judicium immediatum* est illud in quo convenientia vel repugnancia *subjecti* et *prædicati* illico patet; v. g.: Totum est majus sua parte; — *Charta hæc candida est*.

Judicium mediatum est illud in quo convenientia vel repugnantia subjecti et prædicati ope ratiocinii innoscit ; v. g. : Anima humana est immortalis.

b) **Judicium analyticum** est illud in quo convenientia vel repugnantia subjecti et prædicati ex ipsorum analysi deprehendiur ; v. g., facta analysi totius et partis, appareat totum esse maius sua parte, unde illud judicium est analyticum : Totum est maius sua parte. — Ex analysi autem appareat convenientia vel discrepantia subjecti et prædicati, secundum quod prædicatum in ipsa notione subjecti continetur, scilicet, vel ut aliquid subjecto essentiale, vel ut aliquid proprium. Unde judicium analyticum definitur : *Illud cuius prædicatum continetur in notione subjecti ; — Illud cuius prædicatum est aliquid subjecto essentiale vel proprium.* Homo est animal, — Homo est scientiæ capax, — sunt judicia analytica.

Judicia analytica dicuntur 1° *absoluta*, quia a nulla conditione pendent ; 2° *pura, rationalia, metaphysica*, quia in ordine ideali fundamenta sua habent, et omnem experientiam antervertunt ; 3° *necessaria, in materia necessaria*, quia in ipsis prædicatum necessario convenit subjecto ; 4° *a priori*, quia juxta Aristotelem et veteres scholasticos, ex cognitis rei causis procedunt, juxta autem recentiores, quia logice antecedunt experientiam, *priora* sunt experientia.

c) **Judicium syntheticum** est illud in quo convenientia vel repugnantia subjecti et prædicati sola experientia sensus interni vel externi appareat ; v. g. : Nix est alba. — Homo est segrotus.

Judicia synthetica dicuntur 1° *synthetica*, e voce *synthesis*, quia prædicatum additur subjecto ut aliquid extrinsecum ; 2° *hypothetica*, quia in ipsis prædicatum non absolute et ex se subjecto convenit ; 3° *empirica, experimentalia physica*, quia experientiam supponunt, et in ordine sensibili et physico fundamenta sua habent ; 4° *contingentia, in materia contingentia*, quia in ipsis prædicatum contingenter tantum subjecto convenit ; 5° *a posteriori*, quia juxta veteres, ex effectibus cognitis

procedunt, juxta recentiores, quia logice *posteriora* sunt experientia.

VI. Non datur medium inter judicium syntheticum et analyticum.—Kant, philosophus germanus, judicia distribuit in *analytica*, *synthetica* et *synthetica a priori*. Judicia *synthetica a priori* sunt illa in quibus prædicatum necessario convenit subjecto (*unde a priori*) quin tamen contineatur in notione ipsius (*unde synthetica*).

Probatur exemplis : *omnis effectus habet causam* ; *quinque plus septem æquantur duodecim* ; *linea recta est omnium brevisima inter duo puncta*. Hæc judicia sunt necessaria et universalia, qua ex parte sunt *a priori*. At *habere causam* non includitur in notione *effectus*, quia *causa* non est de *essentia effectus* ; *æquari duodecim* non includitur in notione *quinque plus septem* ; sed id experientia externa, recurrendo ad digitos vel scriptioñem deprehendimus ; esse *brevissimum inter duo puncta* non includitur in notione *lineæ rectæ*, sed id visione externa compertum est. Ergo ex hac parte illa judicia sunt *synthetica*, sicut ex alia parte sunt *a priori*.

Refutatio. a) *Ex contradictionibus in quas impingit Kantius.* Concedit judicia *synthetica a priori* esse universalia et necessaria. Atqui non possunt esse necessaria et universalia nisi prædicatum includatur in notione subjecti. Ergo contradictionia ponit. *Prob. min.* Si prædicatum convenit necessario subjecto, signum est notionem subjecti requirere necessario prædicatum ; si convenit universaliter subjecto, signum est notionem subjecti requirere universaliter prædicatum. Ergo judicium non potest esse necessarium et universale nisi prædicatum includatur in notione subjecti.

b) *Ex ipsis exemplis a Kantio allatis.* 1) *Omnis effectus habet causam.* Juxta philosophum germanum *habere causam* non includitur in notione *effectus* ; in hoc errat ipse Kantius. Nam *effectus* est ens quod *incipit esse*. Quod autem *incipit non est a seipso, secus esset et non esset*. Ergo *effectus* non concepiuntur nisi ut *aliquid quod habet esse ab alio*, tanquam a

sua causa. Igitur licet *causa* non ingrediatur ipsam essentiam effectus, includitur tamen in notione effectus. — 2) *Quinque plus septem æquantur duodecim.* Si instituatur analysis *quinque plus septem*, impossibile est non inveniri duodecim, nam $(1 + 1 + 1 + 1 + 1) + (1 + 1 + 1 + 1 + 1 + 1 + 1) = 12$. — 3) Id quoque verificatur in tertio exemplo : *linea recta est brevissima iter inter duo puncta.* Etenim non potest definiri *linea recta* nisi brevissimum iter inter duo puncta ⁽¹⁾.

(1) Hugon, Logica, pp. 125-126.

CAPUT SECUNDUM

DE PROPOSITIONE

PROLOGUS. — Propositio est signum judicii externum, sicut terminus idearum ; de propositione ergo erit sermo sicut de termino, scilicet, triplex erit consideratio : 1° de natura ; 2° de speciebus ; 3° de proprietatibus propositionis. Illorum autem trium articulorum materia sic distribuitur :

DE PROPOSITIONE

I. De natura	{ Notio nominis et verbi. Notio orationis. Propositionis definitio. Materia et forma propositionis. Elementa : materia, forma, quantitas et qualitas.
--------------	---

II. De proprietatibus	{ Opposito Species Diversi gradus Equipollentia Conversio	Notio Fundamentum	
		Opposito	{ Contradictoria : notio, veritas vel Species Contraria : falsitas Subcontraria : " Subalterna : " Diversi gradus
		Equipollentia	{ Notio Leges
		Conversio	{ Notio Leges

	Ratione materie	<i>Necessaria seu in materia necessaria.</i> <i>Impossibilis " " " impossibili.</i> <i>Contingens " " " contingentia.</i>
	Ratione formae	Affirmativa, negativa.
	Ratione qualitatis	Vera, falsa.
	Ratione quantitatis	Universalis Particularis Singulare Indefinita Collectiva Incompleta.
III. De speciebus	Simplex	Principaliis Incidens: explicativa, restrictiva. Copulativa. Causalis. Discretiva. Relativa Exclusiva. Exceptiva. Comparativa. Reduplicativa.
	Ratione entis	Composita Aperte Occulta exponibiliis
	Ratione modi	Categorica. Hypothetica: conditionalis, disjunctiva, conjunctiva. Absoluta. Modalis: necessaria, contingens, possibilis, impossibilis.

ARTICULUS I

DE NATURA PROPOSITIONIS

Nominis et verbi notio. — Nomen et verbum sunt præcipuae partes propositionis, quare ad determinandam enunciationis seu propositionis naturam prius definiendum est nomen necnon et verbum.

Nomen definitur ab Aristotele : *Vox significativa ex instituto, sine tempore, cuius nulla pars significat separata.*

a) *Vox significativa ex instituto*, scilicet, nomen est signum arbitrarium seu ad placitum.

b) *Sine tempore*, in hoc quidem nomen differt a verbo. Nomen enim rem significat per modum substantiæ, seu quasi per se existentem, non autem per modum actionis vel passionis in quibus inest ratio motus et temporis, saltem secundum nostrum concipiendi modum. Potest quidem nomen significare tempus, ut *dies, mensis*, etc., vel connotare tempus, ut *cena, prandium*, sed non potest consignificare tempus seu significare cum tempore ita ut ipse modus significandi inducat rationem temporis sive præteriti, sive præsentis, sive futuri.

c) *Cujus nulla pars significat separata*, quibus verbis distinguitur nomen ab oratione cuius pars significat separata, ut cum dicitur : *homo justus*. Nomina composita licet habent partes quæ separatim significant, ut equiferus, cum tamen nihil significant separata de eo quod conjuncta exprimunt, definitioni non contradicunt.

Verbum est *vox significativa ex instituto, cum tempore, cuius nulla pars significat separata, et semper signum est eorum quae de alio prædicantur.*

a) Verbum, sieut nomen, dicitur *vox significativa ex instituto, cuius nulla pars significat separata*, quia est signum arbitarium et ut distinguatur ab oratione.

b) Dicitur *cum tempore*, quia verbum, in hoc a nomine distinguitur quod consignificat tempus, « Corsignificare tempus est significare aliquid in tempore mensuratum ⁽¹⁾. » Sic *valetudo* est nomen, sed *valet* est verbum, significat enim quod nunc valetudo adest.

c) Et *semper est signum etc.*, quia verbum « exprimit actualem copulam seu compositionem prædicati cum subiecto. » ⁽²⁾ Verbum significans actionem per modum actionis, de cuius ratione est ut inbæreat, semper ponitur ex parte prædicati, nunquam autem ex parte subjecti, nisi ponatur in via nominis, sicut cum dicitur : *Errare humanum est, in quo casu verbum habet rationem nominis.*

Verbum est substantivum vel adjectivum. — Verbum substantivum est verbum *sum, eo, est*, prout dicit actum essendi, prout equivalet verbo *existere*. Verbum vero adjectivum est quodlibet aliud verbum, v. g. : *amo, lego, curro*. Vocatur adjectivum non quia nomini adjacet, quod quidem verbo substantivo convenit, sed quia id quod significat connectitur et quasi adjacet verbo *est* : verbum quodlibet resolvitur in hoc verbum *est* et participium. Nihil enim differt dicere : *homo convalescens est* et *homo convalescit*, et sic de aliis. ⁽³⁾

Orationis notio. — Oratio sese habet ut genus propositionis seu enunciationis, et definitur a Philosopho : *vox significativa ex instituto, cuius aliqua pars significat separata ut dictio, non autem ut affirmatio et negatio.* ⁽⁴⁾

(1) S. T. In *Periherm*, lib. I., l. 5.

(2) Ibid.

(3) S. T. in V. *Met.* l. 9.

(4) *Periherm*, lib. I., c. IV.

Quibus verbis appareat discrimin inter orationem et nomen seu verbum. Partes enim orationis — oratio constat pluribus vocibus saitem implicant — significant separatae ut dictiones, scilicet, ut nomen vel verbum, non autem ut affirmations vel negationes, quae important complexum nominis et verbi.

Oratio est *perfecta* vel *imperfecta*; — *perfecta*, quae habet sensum compleatum, — *imperfecta*, quae sensum plenum et compleatum non habet; v. g.: *Homo est justus*, est oratio perfecta; — *homo justus*, est oratio imperfecta.

Quinque sunt orationis species: *enuntiativa*, *deprecativa*, *imperativa*, *interrogativa* et *vocativa*. Oratio enuntiativa tantum ad iologicam pertinet, quia sola oratio enuntiativa significat verum et falsum, affirmando aliquid esse vel non esse; alias autem ad grammaticam spectant.

Propositionis definitio. — Propositio est judicii signum vel enuntiatio, unde definitur: *oratio aliquid affirmans aut negans de aliquo*. In hoc quod dicitur *oratio* convenit cum definitione et divisione, sed ab ipsis differt per verba addita, quia cum ad judicium pertinet componere affirmando et dividere negando, solius propositionis est affirmare vel negare unum de alio. *Propositio* etiam definitur: *oratio enuntiativa veri vel falsi*, quemadmodum veritas logica est in rebus tanquam in causa, in mente tanquam in subjecto, in judicio, tanquam in signo immediato, ita est in propositione tanquam in signo medieto.

III. Subjectum, praedicatum, copula in propositione. — Sicut in judicio, id de quo aliquid affirmatur aut negatur dicitur *subjectum* propositionis; id quod affirmatur vel negatur, *praedicatum*; et vocula *est* vel *non est*, qua affirmatur vel negatur identitas subjecti et praedicati, dicitur *copula*.

IV. Materia et forma propositionis. — *Materia propositionis* sunt *subjectum* et *praedicatum*.

Forma propositionis seu *qualitas essentialis* est semper copula seu verbum *est* vel *non est*, in praesenti tempore modi indicativi positum. Quodlibet enim verbum resolvitur in verbum *est* et *participium*, ut diximus: et « propositio de praeterito

fundatur super ordinem ejus ad præsens tempus, similiter propositio de futuro.⁽¹⁾ Sic : Senex fuit puer — Puer erit doctus — reducuntur ad propositiones : Senex est ille qui fuit puer — Puer est ille qui erit doctus.

Sudjectum, prædicatum et copula esse possunt in propositione explicite vel implicite : v. g. : *Deus est bonus* — *Deus creat* — *Lego*. Propositio in qua explicite sunt subjectum prædicatum et copula, dicitur *de tertio adjacente*. Propositio in qua explicite non sunt nisi duo termini, dicitur *de secundo adjacente*, v. g. : *Deus creat* = *Deus est creans*. Propositio tandem continens tantum unum terminum dicitur *de primo adjacente*; v. g. : *Lego* = *ego sum legens*.

V. Elementa propositionis. Elementa propositionis sunt : *materia*, *forma*, *quantitas* et *qualitas*. Jam diximus in quo consistit materia et forma propositionis ; *quantitas* est subjecti extensio, *qualitas* est veritas vel falsitas propositionis. Veritas et falsitas dicuntur *qualitas* propositionis quia non videntur pertinere ad essentiam propositionis sed potius de ipsa prædicari ad modum proprietatis vel qualitatis.

(1) S. T. *Sent.* I., dist. 46, a. I, q. 5.

ARTICULUS II

DE PROPOSITIONUM SPECIEBUS

I. **Divisio propositionum ratione materie.** — Ratione materie propositio dividitur in *necessariam, impossibilem et contingentem seu possibilem.*

Propositio necessaria seu in *materia necessaria* est illa *cujus praedicatum necessario vel naturaliter convenit subjecto* v. g. : Homo est animal — Homo est risibilis.

Propositio impossibilis seu in *materia impossibili* est illa *cujus praedicatum necessario repugnat subjecto*; v. g. : Homo est angelus. — Circulus est quadratus.

Propositio contingens seu *possibilis vel in materia contingenti seu possibili*, est illa *cujus praedicatum potest convenire et non convenire subjecto*: v. g. : Homo est justus — Homo non est justus.

II. **Divisio propositionum ratione formæ.** — Ratione formæ propositio dividitur in *affirmativam et negativam.*

Propositio affirmativa est illa quæ *affirmat identitatem praedicati cum subjecto*; v. g. : Homo est justus.

Propositio negativa est illa quæ *negat identitatem praedicati cum subjecto*; v. g. : Homo non est justus. — Ut propositio sit negativa, particula negans debet immediate afficere copulam; si enim immediate afficeret subjectum vel praedictum esset affirmativa; v. g. : non peccare est bonum — Surdus est non audiens. Iste propositiones dicuntur *indefiniti*.

subjecti, vel *indefiniti praedicati*, prout particula negativa afficit *subjectum* vel *praedicatum*.

III. Divisio propositionum ratione qualitatis. — Ratione qualitatis propositio est *vera* vel *falsa*.

Propositio vera est illa quæ enuntiat aliquid esse vel non esse secundum congruentiam rei; ⁽¹⁾ v. g.: Homo est mortalis, — Homo non est angelus.

Propositio falsa est illa quæ enuntiat aliquid esse vel non esse contra rei congruentiam; v. g.: Corvus est albus — Homo non est animal.

IV. Divisio propositionum ratione quantitatis. — Ratione quantitatis propositio dividitur 1° in *universalem*, *particularem*, *singularem*, *indefinitam et collectivam*.

Propositio universalis est illa cuius *subjectum est terminus universalis*, scilicet *supponens universaliter seu distributive*; v. g.: Omnis planta est vivens — Animal sentit.

Propositio particularis est illa cuius *subjectum est terminus particularis*, scilicet, *supponens particulariter seu disjunctive* v. g.: Aliquis apostolus fuit proditor, — Homo est justus.

Propositio singularis est illa cuius *subjectum est terminus singularis*, scilicet, *supponens singulariter*; v. g.: Socrates est philosophus — Hic homo est sapiens.

Propositio indefinita est illa cuius *subjectum est terminus communis nullo signo syncategorematico extensionis determinatus*; v. g.: Homo est mortalis — Homo est justus. Propositio indefinita est universalis in materia necessaria et impossibili, et particularis in materia contingentia. (Vide leges suppositionis, p. 44).

Propositio collectiva est illa cuius *subjectum est terminus supponens collective*; v. g.: Sensus externi hominis sunt quinque.

2° **Propositio universalis** dividitur in *metaphysicam*, *physicam*, *moralement*.

(1) S. T. Periherm., I. 9.

Propositio universalis metaphysica est illa cuius prædicatum singulis subjecti inferioribus convenit vi essentiæ, ita ut nulla exceptio haberi possit ; v. g. : Omnis circulus est rotundus — Homo est animal.

Propositio universalis physica est illa cuius prædicatum singulis subjecti inferioribus convenit, attentis legibus physicis, ita ut possibilis sit exceptio per miraculum ; v. g. : Ignis comburit.

Propositio universalis moralis est illa cuius prædicatum, attentis legibus moralibus, ut plurimum inferioribus subjecti convenit, ita ut non desint exceptiones ; v. g. : Matres diligunt pueros suos.

V. Divisio propositionum ratione entis. — Ratione entis propositio dividitur : 1° in simplicem et compositam.

Propositio simplex est illa quæ unum de uno enuntiat, vel est illa quæ unico subjecto et unico prædicato constat ; v. g. : Deus est æternus — Socrates Atbeniensis fuit philosophus moralis. Pluralitas vocum non aufert unitatem seu simplicitatem propositionis, dummodo non multiplicat subjectum vel prædicatum ; v. g. : Plato est homo est propositio — est propositio simplex.

Propositio composita est illa quæ plura enuntiat, scilicet, quæ pluribus constat subjectis vel prædicatis, ideoque plures propositiones simplices explicite vel implicite continent : v. g. : Cicero fuit orator et philosophus — Obsequium amicos, veritas odium parit.

a) **Propositio simplex** dividitur in incomplexam et complexam.

Propositio incompleta est illa cuius subjectum et prædicatum constant terminis incomplexis : v. g. : Homo est mortal. Illa propositio dicitur re et apparentia simplex.

Propositio complexa est illa cuius subjectum vel prædicatum constant terminis complexis : v. g. : Deus bonus est diligendus, — Deus qui est omnipotens omnia creavit. Illa propositio dicitur apparenter composita sed re simplex.

Propositio complexa tandem aliquando habet subjectum vel prædicatum cui adnectitur alia propositio, ut in exemplo Deus etc. Illa propositio adnexa dicitur *incidentis* respectu alterius qui dicitur *principalis*. **Propositio principalis** est illa cuius subjectum vel prædicatum vel utrumque adnexam habet aliam propositionem; v. g.: in propositione: *Deus qui est omnipotens omnia creavit*, propositio principalis est: *Deus omnia creavit*. **Propositio incidentis** est illa quæ adnectitur subjecto vel prædicato propositionis principalis; v. g.: *Qui est omnipotens*, in propositione præcedenti. — **Propositio explicativa**: quæ autem judicium in se completum non exprimit dicitur *restrictiva*; v. g.: in exemplo jam allato, *Qui est omnipotens*, est propositio incidentis explicativa; in sequenti propositione: *Omnes homines qui mortui sunt, rationem Deo reddiderunt*, propositio incidentis, *qui mortui sunt*, est restrictiva.

b) **Propositio composita** est *aperte* vel *occulte* *composita*.

Propositio aperte composita est illa quæ videtur et reapse est composita; est multiplex, scilicet, *copulativa*, *causalis*, *discretiva* et *relativa*.

Propositio copulativa, est illa quæ plura subjecta vel plura prædicata, ideoque plures propositiones conjungit ope particulæ copulativæ et, atque, nec, neque, etc., v. g.: *Homo probus est simplex et prudens*. — Ut propositio copulativa sit vera, requiritur ut omnes simplices propositiones in quas resolvi potest veræ sint; aliter potest absolute dici falsa.

Propositio causalis est illa quæ plures simplices propositiones conjungit ope particulæ causalis, *quia*, *quoniam*, *ideo*, *enim*, etc., v. g.: *Deus est patiens quia aeternus*. Veritas propositionis causalis pendet a veritate nexus inter propositiones simplices, abstractione facta ab earum veritate, v. g. falsa sequens propositio: *Homo est scientiae capax quia est animal bipes*.

Propositio discretiva seu **adversativa** est illa quæ plures propositiones simplices conjungit ope particulæ discretivæ

seu adversativæ, *sed*, *tamen*, *at*, etc. v. g. : Omnis homo est liber, sed non a Dco independens. Requiritur aliqua oppositio inter simplices propositiones quæ particula discretiva conjunguntur, aliter non vitatur ridiculum.

Propositio relativa est illa quæ plura membra in unam propositionem conjungit per particulas relatives sive qualitatis, ut *talis*, *qualis*, sive quantitatis, ut *tantum*, *quantum*, *tot*, *tot*, sive temporis, ut *tum*, *cum*, sive loci, ut *ubi*, *ibi*, sive modi, ut *sicut*, *ita*. v. g. : Qualis vita, talis mors—Tot capita, tot sensus.—Ubi thesaurus, ibi cor tuum. Homo toties moritur quoties amittit suos. Veritas propositionis relativæ pendet a veritate relationis.

Propositio occulte composita est illa quæ est apparenter simplex sed re composita ; dicitur propositio *exponibilis* quia in ipsa includitur aliqua propositio necessario exponenda ut sensus integer propositionis manifestetur. v. g. Deus solus est æternus. In ista propositione continentur sequentes propositiones *exponentes* : Deus est æternus, Nullus alias a Deo est æternus.

Propositio exponibilis est *exclusiva*, *exceptiva*, *comparativa* et *reduplicativa*.

Propositio exclusiva est illa cuius subjectum vel prædicatum afficitur particula exclusiva, *solus*, *tantum*, etc. v. g. : Solus Deus est omnipotens. Est *exclusivi subjecti* vel *exclusivi prædicati* prout particula exclusiva subjectum vel prædicatum afficit.

Propositio exceptiva est illa cuius subjectum vel prædicatum afficitur particula exceptiva, *præter*, *nisi*, etc. v. g. : Omnia præter Deum sunt finita.

Propositio comparativa est illa cuius subjectum vel prædicatum afficitur particula comparativa implicite vel explicite expressa, v. g. : Petrus est doctior Paulo.

Propositio reduplicativa est illa cuius subjectum afficitur particula reduplicativa, quatenus, ut, *qua*, etc., v. g. : Homo ut homo est rationalis.

2º *Propositio dividitur in categoricam et hypotheticam.*

Propositio categorica est illa quæ affirmat vel negat aliquid esse vel non esse simpliciter, independenter scilicet a determinata conditione ; v. g. : *Anima est principium vitæ.*

Propositio hypothetica est illa quæ aliquid affirmat esse vel non esse, non simpliciter, sed verificata aliqua conditione ; v. g. : *Si Deus non est, nihil esse potest.*

Propositio hypothetica est *conditionalis, disjunctiva, vel conjunctiva.*

Propositio conditionalis est illa quæ plures simplices propositiones conjungit particula conditionali *si* ; v. g. : *Si homo est animal est sensitivus.* **Propositio** quæ afficitur particula conditionali dicitur *conditio*, altera dicitur *conditionatum*, et veritas propositionis pendet a veritate nexus inter conditionem et conditionatum, abstractione facta a veritate vel falsitate propositionum simplicium ; sic, vera est propositio : *Si Petrus immobile currit, immobile movetur.*

Propositio disjunctiva est illa quæ plures simplices propositiones conjungit particula disjunctiva *vel, aut, etc.*, v. g. : *Petrus aut major est Paulo, aut minor, aut æqualis.* — Ut propositio disjunctiva vera sit requiritur ut omnia membra sint complete enumerata, neque omnia sint simul vera neque omnia simul falsa. Igitur falsa est sequens propositio : *Petrus aut sedet, aut loquitur.*

Propositio disjunctiva est *proprie* disjunctiva vel *improprie*. Dicitur *improprie* disjunctiva quum adhibita particula *vel, aut*, indicatur saltem unam ex propositionis partibus esse veram ; v. g. : *Vel Petrus, vel Paulus Romæ mortui sunt.* Dicitur *proprie* disjunctiva quum adhibita particula *vel, aut*, significatur exclusio, et indicatur unum ex enumeratis ut verum accipi, aliis exclusis ; v. g. : *Corpus aut quiescit aut movetur.*

Propositio conjunctiva est illa quæ constat propositionibus simplicibus incompossibilibus, scilicet, quæ sese ad invicem excludunt ; v. g. : *Homo non potest sese simul mortuus et vivens.* Ad veritatem propositionis conjunctivæ requiritur ut vera sit incompossibilitas.

Divisio propositionis ratione modi. — Ratione modi propositio dividitur in *absolutam* et *modalem*.

Propositio absoluta seu *de inesse* est illa quae simpliciter affirmat vel negat prædicatum de subjecto : v. g. : Petrus currit.

Propositio modalis seu *de modo* est illa quae non tantum enuntiat prædicatum convenire vel non convenire subjecto, sed exprimit modum hujus convenientiæ vel disconvenientiæ ; v. g. : Deus est necessario *aeternus*. In propositione modali, ipsa propositio præcisa a modo, dicitur *dictum* ; sic in propositione : Deus est necessario *aeternus*, *Deus est aeternus*, est *dictum*, et *necessario est modus*.

Cum prædicatum quadruplici modo potest subjecto convenire, nempe : necessario, contingenter, possibiliter et impossibiliter, quatuor sunt propositiones modales ; v. g. : Deum esse est necessarium. — Hominem esse est contingens — Hominem cantare est possibile — Hominem esse angelum est impossibile.

DE OPPOSITIONE PROPOSITIONUM

I. Propositionum proprietates. — Propositiones possunt ad invicem comparari, et ex illa comparative proprietates exurgunt relativae, distinctae nempe a proprietatibus absolutis de quibus jam fuit sermo, et quae sunt quantitas, qualitas, etc. Illa autem comparatio fieri potest vel inter propositiones quae diversam materiam habent, diversum nempe subjectum vel praedictum, et disparatae dicuntur, vel inter propositiones q. & eadem materia constant. Primae, scilicet, propositiones disparatae, non possunt in aliqua proprietate una convenire, unde de ipsis hic non fit sermo. Aliæ autem propositiones triplici modo comparari possunt: vel una opponitur alteri, vel ipsi æquivalet, vel in ipsam convertitur. Unde triplex propositionum proprietas relativa: *oppositio*, *equipollentia*, et *conversio*. De prima autem proprietate instituitur sermo in praesenti articulo, de aliis vero in subsequenti.

II. Oppositionis propositionum notio. — Sicut *ens* et *non ens* sunt opposita, ita *affirmatio* et *negatio* opponuntur. Propositiones autem ratione *formæ* seu *qualitatis essentialis* sunt affirmative vel negative ut dictum est; unde secundum hanc differentiam dicuntur opposita. Erit ergo oppositio propositionum: *affirmatio* et *negatio ejusdem praedicati de eodem subjecto*.

III. Oppositionis fundamentum. — Omnis oppositio in *contradictione* fundatur.

Contradiccio autem est *oppositio affirmationis et negationis ejusdem praedicati de eodem subjecto secundum unitatem nominis et rei, secundum idem, respectu ejusdem, et eodem modo eodemque tempore.* ⁽¹⁾

Dicitur 1° *oppositio affirmationis et negationis*, quia affirmatio et negatio sunt prima oppositionis constitutiva, et ubi desunt haberi possunt quidem propositiones de praedicato opposito, sicut : Petrus est justus, — Petrus est malefactor, non autem propositiones oppositæ.

Dicitur 2° *eiusdem praedicati*, quia affirmatio et negatio de praedicatis diversis constituunt distinctionem, non autem oppositionem ; non sunt oppositæ illæ propositiones : Christus est Deus. — Christus non est homo.

Dicitur 3° *de eodem subjecto*, eadem ratione. Non sunt oppositæ : Sacraenta sunt septem. — Virtutes theologicæ non sunt septem.

Dicitur 4° *secundum unitatem nominis. et rei*, quia ad oppositionem requiritur affirmatio et negatio ejusdem de eodem, unde non sufficit identitas materialis subjecti et praedicati secundum nomen, sed requiritur identitas formalis, ut nempe nomen secundum eamdem significationem et suppositionem adhibeatur. Unde oppositæ non sunt illæ propositiones : Taurus est mons. — Taurus non est mons. Taurus enim in secunda propositione supponit pro animali.

Dicitur 5° *secundum idem*, scilicet secundum eamdem partem subjecti et praedicati. Ad contradictionem enim requiritur ut affirmatio et negatio sint ejusdem praedicati de eodem subjecto non tantum secundum nomen et nominis significationem, sed etiam quod terminus supponat pro eisdem individuis seu inferioribus. Unde absolute non opponuntur illæ duæ propositiones : Aliquis homo est justus. — Aliquis homo non est justus ; quia *homo* supponit pro diversis individuis, et idem non affirmatur et negatur de eodem.

(1) LORENZELLI. *Secunda logica pars*, I. II, n. II.

Dicitur 6° *respectu ejusdem*, i. e. secundum comparationem ad eundem terminum. Unde non sunt oppositae illae sententiae: Pauci sunt electi. — Non pauci sunt electi, si prima proposilio numerum electorum considerat respectu majoris numeri reproborum, et secunda eundem numerum considerat absolute.

Dicitur 7° *codem modo eodemque tempore*, quia ubi variatur modus vel tempus non est amplius affirmatio et negatio ejusdem de eodem. Non possunt dici oppositae sequentes propositiones: Petrus currit tarde. — Petrus non currit velociter. Petrus venit (heri). — Petrus non venit (hodie).

IV. Oppositionis species. — Cum oppositio est affirmatio et negatio ejusdem de eodem, una est vera et propria oppositio quae est contradictione, quia in contradictione tantum una proposilio affirmat quod altera negat; tamen logici minus presserunt quatuor distinguunt in propositionibus oppositionis species, et oppositio dicitur *contradictoria, contraria, subcontraria, et subalterna*. — Etenim duas propositiones eodem subjecto eodemque praedicato constantes vel differunt *sola quantitate* et dicuntur *subalternae*; vel *sola qualitate essentiali*, et sunt vel ambae universales et dicuntur *contrariae*; vel ambae particulares et vocantur *subcontrariae*; vel differunt *quantitate et qualitate* et vocantur *contradictoriae*.

Oppositio contradictoria est repugnantia inter duas propositiones eadem materia constantes quarum una est affirmativa, altera negativa, una universalis, altera vero particularis, vel utraque singularis; v. g.: Omnis homo est justus; — Aliquis homo non est justus. — Petrus est sapiens. — Petrus non est sapiens. — Oppositio contradictoria etiam definitur: repugnantia duarum propositionum quarum una negat tum qualitatem, tum quantitatem alterius. Sed in propositione singulari non datur realiter extensio, et ideo sola negatione formae habetur contradictione. **Propositiones contradictoris** definiuntur: *duae propositiones eadem materia constantes quarum una est universalis et altera particularis, vel utraque singularis, una tamen affirmans, altera negans*.


Oppositio contraria est repugnantia inter duas propositiones universales eadem materia constantes quarum una est affirmativa, altera negativa ; v. g. : *Omnis homo est justus* ; — *Nullus homo est justus*. **Propositiones contrarie** sunt igitur : *duæ propositiones universales quæ eodem subjecto eodemque prædicato constant, quarum una est affirmativa, altera negativa*.

Oppositio subcontraria est repugnantia duarum propositionum particularium eadem materia constantium quarum una est affirmativa, altera negativa ; v. g. : *Aliquis homo est justus* ; — *Aliquis homo non est justus*. **Propositiones subcontrarie** sunt igitur : *duæ propositiones particulares ejusdem materiae quarum una est affirmativa, altera negativa*.

Oppositio subalterna est illa quæ viget inter duas propositiones affirmativas, vel negativas idem subjectum et prædicatum habentes, quarum una est universalis, altera particularis ; v. g. : *Omnis homo est justus* ; — *Aliquis homo est justus*. — *Nullus homo est justus* ; — *Aliquis homo non est justus*. **Propositiones subalternae** sunt igitur : *duæ propositiones affirmativæ vel negativæ, idem subjectum et prædicatum habentes, quarum una est universalis, altera particularis*. Propositio universalis dicitur *subalternans*, particularis autem *subalternata*.

V. Schema oppositionis propositionum. — Diversæ oppositionis species quæ inter propositiones existunt, hoc schema simul continentur :

▲ *Omnis homo est justus.* Contrarie *Nullus homo est justus.* E




I *Aliquis homo est justus.* Subcontrarie *Aliquis homo non est justus.* O



MICROCOPY RESOLUTION TEST CHART

(ANSI and ISO TEST CHART No. 2)




APPLIED IMAGE Inc

1853 East Main Street
Rochester, New York 14609 USA
(716) 482 - 0300 - Phone
(716) 288 - 5989 - Fax

Logici utuntur quatuor litteris A. E. I. O. ad designandas propositiones secundum earum qualitatem et quantitatem. A designat propositionem universalem affirmativam; E universalem negativam; I particularem affirmativam, O particularem negativam. Unde versiculi:

Asserit A, negat E, verum generaliter ambo;
Asserit I, negat O, sed particulariter ambo.

Propositiones autem modales opponuntur inter se sicut in sequenti schemate ostenditur:



VI. Veritas vel falsitas propositorum contradictoriarum. — *Duae propositiones contradictoriae nequeunt esse simul veræ, nec simul falsæ.* — Etenim in propositionibus contradictoriis una propositio negat de aliquo subjecto id ipsum quod altera affirmat de eodem subjecto. Atqui idem non potest esse simul et non esse, quidlibet enim aut est, aut non est. Ergo in contradictoriis necesse est unam propositionem esse veram et alteram falsam. Sint contradictoriae: Omnes homines sunt justi; — Aliquis homo non est justus. In prima propositione affirmatur quod justitia inest omnibus et singulis hominibus; in secunda negatur quod justitia insit omnibus et singulis hominibus. Admissa igitur veritate vel falsitate illa-

rum propositionum, justitia simul inest et non inest singulis hominibus; idem scilicet, simul est et non est, quod repugnat. Ex hac lege sequitur: *ex falsitate aut veritate unius propositionis contradictoriae infertur veritas vel falsitas alterius.*

VII. Veritas vel falsitas propositionum contraria-
rum. Propositiones contrariæ nequeunt esse simul verae; pos-
sunt esse simul falsæ in materia contingenti.

Prima pars. — Si enim illæ duæ propositiones universales sint verae, verae sunt etiam particulares propositiones subalternae. Atqui illæ duæ propositiones particulares contradictorie opponuntur respective contrariis diversæ qualitatis. Ergo duæ propositiones contradictoriae essent simul verae, quod est impossibile. Duæ propositiones contrariæ nequeunt igitur esse simul verae. Sit exemplum: *Omnis homo est justus;* — *Nullus homo est justus;* si duæ istæ contrariæ essent verae, hæ similiter subalternae: *Aliquis homo est justus;* — *Aliquis homo non est justus.* Sed *Omnis homo est justus*, et, *Aliquis homo non est justus*, contradictorie opponuntur. Ergo duæ contradictoriae essent simul verae.

Secunda pars. — In materia enim contingenti sæpe accedit ut aliquod prædicatum neque omnibus inferioribus subjecti conveniat, neque de omnibus denegandum sit, sed aliquibus conveniat, aliquibus non. Unde falsæ sunt propositiones: *Omnis homo est justus;* — *Nullus homo est justus;* habetur veritas in particularibus: *Aliquis homo est justus;* — *Aliquis homo non est justus.* In materia autem necessaria seu impossibili, prædicatum necessario subjecto convenit vel necessario repugnat, unde non datur medium: — *In contrariis ergo, ex veritate unius propositionis infertur falsitas alterius, ex falsitate vero unius non infertur veritas alterius nisi sint propositiones in materia necessaria.*

VIII. Veritas vel falsitas propositionum subcontra-
riarum. Propositiones subcontrariæ nequeunt esse simul
false; possunt tamen esse simul verae in materia contingenti.

Prima pars. — Si duæ subcontrariæ essent simul falsæ, verae essent earum contradictoriae quæ tamen sunt inter se

contrariæ. Duæ contrariæ essent igitur simul veræ, quod repugnat.

Secunda pars. — Duæ propositiones contrariæ possunt esse simul falsæ in materia contingentii. Ergo veræ sunt earum contradictoriæ. Atqui illæ contradictoriæ sunt inter se subcontrariæ. Ergo duæ subcontrariæ possunt esse simul veræ in materia contingentii. — Cum autem duæ contrariæ non possunt esse simul falsæ in materia necessaria, nec duæ subcontrariæ esse possunt veræ in hac materia. *In subcontrariis igitur ex falsitate unius propositionis infertur veritas alterius; ex veritate unius non infertur falsitas alterius nisi propositiones sint in materia necessaria.*

IX. Veritas et falsitas propositionum subalternarum. — *Propositiones subalternæ possunt esse simul veræ vel simul falsæ; quod manifestum est.* Si propositio subalternans superior vera sit; inferior subalternata est necessario vera. Si superior sit falsa in materia necessaria, inferior quoque falsa est; in materia contingentii potest esse vera. Sint exempla: si vera sit propositio: *Omnis homo est animal;* *Aliquis homo est animal,* est pariter vera; item si falsa: *Nullus homo est animal;* falsa quoque, *Aliquis homo non est animal;* sed si falsa propositio sequens in materia contingentii: *Omnis homo est doctus,* non sequitur falsam esse subalternatam, *Aliquis homo est doctus,* quæ potest esse vera. Ergo *in subalternis ex veritate subalternantis infertur veritas subalternata; sed ex falsitate subalternantis non infertur falsitas subalternata nisi propositiones sint in materia necessaria seu impossibili.*

X. Diversi gradus oppositionis. — In contradictoriis maxima est oppositio. Illæ enim propositiones maxime oppnuntur quæ in nullo medio convenire possunt et quarum una totaliter destruit alteram. Atqui hujusmodi est in contradictoriis quæ in nullo medio nec in quantitate, nec in qualitate, nec in veritate, nec in falsitate convenient, ita ut una alteram totaliter negare et destruere dicatur. Aliæ autem propositiones oppositae in aliquo medio convenient, in quantitate, ut contrariæ et subcontrariæ, in qualitate, ut subalternæ, et in veritate

vel falsitate. Maxima igitur oppositio est contradictoria, et ex illa tanquam ex principaliori oppositio derivatur ad alias propositiones, quae in tantum oppositionem habent in quantum aliud de contradictione participant.

Secunda oppositio et minor est *contraria*, quia contrariæ propositiones non ita opponuntur ut una negat id ipsum quod altera affirmat, et ideo una non destruit totaliter alteram. Etenim in propositione *contra*- plus negatur quam id quod necessarium est ad destructionem alterius ; v. g., ad negandum id quod affirmatur in illa propositione : *Omnis homo est justus*, requiritur et sufficit, aliquem hominem non esse justum ; unde propositio *contraria* : *Nullus homo est justus*, plus negat quam requiritur, et ideo non destruit totaliter alteram propositionem quum relinquat universalitatem et falsitatem propositionis cui opponitur.

Tertia autem oppositio est *subcontraria* quæ quidem minor est adhuc, quia illa oppositio est apparens tantum non autem realis : subjectum enim non est idem realiter in duabus propositionibus, cum supponat pro diversis individuis. Quando dicitur : *Aliqui homines sunt justi* ; *Aliqui homines non sunt justi*, *justitia* non affirmatur et negatur de eisdem hominibus.

Tandem quarta oppositio et minima omnium est *subalternæ*, quæ vel nullo modo, vel impropriissime dicitur oppositio, cum in *subalternis* non sit affirmatio et negatio, in qua præser-tim invenitur vis oppositionis.

ARTICULUS IV

DE AÉQUIPOLLENTIA ET CONVERSIONE
PROPOSITIONUM

I. **Aequipollentia propositionum.** — **Aequipollentia** est identitas significationis duarum propositionum quæ prius erant oppositæ :⁽¹⁾ v. g. : *Omnis homo est mortalis*, et, *Nullus homo non est mortalis*, sunt propositiones æquipollentes. **Aequipollentia** fit per particulam negantem *non*, et ideo in fieri definitur : *reductio* duarum propositionum oppositarum ad eamdem significationem ope particulæ negantis.⁽²⁾

II. **Aequipollentias leges.** — 1° In contradictoriis una propositio fit alteri æquipollens præponendo *non* subjecto : v. g. : *Omnis homo est justus*; — *Aliquis homo non est justus*. — Prima fit æquipollens secundæ hac modo : *Non omnis homo est justus*. Particula *non* præposita subjecto negat quantitatem et ideo : *Non omnis homo est justus* = *Aliquis homo non est justus*.

2° In contrariis una propositio fit alteri æquipollens postponendo *non* subjecto ; particula *non* postposita subjecto mutat qualitatem tantum propositionis ; v. g. : *Omnis homo est justus*, fit æquipollens suæ contrariæ *Nullus homo est justus*, hoc modo, scilicet : *Omnis homo non est justus*.

3° In subalternis una propositio fit alteri æquipollens præponendo simul et postponendo *non* subjecto. Particula *non*

(1) LORENZELLI.
(2) DE MARIA.

præposita simul et postposita subjecto mutat quantitatem tantum propositionis.

4° Subcontrariæ non sunt capaces aequipollentiae. Si præponatur negatio fit propositio universalis et contradictoria: *aliquis homo est justus* (I); *Non aliquis homo est justus* sonat: *nullus homo est justus* (E). Si vero postponatur negatio, fit propositio formaliter negativa, proinde *identica*, sed non *aequipollens*: *Aliquis homo est justus*. — *Aliquis homo non est justus* (O). Si præponatur et postponatur negatio fit propositio subalternans: *Aliquis homo est justus* (I), *Non aliquis homo non est justus* sonat: *Omnis homo est justus* (A).

Præm contradic. Post contra, PRÆPOSTQUE subalter.

III. Conversio propositionum. — *Conversio est inversio seu mutatio terminorum propositionis de subjecto in prædicatum et de prædicato in subjectum servata veritate et qualitate*: v. g.: Nullus homo est planta, — convertitur hoc modo — Nulla planta est homo. Propositio cujus termini mutantur dicitur *conversa*, altera dicitur *convertens*.

Conversio autem est triplex: nempe *simplex*, *per accidens*, *per contrapositionem*.

Conversio simplex est illa in qua eadem manet quantitas propositionum; v. g.: Nullus spiritus est corpus; — Nullum corpus est spiritus.

Conversio per accidens est illa in qua propositionum quantitas mutatur; v. g.: Omnis homo est animal; — Aliquod animal est homo.

Conversio per contrapositionem est illa in qua ramanet eadem quantitas, sed termini fiunt infiniti, idest negatione affecti; v. g.: Aliquis homo non est poëta; — Aliquis (non poëta) non est (non homo). Quæ ratio loquendi adeo innaturalis est, ut vix unquam adhibeatur.

IV. Leges conversionis. — Universalis negativa et particularis affirmativa convertuntur simpliciter; — Omnes universales tum affirmativæ, tum negativæ convertuntur per acci-

dens ; — Universalis affirmativa et particularis negativa convertuntur per. contrapositionem. Illæ leges sequentibus versiculis enuntiantur, in quibus vocales A. E. I. O. propositiones designant secundum quantitatem et qualitatem, ut jam explicavimus :

* Simpliciter fEcl convertitur ; EvA per accidens ;
A:tO per contrap ; sic fit conversio tota.

— Antequam fiat conversio prius resolvatur verbum adjectivum in copulam verbalem et prædicatum, et verbum alterius temporis reducatur ad tempus præsens ; v. g. *Petrus amat Paulum*, scilicet, *est amans Paulum* ; facilius postea fit conversio : *Amans Paulum est Petrus*. — *Hic senex fuit puer* scilicet, *Hic senex est aliquis qui fuit puer* ; unde conversio : *Aliquis qui fuit puer est hic senex*.

LIBER TERTIUS

DE RATIOCINIO

Prologus. — Tres sunt mentis operationes : simplex apprehensio, judicium, ratiocinium. Istae autem operationes ita ad invicem comparantur ut prima ad secundam, secunda ad tertiam ordinetur. Habit enim pluribus apprehensis mens unum apprehensum alii componit et dividit, judicium scilicet profert in quo formaliter veritas reperitur. Una autem veritate nota, mens procedit ad aliam ignotam cognoscendam quæ in prima virtualiter continetur. Iste discursus mentis ab una veritate nota ad aliam ignotam dicitur *ratiocinium*. Operatione interna perfectum, ratiocinium voce et scripto exterius manifestatur *syllogismo*. Syllogismus autem ut omne opus artificiale forma constat et materia. Ratione formæ, scilicet, ratione dispositionis terminorum et propositionum duplex est : *deductivus* et *inductivus*. Mens enim dupli via ab una veritate nota ad aliam procedere potest : nempe vel ab universalibus ad particularia descendit, vel a singularibus sufficienter consideratis ad universale concludit. Hinc duplex processus, deductionis et inductionis. Exinde etiam duplex syllogismus, nimirum syllogismus deductivus qui absolute dici solet *syllogismus*, et syllogismus inductivus qui proprio nomine *inductio* vocatur. Ratione vero materiæ, scilicet propositionum ex quibus constat, syllogismus est : *demonstrativus*, *probabilis* et *sophisticus*. Unde præsens liber tertius in quatuor capita dividitur : primum

agit de ratiocinio ; secundum, de syllogismo deductivo ; tertium, de syllogismo inductivo seu de inductione ; quartum, de syllogismo demonstrativo, probabili et sophistico.

I. De ratiocinio.

II. De syllogismo deductivo.

III. De inductione, seu syllogismo inductivo.

IV. De syllogismo demonstrativo, probabili et sophistico.

CAPUT PRIMUM

DE RATIOCINIO

Prologus. --- Cum plura eadem dicenda sunt de ratiocinio et de syllógismo qui est signum ejus, ea tantum quæ speciali sermone de ratiocinio proponuntur sub hoc unico articulo continentur sequenti ordine.

DE RATIOCINIO

Notio Elementa	{	Termini	{ Major Minor Medius
		Judicia	{ Antecedens Consequens
Leges	{		Ex vero antecedenti non potest sequi falsum consequens. Ex falso antecedenti sequi potest tum verum, tum falsum consequens. Antecedens sit quoad nos notius consequenti.
Principia	{		Identitatis : Quæ sunt eadem uni tertio sunt eadem inter se. Discrepantie : Duo quorum unum est idem uni tertio, aliud autem non est idem, non sunt eadem inter se.
Species	{	Deductivum Inductivum	

ARTICULUS UNICUS

DE RATIOCINIO

I. **Ratiocini notio.** — *Ratiocinium est mentis actus, seu discursus ab una veritate nota ad aliam ignotam.*

Dicitur 1^o *Actus mentis, scilicet, intellectus, unde ratiocinium distinguitur a syllogismo seu ab argumentatione quibus exterius manifestatur.*

Dicitur 2^o *discursus.* Discursus autem potest esse duplex : « unum secundum successionem tantum, sicut cum postquam intelligimus aliquid in actu, convertimus nos in aliud ; allus discursus est secundum causalitatem, sicut cum per principia pervenimus in cognitionem conclusionum. » (1) Ratiocinium autem est discursus secundum causalitatem et non nisi ratione nexus inter veritatem notam et veritatem ignotam, ab una proceditur in alteram.

Dicitur 3^o *ab una veritate nota ad aliam ignotam.* Etenim ratiocinium sese habet ut motus mentis cuius sunt duo termini, scilicet, veritas nota a qua procedit, et veritas ignota ad quam pervenit. Sed ab uno ad alium terminum non est transitus sine medio ; et ideo ratiocinium est cognitio mediata. Intellectus enim duo apprehendens, vel statim eorum convenientiam aut discrepantiam percipit et *immediatum profert iudicium* ; vel eorum convenientiam aut discrepantiam non percipit, et

(1) S. T., *Sum. Theol.* I p., q. 14., a. 7.

comparationem cum uno tertio magis noto instituit, quo mediante convenientia vel discrepantia eorum appareat, et *judicium profert mediatum ope ratiocinii*. Unde *ratiocinum recte definiri potest : actus quo intellectus, instituta comparatione duorum cum uno tertio, eorum ad intricem identitatem vel discrepantium affirmat vel negat*, v. g. : Omne principium vitæ est simplex ; Atqui anima humana est principium vitæ ; Ergo anima humana est simplex.

II. Corollarium. — *Ratiocinum necessario supponit judicia immediata, quæ sine ullo ratiocinio a mente cognoscuntur. Etenim judicia ex quibus aliud insertur possunt esse mediata, scilicet ab aliis inferri possunt, sed deveniendum est tandem in quedam judicia quæ non ex aliis inferuntur sed immediate cognoscuntur ; aliter daretur progressio indefinita. Sunt igitur judicia immediate cognita in quæ ratiocinum revocatur. Illa judicia dicuntur prima principia, primæ veritatis.*

Quædam sunt propria singularum scientiarum et dicuntur *principia scientiarum* ; quædam sunt communia omnibus scientiis, et dicuntur simpliciter *prima principia*, ut principia identitatis, contradictionis et mediæ exclusivi.

III. Elementa ratiociniti. — 1° *Ratiocinum tribus notionibus seu apprehensionis componitur ; natura ejus consistit in comparatione quarum notionum cum una tertia ut inde inferatur eorum convenientia vel discrepantia. Illæ tres notiones dicuntur termini quia in ipsis tanquam in ultimum terminum resolvitur ratiocinum. Due notiones quæ cum tertia comparantur dicuntur extrema, tertia notio dicitur terminus medius. Tres termini materiam remotam ratiocinii constituunt.*

2° *Ratiocinum constat tribus judiciis : in duobus primis quæ dicuntur antecedens due notiones cum tertia, scilicet extrema cum medio, comparantur ; in tertio, quod vocatur consequens, due notiones inter se conferuntur et affirmatur earum identitas vel discrepantia. Illa tria judicia constituunt materiam proximam ratiocinii.*

3° *Ad ratiocinum habendum requiritur inter antecedens et consequens nexus qui dicitur forma ratiocinii, quia illud ele-*

mentum ratiocinium constituit in suo esse, et ipsum distinguit a judicio. Ratiocinium enim est discursus secundum causalitatem, unde causalitatis nexum exigit inter judicia ex quibus constat, et ubi deest, habetur quidem judicium, non autem ratiocinium. Iste nexus vocatur *consequentia*.

Multum discriminis est inter *consequens* et *consequentiam*, nec veritas vel falsitas consequentiae pendet a veritate vel falsitate consequentis. *Consequens* est judicium quod infertur ex antecedente; *consequentia* vero est nexus inter *consequens* et *antecedens*. *Consequens* potest esse verum, et falsa *consequentia*, et vice versa. Sint exempla: Omnis homo est vivens: Atqui Tullius est homo: Ergo Tullius est orator. Verum est *consequens* *Tullius est orator*; sed falsa *consequentia expressa* particula *ergo*, quia non datur nexus inter *consequens* et *antecedens*. — Petrus immobile currit; Atqui qui immobile currit immobile movetur; Ergo Petrus immobile movetur. Falsum est *consequens*, sed vera *consequentia*.

Leges ratiocinii. — 1° *Ex vero antecedenti non potest sequi falsum consequens.* — Ratio est quia *consequens* in *antecedenti* continetur, est aliquid *antecedentis*. Ergo ponere *antecedens* verum et *consequens* falsum est ponere *antecedens* ex parte falsum. Quod autem ex parte est falsum, absolute non est verum. *Antecedens* ergo esset simul verum et non verum, quod est contradictionem.

2° *Ex falso antecedenti sequi potest tum falsum tum verum consequens.* — Hoc manifestum fit exemplis: Homo est lapis; Ergo est substantia. — Omne animal est nigrum; Ergo corvus est niger. Quod falsum ex falso sequi possit, non indiget probatione. Cum enim falsum sequi non possit ex vero, et saepius infertur, jam fluere non potest nisi ex falso. Verum autem sequi potest ex falso, quia possunt in *antecedenti* coniungi quae jungenda non sunt, qua tamen connexione posita, verum sequatur.

3° *Antecedens sit notius quoad nos consequente.* — Ex cognitione enim *antecedentis*, mens transit ad cognitionem *consequentis*, tanquam a veritate nota ad veritatem ignotam.

V. Ratiocinii principia. — Ratiocinium duobus principiis proxime nititur, nempe *identitatis* et *discrepantiae* quæ sic enuntiantur. Principium identitatis : *Quæ sunt eadem uni tertio sunt eadem inter se.* Principium discrepantiae : *Duo quorum unum est idem uni tertio, aliud autem non est idem, non sunt eadem inter se.* In ratiocinio enim duo apprebensa cum tertio comparantur, et affirmatur vel negatur eorum identitas secundum quod convenientur ambo cum tertio, vel unum cum ipso discrepat. Ratio est in promptu, si enim aliter fieret idem simul conveniret et non conveniret, esset simul et non esset⁽¹⁾ Unde remote ratiocinium nititur in principio contradictionis : *Idem non potest esse simul et non esse.*

VI. Ratiocinii species. — Ratiocinium infert judicium ex aliis judiciis in quibus logice continetur. Sed dupli modo aliquid in alio logice continetur : 1° ut singulare in universalis, 2° ut universale in singularibus. Duplex igitur datur ratiocinium, *deductivum et inductivum.*

Ratiocinium deductivum quod per antonomasiā *syllogismus* dicitur, procedit ab universalioribus ad minus universale et particulare : Ex :

Omne animal est substantia.
Atqui omnis homo est animal.
Ergo omnis homo est substantia.

Ratiocinium inductivum, quod *inductio* dicitur, est illud quod procedit a singularibus ad universale : Ex. :

Prudentia, justitia, fortitudo, ... sunt amabiles ;
Atqui prudentia, justitia, fortitudo ... sunt omnes virtutes.
Ergo omnes virtutes sunt amabiles.

(1) Qui nie la conséquence tirée en bonne forme des prémisses accordées, dit que ce qui est n'est pas, et que ce qui n'est pas est ; en un mot, il ne sait ce qu'il dit. BOSSUET, *Logique*.

CAPUT SECUNDUM

DE SYLLOGISMO

Prologus.—Syllogismus *in genere* est signum externum ratiocinii, unde definitur: *oratio constans pluribus propositionibus quarum una ex aliis infertur*. Sicut ratiocinium, *in specie* et simpliciter, accipitur pro syllogismo deductivo, et distinguitur contra *inductionem*. De syllogismo *in specie* nunc queritur, quamvis quædam de syllogismo dicenda, de inductione etiam verificari possint. Sermo noster sic distribuitur:

DE SYLLOGISMO

I° De natura	{ Notio syllogismi Elementa syllogismi Principia syllogismi Utilitas. De valore syllogismi contra Stuart Mill.
II° De legibus	Leges terminorum declarantur et demonstrantur. Leges propositionum declarantur et demonstrantur.
III° De figuris	Notio Numerus Leges Notio
IV° De modis	Modi possibles syllogismi Modi utiles Modorum utilium symbola Modi perfecti Reductio ad modos perfectos.

V° De speciebus

- 1° Syllogismus scholasticus et oratorius
- 2° Syllogismus simplex et compositus
- 3° Syllogismus absolutus, modalis et mixtus
- 4° Syllogismus categoricus et
 - conditionalis. Leges
 - hypotheticus { disjunctivus "
 - conjunctionivus "
- 5° Syllogismus expositorius.

VI° De argumentandi
formis quae ad syl-
logismum reducuntur

- 1° Enthymema
- 2° Epicherema
- 3° Sorites—natura et leges
- 4° Dilemma " "
- 5° Polysyllogismus.

ARTICULUS I

DE NATURA SYLLOGISMI

I. **Syllogismi notio.** — Syllogismus est oratio constans ex tribus propositionibus ita ad invicem ordinatis, ut ex duabus primis positis, tertia necessario sequatur: v. g.:

Omne animal est substantia;
Atqui omnis homo est animal;
Ergo omnis homo est substantia.

Dicitur 1° oratio, ut indicetur genus.

Dicitur 2° constans ex tribus propositionibus, quia ratiocinium constare debet ex tribus judiciis, quae judicia tribus propositionibus exprimuntur.

Dicitur 3° ita ad invicem ordinatis.... ut tertia necessario sequatur, quia in syllogismo, sicut in ratiocinio, discursus habetur secundum causalitatem, ita ut nexus requiratur inter antecedens et consequens.

II. **Syllogismi elementa.** — Syllogismus constat tribus propositionibus quae constant tribus terminis; in syllogismo enim duo comparantur uni tertio ut appareat eorum identitas vel discrepantia. Tres termini constituant materiam remotam syllogismi, tres autem propositiones, materiam proximam.

Ex tribus propositionibus duæ primæ dicuntur *præmissæ*, vel *antecedens*; tertia dicitur *conclusio* vel *consequens*.

Præmissæ sunt duæ propositiones, ex quibus positis, tertia sequatur.

Conclusio est illa tertia propositio quæ ex duabus præmissis necessario sequitur. Nexus inter conclusionem et præmissas dicitur consequentia et exprimitur particula ergo.

Ex tribus terminis unus dicitur *major*, alter *minor*, tercius *medius*.

Terminus major est prædicatum conclusionis; dicitur etiam *majus extremum*.

Terminus minor est subjectum conclusionis, vocatur etiam *minus extremum*.

Medius terminus est ille quocum comparantur extrema in præmissis.

Prædicatum conclusionis dicitur *terminus major*, et subjectum *terminus minor*, quis prædicatum *ex se* majorem extensionem habet quam subjectum.

Ex præmissis una propositio dicitur *major*, altera *minor*. Propositio *major* est illa in qua *majus extremum* comparatur cum medio termino.—Propositio *minor* est illa in qua *minus extremum* comparatur cum medio termino. In disputationibus tamen, propositio primo loco prolatæ dicitur *major*, et posterior dicitur *minor*.

Conclusio dicitur *directa* illa in qua termini eamdem sedem retinent ac in præmissis; *indirecta*, illa in qua termini eamdem sedem non habent ac in præmissis. Sequens syllogismus habet conclusionem *directam*.

Nullum animal est planta;
Atqui omnis homo est animal;
Ergo nullus homo est planta.

En alter syllogismus cum conclusione *indirecta*.

Omnis homo est animal;
Atqui nullum animal est planta.
Ergo nulla planta est homo.

Præter materiam aliud datur syllogismi elementum, nempe forma. *Forma syllogismi* est illa propositionum et terminorum dispositio, vi cuius ex duabus præmissis necessario sequitur conclusio.⁽¹⁾ Forma igitur afficit tum materiam proximam, tum materiam remotam syllogismi, scilicet, tum propositiones, tum terminos syllogismi. Prout autem afficit propositiones dicitur *modus*; prout vero afficit terminos vocatur *figura*. De figuris et de modis syllogismi erit specialis sermo in sequentibus articulis.

III. Principia syllogismi. — Syllogismus nititur dupli principio: haec duo principia ab Aristotele enuntiantur: *Dictum de omni*, et *Dictum de nullo*. *Dictum de omni* sic declaratur: quidquid distributive affirmatur de subjecto universali, debet affirmari de omnibus contentis sub eo. *Dictum de nullo* significat: quidquid distributive negatur de subjecto universali, debet negari de omnibus contentis sub eo. Syllogismus enim deductivus est semper de *toto ad partes*, *de universalis ad particulare*, vel *de universaliori ad minus universale*: ideoque syllogismus necessario non concludit nisi serventur prædicta principia.⁽²⁾

IV. Syllogismi utilitas. — Quanti momenti sit syllogismus ad ingenium colendum, ad veritatem inveniendam, demonstrandam et docendam, necnon ad errores detegendos et confutandos, nemo est qui serio negat. Cum tamen syllogismus plures decursu temporum, præsertim saeculo XIX, nactus est adversarios, quædam testimonia referre de syllogismi utilitate juvabit.

« Le syllogisme régulier suppose une haute culture : il l'atteste et en même temps il l'augmente.... La rigueur de la forme se réfléchit sur l'opération de la pensée ; elle se communique à la langue du raisonnement, et bientôt à la langue

(1) LORENZELLI. *Tertia Logicæ pars*, I. I.

(2) Euler illa principia sic gallice exprimit: "Tout ce qui est dans le contenant est dans le contenu. Tout ce qui est hors du contenant est hors du contenu".

générale elle-même. De là peu à peu des habitudes de sévérité et de précision, qui passent dans tous les ouvrages d'esprit et influent puissamment sur le développement de l'intelligence. » V. COUSIN. *Hist. de la philosophie.*

« L'emploi de la forme syllogistique dans les écoles du moyen âge n'a pas été sans influence sur la formation et la perfection des langues modernes. Nulle cause n'a contribué d'une manière plus efficace à donner au français, en particulier, cette construction à la fois naturelle et sévère qui présente les mots dans l'ordre même où la raison les place. » CH. BOURDAIN. *Notions de philosophie.*

« Je tiens que l'invention de la forme des syllogismes est une des plus belles et des plus considérables de l'esprit humain. C'est une espèce de mathématique universelle dont l'importance n'est pas assez reconnue. » LEIBNITZ. *Nouveaux Essais*, I. iv, c. 17.

« Il est impossible que la forme de la pensée n'influe pas sur la pensée elle-même et que la décomposition du raisonnement dans les trois termes qui le constituent ne rendent pas plus distincte et plus sûre la perception des rapports de convenance qui les unissent ou les séparent. Amenées ainsi face à face, la majeure, la mineure et la conséquence manifestent d'elles-mêmes leur vrai rapport, et la seule vertu de leur énumération précise et de leur disposition régulière, s'oppose à l'introduction de rapports chimériques, dissipe les à peu près et les fantômes, dont l'imagination remplit les intervalles du raisonnement. » V. COUSIN. *Hist. générale de la Phil.* 2e leçon.

V. De valore syllogismi contra Stuart Mill. — Stuart Mill, phisosophus anglicus (1806-1873) contendit syllogismum aristotelicum valore demonstrativo carere et esse puram tautologiam, quia major, ut sit certa, supponit conclusionem. Sic in exemplo sequenti : *Omnis homo est mortalis. Atqui Socrates est homo. Ergo Socrates est mortalis.* Major Syllogismi : *omnis homo est mortalis*, non est certa nisi supponatur con-

clusio : Socrates est mortalis ; nam impossibile est enuntiare quod omnis homo est mortalis nisi prius sciatur Socratem, sicut Paulum, Jacobum, etc., esse mortales. Ergo syllogismus nihil novum docet, est tautologia.

Resp. a) Major syllogismi : omnis homo est mortalis non est summa singularium expertorum, ut contendunt empiristæ ; econtra major est principium quoddam universale abstractum a multis singularibus expertis. Et quia major est aliquid universalius, continet suh se minus universale, id est, conclusio-nem : Socrates est mortalis. Itaque conclusio continetur in majore sicut scientia in principiis, sicut planta in semine, et mediante minore : Atqui Socrates est homo, eruitur ex majore. Quocirca major, nedum supponat conclusionis notitiam, imo notitiam ipsam conclusionis causat.—b) Quando dicitur Omnis homo est mortalis, convenientia mortalis cum homine, depre-henditur non ex facto quod Socrates moriatur, sed a priori ex sola hominis natura, quæ utpote contrariis elementis cons-tans corruptioni suhjacet, in hac ergo majori de morte Socratis non agitur, sed solum de natura humana in cuius notione re-peritur mortalitas. Fer minorem autem suhsumitur : So-crates habet maturam humanam. Recte infertur aliquid cuius cognitio non erat supposita in majori, sed potius ex majori eruitur : Ergo Socrates habet mortalitatem seu est mortalis !⁽¹⁾.

(1) Hugon, op. cit. p. 175.

ARTICULUS II

DE LEGIBUS SYLLOGISMI

I. Octo syllogismi leges. — Logici octo leges stabilierunt secundum quas legitimitas syllogismi facile dijudicatur; quatuor priores ad terminos syllogismi spectant, aliæ quatuor propositiones respiciunt. Sequentibus versiculis exprimi solent a philosophis:

Terminus esto triplex, *major, mediisque, minorque.*
Latius *hos* quam præmissa conclusio non vult.
Nequaquam *medium* capiat conclusio oportet.
Aut semel aut iterum *medius* generaliter esto.
Utraque si præmissa neget, nihil inde sequetur.
Ambo affirmantes nequeunt generare negantem.
Nil sequitur geminis ex particularibus unquam.
Pejorem sequitur semper conclusio partem.

II. Declarantur et demonstrantur leges terminorum. —

Prima lex: *Terminus esto triplex, major, mediisque, minorque.* — Prima hæc regula statuit ut in syllogismo tres tantum sint termini. Ratio hujus regulæ in ipsa syllogismi essentia fundatur. Est enim syllogismus oratio in qua identitas vel discrepantia duorum terminorum infertur ex eorum comparatione cum tertio. Unde tres tantum termini, non plures, nec pauciores secundum formalem suppositionem esse debent in syllogismo. Dixi secundum formalem suppositionem, quia

idem terminus, in duplo: suppositione diversa acceptus, duobus sequivalet. Unde rejiciendus est sequens syllogismus :

Homo est animal ;
Atqui animal est genus ;
Ergo homo est genus.

Animal enim cum diversa suppositione accipitur in majori et in minori : in majori supponit realiter, in minori logice. Quatuor igitur sunt termini.

Secunda lex.—*Latius hos quam præmissæ conclusio non vult, scilicet, termini in conclusione non habeant majorem extensionem quam in præmissis.*—Ratio est quia iidem termini ad invicem comparantur in conclusione, quia comparati fuerunt cum medio in præmissis, nam affirmatur vel negatur identitas extreborum in conclusione secundum quod exigit comparatio ipsorum cum medio. Ergo si terminus *major* vel *minor* particulariter comparatur cum medio in præmissis, particulariter comparari debet cum alio extremo in conclusione, aliter non est idem terminus, et quatuor sunt termini in syllogismo. Contra illam regulam peccat omnis syllogismus in quo unum extrellum est prædicatum propositionis affirmativæ in præmissis, et prædicatum conclusionis negativæ : prædicatum enim propositionis affirmativæ est terminus particularis, dum in negativa propositione prædicatum est terminus universalis. Illegitime igitur concludit sequens syllogismus :

Omnis homo est animal ;
Atqui nullus equus est homo ;
Ergo nullus equus est animal.

Majus extrellum *animal* supponit particulariter in majori, et universaliter in conclusione.

Tertia lex.—*Nequaquam medium capiat conclusio oportet.* secundum syllogismi naturam *medius terminus* adhibetur ut unum ipso extrema comparantur. Atqui illa comparatio fit

in præmissis. Ergo medius non debet ingredi conclusionem in qua extremorum ad invicem fit comparatio. Peccat contra hanc regulam sequens syllogismus.

Cicero fuit orator;
Atqui Cicero fuit Romanus;
Ergo Cicero fuit orator Romanus.

Quarta lex.—*Aut semel aut iterum medius generaliter esto, scilicet, saltem in una præmissa medius supponat distributive seu sumatur universaliter.* Ratio est quia si medius terminus particulariter accipiatur in utraque præmissa, cum diversa suppositione accipitur, et *logice* sunt quatuor termini. Terminus enī bis particulariter acceptus, pro diversis inferioribus accipitur, et duobus terminis æquivalet. Hac ratione rejicitur sequens syllogismus :

Omnis homo est animal;
Atqui omne brutum est animal;
Ergo omne brutum est homo.

Medius terminus *animal* bis prædicatum propositionis affirmativæ, bis particulariter accipitur et pro diversis inferioribus seu secundum diversam partem suæ extensionis, et quatuor sunt termini. Terminus singularis utpote indivisibilis æquiparatur, in *officio logico*, termino universalis.

III. Declarantur et demonstrantur leges propositionum.

Quinta lex.—*Utraque si præmissa negat, nihil inde sequitur, scilicet, ex duabus præmissis negativis nulla infertur conclusio.* Etenim si ambæ præmissæ sunt negativæ, neutrum extremorum convenit cum medio. Atqui ex non convenientia duorum cum tertio non possumus inferre nec eorum identitatem nec eorum discrepantiam; nam principium identitatis, quæ sunt eadem unius tertio etc., vi cuius infertur identitas duorum, exigit convenientiam extremorum cum medio, et principium dis-

er repantice, *Duo quorum unum non est idem* etc., vi cuja infertur diserepantia duorum, exigit convenientiam unius extremorum cum medio. Ergo ex duabus præmissis negativis nihil infertur. Illegitimus est igitur hic syllogismus :

Nullus lapis est animal ;
Atqui nullus homo est lapis ;
Ergo nullus homo est animal.

Oportet tamen ut præmissæ sint vere et realiter negativæ, ut scilicet, particula negans realiter afficiat copulam non autem subjectum vel prædicatum. Unde legitime concludit sequens syllogismus :

Id quod non habet partes nequit perire dissolutione partium :
Atqui anima humana non habet partes ;
Atqui anima humana nequit perire dissolutione partium.

In hoc enim syllogismo minor—*anima humana non habet partes* est propositio affirmativa. Etenim ratione dispositionis syllogisticæ, prædicatum minoris est medijs terminus, scilicet, ille ipse terminus qui est subjectum majoris. Sed medijs terminus est.—*Id quod non habet partes*, seu quod idem est,—*non habens partes*. Ergo minor sic se habet : *Atqui anima humana est id quod non habet partes*, vel, *est non habens partes*. Particula negans afficit prædicatum non autem copulam, propositio est affirmativa.

Sexta lex.—*Ambæ affirmantes nequeunt generare negantem*, scilicet, ex duabus præmissis affirmativis inferri non potest conclusio negativa. Ratio est quia, si ambæ præmissæ sunt affirmativæ, dico extrema convenientia cum medio, et vi principii identitatis : *quaæ sunt eadem uni tertio sunt eadem inter se*, necessario infertur et affirmatur identitas extremorum in conclusione. Sequens syllogismus huic legi contradicit :

Aeternitas est "nunc" permanens ;
Atqui tempus est "nunc" fluens,
Ergo aeternitas non est tempus.

Septima lex. — *Nil sequitur geminis ex particularibus unquam, scilicet, ex duabus præmissis particularibus nulla sequitur conclusio.* Etenim vel *ambæ præmissæ sunt negativæ*, et nulla insertur conclusio juxta legem quintam ; — vel *ambæ præmissæ sunt affirmativæ* et in hoc casu cùmnes termini sunt particulares, (*subjecta sunt particularia, propositiones enim sunt particulares* ; *prædicata particularia sunt etiā, quia propositiones sunt affirmativæ*). Ergo ille syllogismus necessario peccat contra quartam legem quæ vult medium terminum saltem in una præmissa esse terminum universalem. Quod verificatur in sequenti syllogismo :

- I. *Aliquis homo est animal* ;
- I. *Atqui aliquid animal est irrationale* ;
- I. *Ergo aliquis homo est irrationalis*.

Medius terminus animal bis sumitur particulariter.

Vel tandem *una præmissa est affirmativa et altera negativa*, et tres sunt termini particulares, scilicet duo *subjecta*, et *prædicatum propositionis affirmativæ*, et unus terminus *universalis*, scilicet, *prædicatum propositionis negativæ*. Ille terminus universalis erit medius terminus, ut servetur regula quarta ; sed in hoc casu syllogismus peccat contra secundam regulam. Nam conclusio erit negativa, et majus extremum erit terminus universalis in conclusione, cum sit *prædicatum propositionis negativæ*, sed in præmissis est terminus particularis, in conclusione igitur majorem habet extensionem ac in præmissis contra secundam regulam. Sit exemplum :

- I. *Aliquis homo est doctus* ;
- O. *Atqui aliquis sapiens non est doctus* ;
- O. *Ergo aliquis sapiens non est homo*.

Homo majus extremum est terminus universalis in conclusione, et terminus particularis in majori. — *Prædicatum præmissæ negativæ potest esse majus extreum*, et in hoc casu, syllogismus non peccat contra secundam regulam, sed

peccat contra quartam, medius terminus bis sumitur particulariter, ut apparet in sequenti syllogismo :

Aliquis *doctus* non est *sapiens* ;
Atqui aliquis homo est *doctus* ;
Ergo aliquis homo non est *sapiens*.

Nulla ergo legitima conclusio inferri potest ex duabus præmissis particularibus.

Octava lex.—*Pejorem sequitur semper conclusio partem, Pars pejor est negativa respectu affirmativæ, et particularis respectu universalis.* Illa lex duplum igitur continet partem.

1° *Si una præmissa est negativa, altera affirmativa, conclusio erit negativa.* Cum enim una præmissa est negativa et altera affirmativa, unum extremum cum medio convenit, alterum autem repugnat. Ergo infertur conclusio negativa vi principii discrepantiae : *duo quorum unum est idem uni tertio, alterum non est idem, non sunt eadem inter se.*

2° *Si una præmissa est particularis, altera universalis, conclusio erit particularis.* Si autem una ex præmissis est particularis, signum est comparationem fieri in præmissis non generaliter, sed particulariter. Atqui conclusio, ut dictum est, refert tantum comparationem factam in præmissis. Ergo, si una præmissa est particularis, conclusio particularis esse debet.

Peccant contra hanc legem sequentes syllogismi :

Peccator non meretur cœlum ;
Atqui, illi qui merentur cœlum, Deum videbunt ;
Ergo peccator Deum videbit.

Omnes viri probi digni sunt laude.
Atqui homines quidam sunt probi ;
Ergo omnes homines sunt laude digni.

In primo syllogismo, conclusio legitima est : *Ergo peccator Deum non videbit* ; in secundo : *Ergo quidam homines sunt laude digni.*

ARTICULUS III

DE FIGURIS SYLLOGISMI

I. Figuræ syllogisticæ notio. — Forma syllogismi, ut diximus, est illa propositionum et terminorum dispositio, vi cujus ex duabus præmissis necessario sequitur conclusio; unde forma afficit tum *materiam remotam syllogismi*, tum *materiam proximam*. Prout afficit materiam remotam, nempe terminos syllogismi, dicitur *figura* et definitur: *dispositio terminorum secundum subjectionem et prædicationem apta ad inducendam necessario conclusionem*. Cum autem disponuntur termini in præmissis secundum quod comparantur extrema cum medio, simplicius definiri potest figura syllogismi ita ut sit: *dispositio extermorum cum medio apta ad inducendam necessario conclusionem*.

II. Figurarum numerus. — Tres sunt figuræ syllogismi: medius terminus enim tripliciter variari potest in sua dispositione cum extremis: 1° aut est *subjectum* in majori et *prædicatum* in minori; 2° aut est bis *prædicatum*; 3° aut est bis *subjectum*. Unde triplex figura. « Si enim medium, inquit S. Thomas, in una propositione subjicitur et in altera prædicatur dicitur esse prima figura; et merito, quia tunc medium vere est medium, quia sapit naturam utriusque extremi, scilicet subjecti et prædicati. Si vero medium in utraque propositione prædicatur, dicitur esse secunda figura; quia licet medium non sit vere medium, tamen quia dignius est

prædicari quam subjici, ideo hæc figura secundum locum tenet. Si vero medium in intraque propositione subjicitur, dicitur *tertia figura et ultima.* » Illæ tres figuræ versiculo sequenti exprimuntur :

Sub. præ. prima ; sed altera bis præ. ; tertia bis sub.

Præm̄ figura tamen potest habere conclusionem directam vel indirectam, et secundum quod indirecte concludit, variari videtur positio medii termini in præmissis, ita ut fiat prædicatum majoris et subjectum minoris. Unde quartam figuram introducunt plures logici. Juxta scholasticos, illa quarta figura essentialiter non distinguitur a prima, cujus essentia in hoc sistit quod medius terminus subjiciatur in una præmissa et prædicetur in altera. Unde dicendum est quod tres sunt syllogismi figuræ quarum prima conclusiones habent tum directas, tum indirectas.

III. Singularum figurarum leges.—Prima figura : Sit minor affirmans, major vero generalis.

1° *Sit minor affirmans.*—Etenim si minor sit negativa, conclusio erit negativa et major affirmativa ; majus extremum prædicatum majoris, erit terminus particularis in præmissis, et terminus universalis in conclusione, contra secundam legem syllogismi.

2° *Major vero generalis.*, Aliter enim medius terminus, jam terminus particularis in minori, ut prædicatum propositionis affirmativæ, erit particularis etiam in majori, ut subjectum propositionis particularis, scilicet bis sumetur particulariter contra quartam legem syllogismi.

Secunda figura.—Una negans esto, nec major sit specialis.

1° *Una negans esto.* In secunda figura medius terminus est bis prædicatum, unde nisi sit, una præmissa negativa, bis sumitur particulariter.

2° *Nec major sit specialis.* Cum uns præmissa sit negativa, conclusio erit negativa et majus extremum terminus universalis in ipsa. Ergo, ut servetur secunda regula syllogismi, majus extremum debet esse terminus universalis in

majori. Atqui majus extremum in secunda figura est subjectum majoris. Ergo major esse debet universalis.

Tertia figura. — *Sit minor affirmans, conclusio particularis,*
1° *Sit minor affirmans. Sicut pro prima figura.*

2° *Conclusio particularis.* Minus extremum, subjectum conclusionis, est praedicatum minoris affirmativæ, scilicet, terminus particularis in præmissis. Nisi igitur conclusio sit particularis, minus extremum erit terminus universalis in conclusione, contra secundam legem syllogismi.

Prima figura indirecte concludens sequentias legibus.
regitur :

- Si major affirmet, sit minor generalis.
- Si minor affirmet, sit conclusio particularis.
- Si una præmissa neget, sit major generalis.

Cum prima figura indirecte concludit, medius terminus est praedicatum in majori et subjectum in minori. Unde cum major est affirmativa, medius terminus est particularis in majori, et nisi sit minor universalis, medius bis particulariter sumitur. Ita, si minor sit affirmativa, minus extremum, praedicatum minoris, est terminus particularis in præmissis, et ut servetur secunda regula syllogismi, erit terminus particularis in conclusione, et ipsa conclusio erit particularis.— Si una præmissa neget, conclusio erit negativa, majus extremum in conclusione erit terminus universalis. Ergo ut syllogismus sit legitimus, majus extremum debet esse terminus universalis in præmissis. Atqui majus extremum in hypothesi est subjectum majoris. Ergo major esse debet universalis.

ARTICULUS IV.

DE MODIS SYLLOGISMIS

I. **Modi syllogismi notio.**—Forma syllogismi, prout afficit materiam proximam seu propositiones ex quibus syllogismus constat, dicitur *modus syllogismi*. *Modus* definitur : *dispositio propositionum secundum qualitatem et quantitatem apta ad inducendam necessario conclusionem*.

II. **Modi possibles syllogismi.**—Tot sunt modi possibles syllogismi, quot sunt possibles propositionum dispositiones aptae ad inducendam necessario conclusionem. Porro quatuor possunt fieri præmissorum dispositiones secundum quantitatem : præmissæ enim sunt : 1° vel *ambæ universales*; 2° vel *ambæ particulares*; 3° vel *major est universalis et minor particularis*; 4° vel *major est particularis et minor universalis*. Secundum vero qualitatem, sunt etiam quatuor possibles præmissarum dispositiones ita ut sint : 1° vel *ambæ affirmativæ*, 2° vel *ambæ negativæ*, 3° vel *major affirmativa et minor negativa*, 4° vel *major negativa et minor affirmativa*. Quælibet autem dispositio præmissarum secundum qualitatem potest fieri in quilibet ex quatuor dispositionibus secundum quantitatem. Igitur sunt sexdecim modi possibles in quacumque figura. Tres autem sunt figure ; ergo, in tribus figuris sunt *quadragesima et octo modi possibles*. Insuper secundum quod prima figura conclusionem indirectam habet, alii sexdecim modi sunt possibles. Ergo, abscute loquendo, *modi possibles syllogismi* sunt *sexaginta quatuor*.

III. Modi syllogisticci utiles. — Cum qualitas et quantitates in oropositionibus litteris vocalibus A. E. I. O. significantur, sexdecim modi occurrentes in qualibet figura sic exprimuntur :

AAA—AEE—AII—AOO
EEE—EAE—EIO—EOO
III—I AI—I EO—I OO
OOO—OAO—OEO—OIO

Ut modus sit utilis nihil importare debet contra leges syllogismi ; sed nulla legitima conclusio sequitur ex duabus præmissis negativis (reg. 5^a), nec ex duas præmissis particularibus (reg. 7^a). Ergo ratione regulæ quintæ, inutiles sunt modi : EEE, EOO, OOO, et OEO ; ratione regulæ septimæ inutiles etiam : III, IOO, OIO, et OOO jam inutilis ratione regulæ quintæ. A quacumque figura excludendi sunt septem modi ut inutiles, ita ut novem modi in singulis remaneant. Jamvero illi novem modi non possunt dici utiles in figuris nisi de ipsis leges figurarum verificantur. Porro applicatis figurarum legibus, apparet novemdecim modos tantum esse utiles, nempe :

In prima figura prout directe concludit :

- 4 AAA, EAE, AII, EIO.

In prima figura prout indirecte concludit :

- 5 AAI, EAE, AII, AEO, IEO.

In secunda figura :

- 4 EAE, AEE, EIO, AOO.

In tertia figura :

- 6 AAI, EAO, IAI, AII, OAO, EIO.

IV. Modorum utilium symbola :— Antiquissimi scholastici excogitarunt voces quibus aptissime indicantur modi utiles syllogismi ; hæc sunt :

- (Ia fig. dir.) *Barbara, Celarent, Darii, Ferio, (Indir.) Baralipson, Celantes, Dabitis, Fapesmo, Friesomorum.*
- (II fig.) *Cesare, Camestres, Festino, Baroco. (III fig.) Darapti, Felapton, Disamis, Datisi, Bocardo, Ferison.*

V. Modi syllogistici perfecti : *Modi perfecti* dicuntur illi quorum consequentis manifestius appareat, quia syllogismus directe et clare concludit. *Modi imperfecti* dicuntur illi quorum consequentia non adeo est manifesta, quia syllogismus indirecte tantum concludit. Porro jam diximus primam figuram tantum directe concludere : secundum quod enim medius terminus est subjectum majoris et praedicatum minoris, majus extreum est praedicatum majoris et minus extreum subjectum minoris, extrema eamdem sedem habent in præmissis et in conclusione. Quatuor modi primæ figuræ directe concludentis sunt igitur modi perfecti, alii autem sunt imperfecti.

VI. Reductio modorum imperfectorum ad perfectos.

—*Barbara, Calarent, Darii, Ferio,* sunt modi perfecti syllogismi ; cum autem imperfectum in quolibet genere ad perfectum revocatur. Aristoteles, et post eum scholastici, leges tradiderrunt quibus mediantibus modi imperfecti ad perfectos reducuntur. Illæ leges in symbolis cujusque modi imperfecti indicantur. Quilibet modus imperfectus reduci debet ad illum modum perfectum primæ figuræ, qui ab eadem consonante incipit. Sic *Celantes, Cesare et Camestres* reducuntur ad *Celarent*; *Fapesmo et Festino* ad *Ferio*. Tres consonantes s. p. m., quæ sequuntur tres primas vocales, quibus significantur tres propositiones syllogismi, indicant modum reductionem faciendi. Littera (s) indicat propositionem a praecedenti vocali significatam, convertandam esse *simpliciter*; (p) esse convertendam *per accidens*; (m), declarat præmissas esse loco mutandas, scilicet, majorem fieri minorem, et minorem majorem. Sit exemplum :

Omnis fortitudo est *virtus*;

2a fig. Atqui nulla temeritas est *virtus*;

Ergo nulla temeritas est fortitudo.

A Ca

E mes

E tres

Ille syllogismus secundæ figuræ est in modo « Camestres » ; C indicat modum hunc reducendum esse in « Celarent », quod fieri mutando sedens præmissarum propter litteram M, et convertendo simpliciter minorem et conclusionem. Sit igitur :

la fig. dir.	Nulla <i>virtus</i> est temeritas;	E Ce
	Atqui omnis fortitudo est <i>virtus</i> ;	A la
	Ergo nulla fortitudo est temeritas.	E rent

Si in mediis vel postremis syllabis littera C reperiatur, ut in Baroco et Bocardo, significatur hunc modum reducendum esse *per impossibile*. Sequentes versiculi litterarum S. P. M. C. significationem in symbolis modorum exprimunt :

S vult simpliciter verti ; P vero per accid.
M vult transponi ; C per impossibile duci.

Reliquæ litteræ nihil significant.

VII. Reductio per impossibile.—Reductione ad modos perfectos primæ figuræ, apparet manifestius legitimitas consequentiæ in syllogismis modorum imperfectorum. Sed reductio est duplex : una *directa seu ostensiva*, quæ fit conversione propositionum, et nonnunquam, earum transpositione, (de ipsa factus est sermo in præcedenti paragrapho) ; alia quæ dicitur *indirecta seu per impossibile*, quæ adducitur adversarius negans conclusionem, ad admittendum duas contradictorias simul veras, quod est impossibile. Reductio per impossibile hoc modo fit : negatæ conclusionis assumitur proposicio contradictoria, et adjuncta altera præmissarum concessa, concluditur contradictoria alterius præmissæ, ideoque infertur duo contradictoria esse simul veræ. Qui igitur, concessis præmissis, consequentiam et conclusionem negat, cogitur admittere vel duo contradictoria esse simul vera, vel consequentiam esse manifestam.

Ad conficiendum syllogismum cum contradictoria conclusione non semper eadem præmissæ adhibetur sed aliquando

major, aliquando minor : scilicet, in Baroco, major ; in Bocardo, minor. Sit exemplum.

2a fig.	<i>Omnis virtus est Deo grata ;</i> <i>Atqui quedam simulatio non est Deo grata ;</i> <i>Ergo quedam simulatio non est virtus.</i>	A Ba O ro O co
---------	--	----------------------

Ut fiat reductio retinetur major, et minor mutatur in contradictoriam negatæ conclusionis, hoc modo :

1a fig.	<i>Omnis virtus est Deo grata ;</i> <i>Atqui omnis simulatio est virtus ;</i> <i>Ergo omnis simulatio est Deo grata.</i>	A Bar A ba A ra
---------	--	-----------------------

Conclusio autem est contradictoria minoris prioris syllogismi quæ fuerat concessa.

Ut fiat reductio syllogismi in Bocardo ponitur ut major contradictoria conclusionis et retinetur minor. Leges reductionis ad impossibile continentur in sequentibus versibus :

Majorem servat, mutatque secunda minorem.
Tertia majorem mutat servatque minorem.

scilicet : secunda figura (Baroco) majorem servat et mutat minorem, tertia figura (Bocardo) majorem mutat servatque minorem.

ARTICULUS V

DE SPECIEBUS SYLLOGISMI

I. *Syllogismus scholasticus et oratorius.*—*Syllogismus scholasticus* seu *formatus* est ille in quo servatur forma dialectica, scilicet, exponitur syllogismus cum suis tribus propositionibus ita dispositus, ut ex duabus primis positis tertia necessario sequatur.—*Syllogismus oratorius* seu *informis* est ille in quo retenta vi argumenti, forma dialectica non servatur: v. g.: Cum lectionibus animo non attendas, non potes ex ipsis fructus decerpere. Quibus verbis sequens syllogismus exprimitur: Qui lectionibus animo non attendit, non potest ex ipsis decerpere fructus. Atqui lectionibus non attendis animo. Ergo non potes ex ipsis decerpere fructus. Iste syllogismus *oratorius* dicitur, quia oratores ipsum praesertim adhibent.

II. *Syllogismus simplex et compositus.*—*Syllogismus simplex* est ille qui constat propositionibus simplicibus.—*Syllogismus compositus* est ille qui constat propositionibus compositis: e. g. :

Herba et arbor sunt viventia;
Atqui trifolium et quercus sunt herba et arbor;
Ergo trifolium et quercus sunt viventia.

III. Syllogismus absolutus, modalis et mixtus. — *Syllogismus absolutus seu de inesse ille est qui constat ex propositionibus absolutis.* — *Syllogismus modalis ille est qui ex propositionibus modalibus constat;* v. g. :

Necesse est animal esse sensitivum;
Atqui necesse est hominem esse animal;
Ergo necesse est hominem esse sensitivum.

Syllogismus mixtus ille est qui constat ex una præmissa modali, et altera absoluta: v. g. :

Impossibile est animal esse plantam;
Atqui equus est animal;
Ergo impossibile est equum esse plantam.

IV. Syllogismus categoricus et hypotheticus. — *Syllogismus categoricus est ille cuius major est propositio categorica.* — *Syllogismus hypotheticus ille est cuius major est propositio hypothetica,* v. g. :

Si Petrus currit, Petrus movetur;
Atqui Petrus non movetur;
Ergo Petrus non currit.

Syllogismus hypotheticus est conditionalis, disjunctivus vel conjunctivus prout major est propositio conditionalis, disjunctiva vel conjunctiva.

V. Leges syllogismi conditionalis. — *Prima lex : Affirmata conditione, affirmari debet conditionatum, sed ex affirmatione conditionati, affirmari non potest conditio :* v. g., recte dicitur :

Si Petrus currit, Petrus movetur;
Atqui Petrus currit;
Ergo Petrus movetur.

Sed dici non potest :

Atqui Petrus movetur;
Ergo Petrus currit.

Ratio est quia conditio, in ordine logico, ponitur ut causa necessaria sed non unica conditionati. Etenim cursus est causa necessaria motus; nam motus est inseparabilis a cursu. Attamen cursus non est causa unica motus. Ergo ex eo quod Petrus moveatur non sequitur quod currat, sed si currit, necessario movetur.

Secunda lex: *Negato conditionato negari debet conditio, sed ex negatione conditionis inferri non potest negatio conditionati. Sic :*

Si Petrus currit, Petrus movetur;
Atqui Petrus non movetur;
Ergo Petrus non currit.

recte concludit; sed dici non potest :

Atqui Petrus non currit;
Ergo Petrus non movetur.

Ratio est quia conditionatum, in ordine logico, est effectus necessarius conditionis, et inseparabilis ab illa. Sed conditio non est causa unica conditionati. Ergo si Petrus non moretur, non currit: nam, negato motu, ipso facto negatur causa necessaria et inseparabilis ejus. Sed, negato cursu, non sequitur negatio motus, quia praeter cursum, dantur aliæ causæ quæ producunt motum.

Syllogismus conditionalis ad syllogismum categoricum, facili negotio reducitur : v. g. :

Si Petrus currit, Petrus movetur;
Atqui Petrus currit;
Ergo Petrus movetur.

Conditionalis ille syllogismus ad sequentem categoricum reducitur :

Omais qui currit, movetur ;
 Atqui Petrus currit ;
 Ergo Petrus movetur.

VI. Loges syllogismi disjunctivi. — **Prima lex :** *Propositio disjunctiva sit vera, scilicet, membra ejus sint complete enumerata, neque omnia sint simul vera, neque omnia simul falsa.* (Cf. p. 74). Hinc peccat sequens syllogismus :

Petrus aut est catholicus, aut paganus ;
 Atqui Petrus non est catholicus ;
 Ergo Petrus est paganus.

Propositio enim disjunctiva non est vera, cum Petrus esse potest hereticus vel schismaticus.

Secunda lex. — a) Si propositio sit proprio disjunctiva (cf. p. 74) et bimembris, *ex affirmatione unius membra insertur negatio alterius, et ex negatione unius, insertur affirmatio alterius*; v. g. :

Petrus aut quiescit aut movetur ;
 Atqui Petrus quiescit.
 Ergo Petrus non movetur.

vel :

Atqui Petrus non quiescit.
 Ergo Petrus movetur.

b) Si membra disjunctiva sint plura quam duo, 1° vel uno negato, alia disjunctive affirmantur; v. g. :

Domus Petri aut major, aut minor, aut æqualis est domui Pauli.
 Atqui non est æqualis ;
 Ergo est major, aut minor ;

2° vel affirmato uno, alia negantur; v. g. :

Atqui domus Petri est major ;
 Ergo nec minor, nec æqualis ;

3° vel omnibus negatis prater unum, illud unum in conclusione affirmatur ; v. g. :

Atqui nec est major, nec est minor ;
Ergo est aequalis.

c) Si propositio sit *impropriis* disjunctiva (cf. p. 74) et bimembris, cum sensus hujus propositionis sit unum saltem membrum esse verum, ex negatione unius membra, infertur affirmatio alterius, sed ex affirmatione unius non infertur negatio alterius ; sic peccat sequens syllogismus :

Vel Petrus vel Paulus Romæ mortuus est ;
Atqui Paulus Romæ mortuus est ;
Ergo Petrus Romæ non est mortuus.

Syllogismus disjunctivus facile reduci potest ad conditionalem vel ad categoricum ; v. g. : *præcedentes syllogismi sic ad categoricos reducuntur* :—

Qui quiescit, non movetur.
Atqui Petrus quiescit.
Ergo Petrus non movetur.

vel :

Qui non quiescit, movetur.
Atqui Petrus non quiescit.
Ergo Petrus movetur.

VII. Leges syllogismi conjunctivi.—Prima lex : Ex affirmatione unius membra, infertur negatio alterius ; v. g. : Petrus non est Lugduni et Romæ : Atqui est Lugduni ; Ergo non est Romæ.

Secunda lex : Ex negatione unius membra non infertur affirmatio alterius, nisi sit oppositio contradictoria inter utrumque ; hinc falsus sequens syllogismus :—Petrus non est Lugduni et Romæ ; Atqui non est Romæ : Ergo est Lugduni. Sed quia materiale et immateriale contradictorie opponuntur,

recte concludit sequens syllogismus : Anima humana non est materialis et immaterialis ; Atqui anima humana non est materialis. Ergo est immaterialis.

Ad syllogismum categoricum reducitur sequenti modo : Quod non est materiale est immateriale ; Atqui anima humana non est materialis. Ergo anima humana est immaterialis.

VIII. Syllogismus expositorius.—Syllogismus expositorius est ille qui constat propositionibus singularibus : v. g. : Petrus fuit Apostolus ; Atqui Petrus fuit piscator ; Ergo piscator fuit Apostolus.

ARTICULUS VI

DE ARGUMENTANDI FORMIS QUÆ AD SYLLOGIS-
MUM REDUCUNTUR

I. Enthymema.—*Enthymema est illa argumentandi forma in qua ex duabus præmissis una exprimitur et altera prætermittitur ; v. g. : Deus est summum bonum ; Ergo Deus est amandus. Reticetur major : Summum bonum est amandum.*

II. Epicherema.—*Epicherema est illa argumentandi forma in qua vel alterutri vel utriusque præmissæ adjungitur probatio ; v. g. : Substantia spiritualis est incorruptibilis ; quia simplex et independens a materia. Atqui anima humana est substantia spiritualis ; Ergo anima humana est incorruptibilis.—Epicherema subest legibus omni syllogismo communibus.*

III. Sorites.—*Sorites est argumentatio pluribus constans propositionibus ita connexis, ut prædicatum præcedentis fiat subjectum sequentis, donec formetur conclusio constans subjecto primæ propositionis et prædicato ultimæ ; v. g. : Avarus multa desiderat ; Qui multa desiderat, multis indiget ; Qui multis indiget non est *beatus* ; Ergo avarus non est *beatus*.*

Sorites, qui a Tullio ⁽¹⁾ ratiocinium *captiosissimum* dicitur, argumentationem legitimam constituere non potest nisi sequentibus legibus subjiciatur :

(1) *De derivatione*, l. II. c. IV.

1° *Singulæ propositiones sint veræ simpliciter et absolute : si enim una propositio sit falsa, falsa necessario erit conclusio, si autem sint veræ tantum secundum quid aut relative facile sophisticum fiet argumentum.*

2° *Termini qui soritem ingrediuntur eamdem omnino retineant, cum repetuntur, suppositionem ; aliter enim variata suppositione ad falsum concludendum arguens facile ducitur.*

3° *Sorites in syllogismos simplices resolvatur. Tot erunt syllogismi simplices, quot sunt præmissæ una dempta, et error, si quis est, statim patebit.*

IV. Dilemma. — *Dilemma est argumentatio in qua ex duobus membris disjunctive propositis, utrumque assumitur ad concludendum contra adversarium. Notissimum est exemplum illud Tertuliani arguentis contra decretum Trajani : Aut nocentes sunt christiani, aut innocentes ; Si nocentes, cur inquiri prohibes ? Si innocentes, cur delatis poenam irrogas ? — Major dilemmatis est igitur propositio disjunctiva bimembris ; si major tria membra habeat, argumentum dicitur trilemma ; si quatuor, quadrilemma vocatur.*

V. Leges dilemmatis. — *Prima lex : Non detur medium inter membra disjunctivæ, scilicet, membra disjunctivæ propositionis sint complete enumerata. Ratio est quia si sit aliud membrum medium, per illud effugiet adversarius. Unde contra hanc legem peccat dilemma quo Socrates intendebat judicibus suis probare se non timere mortem : Mors aut est finis totius hominis, aut est migratio animæ in vitam beatam ; si primum suaviter quiescam ; si secundum, felicius vivam cum Orpheo. Mors enim potest esse migratio animæ in vitam miserrimam.*

Secunda lex. — *Ut ex utroque membro concludatur certo et necessario. Aliter enim illatio erit illegitima et ab adversario negari poterit. Quod vitium inveniatur in dilemmate prolató ab Omar califa : Libri bibliothecæ Alexandriæ aut continent doctrinam Corano conformem, aut contrariam ; si primum, inutiles sunt ; si secundum, sunt noxii. Ergo omnes*

isti libri sunt flammis tradendi. Etenim ex eo quod isti libri sunt Corano conformes vel contrarii, non necessario sequitur ipsos esse inutiles vel noxios.

Tertia lex.—*Dilemma ita concludat, ut contra auctorem retriquerit non possit.* Contra hanc legem peccat sequens dilemma alicui propositum ut rempublicam administrandam non susciperet.—Vel bene, vel male administrabis; si bene, displicebis hominibus; si male, diis. Ergo. Cui sic alter retrorquendo respondit: Vel bene, vel male rempublicam administrabo: Si bene, placebo diis: Si male, hominibus.

VI. Polysyllogismus.—*Polysyllogismus est argumentatio in qua plures syllogismi inter se ita connectuntur ut conclusio primi syllogismi fiat premissa sequentis;* v. g. Substantia cogitans est spiritualis; Atqui anima humana est substantia cogitans; Ergo anima humana est substantia spiritualis. Atqui substantia spiritualis est immortalis. Ergo anima humana est immortalis.

CAPUT TERTIUM

DE INDUCTIONE

Prologus.— Duplex est processus quo mens nostra ratione cinando unam veritatem ab alia infert : processus *deductivus* et processus *inductivus*, *syllogismus scilicet et inductio*. Jam satis diximus de syllogismo ; nunc autem agitur de inductione, de ejus natura, speciebus et legibus. Cum vero induc^{tio} scientifica magni momenti locum obtineat nostris temporibus, propter maximum scientiarum experimentalium incrementum, de ipsa præsertim erit sermo.


DE INDUCTIONE

Inductionis notio

Inductionis divisio



Inductionis scientifice processus describitur



Inductionis fundamentum



Inductionis leges



Inductio et syllogismus comparantur

Inductio scientifica apud Aristotelem et S. Thomam.

Inductio completa	Vulgaris	1° Methodus concordantiae
		2° " differentiæ
Inductio incompleta	Scientifica	3° " variationum concomitantium
Exploratio factorum		4° " residuorum
Determinatio causarum		5° " mixta seu composita
Inductio legum		

Inductio incompleta

Exploratio factorum

Determinatio causarum

Inductio legum

Scrupulosa, exacta et methodica sit factorum observatio.

Hypothesis sit possibilis, in realitate fundata, simplex et

fecunda

Multiplicanda et varianda sunt experimenta

Inductio scientifica apud Aristotelem et S. Thomam.

ARTICULUS UNICUS

DE INDUCTIONE

I. Inductionis notio.—*Inductio* definitur ab Aristotele, progressio a singulis ad universale; seu, argumentatio procedens a singularibus ad universale; v. g. Petrus, Paulus, Henricus..... sunt mortales. Ergo omnis homo est mortalis.—Hoc hydrogenium, et hoc oxygenium in proportione ponderali unius ad octo producunt aquam. Ergo omne hydrogenium et oxygenium in ista proportione ponderali aquam producunt.

Omnis cognitio nostra incipit a sensibilibus quae singularia sunt, et intellectus a singularibus sensibus perceptis universalia abstrahit; unde processus habetur a singulis ad universale. Iste autem processus, quamvis sensu quodam latiori inductio dici possit, tamen non est inductio proprie dicta de qua nunc fit sermo, nam iste processus non est mediate illativus, non est ratiocinium.

II. Inductionis divisio.—a) *Inductio* est *completa* et *incompleta*.

Inductio completa est illa quae ad universale concludit post completam enumerationem singularium; v. g.: Sensus, visus, auditus, olfactus, gustus et tactus ordinantur ad conservationem animalis perfecti. Ergo omnes sensus externi ad conservationem animalis perfecti ordinantur. De ista inductione loquitur Aristoteles, *Anal. pr.*, II, 23.

Inductio incompleta est illa quæ ad universale concludit post incompletam singularem enumerationem, scilicet, quæ ex singulis sufficienter enumeratis universale concludit; v. g.: Petrus, Carolus . . . sunt mortales. Ergo omnis homo est mortal.

b) **Inductio incompleta est vulgaris vel scientifica.**

Inductio vulgaris est illa quæ a singulis secundum accidentis, vel non certe secundum essentiam consideratis ad universale concludit; v. g.: Petrus, Carolus, Henricus sunt albi. Ergo omnis homo est albus.

Inductio scientifica est illa quæ a singularibus secundum sua essentia consideratis, scilicet, in sue essentia vel in essentiali agendi vei patiendi modo inspectis, ad universale concludit; seu, ut dicunt scientiarum experimentalium cultores, est *illa quæ ex phenomenis diligentissima experientia cognitis, leges quibus explicantur colligit*; v. g.: Hoc hydrogenum et hoc oxygenium in proportione ponderali unius ad octo producunt aquam. Ergo omne hydrogenum et oxygenium in simili proportione aquam producunt.

III. Inductionis scientificæ processus describitur. — Inductio scientifica a phenomenis particularibus leges infert generales quibus ipsa phenomena explicantur; ad talem inductionem ergo duo requiruntur: cognitio accurta et certa phenomenorum, transitus legitimus a phenomenis ad leges. Primum experientia, secundum ratione præsertim suppeditantur. Mediante enim experientia cognoscuntur phenomena, et mediante ratione determinantur phenomenorum causæ et inferuntur leges. In processu inductivo sunt igitur veluti tria momenta: *exploratio factorum* ab experientia; *determinatio causarum* ab intellectu, adhibita experientia; et *inductio legum* a sola ratione perfecta.

Exploratio factorum. — *Experientia* est omnis cognitio ope sensuum vel conscientiæ habita. Dividitur autem in *observationem* et *experimentum*. — *Observatio* est attentio præstata

factis quæ sponte se nobis exhibent et a nostra industria non pendent. — *Experimentum* est attentio præstita factis quæ nobis nostra industria procuramus.

Facta seu phenomena ex quibus, determinata ipsorum causa, leges inferimus, primo *observatione* percipiuntur. — Facta percepta admirationem gignunt in mente sapientis qui statim de eorum causa inquirit, et *hypotheses* fingit quibus possent facta explicari. — Proposita autem aliqua *hypothesi*, sapiens consequentias ex ipsa deducit et verificationem ipsarum intendit *experimentis* quibus scilicet, facta seu phenomena in diversis circumstantiis producuntur, ut melius observentur et cognoscantur. ⁽¹⁾

Determinatio causarum. ⁽²⁾ — *Experimentum* adhibetur non tantum ad explorationem factorum, sed etiam ad determinationem causæ ipsorum ; tamen cum percipere relationes causalitatis superat sensum, et ad intellectum pertineat, illa determinatio causæ est præsertim opus intellectus. In inductione scientifica referuntur facta ad causas suas necessarias ; igitur determinare causam alicujus facti, est demonstrare relationem necessariam causalitatis inter factum et agens cui tribuitur tanquam causæ. Ad hanc autem relationem manifestandam ordinantur diverse methodi quæ a Stuart-Mill ⁽³⁾ nomina ceperunt.

(1) « Des fontainiers de Florence constatent que dans les corps de pompe où l'on a fait le vide, l'eau ne monte pas plus haut que dix mètres. — Torricelli suppose que l'ascension de l'eau est due au poids de l'atmosphère qui ne peut faire équilibre qu'à une colonne d'eau de dix mètres. — Pascal déduit de cette hypothèse deux conséquences : la pression atmosphérique restant la même, la hauteur de la colonne doit varier en raison de la densité du liquide; la densité du liquide restant la même, la hauteur de la colonne doit varier en raison de la pression atmosphérique.—Ces deux conséquences sont vérifiées à Rouen et à Paris. » *SORTAIS, Traité de philosophie*, t. II, p. 171.

(2) « Le caractère essentiel de tout fait scientifique est d'être déterminé ou du moins déterminable. Déterminer un fait c'est le rattacher à sa cause immédiate et l'expliquer par elle. » *CL. BERNARD*.

(3) *Système de Logique, etc.* Edit. franc. Paris 1866, t. II, p. 425-478.

Quinque sunt numero : methodus *concordantia*, methodus *differentialia*, methodus *variationum concomitantium*, methodus *residuorum*, et methodus *mixta seu composta*.

Methodus concordantia est illa quæ causam alicujus effectus determinat ex concordantia plurium, in quibus iste effectus appareat, in unica circumstantia. Cum enim determinatus effectus reperitur in multis et diversis casibus qui non habent nisi unicum elementum commune, illud elementum est causa effectus. *Posito causo, ponitur effectus.* (1)

Methodus differentialia consistit in recognoscenda ut causa vel conditio necessaria alicujus effectus, illud, quo posito, habetur effectus, quo sublato, effectus non habetur. Quando enim duo casus, unus autem in quo determinatus effectus producitur, alter vero in quo non producitur, hac ratione tantum differunt quod unica circumstantia, præsens in primo, sit absens in secundo, hæc est causa effectus. *Sublato causo, tollitur effectus.*

Methodus variationum concomitantium est illa quæ determinat causam alienius effectus investigando an *variotiones agentis* cui tribuitur, secundum ferant variationes correspondentes in ipso effectu. *Variatio causa, variolus effectus.* (2)

Methodus residuorum consistit in removenda parte phenomeni jam cognita sicut effectus aliquarum causarum, ut reliqua pars agnoscatur et sic

(1) « Si plusieurs cas de la production d'un phénomène ne concordent qu'en une circonstance, toutes les circonstances, variables d'un cas à l'autre devant être exclues, la circonstance qui demeure est nécessairement la cause cherchée. Quelle est la cause de la sensation du son ? Le son est produit par une cloche, par une corde qu'on pince ou qu'on frotte un archet, par un tambour que l'on frappe, par un clairon où l'on souffle, par la voix humaine, etc. Tous ces cas si différents s'accordent en un seul point, qui est la présence d'une vibration du corps sonore propagée à travers un milieu jusqu'à l'organe auditif. Cette vibration transmise est la cause cherchée. » Cf. RANIER, *Lagique*, p. 130

(2) « Un exemple remarquable et lumineux de l'emploi de ces trois méthodes nous est fourni par les expériences célèbres de Pasteur sur la génération spontanée.

Supposons que l'on parte de cette hypothèse, que la production spontanée d'organismes vivants a pour cause la présence de germes en suspension dans l'air, qui viennent à rencontrer dans un liquide fermentescible un milieu favorable à leur éclosion. Que fera-t-on pour vérifier cette hypothèse ? 1°) On exposera à l'air libre des vases remplis de différents liquides fermentescibles, et on trouvera que partout où des germes supposés auront pu tomber sur ces liquides, les productions dites spontanées auront lieu : *Méthode de concordance.*—2°) On pratiquera la contre-épreuve, en soustrayant au contraire ces liquides à l'action de l'air extérieur et en prouvant que des vases fermés, où l'air ne peut pénétrer, restent indéfiniment exempts de tout organisme : *Méthode de différence.*—3°) On montrera que le nombre des organismes produits est proportionnel au nombre des germes que l'on peut supposer dans l'air. Par exemple dans les caves, où l'air est immobile et où les germes doivent être depuis longtemps tombés sur le sol, on pourra exposer des vases ouverts à l'air libre, sans que les organismes se produisent ; et si l'on gravit

novae cause inveniantur. Analysi metallorum a, chimici mediante methodo residuorum plura simplicia corpora cognoverunt.

Methodus mixta seu composita consistit in unione precedentium ad confirmandam vel ad melius determinandam causam phenomenonorum.

Inductio legum. — Phenomena experientia cognoscuntur ; mediantibus diversis methodis experimentalibus intellectus determinat ipsorum causas, et, determinatis causis, mens nostra a particularibus ad universale procedens leges infert universales. In illo igitur tertio momento habetur inductio proprie dicta. Tota difficultas in isto processu est in determinatione causarum, quia, determinata causa, facili negotio infertur lex universalis. Sic jam determinato, mediantibus methodis experimentalibus, generationem quam vocant spontaneam ut causam habere germina viventis in ære suspense, statim infertur lex universalis : omne vivens est a vivente.

IV. Inductionis fundamentum. — Quanam ratione ex particularibus factis mens infert legem universalem ? quonam principio nititur talis processus, quomodo justificatur ? — In ductio tanquam fundamento nititur principio uniformitatis naturæ quod diversis verbis enuntiatur : *Eadem causæ in eisdem circumstantiis eodem producunt effectus.* — *Natura determinata est ad unum.* — *Natura eodem modo operatur nisi impediatur.* — *Leges naturæ sunt constantes.* — *Cursus naturæ est uniformis, etc.*

Experientia constat, variatis circumstantiis fortuitis, aliquod phenomenon rem constanter comitari, ita ut, ipsa re posita, ipsum phenomenon habetur, ipsa sublata, phenomenon tollitur, ipsa variata, ipsum variatur ; jure infertur rem ipsam esse causam phenomeni. Effectus autem constans et uniformis causam postulat constantem et uniformem. Atqui causa constans et uniformis esse nequit nisi natura ipsa individuorum vel lex stabilis ab auctore naturæ instituta. Ergo natura rei seu proprietas necessario ab ipsa dimansns est causa ipsius phe-

les montagnes où les germes doivent devenir de moins en moins fréquents en proportion de la hauteur, le nombre des organismes doit décroître proportionnellement. Or tous ces faits sont vérifiés. C'est la *méthode des variations concomitantes.* » P. Janet, *Traité élémentaire de philosophie*, n. 416. Cf. Rabier, *Logique*, p. 130-141. — Sortais : *Traité de philosophie*, t. II, p. 189-192

nomeni. Sed natura seu proprietas ab ipse necessario dimanans omnibus inest individuis ejusdem speciei, etiam, illis de quibus nondum instituta est experientia. Ergo illud phenomenon non modo verificatur in illis individuis de quibus hahita est experientia, sed etiam de aliis non exploratis quae in eadem natura continentur. Vi igitur uniformitatis naturae, ex quibusdam individuis sufficienter consideratis, legitime infertur lex universalis quae necessario verificatur de omnibus individuis ejusdem naturae.

V. Inductionis leges. — Difficultas honeste inductionis non invenitur in illatione legis universalis, sed tota sistit in observatione factorum et in determinatione causae ipsorum, mediantibus methodis experimentalibus. Unde leges inductionis ad experientiam spectant in qua quatuor distinguere possumus : factorum observationem, hypothesim qua explicantur excogitationes, ipsius hypothesis verificationem, et causae determinationem. Verificatio autem hypothesis et causae determinatio mediantibus experimentis ohtinentur ; leges igitur sunt tum de observatione, tum de hypothesi, tum de experimentis.

Prima lex. *Scrupulosa, exacta et methodica sit factorum observatio.* In hoc enim differt inductio scientifica a vulgari, quod a factis secundum accuratam methodum et disciplinam observatis, procedat ad inferendas leges universales. Sit igitur naturae speculator curiosus in investigandum, attentus in observationem, sagax in conjecturis, peri studio et sequa aestimatione omnia dijudicans, tandem in exitus expectatione patiens. ⁽¹⁾

Secunda lex. *Hypothesis sit possibilis, in realitate fundata simplex et secunda.* Hypothesis debet esse possibilis, quia cum sit *præsumpta factorum explicatio*, requiritur ut non sit principiis et legibus certis opposita ; — *in realitate fundata*, quia aliter esset inanis et cassa ; *simplex*, quia natura maxima simplicitate semper operatur ; — *secunda scilicet explicativa phenonemorum*.

(1) Le génie est une longue patience. (Buffon.)

Tertia lex. — *Multiplicanda et varianda sunt experimenta ut certo constet facta non ex fortuitis circumstantiis, sed ex individuorum natura constanter profluere, ideoque jus habeatur inferendi legem universalem.* Hæc lex in prudentia scientifica fundatur. — Experimentis verificantur hypotheses et determinantur factorum causæ : notetur tamen quod ex verifications consequentiæ suarum hypothesis possibilis appareat tantum et probabilis, nec evadit veritas certa nisi dum demonstretur ipsam omnium phenomenorum rationem reddere, et nullam aliam legem præter præsumptam facia explicare posse. ⁽¹⁾

VI. Inductio et syllogismus comparantur. — Multi sibi præsertim moderni, qui cum Bacon a Verulame ⁽²⁾ inductionem contra syllogismum magnopere extulerunt ; sed ex his quæ dictæ sunt de processu inductivo, nemo est qui non videt quanti momenti sint et inductio et deductio. ⁽³⁾ Syllogismus et inductio non ita differunt ut unum excludat alterum, sed potius ad invicem mutuo ordine referuntur. In inventione eminent inductio, et in expositione et disciplina, deductio ; per inductionem materia et corpus scientiæ obtainentur, per deductionem forma scientiæ acquiritur. Scientia enim cum sit cognitio certa rerum per causas, facta explicat legibus ; unde omnis scientia etiam inductiva progredivendo fit deductiva. — En sunt præcipua discrimina inter inductionem et syllogismum : 1° Inductio a phenomenis particularibus ad universalem legem procedit ; syllogismus a principio universalis ad conclusionem particularem vel minus universalem pertingit. — 2° Syllogismus est processus generalis scientiarum rationalium ; inductio in usu est præsertim in scientiis physicis et experimentalibus. —

(1) « Croire que l'on a trouvé un fait scientifique important, avoir la fièvre de l'aonoocer et se cootrindre des journées, des semaines, parfois des années à se combattre soi-même, à s'efforcer de ruiner ses propres expériences, et ne proclamer sa découverte que lorsque l'on a épousé toutes les hypothèses contraires, oui, c'est une tâche ardue. » PASTEUR, *Discours prononcé à l'inauguration de l'Institut Pasteur*, 14 nov. 1888.

(2) Bacon a Verulamo, (1560-1616) philosophus Angliae, librum scripsit cui titulus : *Novum Organum*, quem *Organum* Aristotelis opposuit.

(3) L'induction et la déduction sont inseparables dans les sciences physiques et naturelles. CLAUDE BERNARD.

3° Syllogismus tanquam in principio proximo fundatur in : dictum de omni, dictum de nullo ; inductio nititur principio uniformitatis naturæ : eadem causæ, in eisdem circumstantiis, eodem effectus producunt.

VII. Inductio scientifica apud Aristotelem et S. Thomam.— Inductio scientifica cuius processum descriptissimus suam perfectionem obtinuit nostris temporibus, non fuit tamen ignota apud antiquos, præsertim apud Aristotelem⁽¹⁾ et S. Thomam. Doctor Angelicus, in suis commentariis in II Posteriorum Analyticorum, l. 20, cum Aristotele processum inductionis sic describit : « Ex sensu fit memoria in illis animalibus in quibus remanet impressio sensibilis. Ex memoria autem multoties facta circa eamdem rem, in diversis tamen singulis, fit experimentum, quia experimentum nihil aliud esse videtur quam accipere aliquid ex multis in memoria retentis. Sed tamen experimentum indiget aliqua ratiocinatione circa particularia, per quam confertur unum ad aliud, quod est proprium rationis. — Ratio autem non sistit in experimento particularium ; sed ex multis particularibus in quibus experita est, accipit unum commune quod firmatur in anima et considerat illud absque consideratione alicujus singularium ; et hoc accipit ut principium artis et scientiæ. Pute, diu medicus consideravit hanc herbam sanasse Socratem febrentem, et Platonem, et multos alios singulares homines : cum autem sus consideratio ad hoc ascendit quo talis species herbae sanat febrentem simpliciter, hoc accipitur ut quedam regula artis medicinae. . . . Tunc quidem considerat intellectus naturam aliquam, puts hominis, non respiciendo ad Socratem et Platonem. Quae naturs, etsi secundum considerationem intellectus est unum præter multa, tamen secundum esse est in omnibus singularibus unum et idem, non quidem numero, sed secundum rationem speciei. »

(1) « Le philosophe grec l'avait (l'induction) admirablement pratiquée, et ses œuvres d'Histoire naturelle, de Politique, de Météorologie, de Logique même l'attestaient assez. » Barthelemy Saint-Hilaire, *Logique d'Aristote*, tome I, préface, p. VIII.

in :
uni-
dem

CAPUT QUARTUM

DE SYLLOGISMO DEMONSTRATIVO, PROBABILI ET SOPHISTICO

Prologus. — Syllogismum hucusque consideravimus *ratione formæ*, scilicet, ratione dispositionis terminorum et propositionum aptæ ad inducendam necessario conclusionem. Nunc autem considerandus est *ratione materiæ*, scilicet, ratione veritatis propositionum ex quibus constat. Propositiones istæ vel veræ sunt et certæ, vel probabiles tantum, vel erroneæ; unde syllogismus demonstrativus qui *scientiam* parit, syllogismus probabilis qui *opinionem* gignit, et syllogismus sophisticus qui *errorem* producit. Igitur hujus quarti capituli tres erunt articuli: primus, de syllogismo demonstrativo, secundus, de syllogismo probabili, tertius, de syllogismo sophistico. Sit schema totius materiæ.

DE SYLLOGISMO DEMONSTRATIVO, PROBABILI ET SOPHISTICO

I De syllagismo demonstrativo	Demonstrationis notio	<i>propter quid et quia</i> <i>a priori, a posteriori</i> directa et indirecta absoluta et relativa (<i>ad hominem</i>) (<i>pura, empirica et mixta</i>).
	Demonstrationis divisio	
	Demonstrationis præcognita et præcognitiones. Demonstrationis principia. Demonstrationis effectus scientia :	

	Syllogismi probabilis notio Loci dialectici		
II De syllogismo probabili	Argumenta probablia	Analogia Exemplum Hypothesis	Notio Principia Effectus Utilitas et abusus. Argumentum a pari, a fortiori, a contrario. Statistica Notio Principium Utilitas Effectus Leges
III De syllogismo sophistico	Sophismatis notio Sophismatis divisio	In dictione Extra dictiōnem	Acquivocationis, Amphibologie Compositionis Divisionis Accentus Figure dictiōnis Accidentis, A simpliciter ad secundum quid Ignorantiae clenchi Petitionis principii Consequentis Non causa ut cause Interrogationis

ARTICULUS I

DE SYLLOGISMO DEMONSTRATIVO

I. **Demonstrationis notio.** — *Demonstratio* quæ vocatur etiam *syllogismus apodicticus* definitur ab Aristotele⁽¹⁾ : *syllogismus faciens scire*. Hæc autem definitio, ex causa finali petita, est extrinseca ; unde Philosophus aliam inferit definitionem intrinsecam per causam materialem ita ut demonstratio sit : ⁽²⁾ *syllogismus procedens ex veris, primis et immediatis, notioribus prioribus causisque conclusionis*.

1° Dicitur demonstratio procedere ex *veris*, scilicet, ex præmissis *certis*, quia demonstratio ab aliis argumentationibus formaliter non differt, sed ratione materie tantum : infert enim veritatem et certitudinem præmissarum a quibus syllogismus vel argumentatio secundum se abstrahit.

2° Demonstratio procedere debet ex *primis et immediatis*, scilicet, omnis demonstratio semper et necessario procedit a principiis indemonstrabilibus, non quod nulla possit esse demonstratio quæ fiat per præmissas ulterius demonstrabiles, nam saepe instituuntur hujusmodi demonstrationes in scientiis ; sed quia demonstratio perfecta nequit esse, donec ad prima et immediata seu indemonstrabilia principia deveniatur.

(1) Lib. I. *Poster Analytic.*
(2) *Ibid.*

3° Ergo necessario existunt principia indemonstrabilia quorum veritas menti appareat ex sola idearum comparatione, vel ex sola terminorum inspectione. Quando enim quis veritatem aliquam demonstrat, *vel præmissarum demonstrationem habet aut non habet.* Si non habet, ergo non scit præmissas, nec conclusionem propter præmissas. Si autem habet, cum in demonstrationibus non sit abire in infinitum, tandem erit devenire ad aliqua immediata et indemonstrabilia. ⁽¹⁾

4° Demonstratio dicitur fieri ex *notioribus*; etenim id unde aliquid suam participat cognoscibilitatem notius illo est. Atqui conclusio suam cognoscibilitatem participat a præmissis. Ergo præmissæ notiores esse debent conclusione. — Item dicitur fieri ex *prioribus*: cum enim causa sit prior effectu, et præmissæ sint causæ conclusionis, præmissas esse priores conclusione oportet.

Priora et notiora dicuntur dupliceiter: *simpliciter* scilicet vel *quoad se*, et *secundum quid vel quoad nos*. Priora et notiora *quoad se* sunt illa que revera modo aliquo præcedunt; v. g. causa est prior effectu, essentia proprietatibus, substantia accidentibus. Priora et notiora *quoad nos* ea sunt quæ ad ex. *scientiam sensibilem* r̄agis accidunt, ideoque prius et filius a nobis cognoscuntur; v. g. ut piurimum effectus priores et notiores *quoad nos* sunt causis, et proprietates essentiis, et accidentia substantiis. Ex hoc modo saltem præmissæ demonstrationis debent esse conclusione notiores et priores.

5° Præmissæ sunt causæ conclusionis, quia finis demonstrationis est scire, non autem res scitur donec causæ ejus scientur.

Aliquid potest esse causa alterius vel in ordine logico, vel in ordine ontologico. Illud autem est causa alterius in *ordine logico* seu in *cognoscendo* quod prius cognitum est ratio cur cognoscatur alterum.—Illud vero est causa alterius in *ordine ontologico* seu in *essendo* quod est ratio cur habeatur alterum.

Distingnitur duplex ratio cur habeatur alterum: nimirum ratio *physico* et *metaphysico*.—Id quod *independenter o mente cogitante* est ratio cur alterum

(1) S. THOMAS, in Lib. I. *Poster. Analytic.*

sit, dicitur ejus *ratio physica* et *causa formaliter accepta*. Id quod concepitur a solo intellectu ut ratio cur alterum sit, dicitur ejus *ratio metaphysica*, vel simpliciter *ratio*, vel *causa virtualiter accepta*: sic essentia dicitur *ratio proprietatum*. Præmissæ quidem sunt *causa conclusionis* saltem in cognoscendo, non tamen semper in *essendo*.

II. Demonstrationis divisio. — 1° Demonstratio est propter quid vel quia.

Demonstratio propter quid est *illa quæ assignat causam proximam et immediatam conclusionis*, seu est « *illa in qua manifestatur causa immediata cur prædicatum inest subiecto in conclusione.* »⁽¹⁾ v. g.: Anima humana est spiritualis. Ergo anima humana est immortalis. Ratio enim immediata immortalitatis animæ, ejus spiritualites.

Demonstratio quia est *illa quæ non est per causam proximam, sed vel per effectum, vel per causam remolam*; v. g.: Ex existentia creaturarum demonstratur existentia Dei. Demonstratio propter quid est potissima, et dignit scientiam proprie dictam.

2° Demonstratio est a priori vel a posteriori.

Demonstratio a priori est *illa quæ procedit ex prioribus simpliciter*, scilicet, *ex causis ad effectus*, *ex essentiis*, *ad proprietates*, *ex universalibus ad particularia*; v. g.: Deus est sapiens: Ergo ordo existit in mundo.

Demonstratio a posteriori est *illa quæ procedit a posterioribus simpliciter*, scilicet, *ex effectibus ad causas*, *ex proprietatibus ad essentias*, *ex particularibus ad universalia*; v. g.: Ex ordine mundi demonstratur sapientia divina. Ordo existit in mundo; Ergo Deus est sapiens.

In demonstratione *a priori*, præmissæ sunt *causa conclusionis in essendo*, in demonstratione vero *a posteriori*, *in cognoscendo tantum*.

3° Demonstratio est directa vel indirecta.

(1) S. THOMAS, Opus. *Tractatus de syl. demonstr.*, c. XI.

Demonstratio directa, quæ dicitur etiam *ostensiva*, est illa quæ *rem esse vel non esse demonstrat ex principiis positivis cum ipsa connexis*; v. g.: Ex immutabilitate Dei demonstratur ejus aeternitas.

Demonstratio indirecta, quæ vocatur etiam *apagogica*, *ad absurdum* et *ad impossibile*, est illa quæ demonstrat veritatem alicujus propositionis *ex falsitate propositionis contradictoriæ*, vel quæ demonstrat *rem ita esse vel non esse quia secus sequentur absurdia*. Ex duabus contradictoriis, altera est necessario vera, altera necessario falsa. Igitur qui demonstrat falsitatem unius contradictoriæ, jure meritoque veritatem alterius colligit. Sic v. g.: demonstratur animam humanam esse immortalem, quia secus Deus esset injustus.

Ad demonstrationem indirectam reducuntur demonstratio negativa et retorsio argumenti.

Demonstratio negativa est illa quæ ostendit oppositam sententiam nullo idoneo fulciri argumento.

Retorsio argumenti est sumptio argumenti adversarii ad demonstrandum contrarium ejus quod ab ipso demonstratum fuerat.

Demonstratio directa melior est quam indirecta: illa enim probat rem esse, immo etiam cur ita sit, si demonstratio a priori habeatur; indirecta autem probat oppositum teneri non posse.

3° **Demonstratio** est *absoluta* vel *relativa*:

Demonstratio absoluta est illa quæ conclusionem deducit *ex principiis quorum veritas a nobis admittitur et assumitur ad aliquid absolute inferendum*; v. g.: Existentia Dei ex contingente rerum demonstratur.

Demonstratio relativa seu *ad hominem* est illa quæ conclusionem deducit *ex principiis admissis ab adversario et ad ipsum refutandum assumptis, abstractione facta ab eorum veritate*.

5° **Demonstratio** est *pura, empirica et mixta*:

Demonstratio pura est illa quæ solis *præmissis rationalibus constat*, ut sunt demonstrationes mathematicæ.

Demonstratio empirica est illa quæ *constat præmissis a sola experientia desumptis*.

Demonstratio mixta est illa quæ constat præmissis quarum una est rationalis, alia experimentalis; v. g.: Ens contingens existere non potest nisi mediate vel immediate ab ente necessario producatur. Atqui existunt entia contingentia. Ergo et ens necessarium existit.

III. Demonstrationis præcognita et præcognitiones.

Omnis doctrina, inquit Aristoteles, (1) omnis disciplina ex præcedenti fit cognitione; quod maxime quidem verificatur de demonstratione. — Præcognita demonstrationis sunt illa quorum prævia cognitio necessaria est ipsi demonstrationi ita ut demonstratio absque eorum cognitione fieri non possit. Modus autem cognitionis quo ista præcognoscere necesse est, præcognitionis dicitur.

Præcognita quidem tria recensentur, *subjectum, prædicatum et principia*. *Subjectum* est id de quo aliquid demonstrare intendimus; *prædicatum* est id quod de subjecto demonstrandum assumitur; *principia* sunt præmissæ ex quibus colligitur in conclusione *prædicatum* *subjecto* convenire. Quod autem illa tria præcognosci debeant appareat ex eo quod de *subjecto* quod ignoratur nihil demonstrari potest; nec de ipso demonstrari potest *prædicatum* cuius notitia non habeatur; r. c. tandem ex præmissis, ignotis conclusionem deducere est. Tria igitur sunt præcognita.

Præcognitiones, seu m. quibus præcognita cognosci debent, sunt duæ *an sit* et *quid sit*. Præcognitio *an sit* est duplex: vel enim versatur circa existentiam rei, prout cognoscitur rem existere vel saltem esse possibilem; vel versatur circa veritatem propositionis, prout cognoscitur propositionem aliquam esse veram. Similiter præcognitio *quid sit* est duplex, prout cognoscitur *quid nominis*, scilicet, nominis significatio, vel *quid rei* nempe natura rei per nomen significatæ. « Antequam sciatur de aliquo *an sit*; non potest sciri proprie de eo *quid sit*; non entium enim non sunt definitiones. Unde

(1) Lib. I. Posterior., cap. I

questio *an est* præcedit questionem *quid est*. Sed non potest ostendi de aliquo *an est*, nisi prius intelligatur *quid significatur per nomen.*»⁽¹⁾

De uno autem et altero præcognito non idem prænoscendrum est. Imprimis certum est, de nullo præcognito prænoscendum esse id, quod de eo est probandum: id enim si jam cognosceretur, demonstratione non indigeret. Verum de unquoque præcognito accurate præcognosci debet *quid nominis*, ut sciatur de quo agitur.

De *subjecto* præterea præcognosci debet *an sit* saltem possibile, (nisi queratur de ipsa subjecti possibilitate, quo in casu, satis est prænoscere *quid nominis*). Etenim de re impossibili non demonstratur in scientiis prædicatum. Necesse non est prænoscere *an actu* existat, quia convenientia prædicati cum *subjecto* abstrahit ab actuali existentia ejus.

De *prædicato* præter *quid nominis* nihil requiritur.

De *principiis* vero prænoscere debet *an sint*, scilicet, *an sint vera*; esse enim propositionis est ejus veritas. Conclusionis veritas præsupponit veritatem præmissarum.

Demonstrationis principia. — Demonstrationis *principia* sunt « illæ, quæ cum sint vera, tamen non convenit demonstrare in illa scientia in qua sunt *principia*.»⁽²⁾ « Ea in quocumque genere *principia* dico, de quibus, quod sint, demonstrari non oportet.»⁽³⁾ Principia demonstrationis sunt igitur illa *principia* indemonstrabilia quæ, ut jam vidimus, omnis demonstratio præsupponit.

Principia autem indemonstrabilia sunt vel *simpliciter*, vel *secundum quid*. — Principia indemonstrabilia *simpliciter* sunt illa, quæ cum medio careant, nequeunt demonstrari a priori, ideoque dicuntur *immediata* et *per se nota*. Dicitur *a priori*, quia non repugnat quod demonstrentur *a posteriori* et *indirecte*.

(1) S. THOMAS, in Lib. *Poster.*, Lect. 2.

(2) S. THOMAS in L. I. *Poster.*, Lect. I.

(3) ARISTOT., L. I. *Poster.*, C. S.

Etenim cognoscibilitas intrinsecā quam habet principium aliquod ex propria natura, non excludit cognoscibilitatem extrinsicam ex effectibus et per argumenta indirecta. Et sic nullum est principium tam evidens quod nequeat declarari etiam ex absurdis quae consequerentur, nisi illud tanquam verissimum haberetur.

Indemonstrabilia secundum quid sunt illa quae supponuntur ut vera et non demonstrantur in scientia in qua sumuntur ut principia, sed demonstrari possunt in alia scientia; talia sunt principia scientiarum subalternarum quae accipiuntur ex metaphysica in qua demonstrantur.

Principiorum indemonstrabilium simpliciter duo sunt genera, alia quae vocantur *dignitates* seu *axiomata*, alia quae dicuntur *positiones*. *Axiomata* sunt illa principia seu propositiones immediatae quae omnibus per se patent, quia nemo est, qui eorum terminos non clare percipiat⁽¹⁾, v. g.: Idem non potest esse simul et non esse. — *Positiones* vero sunt illa principia immediata quae omnibus nota non sunt, quia pertinent ad materiam peculiarem alicujus scientiae, v. g.: Omnes anguli recti sunt aequales.

Principiorum indemonstrabilium *secundum quid* duo sunt genera, *suppositiones* et *postulata*. *Suppositiones* sunt illa principia indemonstrabilia in aliqua scientia sed demonstrabilia in alia, quae ut vera supponuntur in illa scientia cujus sunt principia. — *Postulata* sunt principia quae demonstrator postulat ut sibi concedantur sine demonstratione.

Principia dividuntur in *communia* et *propria*: — Principia *communia* sunt illa quae accipiuntur in quacumque scientia; sunt *communia* omnibus scientiis: v. g.: principia contradictionis, identitatis, etc. — Principia *propria* sunt illa quae ad speciale objectum alicujus scientiae pertinent, sunt *propria* unius scientiae, v. g.: definitiones quae essentiam rei explicant.

(1) « Un axiome doit frapper notre esprit et entraîner notre adhésion, comme les rayons du soleil frappent nos yeux et nous font croire à la lumière. » BALMÈS.

Dividuntur quoque principia in *analytica* et *synthetica* : — Principium *analyticum* est illud cuius prædicatūm continetur in notione subjecti, unde ex *analysi* subjecti deprehenditur prædicatum subjecto convenire. — Principium *syntheticum* est illud in quo prædicatum deprehenditur convenire subjecto non ex *analyse* subjecti, sed ex experientia. (v. p. 60 et seq.) Illa principia sunt immediata vel mediata prout veritas ipsorum illico appareat absque demonstratione, vel ex medio demonstratur.

Principia immediata dicuntur per se nota, unde propositiones quibus enuntiantur dicuntur *per se nota*. Propositio *per se nota* quæ distinguitur contra propositionem *per aliud notam* definitur : illa quæ statim, notis terminis, cognoscitur, seu illa cuius prædicatum continetur in notione subjecti. — Propositio *per se nota* potest esse talis vel *quoad se* tantum vel etiam *quoad nos*. Propositio *per se nota quoad se* tantum est illa cuius quidem prædicatum in notione subjecti continetur, tamen id a nobis non cognoscitur, quia notio subjecti nobis non innotescit ; v. g. : *Omnes anguli recti sunt æquales*, est propositio *per se nota quoad se*, non tamen *quoad eos* qui notionem anguli recti non habent. — Propositio *per se nota etiam quoad nos*, est illa in qua nos cognoscimus prædicatum contineri in notione subjecti ; v. g. : *Totum est majus sua parte*.

V. Demonstrationis effectus seu scientia. — Variæ sunt scientiæ acceptiones. *Latiōri sensu* scientia accipitur pro quacumque cognitione certa et evidenti ; *stricto sensu* est *cognitio certa et evidens rerum per causas*, seu *per demonstrationem habita*.

Dicitur *cognitio certa*, ut distinguatur ab *errore*, a *dubio*, a *suspicio*nē, ab *opinione*, quæ quidem non sunt cognitiones certæ. — Dicitur *cognitio evidens*, ut distinguatur a *fide* quæ cognitionem certam admittit, non autem evidentem. — Tandem dicitur *per causas*⁽¹⁾ seu *per demonstrationem habita*, quia scientia est

(1) « On ne sait vraiment, que si l'on connaît les causes. » BACON

cognitio mediata ; est enim cognitio conclusionum, non autem principiorum quorum notitia *intelligentia* dicitur. Conclusiones vero cognoscuntur mediantibus præmissis quæ sunt causæ conclusionum. « Scire arbitramur unumquodque simpliciter... cum causam arbitramur cognoscere propter quam res est, et quoniam illius causa est, et non est contingere hoc aliter se habere.» (1)

Cum scientia sit cognito *certa* non potest esse nisi de necessario et universalibus. « Quod contingit aliter se habere, non potest quis per certitudinem cognoscere.» (2) Certitudo enim est *firmus assensus* mentis alicui cognoscibili ; unde certitudo supponit objectum *firmum* quod aliter esse non potest. Contingentia igitur et singularis, quæ sunt in perpetuo motu, non possunt esse objectum firmi assensus ut sic, sed tantum secundum quod subsunt rationibus ex se universalibus. De singulis ergo non est scientia proprie dicta, seu, *non datur scientia de individuo*. (3)

(1) « Nous savons une chose d'une manière absolue, quand nous savons quelle est la cause qui la produit, et pourquoi cette chose ne saurait être autrement ; c'est la savoir par démonstration ; aussi la science se ramène-t-elle à la démonstration. » ARISTOT., L. I. Posterior. *Analytic.*, C. 2, initio.

« Savoir par cœur, n'est pas savoir. » MONTAIGNE.

(2) S. THOMAS, in L. I. Posterior. *Analytic.*, Cd. IV.

(3) « L'individu ne saurait être l'objet de la science : sa multiplicité infinie, sa complexité extrême, sa mobilité perpétuelle s'y opposent absolument. » CHA. LAHR.

ARTICULUS II

DE SYLLOGISMO PROBABILI

I. Syllogismi probabilis notio. — *Syllogismus probabilis*⁽¹⁾ qui *demonstratio dialectica etiam vocatur, est ille cuius una vel utraque præmissa eunt propositiones probabiles.* — *Propositio autem probabilis est illa in qua connexio prædicati cum subjecto suadetur ex motivo quod omnem oppositi formidinem non excludit.* In hoc enim differt essentialiter propositio probabilis a propositione certa, quod secunda excludit omnem errandi formidinem, quam prima expellere non potest.

Motivum illud quo nititur affirmatio vel negatio prædicati de subjecto potest esse rei intrinsecum, ut ipsa natura rei vel ejus causa, et propositio dicitur *intrinsece probabilis*; si autem illud motivum sit rei extrinsecum ut auctorita doctorum qui sententiam aliquam profitentur, propositio dicitur *extrinsece probabilis*.

Cum una saltem præmissa probabilis sit, sequitur conclusionem esse tantum probabilem: *Pejorem semper sequitur conclusio partem.*

Loci dialectici. — Fontes communes e quibus argumentum probabile trahitur, *loci dialectici* dicuntur. Per multi autem

(1) « Ce genre d'argument est le plus fréquent dans la vie; car les pures démonstrations ne regardent que les sciences. L'argument vraisemblable ou conjectural est celui qui décide les affaires, qui préside, pour ainsi parler, à toutes les délibérations. » BOSSUET, *Logique III*, c. 17.

hujusmodi fontes tum a philosophis, tum a rhetoribus enumerauntur : definitio, causæ, effectus, totum, partes, accidentia, consequentia, circumstantiae, similitudo, paritas, dissimilitudo, oppositio, auctoritas, etc. De hisce omnibus propositiones reperiuntur quæ *maxima* vocantur et tanquam principia ad arguendum sumuntur.

Maxima est propositio quam homines ut veram admittere solent. Hujusmodi sunt propositiones omnes, quæ summa probabilitate sunt verae, v. g. : Id quod plurimi eorum, qui in aliqua arte seu scientia periti sunt, pro re vera et certa habent, id verum et certum esse debet ; — Quidquid convenit definitioni, convenient definitio ; — Qualis causa, talis effectus ; — Quod de uno similium valet, valet de ceteris ; — dissimilibus dissimilia convenient ; — In usu verborum sequenda est vulgi consuetudo ; — In sententia de rebus ferenda judicium sapientum est sequendum ; etc. Ex hisce maximis et aliis similibus resumuntur argumentationes probabiles. (1)

III. Argumenta probabilia. — Ad argumentationem probabilem reducuntur analogia et exemplum, hypothesis et argumentum auctoritatis. De auctoritatis arguento infra dicetur, nunc quidem de analogia, de exemplo et hypothesi, quibus recentes maxime utuntur, in specie agendum est.

IV. De analogia. — a) **Notio.** — **Analogia**, prout hic accipitur, est argumentatio in qua affirmatur vel negatur de re aliqua, id quod de aliis rebus similibus aut dissimilibus affirmatum est vel negatum. Ex. gr. : Ex eo quod undæ vibrantes sonus, caloris, lucis et *electricitatis* eodem modo sese habent in diversis phenomenis propagationis, reflexionis, refractionis, etc., concludiur ad identitatem naturæ ipsorum.

b) **Principia quibus nititur analogia.** — Analogia fundatur in habitudine similitudinis vel dissimilitudinis rerum inter se : ex similitudine effectuum concluditur ad similitudinem finium et vice versa, ex similitudine secundum quosdam respectus ad similitudinem secundum alios. Principia quibus nititur talis argumentatio haec sunt : *Quod in uno similium valet, valet de*

(1) Cf. PESCH, *Institutiones logicales*, vol. I, numeris 419-427.

ceteris ; — Quod non valet de uno similiū, de ceteris non valet ; — Res similes effectus similes producunt ; — Res similes — proprietatibus similibus instructæ sunt, — secundum similes typos conditæ sunt, — similes fines habent, — similibus legibus gubernantur, etc. ; — Dissimilibus dissimilia conveniunt ; — Contrariis contraria conveniunt.

c) Analogia effectus. — Analogia per se certitudinem et scientiam in mente efficere non valet, sed opinionem magis vel minus probabilem secundum pluralitatem et gravitatem eorum quibus res inter se conveniunt :⁽¹⁾ Accidere autem potest, ut mens ex analogia de aliqua re probabilitatem habuerit, deinde aliis argumentis de eadem re certitudinem habeat ; attamen, conclusiones ex analogia deductæ probabiles tantum remanent dummodo accedant illa argumenta quæ certitudinem efficere possunt.

d) Analogia utilitas et abusus. — Licet analogia absolute certitudinem gignere non possit, tamen maximum assert commodum in scientiis præsertim physicis. Ex analogia enim deducuntur hypotheses⁽²⁾ ex quarum verificatione deducuntur leges physicæ. Ex altera parte periculum quoque est ne mens certum putet, id quod est tantum probabile, vel nimis concludat ex similitudine observata. In tota enim scientiæ historia vix illus error repiritur qui in analogia quadam male intellecta non fundatur. Unde nimia analogia estimatio eodem defectu laborat ac analogie contemptio.⁽³⁾

(1) « Les conclusions de l'analogie sont d'autant plus probables : 1° Qu'elles se fondent sur un plus grand nombre de ressemblances constatées et que ces ressemblances sont plus importantes ; 2° Que les différences inconvenues, sont moins nombreuses et moins importantes. » E. BOIRAC, *Cours de philosophie*.

(2) « L'analogie est un raisonnement très fréquent dans la vie ordinaire. Dans les sciences physiques, il fait le fond de la plupart des hypothèses. Franklin suppose l'identité de la foudre et de l'électricité en raison de l'analogie de leurs effets ; l'éther est conçu par analogie avec les fluides pondéreux en raison de l'analogie des phénomènes de lumière et d'électricité avec les phénomènes d'acoustique, d'hydrostatique, etc. » E. Boirac, op. cit.

(3) « Le sentiment juste de l'analogie distingue le vrai savant de celui qui ne l'est pas : celui-ci remplace par de l'imagination la comparaison précise et légitime. C'est par exemple une fausse analogie qui a conduit un utopiste

V. De exemplo. — *Exemplum est argumentatio, qua ex uno vel pluribus singularibus aliud singulare infertur, v. gr. Salomon non invenit felicitatem in honoribus, divitiis ac voluptatibus hujus vitae. Ergo neque tu invenies. Exemplum ducitur non tantum a facto historico sed etiam a parabola vel apolo-
logo seu fabulis.* ⁽¹⁾

Ad exemplum revocari possunt argumentationes *a pari, a fortiori, a contrario*, quae concludunt ex paritate rationis, a fortiori ratione, et a contraria ratione. Quemadmodum legibus physicis Deus creaturas irrationalis gubernat, ita lege morali, creaturas rationales ad finem dirigit. — Qui providet de liliis camporum, a fortiori, de homine curam habet. — Si otiositas mater est vitiorum, studiositas mater est virtutum.

Ad exemplum adhuc reducitur *statistica* ⁽²⁾, quae est congregatio methodica et numerica factorum ex qua veritas quae-

moderne, Fourier, à supposer que le monde moral est gouverné par l'*attraction*, comme le monde physique, et à imaginer une *attraction personnelle*, semblable à l'*attraction des corps célestes*. C'est prendre une métaphore pour une cause ; rien ne se ressemble moins que l'*impulsion des passions* et la chute des corps. — P. JANET.

(1) *Analogia et exemplum in hoc differunt quod analogia transit de aliquo re ad aliud mediante *lege quadam universalis* : econtra exemplum transit *directe* de aliquo facto ad aliud.*

(2) « La statistique est la science des faits sociaux exprimés par des termes numériques. » MOREAU DE JONNÉS. « La statistique est la science qui enseigne à déduire des termes numériques analogues les lois de la succession des faits sociaux. » M. DUFOUR. « Elle (la statistique) procède constamment par des nombres, ce qui lui donne le caractère de précision et de certitude des sciences exactes. » MOREAU NE JONNÉS. « Voilà précisément une qualité qu'on ne se fatigue pas de lui contester. A tort ou à raison ? — A tort et à raison. »

« En effet, les nombres sont toujours précis, mais ils ne sont pas toujours exacts. Il n'est cependant pas difficile de savoir quels chiffres sont exacts, et lesquels ne le sont pas, on n'a qu'à s'informer comment ils ont été obtenus. C'est là tout le secret. Si la constatation a pu se faire d'une manière positive, matérielle, en comptant, en mesurant, en pesant, l'exactitude est rigoureuse, et personne n'a le droit d'attaquer de pareils chiffres, si ce n'est pour cause de faux en écriture publique... »

« Toutefois, il y a deux sortes d'exactitudes : l'une est rigoureuse, l'autre approximative... Tout le monde comprend que l'approximation suffit pour bien des usages, même lorsqu'il s'agit de renseignements qu'on peut avoir avec une grande rigueur... La rigueur mathématique n'est indispensable que lorsqu'on tend à dégager des lois. Au reste, il faut se défaire de la tendance

dam ordinis politici vel moralis infertur. Statistica maxime utuntur scientiæ sociologice quæ recentioribus temporibus tantum incrèverunt. Maxima quidem prudentia requiritur in usu statistice, nam nisi summa adhibetur diligentia in collectione factorum et minutior cura, statistica solidæ argumentationis fundamentum exhibere non valet.

VI. De hypothesi. — *a) Notio.* — Hypothesis est præsumpta factorum explicatio, ⁽¹⁾ seu propositio cujus veritas nondum demonstrata est, quæ tamen accipitur ut vera, quia aliqua facta commode explicat.

maladive de certains auteurs à poser des lois statistiques et avoir bien présent à l'esprit qu'une moyenne n'est pas une loi.

« Ainsi donc, abstraction faite de toute mauvaise foi, il y a des statistiques naturellement exactes, et d'autres qui le sont plus ou moins selon 1° que les signes extérieurs des faits à recueillir sont plus ou moins évidents ; 2° que les particuliers sont plus ou moins intéressés à dissimuler ; 3° que les agents mettent plus d'habileté, de savoir ou de conscience dans leurs relevés ; 4° que ces relevés portent sur un objet absolument déterminé et à l'abri de tout équivoque... »

« On reproche souvent à la statistique de fournir des armes à la fois pour et contre une thèse ou une proposition. Ceci s'explique. Il y a d'abord l'art de grouper les chiffres qui n'est qu'une branche de l'art de soutenir toutes les thèses, d'avoir des arguments pour tous les paradoxes, tous les sophismes. Lorsqu'on veut défendre sa manière de voir à tout prix, on choisit les chiffres, ou, l'on finit ressortir les uns et met les autres dans l'ombre. L'homme passionné peut quelque fois procéder ainsi de la meilleure foi du monde : la passion à veugle. En dehors de cet art de grouper les chiffres, il reste encore, pour justifier la divergence des conclusions, la possibilité d'interpréter le même acte de différentes manières. C'est par erreur qu'on a dit d'un fait ou d'un chiffre qu'il est brutal. — En résumé, si la statistique donne des armes pour et contre, cela ne tient pas à la nature de la statistique, mais à la nature de notre esprit ; car le même reproche s'applique à toutes les sciences morales et politiques, et, dans une mesure moindre, même aux sciences dites exactes.

« La statistique doit avoir une utilité bien certaine, si elle a pu résister à toutes les attaques dont elle n'a été l'objet. En effet il reste toujours vrai, que la statistique est le budget des choses, cet inventaire dont aucun gouvernement ne peut se passer. Il est non moins vrai, que la comparaison de plusieurs faits bien constatés nous fait trouver ou du moins entrevoir des vérités qui auraient pu nous échapper. Les défauts de l'instrument nous impose une prudence qui n'est déplacée nulle part, mais ne nous obligent pas à renoncer à son emploi. »

MAURICE BLOCK. *Dictionnaire de la politique*, pp. 942-943-944, *passim*.

(1) « L'hypothèse est une tentative d'explication scientifique. » MERCIER, *Logique*, p. 276.

b) Hypothesis principium. — Facta observatione percepta admirationem gignunt in mente sapientum qui statim de eorum causa inquirunt, ⁽¹⁾ et hypotheses fingunt quibus possunt facta explicari. Hypothesis ergo in principio causalitatis vel rationis sufficientis fundatur.

c) Hypothesis utilitas. — Magnam utilitatem ⁽²⁾ sibi vindicat hypothesis praesertim in scientiis naturalibus. Sæpe siue docti homines, adhibitis hypotheses, ad veram factorum causam cognoscendam, ad præclara inventa pervenerunt, neçnon leges quibus mirabilis rerum ordo explicatur detegerunt.

d) Hypothesis effectus. — Hypothesis ex se solam dum taxat probabilitatem gignere potest. « Argumenta omnia quibus hypotheses probamus, his præmissis constant: *Si existet hæc causa, talia facta nobis exhiberentur. Sed talia facta nobis exhibentur.* Ergo? An deduces abrupte causam, quam assignas existere? At id vetat conditionalis syllogismi natura. Quid igitur inde concludere licehit? Hoc perfecto, et nihil aliud, videlicet: *Fieri potest, ut hæc causa existat.*» ⁽³⁾ Verum tamen si demonstratur omnes hypotheses quæ fieri possunt rejiciendas esse præter unam quæ factis respondeat, tum perfecto concludere licet: *Hæc causa certe existit, sed tunc hypothesis in thesim mutabitur.* Antequam igitur fiat talis demonstratio, cavendum est ne pro re certa adhiheatur. (Cf. p. 130.)

(1) « Voici ce qui se passe : l'observation met en jeu l'*association des idées*. L'*association des idées* rapproche tout à coup de l'objet observé un objet qui, sous quelque rapport, lui ressemble, et qui est en outre mieux connu que le premier, précisément sous le point de vue qui fait l'objet de notre recherche. Nous constatons l'*analogie*; puis en raison de cette analogie constatée, nous supposons que l'*analogie* se continue sur les points qui font l'objet de notre recherche. » ELIE RABIER, *Logique*, p. 244.

(2) « Une idée anticipée ou une hypothèse est le point de départ nécessaire de tout raisonnement expérimental. Sans cela on ne saurait faire aucune investigation, ni s'instruire; on ne pourrait qu'entasser des faits stériles. Si l'on expérimentait sans idée préconçue on irait à l'aventure. » CL. BERNARD.

« L'hypothèse est le facteur essentiel des sciences. Toute vérité est, sous sa forme première, une hypothèse qui n'a de valeur que lorsqu'elle est vérifiée, et qui, lorsqu'elle est vérifiée, devient soit un théorème, soit une loi. » C. MAVILLE, *Logique de l'hypothèse*.

(3) TONGIORGI, *Instit. dilect.*, n. 327.

e) *Hypothesis leges.* — 1° *Sit hypothesis possibilis*; quod enim in se impossibile est, non potest esse causa factorum.

2° *Hypothesis*, et ea quæ ipsam legitime consequuntur, nulli observationi vel experimento certo contradicat.

3° *Sit hypothesis explicativa factorum ad quorum explicationem assumitur.*

4° *Sit hypothesis simplex.* Natura maxima simplicitate operatur, et *simplex est sigillum veri.* (Cf. p. 130.)

quod
ntur,
olica-
citate

ARTICULUS III

DE SYLLOGISMO SOPHISTICICO

I. Sophismatis natura. — Syllogismus sophisticus seu *sophisma* est *argumentatio quæ sub specie veri falsum concludit*. Sophisma falsum concludit quia peccat vel ratione materiæ, assumens nempe principia falsa, licet juxta leges syllogismi concludat, vel ratione formæ, assumens forte principia vera sed contra leges syllogismi concludens, vel ratione utriusque. «Differentia est inter hos modos, quia ille qui peccat in materia syllogismus est, cum observentur omnia quæ ad formam syllogismi pertinent. Ille autem qui peccat in forma, syllogismus quidem non est, sed *paralogismus*, id est, apparenſ syllogismus. »⁽¹⁾

II. Sophismatum divisio. — Sophismata alia sunt *in roce seu in dictione*, alia sunt *in re seu extra dictiōnem*, secundum quod falsum concludunt vel ex terminorum abusu, vel ex rebus ipsis. Sex sophismata *in dictione*, et septem *extra dictiōnem* ab Aristotele numerantur.

III. Sophismata in dictione. — Sophismata in dictione sunt ; *sophismata æquivocationis, amphibologiæ, compositionis, divisionis, accentus, et figuræ dictiōnis*.

1° Sophisma *æquivocationis* est deceptio proveniens ex eo quod unum idemque nomen in diverso sensu sumitur, v. g. : Taurus mugit ; sed Taurus est mons ; Ergo mons mugit. Ter-

(1) S. THOM., in *I. Poster.*, Lect. 22.

minus *Taurus* in dupli significatione asumitur. Solvitur hujusmodi sophisma distinguendo sensus termini æquivoci, concedendo verum, negando falsum.

2° Sophisma *amphibologiae*, est deceptio proveniens ex acceptione orationis penitus ejusdem plura significantis, quasi unum tantum significaret ; v. g. : Quidquid est Aristotelis possidetur ab Aristotele ; Atqui hic liber est Aristotelis ; Ego hic liber possidetur ab Aristotele. Prima propositio hujus syllogismi potest duo significare, scilicet, habitudinem libri ad Aristotelem ut effectus ad causam, vel ut possessi ad possessorem. Solvitur illud sophisma sicut primum distinctione.

3° Sophisma *compositionis* seu *sensus compositi* committitur, quando intelliguntur *conjuncte*, quæ non nisi *separatim* vera sunt. v. g. : Cæci vident, dixit Christus ; Atqui Paulus est cæcus ; Ergo Paulus videt. *Cæcus* est concretum compositum ex subjecto et privatione visus ; illa propositio *cæci vident* est vera, si intelligatur de subjecto tantum, nempe in *sensu diviso*, non autem si intelligatur de composito, seu in *sensu composito*.

4° Sophisma *divisionis* seu *sensus divisi* committitur, quando intelliguntur *separatim*, quæ non nisi *conjuncte* vera sunt ; v. g. : Sanus nequit esse infirmus ; Atqui Petrus est sanus ; Ergo Petrus nequit esse infirmus. Sanus est concretum compositum ex aliquo subjecto et sanitate : *sanus nequit esse infirmus* est propositio vera, si intelligatur de composito, sed falsa si intelligatur de subjecto tantum, scilicet in *sensu diviso*. Solvuntur sophismata *sensus compositi* et *sensus divisi* distinguendo unum et alterum sensum.

5° Sophisma *accentus* est deceptio proveniens ex eo quod una vox sumitur cum vario accentu, ideoque cum diversa significatione : v. g. : Qui lepores querit, canibus indiget ; Atqui oratores lepores querunt ; Ergo oratores canibus indigent. *Lepus, léporis*, accentum habet in prima syllaba, *lepor*, *lēpōris*, accentum in secunda syllaba requirit. Hæc puerilis et ridicula fallacia distinguendo varium sensum vocis secundum veritatem accentus solvitur.

6° Sophisma figuræ dictionis, est deceptio proveniens ex eo quod aliqua dictio similis alteri videtur eundem modum significandi habere, cum tamen non habeat; v. : Non ridet nisi homo; Atqui pratum ridet; Ergo pratum est homo. Illa sophismata quæ vix memorari debent, facili negotio solvuntur distinctione sensus.

IV. Sophismata extra dictionem. — Septem numerantur, nempe: sophisma accidentis, a simpliciter ad secundum quid, ignorantiae elenchi, petitionis principii, consequentis, non causæ ut causæ, interrogationis.

1° Sophisma accidentis est deceptio proveniens ex eo quod proprietas quædam accidentalis alicui rei tributa assumitur quasi ipsi essentialiter conveniret; v. g.: Homo currit; Atqui Socrates est homo; Ergo Socrates currit.

2° Sophisma a simpliciter ad secundum quid est deceptio proveniens ex eo quod aliquid quod est verum simpliciter assumitur ut verum secundum quid, vel vice versa, aliquid verum secundum quid assumitur ut verum simpliciter; v. g.: Arma sunt domino restituenda; Atqui Carolus furibundus est horum armorum dominus; Ergo arma sunt Carolo furibundo restituenda.

3° Sophisma ignorantiae elenchi est 1° deceptio proveniens ex eo quod quis ignorans quæ sunt necessaria ad contradictionem, videtur adversarium cogere ad sibimet contradicendum cum vero non cogat: v. g.: Qui dicunt evangelistas sibi ipsis contradicere dum unus dicit: *Christus non ascendit Hierosolymam*, et alter: *Christus ascendit Hierosolymam*. Contradiccio non datur quia de diverso modo ascensionis loquuntur: primus affirmat Christum non ascendisse publice Hierosolymam, secundus, Christum occulte ascendisse. Est etiam 2°, deceptio proveniens ex eo quod dolose vel ex defectu definitionis puncti quæstionis in alienam interpretationem torquetur sententia de qua quæritur; v. g.: Qui dicunt infallibilitatem Summi Pontificis importare impeccabilitatem ejus, ideoque admitti non posse.

4° Sophisma *petitionis principii* est deceptio proveniens ex eo quod idem assumitur ad probationem suipsius sub alio vocabulo ; vel assumitur ut principium demonstrationis id quod est probandum ; v. g. : Ego volo probare quod homo est mortalis, et dico : Animal rationale est mortale ; Atqui homo est animal rationale ; Ergo homo est mortalis. — Ad sophisma petitionis principii reducitur *circulus vitiosus* qui definitur : deceptio proveniens ex eo quod unum per aliud vicissim probatur ; v. g. : Anima humana est immortalis quia est spiritualis ; — Anima humana est spiritualis quia est immortalis.

5° Sophisma *consequentis* est deceptio proveniens ex eo quod assumuntur antecedens et consequens ut convertibilia dum convertibilia non sunt ; v. g. : Qui currit, movetur ; Atqui Petrus movetur ; Ergo Petrus currit.

6° Sophisma *non causæ ut causæ* est deceptio proveniens ex eo quod aliquid assignatur causâ alicujus effectus, dum caussa revera non est ; v. g. : Inebriari est malum ; Atqui vinum inebriat ; Ergo vinum est malum. Non enim vinum, sed abusus vini inebriat. Distinctione diluitur hoc sophisma.

7° Sophisma *interrogationis* est deceptio proveniens ex eo quod unica interrogatione quis plures complectitur, ita ut qui unicam responsionem affert, errore arguitur ; v. g. : Vitium et virtus sunt—ne vitanda vel non ?—Habita responsione : sunt vitanda, arguitur : ergo virtus est vitanda ; — habita responsione altera ; non sunt vitanda, arguitur : ergo vitium non est vitandum. Solvitur sophisma distinguendo interrogations et multiplicando responsiones : vitium est vitandum, non autem virtus.

FINIS DIALECTICÆ

niens
alio
quod
mor-
o est
uisma
itur :
pro-
spiri-
is.
x eo
dum
tqui

uiens
ausa
nun-
abu-
x eo
qui
ium
unt
pon-
est
s et
em

LOGICÆ SECUNDA PARS

CRITICA

Prologus. — In dialectica actum est de operationibus quibus intellectus res cognoscit, et de legibus quibus hi actus reguntur ut sint conformes naturæ mentis nostræ. Actus mentis igitur in dialectica considerantur in ordine ad se ; nunc autem in critica, in ordine ad veritatem seu ad certitudinem qua veritas possidetur. Etenim critica querit utrum intellectus, operando secundum leges dilectionis, res cum certudine cognoscere possit : unde definitivimus criticam ita ut sit : *illa pars logicæ quæ agit de supremis principiis quibus nititur certitudo cognitionis nostræ.*

Hæc secunda pars logicæ trifarie dividitur ; queritur enim :

- 1° De ipsa certitudine ;
- 2° De mediis quibus mens certitudinem consequitur ;
- 3° De modo ordinate procedendi ad consequendum certitudinem, seu de methodo.

LIBER PRIMUS

DE CERTITUDINE.

Prologus. — De certitudine tria queruntur, scilicet de natura, de existentia, de causa ejus. Unde liber primus in tria capita dividitur :

- 1° De natura certitudinis.
- 2° De existentia certitudinis.
- 3° De causa certitudinis.

CAPUT PRIMUM

DE NATURA CERTITUDINIS

Prologus. — *Veritas* perfecte possidetur *certitudine*; tamen intellectus potest sese habere in diversis statibus respectu *veritatis*, quibus cognitis clarius appareat natura certitudinis. Unde caput primum in tres articulos distribuitur sequenti dispositione.

DE NATURA CERTITUDINIS

I. De veritate	Notio	
	Divisio	<i>Metaphysica</i> <i>Logica</i> <i>Moralis seu veracitas</i>
		Coordinatio veritatis metaphysicæ, logice et moralis.
		Veritas logica in simplici apprehensione semper habetur, et imperfecte.
		Veritas logica perfecte habetur in judicio.
		Falsitatis notio et divisio.

II. De diversis statibus mentis erga veritatem	Ignorantia	Notio	Species	Negativa	Internae	Imbecillitas intellectus
		Species		Privativa		Defectus intelligibilitatis rerum
Dubium	Suspicio.	Causa		Externae		Defectus methodi Defectus reflexionis
		Notio	Species	Negativum, positivum	Externae	Negativum, positivum
		Species		Speculativum, practicum		Speculativum, practicum
Opinio	Error	Causa		Prudens, imprudens		Prudens, imprudens
		Notio	Species	Difficilis veritatem cognoscendi	Internae	Difficilis veritatem cognoscendi
		Notio		Variatio sententiarum doctorum		Variatio sententiarum doctorum
III. De certitudine	Gradus	Opinio		Multitudo opinionum		Multitudo opinionum
		Notio	Species	Probabilis	Internae	Intrinsico, extrinsico
		Notio		Improbabilis		Aequo-probabilius, probabilius, probabilissima
Gradus	Causa	Ignorantia		Prudens, imprudens		Prudens, imprudens
		Prejudicia	Species	Pravi affectus et passiones	Externae	Pravi affectus et passiones
		Pravitatis		Præcipitatio mentis		Præcipitatio mentis
Gradus	Causa	Pigritia	Species	Perversa methodus	Externae	Perversa methodus
		Perversa methodus		Vulgaris, philosophica		Vulgaris, philosophica
		Magisterium.		Subjectiva, objectiva		Subjectiva, objectiva
Gradus	Causa	Scientiae, fidei		Scientiae, fidei	Internae	Scientiae, fidei
		Metaphysica, physica, moralia		Metaphysica, physica, moralia		Metaphysica, physica, moralia
		Naturalis, supernaturalis		Naturalis, supernaturalis		Naturalis, supernaturalis

ARTICULUS I

DE VERITATE

I. **Veritatis notio.** — Veritas definitur : *adæquatio rei et intellectus*. Veritas enim dicitur secundum relationem conformitatis rei ad intellectum, nam verum est ens per ordinem ad intellectum. Res autem dicit ordinem ad intellectum duplickey : *per se* vel *per accidens*. *Per se* ordinem dicit ad illum intellectum a quo pendet ut sit; *per accidens*, ordinem dicit ad intellectum a quo pendet ut cognoscatur tantum. Cum autem res denominanda sit secundum id quod ei convenit *per se*, res absolute dicitur vera per ordinem ad intellectum divinum a quo pendet ut sit, et *veritas* absolute definitur : *adæquatio rei et intellectus*.

II. **Veritatis divisio.** — Veritas est triplex, metaphysica, logica, moralis, secundum quod consideratur in rebus, in cognitione nostra, vel in sermone prout est expressio cogitationis nostræ.

Veritas metaphysica quæ etiam dicitur *essentialis, ontologica, veritas in essendo*, est *adæquatio rei cum intellectu divino*.

Veritas logica quæ *accidentalis, veritas in cognoscendo*, etiam denominatur, est *adæquatio intellectus cum re cognita*. Cognitio nostra enim ex hoc vera dicitur quod conceptus nostri conformes sunt rebus perceptis. De veritate logica in presenti articulo agimus.

Veritas moralis, que *veritas in significando seu veracitas*, etiam vocatur, est *adæquatio sermonis cum mentis conceptibus*. Ille enim dicitur verum dicere qui rem manifestat exterius sicuti eam cognoscit, sive cognitio ejus sit vera, sive sit falsa.

III. Veritatis metaphysica, logica et moralis coordinatio. — Ut ex præcedentibus definitionibus constat, veritatis hæ tres species ita ad invicem ordinantur ut una ab altera dependeat. Veritas moralis, cum sit conformitas sermonis cum conceptibus, in ipsa veritate conceptuum seu in veritate logica fundatur. Veritas autem logica seu veritas conceptum a veritate rerum causatur, scilicet, a veritate metaphysica. Demum veritas metaphysica, seu veritas rerum ab intellectu divino dependet, cum sit adæquatio ipsarum cum ideis Dci exemplaribus. Sic igitur intellectus divinus est causa et fundamentum omnis veritatis.

IV. Veritas logica in simplici apprehensione semper habetur, sed imperfecte.

Prima pars. — 1° Ubi cum datur cognitio objecto suo conformis, ibi datur veritas logica. Atqui in omni simplici apprehensione habetur similitudo rei in mente expressa, ideoque ipsi conformis. Ergo in omni simplici apprehensione veritas logica habetur. Mens igitur simpliciter apprehendens est semper vera.

Secunda pars. — Veritas perfecte non habetur nisi mens non tantum sit rei conformis, sed illam conformitatem intellectus cum re cognita percipiat. Atqui illa conformitas intellectus cum ipsa re in judicio tantum cognoscitur et exprimitur. Ergo veritas logica in simplici apprehensione habetur, sed imperfecte.

V. Corollarium. — Veritas logica etiam aliquo modo in sensu invenitur sed adhuc imperfectius, modo scilicet inchoativo tantum et secundum analogiam. Veritas enim per ordinem ad intellectum dicitur, non autem ad sensum. Est considerandum quod quamvis sensus proprii objecti sit verus, non

tamen cognoscit verum. Non enim cognoscere potest habitudinem conformitatis sive ad rem, sed solum rem apprehendit.⁽¹⁾

VI. Veritas logica perfecte habetur in judicio. — 1^o Veritas logica consistit in adæquatione intellectus cum re cognito. Atqui illa adæquatio intellectus et rel habetur perfecte in judicio. Ergo veritas logica perfecte habetur in judicio.

Ad minorem. — Una res non potest dici alteri conformis nisi ad ipsam referatur, et cum ipsa comparetur; unde conformitas seu adæquatio intellectus cum re cognita perfecte non habetur nisi intellectus illam conformitatem percipiat. Atqui illa conformitas in judicio tantum percipitur, in quo quidem affirmatur vel negatur rem ita esse vel non esse. Ergo recte loquitur S. Thomas: « Proprie loquendo veritas est in intellectu componente et dividente (i. e. judicante); non autem in sensu, neque in intellectu cognoscente quod quid est (i. e. simpliciter apprehendente). »⁽²⁾

2^o Veritas vel falsitas in propositionibus perfecte habetur, non autem in vocibus: non enim voces, *Deus, homo, false aut verae* dicuntur; sed tantum propositiones: *Deus est perfectus, — Homo non est animal*. Atqui propositio est signum externum judicii, vox autem signum ejus quod in simplici apprehensione cognoscitur. Ergo veritas vel falsitas in iudicio perfecte habet, non autem in simplici apprehensione.

VII. Falsitatis notio et divisio. — Veritati opponitur falsitas. Quare sicut veritas consistit in adæquatione seu conformitate rei et intellectus, ita falsitas consistit in eorum inadæquatione seu disformitate. Quemadmodum veritas est triplex, *metaphysica scilicet, logica et moralis*, ita falsitas.

Falsitas metaphysica importat inadæquationem rei cum intellectu divino. — *Falsitas logica* sistit in inadæquatione intellectus cum re cognita, unde definitur a quibusdam: *discrepanzia inter id quod mens judicat et id de quo judicatur*. — *Falsitas moralis* est *discrepanzia seu non convenientia sermonis cum mentis conceptibus*.

(1) S. THOMAS, *Perihermen.* I. I. lect. 3.

(2) *Sum. theol.* P. I, q. XVI, a. 2.

ARTICULUS II

DE DIVERSIS MENTIS STATIBUS ERGA VERITATEM

I. **Multiplex mentis status respectu veritatis.** — Mens diversimode sese habet respectu veritatis, negative scilicet, positive, vel contrarie. *Negative*, in statu ignorantiae; *positive*, imperfecte quidem in statu dubii, minus imperfecte in statu opinionis, perfecte vero in statu certitudinis; *contrarie* tandem in statu erroris. Quinque igitur sunt status mentis respectu veritatis: *ignorantia, dubium, opinio, certitudo et error.*

II. **Ignorantiae notio, species et causæ.**

1° *Ignorantia est carentia cognitionis in subjecto ipsius cognitionis capaci.*

2° *Alia est negativa, alia privativa:*

Ignorantia negativa quæ et *nescientia* dicitur, est *carentia cognitionis subjecto non debitæ*: v. g.: *absentia scientiæ astronomiæ in agricolo.*

Ignorantia privativa est *carentia cognitionis debitæ*: v. g.: *absentia cognitionis legis in judice.*

3° *Plures sunt causæ ignorantiae*: aliæ quidem interne, aliæ vero externæ.

Causæ internæ sunt et *imbecillitas nativa intellectus*, et *defectus intelligibilitatis rerum ipsarum*. Etenim intellectus noster ex natura sua limitatur et ad omnia intelligibilia non proportionatur: sic, substantiæ immateriales, licet in sc

maxime intelligibiles, propter defectum intellectus nostri, sunt maxime ignotæ. Ex altera parte, ignorantiae causa babetur ipse defectus intelligibilitatis rerum. Sunt enim res quæ intellectui nostro proportionantur, tamen non facile percipi possunt quia in se non sunt satis intelligibiles : tales habentur res materiales quæ propter suam materialitatem ab intelligibilitate recedunt. « Sic igitur potest contingere, quod veritas sit difficilis ad cognoscendum, vel propter defectum qui est in ipsis rebus, vel propter defectum qui est in intellectu nostro. » (1)

Causæ externæ in *defectu methodi* et *reflexionis* sistere videntur. Defectus methodi in rebus addiscendis confusionem generat, ita ut intellectus non percipiat relationes logicas veritatum ad invicem, quibus ignotis, veri nominis scientia dari non potest. Defectu autem reflexionis cognitio quædam manca et incboata rerum babetur, quid vero realiter in se sint penitus ignoratur.

III. Dubii notio, species et causæ. — 1° *Dubium* est *status mentis in neutrā partē contradictionis inclinantis propter errandi formidinem.* In dubio babetur aliqua rei cognitione, sed imperfecta, ita ut mens anceps a judicio ferendo affirmativo vel negativo abstineat.

2° *Dubium* est *negativum vel positivum.* *Dubium negativum* est *status mentis inclinantis in neutrā partē contradictionis propter defectum moventium.* — *Dubium positivum* est *status mentis inclinantis in neutrā partē contradictionis propter apparentem aequalitatem eorum quæ movent ad utramque partem.*

In statu dubii mens manet anceps inclinans neque in unam neque in alteram partem contradictionis. Hoc autem potest baberi propter duplē rationē : vel quia non sunt rationes moventes neque in unam neque in alteram partem (dubium negativum), vel quia sunt rationes æquales pro una et altera parte (dubium positivum).

(1) S. THOMAS, Lib. 2. *Metaph.*, lect. 1., paragr. c.

Dubium est speculativum vel practicum : Dubium speculativum est illud quod versatur circa veritatem vel falsitatem alicujus propositionis. — Dubium practicum est illud quod versatur circa actionem ponendam vel omittendam.

Dubium potest esse *prudens* vel *imprudens*, secundum quod sunt rationes suspensionem judicii suadentes, vel non sunt.

3° *Dubitacionis causes* numerantur : difficultas cognoscendi veritatem ; variatio sententiarum doctorum quae de falsitate ad veritatem, vel vice versa, progressu temporum procedunt ; diversitas et multitudo opinionum circa eadem objecta, etc.

IV. Suspicionis notio. — A dubio non maxime distat *suspicio* quae est *status mentis adhaerentis neutri parti contradictionis, sed inclinantis magis ad unam quam ad alteram*. Convenit proinde suspicio cum dubio in hoc quod non importat judicium, differt tantum ab eo quia in suspicione habetur propensio ad judicandum quae in dubio non existit.

V. Opinionis notio et species. — *Opinio* est *status mentis adhaerentis uni parti contradictionis cum formidine alterius*. In opinions igitur mens judicium profert, assensum præbet uni parti contradictionis innixa aliquo motivo judicium suadente ; tamen motivum etiam datur suadens alteram partem ita ut veritas hujus partis possibilis sit. Habetur ergo *assensus* mentis uni parti *sed cum formidine alterius*. Ita etiam appetet judicium a mente prolatum non esse certum, sed *probabile* tantum. Sententia enim certa a probabili in hoc essentialiter differt quod prima omnem errandi formidinem excludit quam secunda expellere non valet.

Opinio importat statum mentis, tamen etiam dicitur, licet minus proprie, de judicio a mente prolatu in illo statu.

1° *Opinio in se considerata est probabilis vel improbabilis.*

Opinio probabilis est illa quae nititur solidi fundamento, licet non valeat omnem errandi formidinem expellere.

Opinio improbatilis contra nascitur ex levibus rationibus quae non sufficiunt ad judicium ferendum etiam formidolosum.

2° Opinio probabilis est intrinsece vel extrinsece probabilis : *intrinsece*, quæ nititur motivis ex ipsa natura rei petitis ; *extrinsece*, quæ innititur movitis ex auctoritate, scilicet, ex testimonio doctorum desumptis.

Hinc apparet quid sit *probabilitas* et *improbabilitas*. —

Probabilitas (1) est *pondus ac robur rationum seu motivorum sufficiens ad suadendum prudenter assensum formidolosum*.

Improbabilitas est *infirmitas motivorum quæ non valent ad prudentem assensum permovere*. Probabilitas intrinseca ex natura rei petitur, extrinseca, ex auctoritate. Illa tamen habetur relatio inter utramque, ut probabilitas extrinseca intrinsecam supponat, non quidem eo sensu quod qui utitur auctoritate doctorum debeat semper perpendere rationes intrinsecas quibus nititur sententia ipsorum, sed eo sensu quod nullus doctor veram auctoritatem habeat, nisi sciatur in genere ipsum non docere nisi sententias gravibus fundamentis intrinsecis immediate vel mediate innixa.

3° Opinio est *prudens* vel *imprudens* secundum quod mens judiciorum profert innixa gravibus motivis attente et maturate consideratis, vel innixa levioribus motivis, vel motivis non sufficienter perpensis.

4° Relative seu in ordine ad aliam, opinio est *æque probabilis*, *probabilior*, vel *probabilissima* prout nititur movitis æqualibus, majoribus, vel valde gravioribus hisce motivis quibus nititur opinio opposita.

Contingere enim potest ut sint motiva pro utraque parte contradictionis, et sunt duæ sententiae oppositæ probabiles ; — motiva illa esse possunt ejusdem ponderis et gravitatis, et sunt duæ sententiae oppositæ *æque probabiles* ; — ex istis motivis quedam ex una parte majora sunt et fortius suadent unam partem præ altera, et sunt duæ sententiae quarum una est *probabilior* altera ; hæc tamen remanet *probabilis* si rationes

(1) La probabilité est cette lumière imparfaite sous laquelle le vrai apparaît souvent à notre esprit, et qui détermine en lui l'état d'opinion. CH. LAHR, op. cit.

quibus nititur non sunt primis contradictoriae vel contrariæ sed disparatæ, ex aliis nempe capitibus petitæ ; — si autem motiva in favorem unius partis sint valde graviora, ita ut levissima tantum pro altera parte inveniantur, tunc una sententia fit probabilissima et altera leviter probabilis vel improbabilis, non tamen necessario falsa. Dummodo enim aliqua sententia intra limites probabilitatis invenitur, semper habetur assensus uni parti cum formidine alterius.

VI. Erroris notio et causæ. — *Error est status mentis approbantis falsa pro veris.* — Error saepe et minus proprie objective sumitur pro falsitate, et est defectus adæquationis judicii cum re judicata. Non est igitur error veritas quædam incompleta, sed aliquid veritati contrarium.

Erroris causæ aliæ sunt internæ, aliæ autem externæ.

Causæ internæ — 1° *Ignorantia.* — Etenim saepe sèpius judicium fertur de his quæ non sufficienter cognoscuntur : elementa quædam quæstionis ignorantur sine quibus mens recte judicare non valet.

2° *Præjudicia*, scilicet, anticipatæ illæ opiniones quæ, quavis ætate, animum ingrediuntur quin ad motiva satis attendatur, quibus tamen utimur tanquam judiciis certis. Sunt autem præjudicia nationis, patriæ, familie, etc.

3° *Affectus præi voluntatis nec non et passiones.* — Animus odio, invidia, æmulatione incensus, nihil nisi malum in adversario videt et omnes ejus operationes in pravam partem interpretantur ; ex altera parte, amore succensus nihil nisi bonum in re amata discernit. Item animus superbia elatus, proprio iudicio maxime inhærens, veritatem non intuetur et in pessimos errores dejicitur. « Nunquam uspiam sic apparuit, quantum valeat præjudicium præsumptionis humanæ vel ad non intuendam manifestissimam veritatem, vel ad affirmandam impudentissimam falsitatem. »⁽¹⁾ Ad errorem etiam facile ducunt passiones appetitus sensitivi, præsertim luxuria et gula. « Ex

(1) S. AUGUSTINUS, l. 4, contra Cresc., c. 28, m. 35.

luxuria oritur cæcitas mentis quæ quasi totaliter spiritualium bonorum cognitionem excludit ; ex gula autem hebetudo sensus quæ reddit hominem debilem circa intelligibilia.»⁽¹⁾

4° *Præcipitatio mentis* in judicando, unde judicium fertur magis secundum inclinationes sensus et intellectus, quam secundum rei veritatēm.

5° *Pigritia et negligentia.* « La paresse, qui craint la peine de considérer, est le plus grand obstacle à bien juger. Ce défaut se rapporte à l'impatience ; car la paresse, toujours impatiente quand il faut penser tant soit peu, fait qu'on aime mieux croire qu'examiner, parce que le premier est bientôt fait et que le second demande une recherche plus longue. » (BOSSUET, *Conn.*, l. XVI.)

Causæ externæ sunt perversa methodus, et magisterium eorum qui voce vel scriptis erronea tradunt. Maximum erroris periculum nostris in regionibus invenitur non tam in cathedris in quibus errores docentur, quam præsertim in lectione librorum pravorum qui tanta facilitate hisce temporibus ubique sparguntur, necnon et ephermeridum in quibus de omni re scibili institutur sermo quin scriptores sæpe sæpius de cognitione vere scientifica rei tradendæ sufficienter cogitaverint.

(1) S. THOMAS, II-II, q. 15, a. 3.

« Le meilleur précepte de logique que je puisse te donner, c'est de vivre en homme de bien. » MALEBRANCHE.—« Un cœur pur est le premier organe de la vérité. » ROUSSEAU.—« Autant que nous sommes purs, autant pouvons-nous imaginer Dieu; autant que nous nous le représentons autant devons-nous l'aimer. » BOSSUET.—« Je n'étonnerai aucun de ceux qui ont traversé les études de nos lycées, en affirmant que la précoce impiété des libres penseurs en tunique a pour point de départ quelque faiblesse de la chair accompagnée d'une horreur de l'aveu au confessionnal. Le raisonnement arrive ensuite, qui fournit des preuves à l'appui d'une thèse de négation acceptée d'abord pour les besoins de la pratique. » P. BOUBOT, *Essais de psychologie contemporaine*, p. 80.

alium
ensus
pertur
secun-
peine
Ce
s im-
aime
t fait
UET,

rium
roris
edris
rum
gunc
nsti-
vere

ivre
gane
ons-
ons-
ersé
eurs
gnée
uite,
ord
con-

ARTICULUS III

DE CERTITUDINE

I. **Certitudinis notio.** — **Certitudo** est *status mentis firmiter adhaerentis uni parti contradictionis sine ulla errandi formidine*; seu, cum S. Thoma definitur: « *Firmitas adhesionis virtutis cognoscitivæ in suum cognoscibile.* »⁽¹⁾

Mens diversimode sese habet ad veritatem, ut diximus in præcedenti articulo: negative, privative et contrarie, hinc nescientia, ignorantia et error; positive vero sed imperfecte, et sunt dubium, suspicio et opinio; positive tandem et perfecte et habetur certitudo. Facile igitur a diversis alijs statibus mentis distinguitur certitudo: a *nescientia* et *ignorantia* quia inferunt carentiam veritatis, dum certitudo plenam et perfectam ejus possessionem importat; — ab *errore* qui falsum approbat, dum certitudo vero firmiter inhæret, ideoque qui falso assentit sine ulla errandi formidine potest dici habere *persuasionem* seu *convictionem*, nunquam vero, saltem proprie, *certitudinem*; — a *dubio*, *suspicio* et *opinione* quia certitudo est firmus assensus sine errandi formidine, dum in dubio et suspicione assensus non datur, et in opinione infirmus tantum datur, scilicet, cum errandi formidine.

(1) In III Sent., Dist. XXVI, q. II, a. 4.

II. Certitudinis species.

1° Certitudo est *subjectiva* vel *objectiva*. Certitudo in se sumpta est quid *subjectivum*, nempe firmus mentis assensus veritati; tamen potest et ipsa considerari per ordinem ad causam qua determinatur ille firmus assensus, et quæ dicitur minus proprie certitudo *objectiva*. Certitudo igitur *subjectiva* est *firmus mentis assensus veritati, sine ulla errandi formidine*; certitudo autem *objectiva* est *ipsa veritas menti præsens et firmum mentis assensum determinans*.

2° Certitudo alia est *scientiæ*, alia *fidei*.

Certitudo scientiæ est *firma adhæsio mentis alicui veritati causata ab intelligibilitate objecti*. Est *immediata* vel *mediata secundum quod causatur ex immediata intelligibilitate objecti*, ut in primis principiis, vel ex mediata objecti intelligibilitate seu per ratiocinium, ut in conclusionibus ex principiis demonstrative deductis.

Certitudo fidei est *firma intellectus alicui veritati adhæsio quam voluntas auctoritate permota gignit*. Est *fidei humanæ* vel *divinæ* prout causatur auctoritate humana vel divina.

« *Intellectus* possibilis cum, quantum sit de se, sit in potentia respectu omnium formarum intelligibilium, est etiam, quantum est de se, determinatus ad hoc quod non magis adhaeat compositioni quam divisioni vel e converso. Omne autem quod est determinatum ad duo, non determinatur ad unum eorum nisi per aliquid movens ipsum. *Intellectus* autem possibilis non movetur nisi a duobus; scilicet a proprio objecto, quod est forma intelligibilis, et a voluntate quæ movet omnes alias vires. Sic igitur *intellectus* noster possibilis respectu partium contradictionis se habet diversimode... Quandoque *intellectus* determinatur ad hoc, quod totaliter adhæreat uni parti; sed hoc est quandoque ab intelligibili, quandoque a voluntate. Ab intelligibili quidem quandoque immediate, quandoque mediate: immediate quando ex ipsis intelligibilibus statim veritas propositionum intelligibilem infallibiliter apparet; et hæc est dispositio intelligentis principia quæ statim cognoscuntur, notis terminis; mediate vero quando *intellectus*

determinatur ad alteram partem contradictionis virtute primorum principiorum, et ita est dispositio scientis. Quandoque intellectus non potest determinari ad alteram partem contradictionis neque statim per ipsas definitiones terminorum, sicut in principiis, nec etiam virtute principiorum, sicut in conclusionibus demonstrativis est; determinatur autem per voluntatem, quae eligit assentire uni parti determinate et precise propter aliquid quod est sufficiens ad movendum voluntatem, non autem ad movendum intellectum, utpote quod videtur bonum, vel conveniens huic parti assentire; et ita est dispositio credentis, ut cum aliquis credit dictis alicujus hominis quia videtur decens et utile.»⁽¹⁾

3° Certitudo dividitur in *metaphysicam*, *physicam* et *moram*.

Certitudo metaphysica est *firmitas adhesionis mentis alicui cognoscibili fundata in essentiis rerum*, v. g.: Totum est majus sua parte. — Homo est animal. Assensus mentis hisce veritatibus fundatur in ipsis rerum essentiis, et cum essentiae sint immutabiles, fieri non potest ut res sit aliter.

Certitudo physica est *firmitas adhesionis mentis alicui cognoscibili fundata in legibus a Deo statutis in mundo corporeo*, v. g.: Nix est alba. — Ignis comburit. Ille leges a libera Dei voluntate pendent, ita ut possit Deus ipsis derogare per miraculum. Illud motivum igitur non est adeo firmum ut exceptionem non patiatur.

Certitudo moralis est *firmitas adhesionis mentis alicui cognoscibili fundata in universalibus atque constantibus hominum moribus*, v. g.: Parentes filios suos diligunt. Haec propositio certa est certitudine morali, ex hominum moribus, unde excluditur possilitas oppositi. Multae tamen possunt haberi exceptiones.

Non est confundenda illa vera certitudo moralis quae omnem errandi formidinem excludit, cum certitudine morali vulgo ac-

(1) QQ. DD. *De Veritate*, q. 14, a. 1.

cepta quæ reapse non est nisi maxima quedam probabilitas, ideoque non est vera certitudo, cum non excludat errandi formidinem.

4° Certitudo etiam dividitur in *naturalem* et *supernaturalem* prout veritas menti innotescit lumine rationis, vel lumine fidei supernaturalis.

5° Certitudo tandem dicitur *vulgaris* vel *philosophica*, prout mens veritati assentit, cum implicita tantum cognitione motivorum quibus nititur assensus, vel cum explicita cognitio ipsorum.

III. Certitudinis gradus.— In certitudine possumus quo distinguere : adhesionem mentis, et exclusionem formidinis errandi. Prout excludit formidinem errandi, certitudo gradus non habet ; nam admissa minima errandi formidinc, jam amplius certitudo non datur. Si autem consideratur certitudo prout dicit firmum mentis assensum, gradus admittit secundum firmitatem motivorum in quibus fundatur. Porro motivum quo nititur certitudo metaphysica firmius est in motivis in quibus fundantur certitudo physica et certitudo moralis ; item firmius est motivum certitudinis physicæ motivo certitudinis moralis. Ergo certitudo metaphysica præstat certitudini physicæ, et ambæ præstant certitudini morali. Firmior tamen omni certitudine habetur certitudo fidei divinæ, fundata in ipsa Dei essentia quæ firmissimum asseusus motivum exhibet, propter omnimodam ejus immutabilitatem.

CAPUT SECUNDUM

DE EXISTENTIA CERTITUDINIS

Prologus.— Existencia certitudinis a *dogmaticis* tuncur contra *scepticos*, *agnosticos* et *relativistas*; quatuor igitur erunt articuli in praesenti capite: primus, de dogmatismo; secundus, de scepticismo absoluto; tertius, de scepticismo hypotheticō, quartus de agnosticismo et relativismo, prout sequenti sche-mate apparet.

DE EXISTENTIA CERTITUDINIS

	Notio Existencia certitudinis nec in duhium revocari nec denegari potest. Certitudo vulgaris circa quasdam veritates est vera certitudo. Scepticismi notio " species { Universalis { Absolutus " Particularis { Hypotheticus " historia
I. De dogmatismo	Scepticismi abs. uti refutatio: Thesis: Scepticismus absolutus est physice et meta-physice impossibilis. Difficultatum solutio. Notio Refutatio. Thesis: Duhium methodicum Cartesii ad-mitti nequit. Difficultas solvitur
II. De scepticismo absoluto	
III. De scepticismo hypotheticō	
IV. De agnosticis-mo et relati-vismo.	Agnosticismus et Relativismus admitti nequeunt.

ARTICULUS I

DE DOGMATISMO

I. Dogmatismi notio.— *Dogmatismus est doctrina eorum qui contra scepticos existentiam certitudinis tuentur.* Dogmatici dicuntur quia affirmant esse dogmata, seu veritates certas. Duplex autem, ut diximus, datur certitudo, vulgaris scilicet et philosophica, prout significat mentis assensum alicui veritati cum implicita vel explicita cognitione motivorum quibus talis assensus nititur. Quamvis autem sceptici existentiam certitudinis vulgaris non denegent, ipsam tamen dicunt non esse veram certitudinem sed cecam credulitatem. Unde dogmatici in genere, et in specie contra scepticos, propugnant certitudinem negari non posse, et certitudinem vulgarem tandem aliquando veram esse certitudinem.

II. Existentia certitudinis nec in dubium revocari nec denegari potest.— 1° Unusquisque propria experientia novit mentem quibusdam veritatibus ita firmiter adhaerere, ut impossibile omnino sit animum in contrarium adducere; v. g., principium contradictionis, scilicet, idem non potest simul esse et non esse, factum propriæ existentiæ, et multa alia tam clara luce apparent ut intellectus ipsis non assentire non possit. Atqui firmus mentis assensus alicui cognoscibili excludens possibili-

tatem oppositi, est ipsa certitudo. Ergo certitudinis existentia nec in dubium revocari, nec denegari potest.

« Ut enim necesse est, ait Tullius, lanceam in libra ponderibus impositis deprimi; sic animum perspicuis cedere: nam quo modo non potest animal ullum non appetere id quod accommodatum ad naturam appareat; sic non potest (mens) objectam rem perspicuam non approbare.» ⁽¹⁾

2° Id negari nequit cuius negatio vel dubitatio est ipsamet rei negatæ affirmatio. Porro qui denegat certitudinis existentiam vel de ipsa dubitat, ipsammet affirmat: de ipsa enim dubitat quia *certus* est de ejus existentia non constare, ipsam vero nègat quia ejus non existentia *certo* apparet. Ergo existentia certitudinis denegari nequit, nec in dubium revocari.

III. Corollaria.— 1° Existentia certitudinis est per se evidens, nec demonstratione indiget; menti enim nostræ tam manifesta est quam existentia solis aperienti oculos.

2° Existentia certitudinis est veritas indemonstrabilis, est una ex primis veritatibus immediate ab intellectu cognitis. Præsupponitur enim certitudo omni demonstrationi, cum demonstratio ex *certis* præmissis conclusionem deducit. Non potest igitur existentia certitudinis demonstrari sine petitione principii.

3° « Videtur quibusdam, inquit S. Thomas, quod nullius rei sit scientia. Quibusdam autem videtur quod sit scientia, et quod omnium possit haberi scientia per demonstrationem. Neutrum autem istorum est verum.» ⁽²⁾

IV. Certitudo vulgaris circa quasdam veritates est vera certitudo.


1° Certitudo illa *vulgaris* dicitur non quia nullo nititur solido fundamento, sed quia ea præsertim utitur vulgus hominum quin tamen ab isto usu excludantur ipsi philosophi. Quam-

(1) *Academ.* I. II, c. XII.

(2) *L. II, Poster.* lect. 7.



MICROCOPY RESOLUTION TEST CHART
(ANSI and ISO TEST CHART No. 2)



APPLIED IMAGE Inc.

1653 East Main Street
Rochester, New York 14609 USA
(716) 482-0300 - Phone
(716) 288-5989 - Fax

vis igitur talis mentis assensus possit esse erroneous dum præstat
tur quibusdam veritatibus quæ scientifice demonstrari indigent,
tamen certitudo vulgaris de veritatibus quæ sunt per se evi-
dentes vel facili negotio ex experientia seu ex primis principiis
cognoscuntur, vera est certitudo.

2° Natura in necessariis deficere non potest. Atqui na-
tura in necessariis deficeret, si vulgus veritates ad vitam ratio-
nalem ducendam necessarias certo cognoscere non posset. Homo
enim a natura ordinatur ad vitam rationalem ducendam, in
ordine physico et morali, cum aliis hominibus, quibuscum in
societate domestica, civili et religiosa unitur; unde sponte
naturæ illas veritates cum certitudine cognoscere debet quæ
sunt fundamenta hujus triplicis societatis. Ergo certitudo vul-
garis, quam omnes homines habent de multis rebus sponte na-
turæ, vera est certitudo. ⁽¹⁾

(1) Il y a deux degrés d'intelligence, dont l'un opère une entière conviction, quoiqu'il soit moins parfait que l'autre : l'un se réduit à être dans l'impuissance de douter d'une vérité parce qu'elle a une évidence simple, et, pour ainsi dire, directe ; l'autre a de plus une évidence réfléchie, en sorte que l'esprit explique la preuve de sa conviction et réfute tout ce qui pourrait l'obscurcir. Les plus sublimes philosophes mêmes sont invinciblement persuadés d'un grand nombre de vérités, quoiqu'ils ne puissent les développer clairement, ni résoudre les objections qui les embrouillent. FÉNELON. *Lettres*.

ARTICULUS II

DE SCEPTICISMO ABSOLUTO

I. *Scepticismi notio.*—Scepticismus est systema eorum qui certitudinem cognitionum nostrarum denegant, ita ut unicum sit principium admittendum : *nihil certo cognosci posse*. Sceptici tamen, ut jam diximus, certitudinem vulgarem admittunt, sed ipsam tenent non esse veram certitudinem ; philosophicam vero certitudinem comparari non posse renuntiant.

II. *Scepticismi species.*—a) Scepticismus est duplex : *universalis et particularis*.

Scepticismus universalis de nulla veritate certitudinem admissit, proindeque docet de omnibus esse dubitandum.

Scepticismus particularis de aliquo tantum determinato veritatum ordine dubitat, sic : *subjectivismus* qui de objectivitate idearum dubitandum esse putat ; *Idealismus* qui sensationi adversatur ; *Rationalismus* qui auctoritatem divinam admittere non vult ; *Traditionalismus* qui testimonium rationis humanæ rejicit, etc.

b) Scepticismus universalis est duplex : *absolutus et hypotheticus*.

Scepticismus absolutus docet nos non posse aliquid certo cognoscere ; — *scepticismus hypotheticus* tuetur nos ad aliquid

certum devenire non posse, nisi prius adhibeatur tanquam methodus dubitatio universalis, unde dicitur etiam scepticismus methodicus.

In praesenti articulo de scepticismo universalis et absoluto tantum agitur ; de scepticismo vero particulari suo loco dicetur.

III. Scepticismi historia.—Apud antiquos, scepticismum absolutum professus est Pyrrho (A. C. 380-288) asserens « nihil esse quod percipi possit. » Arcesilaus, fundator secundæ Academie (A. C. 315-230) nihil certo a nobis cognosci posse docebat, cui doctrinæ saltem ex parte assentit Carneades, tertiae Academie parens (A. C. 215-125) docens nullum certo cognosci, quædam tamen probabilia haberi.—Post Christum, sæculo secundo, eamdem doctrinam professi sunt Sextus Empiricus et Cœnesidemus quorum ultimus omnes scepticorum rationes in suis octo libris enumeravit.—Etate moderna inter scepticos numerantur Montaigne, P. Charron, P. Bayle, etc. ; recentioribus autem temporibus plures certitudinem cognitionum nostrarum denegarunt, docentes cum Theodoro Jouffroy : « tenemus scepticismum ut ultimum pronuntiatum reflexionis rationis humanæ supra seipsam. »

IV. Scepticismi absoluti refutatio.

THEISIS.—**SCEPTICISMUS ABSOLUTUS EST PHYSICE ET METAPHYSICE IMPOSSIBILIS.**

1° *Scepticismus absolutus est physice impossibilis.*—Illud physice impossibile dicitur quod naturæ adversatur. Atqui scepticismus absolutus naturæ adversatur. Ergo.

Ad minorem :— Illud naturæ adversatur quod naturali desiderio contrariatur. Etenim natura nihil aliud significat nisi essentiam rei secundum quod habet ordinem ad operationem. Atqui scepticismus absolutus contrariatur naturali desiderio sciendi quod omnem naturam intellectualem concomitantur, ita ut illud desiderium absurdum prorsus et ridiculum reddat. Inest enim omnibus hominibus naturale desiderium

sciendi : « curiosum nobis natura ingenium dedit, » ait Seneca. Illud autem desiderium non est de cognitione quacumque, sed de cognitione scientifica, per causas habita.⁽¹⁾ Atqui absurdum est ponere rationem humanam natam esse ad veritatem cognoscendam, et nullam veritatem a se teneri posse. Veritas enim certitudine possidetur. Ergo scepticismus absolutus naturae adversatur, ideoque est physice impossibilis.

2° *Scepticismus absolutus est metaphysice impossibilis.*— Illud dicitur metaphysice impossibile quod implicat contradictionem. Atqui scepticismus absolutus est hujusmodi. Ergo.

Ad minorem.— Illud implicat contradictionem docere de omnibus esse dubitandum et simul plura ut certa habere. Atqui in hac contradictione scepticismus absolutus versatur. Ergo.

a) Sceptici dum dicunt nihil certo cognosci posse, necessario affirmant se nosse nihil a nobis certo cognosci posse, ideoque aliquid ut certum habent. Unde Lactantius dicit : « Si nihil sciri potest, necesse est id ipsum sciri, quod nihil sciatur. Si autem scitur posse nihil sciri, falsum est ergo, quod dicitur, nihil posse sciri. Sic inducitur dogma sibi repugnans. »⁽²⁾

b) Dum affirmant dubium universale, sceptici necessario scire debent quid sit scire et nescire, dubitare et aliquid certo tenere, plura scilicet ut certa et rata habent.

c) Ipsi sceptici principium suum, *dubitandum est de omnibus*, multis argumentis, scilicet, ex infirmitate et fallibilitate rationis humanae, ex mutabilitate opinionum doctorum, aliisque ex fontibus petitis demonstrare conantur. Atqui omnis demonstratio supponit aliquid certum. Ergo scepticismus absolutus plures implicat contradictiones, ideoque est metaphysice impossibilis.

(1) Pourquoi est un des mots qui sortent les premiers de la bouche de l'enfant, un de ceux qu'il répète le plus souvent ; la philosophie n'a été créée que pour répondre à ce besoin. LAROMIOUIÈRE.

(2) *De Div. Inst.* l. III, c. VI.

V. Difficultatum solutio.

1° Illud non est physice et metaphysice impensabile quod falsum demonstrari nequit. Atqui scepticismi falsitas demonstrari nequit. Ergo.

Dist. maj. Quod falsum demonstrari nequit nec directe nec indirecte, *conc.*; directe, *subdist.* propter defectum rationum, *conc.* quia est evidenter falsum, *nego*.

Contradist. min. nec directe nec indirecte, *nego*; directe, *subdist.* quia rationes pro ipso militant, *nego*; quia est evidenter falsus, *conc.*

Falsitas scepticismi indirecte demonstratur, negatio enim certitudinis ad absurdum dicit; directe autem non demonstratur, quia existentia certitudinis est per se evidens, una ex primis veritatibus indemonstrabilibus.

2° Atqui scepticismus non est evidenter falsus. Ergo reddit difficultas.

Illa doctrina non est evlidenter falsa quæ cavit omnes errores. Atqui scepticismus cavit omnes errores. Ergo scepticismus non est evidenter falsus.

Dist. maj. Certiori via ducendo ad veritatem, *conc.*; præcludendo omnem viam ad veritatem cognoscendam, *nego*.

Contradist. min. *Nego* consequens et consequentiam.

Scepticismus enim dum cobibet assensum veritati negando certitudinem non tantum omnem viam præcludit ad consequendum veritatem, sed in pessimum errorem cadit.

3° Atqui nulla datur via ad veritatem certo cognoscendam. Ergo reddit difficultas.

Nulla via secura datur ad veritatem nisi demonstratio. Atqui omnis demonstratio supponit aliquid certum. Ergo nulla datur via ad veritatem.

Dist. maj. In veritatibus mediatis, *conc.*; in veritatibus immediatis seu per se evidentiibus, *nego*.

Conc. min. et *nego* consequens et consequentiam.

Veritas est duplex, alia mediata quæ ex principiis mediante demonstratione deducitur, alia immediata quæ est per se evidens et statim cognitis terminis ab intellectu percipitur. Sunt igitur veritates quæ non indigent demonstrari, sed omni demonstrationi præsupponuntur, et ex quibus veritates mediatae, sine petitione principii, mediante demonstratione deducuntur.

4° Atqui veritates immediatae non possunt certo cognosci absque demonstratione. Ergo reddit difficultas.

Veritates immediatae ratione humana cognoscuntur. Atqui ratio humana est fallibilis (1). Ergo veritates immediatae certo cognosci non possunt.

(1) « La raison n'est qu'une courueuse qui ne sait où s'arrêter ; nouvelle Pénélope, elle défait chaque jour ce qu'elle a fait la veille. » BAYLE.

Conc. maj.

Dist. min. Ratio humana est fallibilis per se, nego, per accidens, conc. Nego consequens et consequentiam.

Esse fallibile per se est ordinari natura sua ad falsum. Atqui ratio humana ad verum, non autem ad falsum natura sua ordinatur. Ergo non est ratio fallibilis per se. *Esse fallibile per accidens* est posse falli propter causam naturae sue extrinsecam. Ratio nutem humana quandoque fallitur propter impedimenta extrinseca.

5° Atqui ratio humana est fallibilis per se. Ergo.

Id quod est semper fallibile est fallibile per se. Atqui ratio humana est semper fallibilis. Ergo.

Dist. maj. Quod est actu semper fallibile, conc.; potentia, subdist.: circa omnes veritates, nego; circu veritates minus notas tantum, conc.

Controdist. min. Ratio humana est semper fallibilis actu nego; potentia, subdist.: circa omnes veritates, nego; circu veritates minus notas, conc. Nego consequens et consequentiam.

Ratio humana non est fallibilis circa omnes veritates. Etenim sunt veritates per se evidentes circa quas intellectus falli non potest, et quibus mediabitur. Ad veritates minus notas pertingit.

6° Atqui ratio humana est fallibilis circa omnes veritates. Ergo.

Non est rationi humana concedendum quod est proprium divinitatis. Atqui infallibilitas est proprietas solius Dei. Ergo intellectus humanus est fallibilis circa omnes veritates.

Conc. maj.

Dist. min. Infallibilitas absoluta et illimitata, conc.; infallibilitas relativa et limitata, nego.

Dum dicitur intellectus humanus infallibilis circa prima principia seu veritates primas, nullo modo ipsi conceditur quod Dei proprium est. Illa enim infallibilitas est relativa tantum, limitata et imperfecta.

7° Atqui ratio humana est fallibilis circa prima principia. Ergo.

De actu pri posse valet illatio. Atqui de facto homines errarunt, negando prima principia. Ergo circa ipsa intellectus non est infallibilis.

Conc. maj.

Dist. min. Errarunt negando prima principia ore conc., corde, nego.

Nihil est quod ore negari non possit; tamen ex hac negatione non inducitur semper error, praesertim quando agitur de primis principiis, cum eorum negatio est ipsorum modi affirmatio. Negari non potest certitude quin de facto affirmetur, ita dicitur de principio contradictionis, de facto proprie existentiae, etc.

ARTICULUS III

DE SCEPTICISMO HYPOTHETICO

I. **Scepticismi hypothetici notio.** — Scepticismus hypotheticus ille est, diximus, qui tuetur nos ad aliquid certula devenire non posse, nisi prius adhibeatur tanquam methodus dubitatio universalis. Hujus scepticismi auctor extitit Cartesius (1596-1650). In suis libris, *Discours de la méthode*, *Méditations*, *Principes de la Philosophie*, ipse Cartesius docet quod saltem una vice in vita sua, homo dubitare debet de omnibus. Ob enim præjudicia ante actæ ætatis, quivis intellectus multa pro veris admittit que falsa sunt. Sensus externi, conscientia, ratio sœpe sœpius falluntur ; ipsorum doctorum sententiae falsa pro veris affirmant. Igitur ad vitandum errorem et veram de rebus certitudinem acquirendam, primo dubitandum est de omnibus, uno tantum principio excepto de quo dubitatio est impossibilis : *Cogito ergo sum* ; postea novum cognitionis nostræ ædificium construetur, solido innixum fundamento. Primum illud principium : *Cogito ergo sum*, certo tenetur quia clare percipitur, ex quo Cartesius legem statuit universalem totius certitudinis : *Id omne quod clare percipitur verum est*. Illa autem lege adhibita novum philosophiae ædificium erexit.

II. Scepticismi hypothetici refutatio.—

THEISIS.—DUBIUM METHONICUM CARTESII ADMITTI NEQUIT.

1° Non potest admitti id quod dicit ad negationem cuiuslibet certitudinis. Atqui hujusmodi est dubium methodicum Cartesii. Ergo.

Ad minorem.— Omnis enim certitudo est vel de his quæ ad subjectum cognoscens pertinent vel de his quæ sunt ab eo distincta. Atqui admissio dubio hypothetico Cartesii nulla potest dari de his omnibus legitima certitudo. Etenim a Cartesio in dubium revocatur testimonium cuiuscumque facultatis cognoscitivæ; testimonium conscientiæ cuius est referre omnia facta interna et subjectiva, testimonium rationis ad quam pertinet cognitio eorum quæ sunt a nobis distincta. Ergo dubium methodicum Cartesii dicit ad negationem cuiuslibet certitudinis.

2° Nullo modo admitti potest quod implicat contradictionem. Atqui dubium methodicum Cartesii implicat contradictionem. Ergo.

Ad minorem.— Contradictorium est dicere dubitandum esse de testimonio rationis et conscientiæ, et simul illud testimonium ut certum et indubitatum habere. Atqui dubium methodicum Cartesii statuit dubitandum esse de testimonio rationis et conscientiæ, et simul illud testimonium ut certum et indubitatum admittit circa factum propriæ cogitationis et existentiæ. Ergo dubium methodicum Cartesii implicat contradictionem.

3° Non est accipienda ut recta methodus perveniendi ad certitudinem illa quæ ntitur, tanquam principio, hypothesi impossibili. Atqui hujusmodi est methodus cartesiana. Etenim dubitatio universalis quam hypothetice Cartesius intellectui proponit est de se metaphysice et physice impossibilis, ut demonstratum est. Ergo.

Solvitur difficultas. — Prudens est cohære assensum ad vitandum errorem et scientiam certitudinem reflexione babendam. Atqui nihil aliud propoedit methodus cartesiana. Ergo illa methodus non est rejicienda.

Dist. maj. In rebus dubiis, *concl.*, In rebus per se evidenter, *nego*

Dist. min. Methodus cartesiana proponit cohære assensum in rebus dubiis tantum, *nego*, etiam in rebus per se evidenteribus. C

Hoc est enim vitium methodi cartesiana, non quod proposuerit dubium methodicum ut *sic*, sed quod dixerit ilud dubium extendendum esse etiam ad veritates immediatas et per se notas de quibus dubium dari non potest. (1) Dubium enim methodicum dum limitatur ad veritates mediatas et demonstrabiles, legitimum est et utile, (2) ipsoque usi sunt Aristoteles, scholastici et præsertim S. Thomas: sed dum extenditur ad veritates per se notas, ad oegationem eujustibet certitudinis dueit, nedium certiori via ad veritatem et certitudinem perducat. Cartesius dupliciter perccavit, ait Leibnitzius, *nihil dubitando*, et oimium facile a dubitatione recedendo.

(1) « En réalité, le doute méthodique est aussi impossible qu'il existe des vérités d'évidence absolue et immédiate, puisque d'une part elles ont ce privilège de forcer l'adhésion de l'esprit qui les contemple, et que de l'autre, une fois mises en doute, aucune démonstration ne saurait nous en restituer la possession. » CH. LANR. *Cours de philosophie*, vol. II, p. 241.

(2) « L'utilité du doute méthodique sagement compris et raisonnablement pratiqué est无可置疑的. Il est la condition de toute recherche comme de toute démonstration scientifique. » Avant d'aborder la solution d'un problème, dit Aristote, il faut commencer par bien douter et par s'enquérir de toutes les difficultés dont le problème est entouré. » ISIN.

ARTICULUS IV

DE AGNOSTICISMO ET RELATIVISMO

I. **Agnosticis-
mo et Relativis-
mo notio.** — *Agnosticismus* non est *negotio* sed *limitatio certitudinis*. Juxta sautores hujus systematis mens nostra potest assequi verum cum certitudine, non in *omni ordine*, in *aliquo tantum*. Agnosticistæ igitur delimitant *campum certitudinis*. Secundem quosdam, homo cognoscit solum *affectiones suas subjectivas, status conscientiae*; secundum alios, cognitio nostra limitatur ad *veritates ordinis sensibilis*. Utrum vero præter *affectiones subjectivas* habeatur realitas vere *objectivo*, diversimode respondent agnosticistæ. Taine contendit *nihil reale existere ultra status conscientiae*. Spencer docet *To Incognoscibile existere præter affectiones subjectivas*, quod tamen *cognoscere nequimus*, cui vero credere debemus. Illi qui dicunt certitudinem nostram limitari ad *veritates ordinis sensibilis*, vocantur *positivisti*.

Relativismus docet veritatem esse *relativam*, i. e. *mutabilem pro conditione personarum, temporum, regionum etc.*

II. **Agnosticis-
mo et Relativis-
mo refutatio.**

THESES. — AGNOSTICISMUS ET RELATIVISMUS
MITTI NEQUEUNT.

Prima pars. — *Agnosticismus odmitti nequit.* 1° Iuris inter se extensus ambitus cognitionis humanæ ad *affectiones subjectivas et veritates ordinis sensibilis*, si haberi potest evidētia de *realitate objectiva et de rebus suprosensibilibus seu me-*

temporibus. Atqui haberi potest evidētia de realitate objectiva et de rebus suprasensibilibus. Ergo.

Minor ostenditur quoad partes — Ia pars. — Haberi potest evidētia de realitate objectiva. Etenim, inter affectiones subjectivas quae conscientia exhibentur, plurimæ sunt quæ percipiuntur non solum ut affectiones subjectivæ, sed præterea ut realitatum repræsentatitiae, etsi enim repræsentatio res objectivas, non perfecte adæquat, tamen hae res revera existere debent eo modo quo naturaliter repræsentari solent, aliter necesse esset admittere conscientiam per se et naturaliter nos in errorem ducere.

IIa pars. Haberi potest evidētia de rebus suprasensibilibus. Nempe res sensibus observatæ habent varias dotes, qualitates, proprietates, quarum ratio existere debet : nam nihil est sine ratione sufficien̄te — hoc principium analyticum est, ideoque absolutum. Hinc, si ratio non invenitur in ipsis rebus sensibilibus, reponenda est in mundo suprasensibili. Hac methodo rationali possumus usque ad principia essentialia rerum pertingere, imo ad causas superiores usque ad Deum, *To Ignoscibile*, ad mentem Spencer, creatorem omnium ascendere.

2° Admitti nequit systema quod destruit scientiam. Atqui sic se habet agnosticismus. Ergo.

Minor probatur — Scientia est cognitio rerum per causas. Atqui juxta Agnosticismum, causæ rerum non cognoscuntur. Ergo agnosticismus destruit scientiam.

Secunda pars. — Relativismus admitti nequit. — Veritas perfecte habetur in judicio, et judicium est verum quando fertur secundum exigentias ontologicas (exigentiae quæ non dependent a mente nostra, sed a natura subjecti) subjecti. Atqui exigentiae ontologicas subjecti sunt semper immutabiles. Ergo veritas non est diversa neque pro diversis hominibus, neque pro diversis temporibus.

Minor ostenditur per partes. Ia pars respicit judicia ordinis idealis. Etenim in judiciis ordinis idealis, sive metaphysicis, sive mathematicis, sive physicis, prædicatum exigitur a natura ipsa subjecti, v. g. : principia metaphysica : idem

nequit simul esse idem et non idem; quidquid contingenter existit postulat causam, etc... — *leges mathematicæ*: numerus cuius ultima nota est 0 vel 5, divisibilis est in quinque, etc., — *leges physicae*: corpora eadunt versus centrum terræ cum volocitate crescente pro tempore ab inchoato easu elapsa, etc. Igitur illa judicia sunt *a priori* vera, ideoque immutabilia *absolute*⁽¹⁾ pro omnibus hominibus, temporibus.

IIa Pars respectivæ judicia ordinis concreti. — In illis judiciis v. g.: haec aqua est calida, cœlum est serenum, etc., prædicatum exigitur a subjecto *ex necessitate facti*. quæ necessitas est aut facti *interni* aut facti *externi*, et quidem vel *præsentis* vel *præteriti*, v. g.: *exitisse Socratem erit semper verum*; nunc *quam hanc esse calidam* est necessario verum, si talia sunt adjuncta ut calor in aqua sit sola ratio sufficiens impressionis caloris quam experior ubi manum in aquam immergo. Igitur illa judicia sunt *a posteriori* vera, ideoque immutabilia *hypothetice* pro omnibus hominibus et temporibus in quibus adimpta fuerit conditio.

Corollarium. Plane igitur rejicienda est illa modernistarum doctrina satis pernicioса, quæ relativitatem veritatis statuit, t. e. non haberi absolutas et pro omnibus aetatibus immutabiles veritates, sed variis aetatibus, variis hominum rerumque humanarum mutationibus varia principia, sententias, varium que modum cogitandi respondere. Quæ doctrina ex subjetivismo moderno et theoria Evolutionismi enata est, atque in philosophia neenon in religione haud parum dominatur.

(1) Ce qui caractérise essentiellement la connaissance scientifique, c'est l'impersonnalité, ou, pour emploier le langage classique, l'objectivité. Ces deux termes se complètent. Leur seule étymologie suffirait à définir la science. Il n'y a science que dans une conformité de la pensée à l'objet, si exacte, si stricte, que cette pensée devienne identique dans tout esprit une fois mis en présence de cet objet, à travers et malgré toutes les différences de capacité et de goûts individuels. Le principe des vases communicants est le même pour un candidat au baccalauréat et pour un physicien de l'Institut. Le plus illustre des géomètres ne démentira pas l'égalité des triangles autrement qu'un élève de quatrième. P. Bourget, *Préface aux Limites de la Biologie* du Dr Grasset, p. IV.

CAPUT TERTIUM

DE CAUSA CERTITUDINIS

Prologus. — Certitudinis causa nihil aliud est nisi evidentia; ipsa enim firmum mentis assensum veritati determinat. Cum autem ut causam certitudinis quidam criterium veritatis adscribunt, sub hoc capite de criterio veritatis etiam disputatur. Unde duplex articulus sequenti ordine dispositus.

DE CAUSA CERTITUDINIS

	Notio	
I. De evidentia	Species	immediata, mediata intrinseca, extrinseca seu veritatis et credibilitatis objectiva, subjectiva metaphysica, physica, moralis.
	Habitudo evidentiæ ad certitudinem.	
	Quæstio solveuda	
	Criterii notio	
II. De criterio veritatis	Facultas cognoscitiva et objectum cognitum non possunt dici proprie criteria veritatis. In veritatibus immediatis, intellectus non indiget criterio. Criterium veritatum mediatarum est resolutio earum in sua principia. Quid de generali criterio veritatis.	

ARTICULUS I

DE EVIDENTIA

I. **Evidentiae notio.** — **Evidentia** definitur : *Fulgor veritatis, mentis assensum rapiens.*⁽¹⁾

1° *Fulgor*, nempe lumen quoddam intellectuale vi cuius veritas fit menti manifesta, sicuti in visione sensibili objectum mediante sòlis lumine fit oculis manifestum. Illud autem lumen in ordine intellectuali, non est quid distinctum a veritate, sed ipsa intelligibilitas seu perspicuitas veritatis, ipsa scilicet connexio necessaria prædicati cum subjecto ipsi menti manifesta.

2° *Veritatis*. — Evidentia sese tenet ex parte objecti cogniti, et est secundum se aliquid objectivum, dum certitudo sese tenet ex parte subjecti cognoscentis et est quid subjectivum ; dicitur : *Ego certus sum, quia res est evidens*. Certitudo tamen dicitur de rebus, — *hoc est certum* — sed non proprie, quasi certitudo sit ipsius rei, sed analogice, hoc sensu scilicet quod res generat certitudinem, quemadmodum dicitur de aliquo eventu quod triste est, quia generat tristitiam.

3° *Mentis assensum rapiens*. — Evidentia enim determinat assensum mentis et propterea dicitur causa certitudinis. Dici-

(1) « L'évidence est la clarté avec laquelle le vrai apparaît à notre esprit et détermine notre adhésion. » CH. LAHR.

tur rapere assensum mentis, quia ex necessitate, mens veritatis in se evidentiis assentit, evidentiæ scilicet resistere non valet. « Necessæ est, inquit Tullius⁽¹⁾, ut libram ponderibus impositis deprimi, ita animum perspicuis cedere.»

II. Evidentiæ species.— 1° Evidentia est *immediata* et *mediata*.

Evidentia immediata, est *perspicuitas quam veritas ex se habet, ex ipsa notione terminorum, quam scilicet non mutuatur, in ordine logico, ab alia veritate*; e. g., evidentia primorum principiorum, veritatum nempe per se evidentium.

Evidentia mediata est *perspicuitas quam veritas, respectu nostri, statim cognitis terminis ex se non habet, sed quam mutuatur, in ordine logico, ab alia veritate*; e. g., evidentia conclusionum quæ habetur mediantibus præmissis. Sicut sol est per se lucidus, et planeta non lucet nisi luce participata a sole, ita veritates immediatæ seu principia prima sunt per se evidentia, et veritates mediatae fiunt evidentes evidentia mutuata a primis principiis quæ propterea, secundum analogiam, *lumen intellectuale* dicuntur.

2° Evidentia est *intrinseca* et *extrinseca*.

Evidentia intrinseca est *perspicuitas quam veritas habet in se ex manifesta connexione prædicati cum subjecto, sive illa conexio immediate vel mediate appareat*; est *perspicuitas veritatis quæ scitur*; v. g.: Totum est majus sua parte: — Anima humana est immortalis. Illa evidentia dicitur *evidentia veritatis*.

Evidentia extrinseca est *perspicuitas quam veritas non habet in se, ex manifesta connexione prædicati cum subjecto, sed ex manifesta scientia et veracitate ejus qui ipsam affirmat*; est *perspicuitas veritatis quæ creditur*; e. g.: Roma existit, est veritas evidens ex testimonio viatorum quorum scientia et veritas evidens est evidentia intrinseca, tamen veritas quæ affir-

(1) Acad., I, 3.

matur non est evidens in se, unde non habet evidentiam intrinsecam, sed est evidens tantum in testimonio viatorum, proinde evidens est evidētia extrinseca. Illa evidētia dicitur *evidētia credibilitatis*.

Evidētia et certitudn sunt correlatiæ. Certitudn autem, ut diximus, (p. 168) alia est *scientiæ*, alia *fidei*, secundum quod firma mentis adhæsin ipsi veritati determinatur vel ab ipsa intelligibiliatē immediata seu mediata veritatis, vel ab ipsa voluntate auctoritatē remota. In primo casu, evidētia est quid intrinsece inhærens ipsi veritati cui assensus præbetur, unde dicitur *evidētia intrinseca*. In secundo casu veritas est de se nesciua, ideoque evidētiam intrinsecam non habet; tamen ipsi assentitur propter evidētiam ipsius attestacionis, seu auctoritatis dicentis, que evidētia ipsi veritati non inhæret intrinsece tantum, unde dicitur *evidētia extrinseca*. Assensus scientiæ præbetur vero quia est evidenter verum, unde *evidētia veritatis*; assensus fidei, quia est evidenter credibile, unde *evidētia credibilitatis*.

3° Evidētia a recentioribus dicitur *objectiva* et *subjectiva*; prout significat vel rei perspicuitatem menti affulgentis, vel claram ipsius perceptionem a mente factam; sed recte dicitur cum Zigliara: « Philosophi mordicus teneant rigorosam vocum significationem, ita ut scilicet nomine *certitudinis* designetur quid *subjectivum*, nempe assensum seu firmitatem mentalis adhæsionis alicui cognoscibili; et nomine *evidentiæ* quid exclusive *objectivum*, nempe perspicuitatem intelligibilis.»⁽¹⁾

4° Sicut certitudo, evidētia potest dici *metaphysica*, *physica* et *moralis*, prout scilicet appareat perspicuitas veritatis seu connexio prædicati cum subjecto, vel ex ipsa rei essentia, vel ex legibus a Deo statutis in mundo corporeo, vel ex constantibus hominum moribus; e. g.: Homo est animal; — Ignis comburit; — Parentes diligunt pueros suos. Prima veritas est evidens evidētia metaphysica, secunda, evidētia physica, tertia, evidētia moralis.

III. Habitudo evidentiæ ad certitudinem. — Ex his quæ dicta sunt de certitudine et evidētia, facile appetit evi-

(1) *Critica*, 54, II.

dentiam sese habere ut causam universalem certitudinis, et illa duo esse correlativa. Cum autem evidentia nihil aliud sit quam ipsa veritas nempe affulgens, omnis veritas est de se evidens, sed non est evidens pro quocumque intellectu, quia non est omni intellectui manifesta. Unde omne certum est evidens, sa:tem evidentia extrinseca, sed non omne evidens est certum pro quocumque intellectu, sed dependenter a perfectione intellectuum. Sic, omne id quod videtur est visible, sed non omne visible videtur, a quocumque, cum visio et perceptio pendeat ab actu et perfectione visus. Secundum autem comparationem ad intellectum nostrum veritas certo cognoscitur vel quia percipitur evidentia ejus in se, vel in principio extrinseco, scilicet, quia percipitur vel in sua evidentia intrinseca, vel in sua evidentia extrinseca. Jamvero evidentia intrinseca est ipsa intelligibilitas rei immediata seu mediata, evidentia extrinseca, ipsa auctoritas dicentis. Ergo recte dicitur duplex dari motivum seu causa certitudinis, scilicet, intelligibilitas rei et auctoritas; sed recte etiam affirmatur evidentiam esse unicam causam certitudinis, secundum quod illud duplex motivum ad unum reducitur, ad evidentiam nempe vel intrinsecam vel extrinsecam.

ARTICULUS II

DE CRITERIO VERITATIS

I. Quæstio solvenda. — Proposita a Cartesio dubitatione universalis tanquam methodo ad verum certo cognoscendum, quæsitus est de *universalis* quodam medio quo utitur intellectus in omnibus suis judiciis ad discernendum verum a falso. Illud autem medium *criterium* dicitur. De generali seu supremo veritatis criterio disputatum est ergo inter philosophos qui diversas proposuerunt sententias. Alii enim unam vel alteram e facultatibus cognoscitivis, ut tale criterium habent, alii auctoritatem proponunt vel divinam vel humanam, alii instinctum cæcum intellectuali vel affectivum, alii evidentiam, etc. Relictis autem plerisque ex hisce sententiis quarum falsitas suo loco apparebit, ad præsentis quæstionis solutionem hic sufficiet declarare naturam criterii et ejus applicabilitatem ad cognita.

II. Criterii notio. — Criterium a vocabulo græco *τριπήριον*, secundum vocis etymologiam significat : id quo utitur judex ad judicandum instrumentum judicandi. — Homo autem sese habet ut lex judicium ferens de vero et falso ; unde criterium dicitur : id quo utitur homo ad judicium ferendum de vero et falso.

Qua prima significatione accepta, philosophi ulterius determinando criterii notionem, multiplici sensu criterium acceperunt. 1° Sensu *latissimo*, criterium dixerunt : *omne medium veritatem cognoscendi*, omne id scilicet quod aliquo modo ad

veritatem dicit ;⁽¹⁾ hoc sensu, facultates cognoscitive, principia, demonstratio, auctoritas, evidentia sunt criteria veritatis. — 2° Sensu latiori, criterium dixerunt : *id quod mentem determinat ad firmiter assentiendum vero* ; hoc sensu, evidentia, mentis assensum rapiens, est criterium veritatis. — 3° Tandem, sensu stricto, criterium dicitur : *medium seu norma qua discernitur verum a falso*.

III. Facultas cognoscitiva et objectum cognitum non possunt dici proprie criterium veritatis. — Homo, diximus, sese habet ut judex judicium ferens de vero et falso : ferendo autem tale judicium, utitur facultatibus cognoscitivis, omnique medio cognoscitivo, ideoque omne id quod dicit ad veritatem potest aliquo modo dici criterium. Tamen si res pressius consideretur, apparet quod in omni judicio ferendo, tria distinguuntur ad invicem : judex, objectum circa quod fertur judicium, et id quo utitur judex ad judicandum. Dum autem homo judicium fert de vero et falso, judex est ipse intellectus seu facultas veri cognoscitiva ad quam ministerialiter ordinantur aliæ facultates cognoscitivæ inferiores. Ipsa igitur facultas cognoscitiva non est id quo utitur judex ad judicandum et non est proprie criterium, sed aliquid a criterio distinctum. Idem dicendum de veritate quæ sese habet ut objectum judicii, id nempe circa quod fertur judicium. Igitur facultas cognoscitiva et veritas seu objectum cognitum non possunt dici proprie criterium veritatis.

IV. In veritatibus immediatis, intellectus non indiget criterio. — Criterium est norma seu medium quo utitur intellectus ad discernendum verum a falso. Norma hujusmodi tunc adhibetur cum datur aliqua ratio dubitandi. Ergo circa ea quæ sunt evidenter vera, et de quibus dubium dari non potest, *in veritatibus scilicet immediatis et per se notis, intellectus*

(1) « Tout ce qui cause l'adhésion de l'esprit, tout ce qui est source de vérité ou moyen de connaître, s'appelle critère. » A. FARGES et D. BARBEDETTE, *Cours de philosophie*, vol. I, p. 148.

non indiget criterio. « Proprium est horum principiorum, ait S. Thomas, ⁽¹⁾ quod non solum necesse sit ea per se vera esse, sed etiam necesse sit videri quod sint per se vera. Nullus enim potest per se opinari contraria eorum.»

V. Veritatum mediatarum criterium non est evidentia.— Etenim cum intellectus utitur criterio ad discernendum verum a falso in his de quibus dubium esse potest, ideo sane illud adhibet ut appareat rei veritas seu falsitas. Ergo criterium non est manifesta rei veritas, sed id quo talis manifesta veritas appetit. Atqui manifesta rei veritas assensum mentis determinans est ipsa evidentia. Ergo evidentia in veritatibus mediatis non est criterium, sed potius criterii effectus.

VI. Criterium veritatum mediatarum seu propositionum demonstrabilium, est resolutio earum in sua principia.

1° *Ex auctoritate S. Thomae.* — « Certissima cognitio alicujus esse non potest, vel illud sit per se notum, sicut prima principia, vel in ea quæ per se nota sunt resolvatur qualiter nobis certissima est demonstrationis conclusio.» ⁽²⁾ Duplex igitur, secundum sanctum doctorem, datur modus acquirendi certitudinem : vel veritas est immediata et per se nota, et immediate cognitis terminis intellectus ipsi firmiter assentit, seposito omni medio ; vel veritas est mediata et certitudo de ipsa habetur secundum quod resolvitur in sua principia. « Intellectus resolvendo conclusiones in principia per se nota, earum certitudinem efficit.» ⁽³⁾ Atqui proprium est criterii esse medium quo efficitur certitudo eorum de quibus dubitare potest. Ergo criterium veritatum mediatarum est resolutio earum in sua principia.

2° Hoc fluit ex his quæ jam dicta sunt. Etenim criterium est medium quo utitur intellectus, in his circa quæ dari

(1) *Anal. poster.*, l. I. lect. 19.

(2) *C. G.*, l. IV, c. 54.

(3) *III Sent.*, Dist. 23, q. 2, art. 2.

potest dubium, ut appareat eorum veritas vel falsitas. Atqui veritas conclusionum fit manifesta mediante demonstratione qua conclusio resolvitur in sua principia, et lumine principiorum illuminatur ita ut fiat evidens et determinet intellectum ad assentiendum. Ergo criterium veritatum mediatarum seu conclusionum est resolutio earum in suc principia. « Ultima sententia de aliqua propositione datur per resolutionem ad prima principia. »^{(1)}}

VII. Quid de generali criterio veritatis. — Si nomen criterii, sensu latissimo vel latiori sumatur, quæsi potest de subordinatione criteriorum et de supremo et universali criterio, et recte respondetur evidentiam esse universale veritatis criterium. In omnibus enim veritatibus determinatur firmus mentis assensus evidentia. Sed si nomen criterii, sensu stricto accipiatur ut medium seu norma quā discernimus verum a falso, prout a Cartesianis de facto intelligitur, non potest fieri inquisitio de generali criterio veritatis, nisi prius admittatur dubium haberi posse de omnibus veritatibus, quod quidem falsum est. Cum enim veritates immediatæ sint per se notæ et per se certæ, intellectus circa ipas criterio non indiget, sed tantum circa veritates mediatas. Non est igitur inquirendum de generali seu universali criterio veritatis.⁽²⁾

(1) Ia-IIæ, q. 74, a. 7.

(2) Cf. LORENZELLI, *Philosophia theoretica. Logica*, part. IV, lect. V, de criterio veritatis; — M. DE MARIA, *Philosophia. Logica major*, quest. un., art. VI, de criterio veritatis.

Atqui
ratione
piorum
um ad
m seu
Ultima
em ad

nomen
est de
riterio,
criti-
mentis
accip-
falso,
inqui-
ubium
n est.
certæ,
veri-
i seu

ct. V,
t. un.,

LIBER SECUNDUS

DE MEDIIS QUIBUS MENS CERTITUDINEM CONSEQUITUR

Prologus. — De natura, existentia necnon et causa certitudinis jam disseruimus ; nunc autem quæstio proponitur de mediis quibus mens certitudinem consequitur. Consequi autem certitudinem, nihil aliud est nisi veritatem cognoscere. Quærere igitur de mediis quibus mens certitudinem consequitur, est quærere de mediis quibus mens ad veritatis cognitionem pervenit. Veritas vero cognoscitur mediantibus facultatibus cognoscivitis quibus in se percipitur, vel mediante testimonio alterius de cuius auctoritate constat. Ad criticam pertinet valorem perpendere unius et alterius medii. Hujus libri secundi duplex igitur erit caput :

- 1° De facultatum cognoscitivarum veracitate ;
- 2° De auctoritate seu magisterio.

CAPUT PRIMUM

DE FACULTATUM COGNOSCITIVARUM
VERACITATE

Prologus. — Veritas facultatum cognoscitivarum non indiget demonstrari, cum sit veritas immediata antecedens omnem demonstrationem ; potest tamen declarari et indirecte contra scepticos demonstrari. Veritas formaliter in intellectu tantum invenitur ; tamen intellectus cognitionem accipit a rebus sensibilibus quæ prius a sensibus percipiuntur. Unde facultas cognoscitiva est duplex : sensus et intellectus. Sensus autem alii sunt externi, alii interni. De his vero quæ intellectu percipiuntur multiplex proponi potest quæstio. Etenim intellectus *simpli apprehensione* ideas efformat tum directas tum reflexas ; *judicio* ideas componit vel dividit et prima judicia, scilicet, judicia immediata elicit ; tandem *ratiocinio* judicia mediata ex immediatis dedit. Ad criticam pertinet judicium ferre de valore unius et alterius operationis. Quæstio erit igitur *de objectivitate idearum* prout directe ab ipsa simpli apprehensione accipiuntur, *de objectivitate universalium idearum* quæ reflexione generantur, *de certitudine primorum principiorum seu judiciorum immediatorum*, tandem *de certitudine judiciorum mediatorum* quæ ratione a primis judiciis deducuntur. Unde caput primum sic dividitur :

DE FACULTATUM COGNOSCITIVARUM
VERACITATE

	<p>Notio</p>
I. De sensibus externis	<p>Objectum { sensibile per se { sensibile proprium sensibile commune Conditiones requisite ad perfectum sensum exercitium.</p>
	<p>Habitudo sensus ad diversa sensibilia Idealismi notio et historia Idealismi refutatio : Thesis — Sensus externi sunt veraces.</p>
	<p>Difficultatum solutio. Notio et numerus Veracitas Conscientiae notio</p>
II. De sensibus internis	<p>species { sensitiva intellectiva Testimonium conscientiae est certissimum Status questionis</p>
III. De objectivitate idearum	<p>Doctrina Kantiana exponitur Subjectivismi refutatio — Ideas quas intellectus efformat simplici apprehensione gaudent objectivitate. Status questionis Universalia notio et species</p>
IV. De universalibus	<p>Philosophorum sententia Nominalismus et Conceptualismus admitti non possunt. Realismus exaggeratus refutatur Realismus temperatus demonstratur Difficultatum solutio Status questionis</p>
V. De certitudine judiciorum immediatorum	<p>Veracitatis intellectus adversarii. Judicia analytica immediata objectiva sunt et circa ipsa intellectus errare non potest.</p>
VI. De certitudine judiciorum mediatorum	<p>Status questionis Ratio humana in judiciis mediatis per se errare non potest, sed per occidens. Vis syllogismi vindicatur</p>

DE SENSUM EXTERNORUM VERACITATE

I. *Sensus externi notio.* — *Sensus externus est facultas organica cognoscitiva singularium materialium exteriorum a quibus hic et nunc movetur et alteratur.*

Dicitur : a) *Facultas*, scilicet, *principium immediatum operationis.*

b) *Organica*, quæ scilicet mediante organo corporeo operationem suam exercet. *Organa autem quibus sensus externi, nempe visus, auditus, olfactus, gustus et tactus actionem propriam exercent sunt : oculi, aures, nares, palatus et organismus tactilis per totum corpus diffusus sed præcipue in manibus repertus. Organa dicuntur sensoria, et ipse sensus, organa sensoria animalia.*

c) *Cognoscitiva singularium materialium exteriorum*, scilicet, quæ nata est recipere in se similitudines materialium singularium exteriorum. *Cognitio enim fit secundum quod cognitum est in cognoscente, et cognitum est in cognoscente secundum sui similitudinem. Objectum sensus externi est igitur : materiale, non immateriale, singulare, non universale, extra sensum existens, non autem intra.*

d) *A quibus hic et nunc movetur et alteratur, sensus enim est facultas quæ movetur et alteratur ab objecto quod in sensum agere non potest nisi hic et nunc sit præsens. Objectum*

autem movet sensum producendo in ipsum sui similitudinem
qua sensus immutatur et transit de potentia ad actum.

II. Sensus externi objectum. — Objectum sensus, scilicet, materiale singulare quod natum est movere sensum, dicitur *sensibils*. Sensibile autem dividitur in *sensibils per se*, et *sensibile per accidens*. — *Sensibils per se* est illud quod moret vel insuit movendo sensum, v. g., albedo et magnitudo. — *Sensibile per accidens* est illud quod non movet sed quod conjungitur cum eo quod movet, scilicet, cum sensibili per se, v. g., substantia quae de se non nata est movere sensum, sed conjungitur cum qualitatibus quae sensus movent.

Sensibile per se dividitur in *sensibile proprium* et *sensibile commune*. — *Sensibile proprium* est illud quod ab uno tantum sensu percipi potest, v. g.: color est sensibile proprium visus, sonus auditus, odor olfactus, sapor gustus, resistentia tactus. *Sensibile commune* est illud quod a pluribus sensibus percipi potest, præsertim a visu et tactu, v. g.: extensio, figura, divisio, numerus, motus, quies, locus, situs.

III. Conditiones requisitæ ad perfectum sensuum exercitium. — Ad perfectum exercitium requiritur ut sensus bene disponatur, tum in seipso, tum respectu medii, tum rationis objecti. — *In seipso*, — sensus enim debet esse sanus et integer; oculis ægris odiosa est lux quæ sanis amabilis est. — *Respectu medii*, — id nempe quo mediante attingitur sensibile debet esse proportionatum, nimia lux obsecrat potiusquam illuminat oculum. — *Rationis objecti*, — objectum enim debet esse proprium et in debita distantia positum, objectum nimium distans non videtur.

IV. Habitudo sensus externi ad diversa sensibilia. —

1° **Ad sensibile proprium.** — Apprehensio eiuslibet sensus circa sensibile proprium est semper vera, dummodo non sit impedimentum in organo vel in medio. Apprehensio enim sensus circa sensibile proprium est naturalis. Atqui operatio quæ est a natura non potest a fine deficere nisi per accidens, i. e., propter aliquod impedimentum vel corruptionem. Ergo

sensus circa proprium sensibile habet semper apprehensionem veram, ubi non datur impedimentum in organo vel in medio.

Ad maiorem. Quilibet enim sensus primo et per se a natura ordinatur ad sensibile proprium percipiendum, apprehensio igitur sensus externi circa sensibile proprium est naturalis. Jamvero actio quæ procedit ex potentia naturaliter agente non potest non consequi effectum suum cum non impediatur: natura enim determinatur ad unum. Ergo sensus recte dispositus non potest non percipere sensibile proprium. « Nulla potentia cognoscitiva deficit a cognitione sui objecti nisi propter aliquem defectum aut corruptionem. »⁽¹⁾

2° Ad sensibile commune. — Circa sensibile commune unus sensus potest decipi, sed vitatur deceptio si sensibile commune percipiatur per visum et per tactum. « Hi duo sensus enim præminent ceteris in perfectione apprehensiva: visus propter spiritualiorem naturam; tactus propter modum immediatum quo immutatur a suo objecto. »⁽²⁾ Sic remus in aqua mersus, oculis fractus appetit, propter lucis refractionem; sed corrigitur error visus si fiat applicatio tactus.

3° Ad sensibile per accidens. — Sensus decipi potest circa sensibile per accidens, non autem dijudicando sub accidentibus sensibilibus adesse naturaliter aliquod subjectum, nempe substantiam, sed dijudicando specificē de illa substantia. Corriguntur autem sensuum illusiones, per applicationem hujus facultatis cuius est percipere illud sensibile per accidens tanquam objectum proprium, nempe per judicium intellectus cuius objectum proprium est substantia.

V. Idealismi seu subjectivismi notio et historia. — Idealismus seu subjectivismus est sistema eorum qui dengantes objectivitatem cognitionum nostrarum tenent nos percipere tantum *ideas* seu *repræsentationes* pure subjectivas quibus nulla realitas extra nos respondet. Idealismus est empiricus

(1) S. THOMAS, *S. C. G.* I., 3. c. 10.

(2) LORENZELLI, *Philosophia*, i. I, p. 140.

vel rationalis prout denegat objectivitatem sensationum tantum, vel etiam arum: De idealismo empirico seu sensistico hic instituitur sermo.

Apud antiquos, sceptici, scilicet Pyrrhonistæ, Academicæ, Oenesidemus, Sextus Empericus objectivitatem sensationum nostrarum denegarunt.

Apud modernos ipsi idealismo favent qui, denegantes vim testimonii sensum extenorū, docent existentiam corporum demonstrari non posse nisi ex veritate Dei, ut Cartesius, vel ex revelatione divina, ut Malebranchius, vel ex instinctu necessario naturæ, ut Reid.

Idealismi empirici præcipuus defensor extitit Berkeley, episcopus anglus (1694-1753). Jam docuerat Lockius in rebus sensibilibus adesse qualitates primas et qualitates secundas. Qualitates primæ sunt: figura, extensio, motus, soliditas, etc.; qualitates secundæ, color, odor, sonus, sapor, etc. Qualitates primæ objectivitate gaudent, non autem secundæ. Berkeley huic doctrinæ insistens, animadvertisit qualitates primas mediantibus secundis percipi, ideoque non posse esse quid reale et objectivum, sed quid mere subjectivum. Cum autem, juxta illos philosophos, substantia non est nisi collectio qualitatum, negata objectivitate qualitatum, denegavit Berkeley et objectivitatem substantiæ. Nihil igitur reale respondet sensibilibus nostris, et totum esse rerum sensibilium est percipi, vel aliquod phenomenon a Deo in sensibus productum.

David Hume principia Berkeley ad ultimas conclusiones conduxit et ad scepticismum pervenit.

VI. Idealismi empirici refutatio.

THESIS.—SENSUS EXTERNI EXISTENTIAM CORPORUM REFERENDO SUNT VERACES.

1° *Ex ipse natura nostra.*—Naturaliter fidem præbemus testimonio sensuum, nulla saepe saepius adhibita reflexione, ita ut ipse Pyrrho, cane irruente perturbatus, dicebat pugnan-

dam esse naturam ratione ut exuatur. Atqui natura non potest nos fallere, et ratio nobis datur non ut naturae adversetur, sed ut eam sequatur et perficiat. Ergo testimonium sensuum externorum ut indubium habendum est.

2° *Ex ipsa organorum sensoriorum dispositione.*—Natura enim nihil frustra facit. Atqui natura pulcherrimum dispositum organismum in summo corporis, qui, denegata naturali ordinatione ipsius ad sensibilia externa, inutilis et frustra evadit. Ergo vel negandus est manifestus ordo organorum sensoriorum ad corpora exteriora, vel admittenda aptitudo naturalis sensuum ad sensibilia cognoscenda. Atqui primum est absurdum. Ergo.

3° *Ex ipsa natura sensationis.*—Non potest explicari sensatio externa nisi actione corporum exteriorum in ipsos sensus. Atqui corpora exteriora non possunt agere in sensus nisi reali existentia donentur. Ergo corpora realiter existunt, et sensus referendo existentiam ipsorum sunt veraces.

Ad majorem: Sensatio explicari non potest nisi actione corporum in ipsos sensus. — 1° *Sensus sunt de se indifferentes* ad perceptionem unius vel alterius objecti in individuo; visus determinatur quidem ad percipiendum colorem, sed nullo modo ad percipiendum tale vel tale objectum coloratum. Non potest tamen fieri perceptio hujus objecti nisi cessat indifferentia illa; dum enim indifferens remanet nihil percipit sensus. Ergo sensus indiget determinari ad objectum in individuo percipendum. — 2° *Quomodo autem fiet ista determinatio?* — Erit vel a subjecto sentiente, vel a Deo, vel a corporibus sensibilibus. — 3° *Non potest sensus determinari a subjecto sentiente.* Etenim subjectum sentiens est de se indifferens. — 4° *Non potest sensus determinari a Deo immediate.* Licet enim Deus de potentia sua absoluta possit producere in sensus representationes seu imagines sensibiles, de facto non potest illa productio tribui Deo immediate agenti. Deus in errorem nos induceret, quod veracitati et bonitati ejus repugnat. Naturaliter enim corporibus tribuimus causam sensationis, v. g., si ignis ad manum moveatur, statim nulla reflexione præhabita manus retro

refertur. Si igitur ipse Deus immediate sensations producit, natura, scilicet auctor naturæ, nos fallit. Deus ergo non potest esse causa sensationis. — 5° Remanet ergo ipsa corpora externa agere in sensus, et actione sua esse causam determinativam, sensationis.

VII. Corollarium. — Existentia mundi exterioris est veritas immediata, indemonstrabilis.

VIII. Solvuntur difficultates. — *Ex portis septicorum.* 1° Quod sœpe sœpius fallitur non potest dici verax. Atqui sensus externi sœpe sœpius falluntur. Ergo sensus externi non sunt veraces.

Troncat major. *Dist. min.*, deficiente aliqua conditione ad perfectum sensus exercitium requisita, conc., positis omnibus conditionibus, *subdist.* circa sensibile proprium, nego, circa alia sensibilia, conc.

2° Atqui sensus non est infallibilis circa sensibile proprium. Ergo.

Eadem specie percipiuntur sensibile per accidens, sensibile commune et sensibile proprium. Atqui sensus falli potest circa sensibile per accidens et sensibile commune. Ergo falli potest circa sensibile proprium.

Dist. moy. Eadem specie et sœque immediata, nego, eadem specie qua immediate percipitur sensibile proprium et mediate alia sensibilia, conc. *Con. min.*

Sensibile externum determinat sensum imprimendo in ipsum speciem quæ est similitudo objecti. Illa autem species est simul repræsentativa sensibilis proprii, sensibilis communis et sensibilis per accidens. Tamen immediate sensibile proprium repræsentat, et mediante sensibili proprio, alia sensibilia. Cum igitur sensibile commune et sensibile per accidens latent post sensibile proprium quo mediante percipiuntur, facile apparet quod possit dari circa illa sensibilia error qui circa sensibile proprium non datur, propter immediatam apprehensionem.

3° Atqui perceptio immediata sensibilis est impossibilis. Ergo.

Perceptio immediata sensibilis supponit actionem corporis in animam. Atqui corpus in animam agere non potest. Ergo.

Dist. maj. in animam a corpore separatam nego, in organum animatum, conc. — *Contradist. min.* in animam a corpore separatam, conc. in organum animatum, nego.

Subjectum sensationis, nempe id quod sentit, ut demonstratur in psychologia, non est anima sola, sed ipsum compositum animæ et corporis, organum scilicet animatum. Igitur perceptio immediata corporum non requirit actionem ipsorum in ipsam animam, sed in sensus, in organum animatum.

4° Atqui corpus non potest esse causa sensationis. Ergo.

Corpus brutum non potest esse causa actus vitalis. Atqui sensatio est actus vitalis qui ab anima opè organorum exercetur. Ergo corpus non potest esse causa sensationis.

Dist. maj. Corpus brutum non potest esse causa totalis et unica actionis vitalis, conc., non potest esse causa determinativa potentiae animatae quæ talem actum elicit, nego.

Contradist. min. Est actus vitalis cuius causa efficiens et unica est ipsum corpus externum, nego; cuius corpus externum est causa partialis et determinans, conc.

5° Ex parte subjectivistarum. — Sensatio est quid subjectivum. Atqui id quod est subjectivum non potest dici simul objectivum. Ergo sensatio non gaudet objectivitate.

Dist. maj. sensatio est quid subjectivum ut est affectio subjecti sentientis, conc., nō est cognitio, nego.

Dist. min. codem sub respectu, conc. diverso respectu, nego.

Sensatio fit secundum quod corpus sensibile agit in sensum, ipsum determinans ad sentientem. In operatione igitur distinguere est veluti duplex momentum. Primum, in quo sensus sese habet ut patiens actionem corporis sensibilis, et secundum hoc sensatio est affectio subjecti sentientis, et quid subjectivum; secundum, in quo sensus determinatus actione sensibili, agit et percipit ipsum. Cum ista actio sensus terminatur ad ipsum objectum, et est cognitio objecti, recte dicitur quid objectivum.

6° Atqui sensatio ut cognitio est quid subjectivum. Ergo.

Cognitio fit secundum quod cognitum est in cognoscente. Atqui sensibilia sensu cognoscuntur. Ergo sensibilia sunt in sensu et nihil cognoscitur de rebus.

Dist. maj. per seipsum vel per sui similitudinem, conc., per seipsum tantum, nego. *Conc. min.*

Cognitio fit secundum quod cognitum est in cognoscente secundum sui similitudinem, et quia ista similitudo a cognito ipso prudicitur et est ipsa ejus representatione quid objectivum. Sensibilia sunt igitur in sensu secundum species seu similitudines ab ipsis productas, et quibus mediantebus ipsa sensibilia cognoscuntur.

7° Atqui cognitio quæ fit mediante specie est mera subjectiva. Ergo.

Cognoscere sensibilia mediante specie non est ipsa cognoscere sed meram representationem subjectivam. Atqui sensibilia mediante specie percipiuntur. Ergo non cognoscimus res, sed tantum ideas seu representationes subjectivas.

Dist. maj. mediante specie quæ sit id quod cognoscitur, conc., quæ sit id quo cognoscitur tantum, nego.

Contradist. min. mediante specie quæ est id quod cognoscitur, nego, id quo percipitur sensibile, conc.

Facile solvitur hæc difficultas ex consideratione munieris quo fungitur species in cognitione sensibili. Species enim est medium quo determinatur sensus ad sentiendum, non autem id ad quod terminatur sensatio. Id enim quod sentitur, quod percipitur non est ipsa species, sed objectum cuius est similitudo. Quia igitur cognitio sensitiva terminatur non ad speciem, sed ad objectum sensibile extrinsecum existens, illa cognitio non est mera subjectiva sed objectiva.

8° *Ex parte eorum qui dicunt Deum esse causam sensationis. Indifferentia seosus demonstrat causam sensationis esse extrinsecam. Atqui illa causa potest esse Deus. Ergo non sequitur corpora esse causam sensationis.*

Conc. maj. Dist. min. De potentia sua ahsoluta, conc., de potentia sua ordinaria, nego.

Potentia Dei dicitur ahsoluta respectu omnium eorum que non implicant in se contradictionem. Deum producere representationes sensibiles in sensu in se non repugnat. Ergo dicitur quod de potentia Dei ahsoluta non repugnat Deum esse causam sensationis. Potentia Dei ordinaria dicitur respectu eorum que licet in se non implicant contradictionem, tamen ipsis divinis attributis, posita quadam circumstantia, adversantur. Sic diximus Deum non posse esse causam sensationis, de potentia sua ordinaria, quia posito naturali instinctu quo causam sensationis corporibus tribuimus, Deus nos falleret, quod veracitatem eius repugnat.

9° Atqui de potentia Dei ordinaria Deus potest esse causa sensationis. Ergo.

De potentia ordinaria Deus potest omne id quod non repugnat divinis attributis. Atqui nullum attributum divinum, ne quidem veritas divina, requirit Deum impedire errorem intellectus humani. Ergo de potentia ordinaria Deus potest esse causa sensationis.

Conc. maj. Dist. min. veritas divina non exigit Deum impedire ne intellectus humanus quandoque per accidens decipiatur, conc., nec exigit Deum ut auctorem naturae non posse naturali inclinatione homines in errorem inducere, nego.

10° Atqui Deus potest homines in errorem inducere. Ergo.

Inducere homines in errorem est velle malum physicum. Atqui Deus potest velle malum physicum. Ergo Deus potest inducere homines in errorem.

Conc. maj. Dist. min. per se, nego, per accidens, scilicet propter magis bonum eo cui opponitur malum physicum, conc.

Utique error est nialum physicum quod Deus velle potest per accidens ad magis bonum obtainendum; sed quando agitur de errore permittendo vel iodeendo in omnes homines, sicuti in casu, non videtur quale esse possit booum magis a Deo intentum, et vi cuius illud malum physicum vellet.

11° Atqui Deus de potentia sua ordinaria potest esse causa immediatae sensationis. Ergo.

De potentia sua ordinaria Deus facere potest quod de facto facit. Atqui de facto, in Sacramento Eucaristiae, absentibus pane et vino, Deus sensations ab ipsis excitatas in sensu nostro product. Ergo.

Conc. maj. — Dist. min. Absente substantia panis et vini Deus facit accidentia permanentia easdem in nos producere sensationes, conc.; nihil panis et vini remanente Deus immediate sensationes product, nego.

« Sensus a deceptione redduntur immunes dum de accidentibus judicant sibi notis. » **S THOMAS.**

ARTICULUS II

DE SENSIBUS INTERNIS PRÆSERTIM DE CONS- CIENTIÆ TESTIMONIO

I. Sensuum internorum numerus et notio.—Quatuor sunt sensus interni : Sensus communis, phantasia, æstimativa, memorativa.—**Sensus communis** est facultas organica quæ percipit et discernit sensations et sensata sensum externorum in eorum præsentia.⁽¹⁾ Cum enim percipitur objectum externum sensatione, non tantum sentimus, sed sentimus nos sentire, et discernimus diversorum sensum objecta, scilicet, scimus nos percipere colorem visu, sonum auditu, etc. ; illa autem facultas quæ sensations percipit necnon sensata sensum discernit et conjungit, dicitur *sensus communis*.

Phantasia est facultas organica conservativa et reproductive imaginum rerum sensibilium, quæ per sensationem externam exceptæ fuerunt, in earum absentia.

Æstimativa est facultas organica apprehensiva rerum sensibilium sub ratione utilitatis vel documenti. Illa facultate ovis lupum apprehendit ut nocivum.

Memorativa est facultas organica apprehensiva hujus vel illius sensibilis ut prius sensati vel percepti.

(1) DE MARIA, *Philosophia*, vol. II, p. 253.

II. Sensuum internorum veritas.—Sensus interni sunt facultates cognoscitivæ quæ naturaliter ordinantur ad perceptionem determinati objecti. Ergo nisi dicatur natura ad errorem ducere, istæ potentiae, dum recte disponuntur et in seipsis et respectu proprii objecti, non possunt nos fallere.

III. Conscientiae notio et divisio.—**Conscientia** est *facultas qua anima nostra proprias affectiones percipit*. Affectiones autem animæ aliæ sunt sensibiles, aliæ intellectivæ. Unde duplex conscientia, alia sensitiva, quæ affectiones sensibiles percipit, alia intellectiva, quæ affectiones intellectivas renuntiat. **Conscientia sensitiva** nihil aliud est quam sensus communis.

IV. Testimonium conscientiae intra limites proprii objecti est verax.—Proprium est ipsius conscientiae animæ affectiones referre; sed dum conscientia animæ affectiones percipit, fieri non potest quod non percipiat animam ipsam, subjectum cogitans et sentiens. Duplex igitur datur objectum conscientiae: unum directum, animæ affectiones, alterum indirectum, ipsum subjectum cogitans et sentiens. **Conscientia** tamen illa objecta percipit ut *facta de quorum existentia tantum testatur, de natura affectionum neconon et subjecti cogitantis judicium ferre ad rationem pertinet.*

1° Illud testimonium est certissimum et verax quod non potest in dubium revocari quin de facto ut certum affirmetur. Atqui ita est testimonium conscientiae. Ergo testimonium conscientiae est certissimum et verax.

Minor vix declarari indiget. Etenim qui dubitat de conscientiae testimonio, hoc ipso affirmat se esse et se dubitare. Atqui nemo potest affirmare se esse et se dubitare quin ad testimonium conscientiae appellat, et illud ut certum habeat. Ergo ipsa dubitatio quæ haberi posset de conscientiae testimonio est confirmatio certitudinis ejus.. « Nos sumus, ait Augustinus,⁽¹⁾ et nos esse novimus.... in his nulla nos falsitas

(1) *De Civitate Dei*, I. II, c. 26.

verisimilis turbat. Si enim fallor, sum. Nam qui non est, utique nec falli potest, ac per hoc sum, si fallor. Quia ergo sum si fallor; quomodo me esse fallor, quando certum est me esse, si fallor? »

2° Eatenus testimonium conscientiae falsum esse potest, quatenus referret aliquam affectionem, ouæ revera non adasset, vel illam affectionem aliter quam habetur. Atqui *neutrūm* dici potest. *Non primum*, quia si sentio aliquam affectionem, recte judico me hanc affectionem habere, quum sentire aliquam affectionem idem sit ac eam habere. *Non alterum*, quia affectio aliter quam habetur mullo modo habetur; atqui sentire quod non habetur perinde est ac non sentire.

Cor. I. Ergo immediata judicia conscientiae errori obnoxia esse nequeunt, quum in his id tantum exprimatur, quod subjectum in se experitur.

Cor. 2. Ergo conscientia refert facta interna uti sunt; unde si cognitio factorum est distincta, conscientia refert cognitionem distinctam, si cognitio est confusa, conscientia refert cognitionem confusam, sed tamen non *confuse* sed *distincte* eam refert.

on est,
ia ergo
est me

potest,
n ades-
Atqui
am af-
m sen-
n alte-
betur ;
re.

bnoxia
d sub-

unde
tionem
cogni-
am re-

ARTICULUS III

DE OBJECTIVITATE IDEARUM

I. **Status quæstionis.**—Jam demonstrata veracitate sensuum, aggredimur ad veritatem facultatis intellectivæ, nempe intellectus, declarandam. Et primo quidem, in præsenti articulo de objectivitate idearum prout directe simplici apprehensione accipiuntur instituitur sermo. Quemadmodum enim sensationum nostrarum objectivitas ab idealistis empiricis denegata est, ita idearum objectivitas a Kantistis præsertim impugnatur, unde pessimus error philosophiae modernæ *subjectivismus*. Jam, ut diximus, Berkeley denegaverat objectivitatem cognitionum ordinis physici : Kant objectivitatem cognitionum ordinis metrysici in dubium revocat, admissa objectivitate idearum ordinis moralis. Fichte (1762-1814), Schelling (1775-1854), Hegel (1770-1831) non admittunt aliam ideam objectivam nisi ipsius subjecti cogitantis ; omnes aliæ ideæ sunt subjectivæ. Quia quidem doctrina kantiana apud recentiores philosophos plurimum invaluit, ipsam longiori sermone exponere oportet.

II. **Doctrina kantiana exponitur.**—Kant, (philosophus germanus n. et m. Kœnigsberg (1724-1804), in suo libro *Critique de la raison pure*, tres in homine agnovit facultates cognoscitives quæ sunt : sensibilitas seu sensus, intellectus et ratio. In quacumque facultate cognitio resultat ex unione duplicitis elementi : unum est materiale et a posteriori, alterum est formale et a priori. Elementa autem a priori sunt

formæ subjectivæ quæ veluti partes ipsius facultatis cognoscitivæ accipiuntur. Iste formæ dicuntur *transcendentales*, non hoc sensu quod experientiam excedant, sed quia presupponuntur omni cognitioni, et sunt *quid menti congenitum*.

Sensus percipiunt impressiones rerum sensibilium quæ impressiones constituunt clementum materiale et a posteriori sensationis; clementum autem formale et a priori sunt formæ subjectivæ *spatii* et *temporis*: *spatium* est forma sensibilitatis externæ, *tempus* forma sensibilitatis internæ. Associatio seu applicatio elementi a priori cum elemento a posteriori constituit *intuitiones sensibiles*. Iстis intuitionibus non cognoscimus res prout in se sunt, sed prout uobis apparent sub formis subjectivis spatii et temporis.³ Unde Kant duplicem rerum realitatem distinguit; *realitatem noumenicam*, seu *noumena*, et *realitatem phenomenicam*, seu *phenomena*. Realitas noumenica est res in seipsa prout realiter supponitur existere extra mentem; realitas autem phenomenica est res prout nobis appetit sub forma subjectiva spatii et temporis. Cognitione sensibili non cognoscitur realitas noumenica, seu res in sua objectivitate, sed realitas phenomenica, scilicet, res prout nobis appetit sub elemento subjectivo et formali spatii et temporis.

Intellectus habet et ipse clementum a posteriori et clementum a priori quorum unione constituitur cognitio intellectiva. Elementum a posteriori sunt *intuitiones sensibiles*; clementum a priori sunt *categoriae* quæ quatuor principales numerantur: *quantitas*, *qualitas*, *relatio*, *modalitas*. Quæcumquè ex his quatuor categoriis tres sub se continent, ita ut duodecim categoriæ sint:

Quantitas: unitas, pluralitas, totalitas;

Qualitas: affirmatio, negatio, limitatio;

Relatio: Substantia, accidentis; causa, effectus; actio, passio;

Modalitas: existentia, non existentia; possibilis, impossibilis; necessitas, contingentia.⁽¹⁾

Illae categoriae sunt innatae et formae subjectivae ipsius intellectus. Ipsa applicatione categoriarum intuitionibus sensibilibus, constituuntur conceptus.

Conceptus intellectus constituunt elementum a posteriori rationis, cuius elementum a priori sunt *ideæ* Dei, mundi et animæ, quæ *ideæ* sunt formæ subjectivæ sicuti categoriae.

Cognoscere igitur, secundum philosophum Koenigsbergi, est applicare impressionibus ipsius sensibilitatis formas a priori intellectus, et cognitio scientifica resultat ex unione duplicitis elementi, a priori, scilicet, et a posteriori. Scientia igitur non est de his quæ ex experientia tantum seu a posteriori cognoscuntur, neque de his quæ ex sola consideratione idearum seu a priori affirmantur, sed de his quæ ab experientia colliguntur et formis a priori intellectus subjiciuntur. Unde Kant judicium dividit in analyticum, syntheticum et syntheticum a priori. *Judicium analyticum* illud est cuius prædicatum dicitur convenire vel non convenire subjecto ex sola comparatione idearum, ex qua deprehenditur prædicatum contineri in notione subjecti. *Judicium syntheticum*, illud in quo prædicatum apparet convenire vel non convenire subjecto ex sola experientia. *Judicium analyticum* est necessarium et universale, *judicium syntheticum* particulare et contingens. Sunt amplius judicia, animadvertisit Kant, in quibus prædicatum non continetur in notione subjecti, qua ex parte synthetica sunt, quæ tamen necessaria sunt, qua ex parte analytica seu a priori dicuntur; illa autem judicia sunt *synthetica a priori*. Judicia analytica sunt explicativa tantum, prædicatum nihil addit notioni subjecti; nihil scientiæ conferunt. Judicia vero synthetica non habent necessitatem quam requirit scientia. Igitur sola judicia synthetica a priori sunt scientifica. Ita scientiæ physicæ et mathema-

(1) Cf. MERCIER, *Criteriologie*, p. 244.

tiese quarum objectum aliquomodo experimentalē est, sunt vere scientiae; metaphysica autem ejus objectum experientiam superat non est scientia, sed mera speculatio. Cognitio enim quam ratio speculativa habet de anima, de natura rerum mundanarum, et de Deo est pure subjectiva. Tamen id quod *ratio speculativa* scientificē cognoscere non potest, *ratio practica* cum certitudine tradit.

Etenim Kant, in alio opere, *Critique de la raison pratique*, docet quoddam adesse factum ultra expérimentale, quod modo indubitabili et invincibili conscientia refert, scilicet officium seu obligationem moralem. Illa autem obligatio moralis, quam Kant vocat *imperativum categoricum*, necessario supponit tanquam realitates noumenicas, libertatem hominis, immortalitatem animæ, et existentiam Dei. Iste igitur veritates sunt *postulata rationis practicæ*, et licet intellectus *ratione speculativa* innixus nihil scientificē cognoscere de ipsis valeat, tamen *ratione practica* suffultus ipsis credere cum certitudine potest. Enīgitur in quo consistit *Criticismus transcendentalis* Kantii, qui dicitur etiam *subjectivismus transcendentalis*.

III. Subjectivismi transcendentalis refutatio.

THESIS : IDEAE QUAS INTELLECTUS DIRECTE EFFORMAT SIMPLICI APPREHENSIONE GAUDENT OBJECTIVITATE.

1° Ut demonstrabitur in psychologia, intellectus ideas suas primitivas directe efformat abstractione ex speciebus rerum sensibilium quæ sensatione accipiuntur. Atqui illæ species seu formæ sensibiles sensatione acceptæ objectivitate gaudent. Ergo ideæ quæ ex ipsis simplici apprehensione directe efformantur objectivitate gaudent.

Jam, in präcedentibus articulis, demonstrata est objectivitas sensationum nostrarum. Porro objectivitas idearum immediate fundatur in objectivitate cognitionis sensitivæ.

Etenim objectum circa quod versatur operatio Intellectiva in sensibus primo recipitur, quibus mediantibus offertur intellectui qui abstrahit Ideas suas a formis sensibilibus. Si autem forma istis a sensatione acceptis objectum reale exterius respondet, idem dicendum est de ideis seu formis intelligibiliibus.

2° Ideo idēae nostrae subjectivae a Kantistis prædicantur, quia efformantur applicatione formarum a priori quae subjectivae sunt et constituunt elementum formale ex quo resultant. Atqui falsum est illas formas esse menti congenitas et nulla objectivitate gaudere. Ergo idēae nostrae gaudent objectivitate.

Omne id quod ex experientia habetur, animadvertisit Kant, est contingens et particulare. Atqui in cognitione etiam sensibili habentur elementa quae sunt necessaria et universalia, nempe *tempus* et *spatium*. Etenim non percipitur corpus quin aliquam partem spatii occupat, extra quam semper alia pars concipi potest. Spatium igitur non est limitatum sed *universale*.—Ita possunt omnia corpora destrui, sed semper remanet spatium quod ideo *necessarium* est. Item de tempore. Illa igitur elementa præsupponuntur cognitioni sensibili, et sunt formae a priori menti ingenitae.

Nemo est qui non videat illam argumentationem inniti falso supposito, identitate spatii realis et spatii idealis. Ubi enim illa distinguuntur facile apparet formas spatii et temporis non esse subjectivas et menti congenitas, sed notiones quae ex experientia accipiuntur. Triplex enim datur spatium, *reale*, *ideale*, *imaginarium*. Percipiendo duo corpora, situs eorum simul percipimus, et inter situs diversos, distantiam seu spatium. Si autem corpora realia sunt, et *spatium reale* est, et cum corpora extensione prædicta limitata sunt, ita *spatium reale* est quid limitatum, quod, deficientibus corporibus, nullo modo existit. Spatium reale non est igitur quid universalis et necessarium. Tamen intellectus multa corpora possibilia concipere potest, inter quae distantia seu spatium possibile singit quin ipsi imponat limites, unde *spatium ideale*

illimitatum. Ita phantasia spatium fingit indefinitum inter corpora imaginaria, unde *spatium imaginarium*. Idem dicendum est de tempore quod reale, ideale et *imaginarium* esse potest, prout est *numerus motus realis*, *idealis* seu *imaginarii*, *secundum prius et posterius*. Ubi non sunt corpora realia, nec datur motus realis et cessat tempus reale, quamvis remanere possit tempus ideale seu *imaginarium*. Formæ igitur spati et temporis non sunt ipsi sensationi anteriores et menti congenite sed notiones quæ ex experientia accipiuntur.⁽¹⁾ Idem dici potest de aliis formis a priori Kantistarum quæ omnes fundamentum habent in realitate sensibili, ut clare appareat ex his quæ dicenda sunt in articulo sequenti de universalibus.

ARTICULUS IV

DE UNIVERSALIBUS

I. Status quæstionis.—Kant affirmat formas intellectus nempe *categorias* esse subjectivas et a priori, quia quidem animadvertis illas formas, abstractas esse et universales res autem in seipsis esse concretas et singulares. Unde impossibilitas admittendi ipsas res conceptibus nostris universalibus respondere. Istæ igitur formæ quæ de pluribus præ-

(1) Cf. MERCIER, *Traité élémentaire de phil., Criteriologie*, p. 45.

dicantur sunt innatee ideoque subjectivee. Jam quidem in praecedenti articulo, objectitatem idearum vindicavimus, sed abstractione facta ab universalitate ipsarum; nunc autem considerantur idae ut universales sunt, et solvenda proponitur quæstio maximi momenti de natura et objectivitate universalium.

II. Universalis notio et species.

1° Universale est *unum aptum inesse pluribus et prædicari de illis*, vel *unum in multis*. Unitas igitur et multiplicitas sunt genuinæ universalis conditiones.

Universale est duplex, metaphysicum scilicet et logicum.

Universale metaphysicum (seu directum, seu materiale, seu primæ intentionis) est *ipsa natura seu quidditas prout directe ab intellectu percipitur, abstracta a principiis individuantibus vel a conditionibus materialibus*.

In Pe'ro v. g. habetur quidditas seu natura qua Petrus est homo, et sunt principia individuantia quibus Petrus est hic homo. Principia individuantia cogoitione sensitiva percipiuntur; sed cum simplex apprehensio sit actus mentis quo quid sit res aliqua sciimus, quando simplici apprehensione cognoscitur Petrus percipitur de eo quid sit, scilicet quidditas ejus, natura separata a principiis individuatis. Ista autem natura hoc modo percepta, dicitur universale metaphysicum.

Universale logicum (seu reflexum, seu formale, seu secundæ intentionis) est *ipsa natura considerata ab intellectu ut habens ordinem ad plura, ut prædicabilis de pluribus*.

Cum simplici apprehensione percipitur Petrus, id quod terminat actum intellectus est conceptus naturæ humanæ; eodem modo cum apprehenditur Paulus, vel Carolus; sed mens nostra reflexione rediens ad conceptus cognitioe directa efformatos, jam animadvertisit identitatem illorum trium conceptuum, et efformat conceptum unum pluribus communem. Iste autem coconceptus representans naturam unam pluribus communem, prædicabilem de pluribus, dicitur universale logicum.

Universale logicum supponit universale metaphysicum et aliquid addit supra ipsum, nempe intentionem seu formam universalitatis.

Intentio seu forma universalitatis est ipsa actualis relatio qua intellectus reflectendo supra suum conceptum refert aliquam essentiam abstractam ad plura individua seu ad plures species.

Illa relatio est rationis, quum sit opus mentis comparantis et judicantis, et est rationis ratiocinatæ, quia habet fundamentum in rebus exterioribus : illud autem fundamentum est earum similitudo in natura seu in forma quadam accidentalium.

Universale metaphysicum considerari potest vel quoad rem conceptam, vel quoad modum concipiendi.

Universale quoad rem conceptam est ipsa natura quæ percipitur.

Universale quoad modum concipiendi est ipsa abstractio secundum quam illa natura concipitur.

III. Philosophorum sententiae. — Omnes philosophorum sententiae de natura universalium ad tres reduci possunt :
 1a : Universale nullo modo existit extra intellectum ;
 2a : Universale existit formaliter et actu extra intellectum ;
 3a : Universale existit tum in intellectu tum in rebus, in intellectu formaliter et actu, in rebus fundamentaliter et in potentia.

Prima sententia est nominalistarum et conceptualistarum. Juxta nominalistas, universale existit in vocibus tantum, est merum *nomen*, unde doctrina ipsorum Nominalismus dicitur. Juxta conceptualistas, universale existit in conceptibus tantum, est merus *conceptus*, unde Conceptualismus.

Nominalismum tuentur, apud veteres, Heraclitus, Epicurus et sensistæ ; ævo medio, Rocellinus, Gulielmus Occam ; apud modernos, Hobbes, Hume, Condillac, Comte, Taine, cum omnibus sensistis et positivistis.

Conceptualismi patroni sunt : apud veteres, Zeno et stoici ; medio ævo, Abelardus ; apud modernos, Kant et kantistæ.

Secunda sententia est realistarum exaggeratorum. Realismus autem exaggeratus est triplex : *platonicus*, *ontologicus*, et *empiricus*. Juxta Platonem, dicente Aristotele, universalia sunt *formæ separatae* per se subsistentes, extra intellectum et

extra res singulares existentes. Juxta ontologistas, universalia sunt ipse ideæ divinæ quas homo immediate intuetur in Deo. Tandem realismus empiricus (Gulielmus de Champeaux, David de Dinan et alii) docet universale actu et formaliter existere in ipsis individuis quorum natura est in se communis et universalis.

Tertia sententia est ipsius *realismi temperati*. Primo ab Aristotele enuntiatus, postea a Sancto Thoma traditus, *Realismus temperatus* docet universale logicum, universale scilicet, ut universale, actu non existere extra intellectum sed potentia tantum seu fundamentaliter; universale metaphysicum quoad rem conceptam seu naturam quæ concipitur realiter existere extra intellectum, non autem universale quoad modum concipiendi, scilicet, abstractionem secundum quam illa natura concipitur esse in intellectu tantum.

IV. Rejicitur sententia negans universale esse in rebus.

THESES.—NOMINALISMUS ET CONCEPTUALISMUS ADMITTI NON POSSUNT.

1º Nomina sunt aigna idearum et ideæ signa rerum. Atqui nihil est in signo quod non sit aliquo modo in signato. Ergo universale cum sit in nominibus debet esse in conceptibus, et cum sit in conceptibus debet esse aliquo modo in rebus.

2º Non potest admitti sententia quæ ad subjectivismum dicit, ideoque omnem scientiam realem destruit. Atqui hujusmodi est sententia nominalistarum et conceptualistarum. Scientia enim est de universalibus; etenim singularia, cum sint contingentia et in perpetuo motu, non possunt esse objectum scientiæ. Nisi igitur universale ait aliquo modo in rebus, nulla scientia est realis. Ergo Nominalismus et Conceptualismus admitti non possunt.

V. **Sententia realismi exaggerati refutatur.**

**THESIS.—UNIVERSALE ACTU EXISTERE NON POTEST
EXTRA INTELLECTUM.**

1° Omne id quod existit extra intellectum est singulare et concretum. Esse enim non recipitur nisi in subjecto singulari et concreto. Atqui singulare et universale actu, concretum et abstractum inter se opponuntur et ad invicem sese excludunt. Ergo universale actu existere non potest extra intellectum.

2° Sententiae Platonis et Ontologistarum falso nituntur supposito. Plato enim formas a rebus sensibiliibus separatas posuit, quia fingebat res sensibiles nullo modo posse constituere objectum scientiæ nostræ, quod falsum est. Etenim licet res sensibiles ut singulares et contingentes non valeant esse objectum scientiæ, essentia ipsarum prout ab intellectu consideratur, abstracta a conditionibus materialibus et a notis individuantibus, cum sit immutabilis et necessaria, constituit objectum scientiæ certæ.

Ontologistæ autem, ut Malebranchius et Gerdillius, dixerunt universalia esse ideas divinas, ut sisterent in suo falso systemate de immediata Dei intuitione, in quo, secundum ipsos omnia cognoscerentur.

3° Insuper contra realismum ontologicum animadvertisit quod ideæ divinæ possunt dici universales hoc seruando quod plura representant, nullo modo autem dici possunt universales quia de pluribus prædicantur. Etenim inter subjectum et prædicatum affirmatur identitas. Atqui affirmari nequit identitas inter res et ideas divinas quin admittatur pantheismus. Ergo universalia non possunt esse ideæ divinæ. Ergo universale actu extra intellectum non existit.

VI. Veritas sententiae realismi temperati demonstratur.

**THESES.—REALISMUS TEMPERATUS VERAM TUETUR
DOCTRINAM CIRCA NATURAM UNIVERSALIUM.**

1^o Universale necessario existere debet extra intellectum : aliter enim scientia nostra aut esset de singularibus aut esset subjectiva, quod utrumque repugnat. Atqui universale non potest existere actu extra intellectum, omne enim quod existit singulare est. Ergo remanet quod sit actu in intellectu, in potentia vero in rebus. Atqui haec est doctrina realismi temperati. Ergo realismus temperatus veram tuetur doctrinam circa naturam universalium.

2^o Realismus temperatus doctrinam proponit secundum duplarem affirmationem nempe : a) Universale logicum existit actu in intellectu, in potentia tantum in rebus ; b) Universale metaphysicum quoad rem conceptam realiter existit in rebus, quoad modum concipiendi in intellectu tantum. Atqui vera est illa duplex affirmatio. Ergo realismus temperatus veram tuetur etc. Probatur minor per partes :

Prima pars : — Universale logicum existit actu in intellectu tantum, in potentia vero seu fundamentaliter in rebus.

1^o Illud ens formaliter et actu invenitur in intellectu tantum quod est ens rationis. Atqui universale logicum est ens rationis. Ergo non existit actu nisi in intellectu.—Universale enim logicum constituitur in quantum mens nostra, reflectendo supra conceptum suum, universali metaphysico addit intentionem universalitatis, nempe actualem relationem ad plura.. Atqui illa actualis relatio ad plura quae est constitutiva formaliter universalis logici est ens rationis, cum sit opus mentis comparantis et judicantis. Ergo univarsale logicum est ens rationis, ideoquc existit tantum in intellectu.

2° Sunt a parte rei naturæ singulares quibus convenient eadem prædicata essentialia, v. g. : Petrus, Carolus, etc... dicuntur homines ; illæ autem naturæ cum considerantur ab intellectu, abstractæ a notis individuantibus, aptæ avadunt ad recipiendam intentionem universalitatis, seu prædicabilitatem de pluribus. Atqui hoc est præbere fundamentum intellectui ad universale logicum concipiendum. Ergo universale logicum fundamentaliter seu in potentia existit in rebus.

Secunda pars : — Universale metaphysicum quoad rem conceptam realiter existit in rebus, non autem quoad modum concipiendi.

Id quod intellectus concipit, concipiendo universale metaphysicum est quidditas rei materialis ; modus quo eam concipit est abstractio, scilicet concipit eam præcisione facta a notis seu principiis individuantibus. Atqui quidditas rei materialis invenitur quidem a parte rei, nempe in rebus materialibus, sed non invenitur in eis abstracta a notis individuantibus. Ergo universale metaphysicum invenitur in rebus quoad rem conceptam, non quoad modum concipiendi.

VII. Difficultatum solutio.

I. *Universale non est in intellectu.* — 1° Nihil est in intellectu quin prius fuerit in sensu. Atqui universale non est in sensu. Ergo universale non est in intellectu.

Dist. maj. Quin prius fuerit *actu vel potentia* in sensu, *conc.* ; quin fuerit *actu in sensu, nego.*

Contradist. min. Universale non est *actu in sensu, conc., potentia, nego.*

2° Atqui universale nullo modo invenitur in sensu. Ergo.

Unumquodque est in sensu secundum quod primo realiter existit in rerum natura. Atqui quidquid realiter existit est individuum et singulare. Ergo universale nullo modo est in sensu.

Conc. maj.

Dist. min. Quidquid realiter existit est in subjecto singulari, *conc.* ; est realitas per seipsam singularis quæ nequit universaliter concipi absque singularitate, *nego.*

3° Atqui realitas rerum singularium nequit universaliter concipi. Ergo. Conceptus debent esse conformes rebus. Atqui res sunt singulares. Ergo et ipsi conceptus.

Dist. maj. Quoad id quod concepitur *conc.*; quoad modum quo concepitur, *nego*.

Conc. min.

Illa difficultas falsum principium supponit nempe, modum essendi rei intellectae et modum intelligendi rem esse eundem. Modus enim sequitur naturam rei cuius est modus. Ergo modus essendi sequitur naturam rei intellectae, dum modus intelligendi sequitur naturam intellectus. Intelligere quidem est operatio intellectus, et operatio sequitur naturam principii a quo procedit. Si igitur natura intellectus alia sit a natura rei intellectae, non potest esse idem modus essendi rei et modus ipsam intelligendi.

4° Atqui conceptus debent esse conformes rebus quoad modum concepiendi. Ergo.

Apprehendere res diverso modo ne sunt est falso ipsas apprebendere. Atqui nisi conceptus sint conformes rebus quoad modum concepiendi, res apprehenduntur alio modo ne sunt. Ergo conceptus debent esse conformes rebus quoad modum concepiendi.

Dist. maj. Apprehendere res alio modo ac sunt per iudicium, *conc.*; per simplicem apprehensionem, *nego*.

Contradist. min., et *nego* consequens et consequentiam.

II. *Universale non est in rebus sed in intellectu tantum.* 1° Quidquid existit in rebus extra intellectum est singulare. Atqui singulare et universale opponuntur. Ergo universale non est in rebus.

Dist. maj. Est singulare per seipsum vel per nliquid additum essentiae, *conc.*; per seipsum tantum, *subdist.*: in rebus immaterialibus, *conc.* in rebus materialibus, *nego*.

Cone. min.

Quidquid existit extra intellectum est singulare, proinde universale *actu* non existit in rebus. Tamen quia in rebus materialibus natura non est singularis per seipsum, sed mediantibus principiis individuantibus a quibus realiter distinguitur, universale dicitur existere *potentia in rebus*. Illa enim natura, separata ope intellectus a principiis quibus individuatur, fieri potest universalis.

2° Atqui omnis natura est per seipsum singularis. Ergo.

Quælibet essentia seu natura est singularis per propriam realitatem. Atqui realitas propria naturæ est ipsa natura seu essentia. Ergo quælibet natura est per seipsum singularis.

Dist. maj. Quælibet essentia est singularis per realitatem cum realitate quidditativa identificatam, *nego*; per realitatem essentiae additam quæ propria est hujus essentiae et non alterius, *conc.*

Contradist. min. Realitas quidditativa est ipsa essentia, *conc.*, realitas essentiae addita ipsam determinans ad singularitatem, *nego*.

3° Atqui natura rerum est singularis per realitatem essentiae. Ergo.

Natura universalis est abstracta et communis pluribus. Atqui natura rerum realium est concreta et individua. Ergo et siveque natura est per seipsum singularis.

Dist. maj. Prout ab intellectu concepitur, conc., prout existit in rebus
subdist. : actu, nego, potentia, conc.

Conc. min., nego consequens et consequentiam.

III Universale actu existit in rebus.

1° Universale est objectum scientie nostrae. Atqui objectum scientie debet esse reale. Ergo universale realiter existit in rebus.

Dist. maj. scilicet natura universaliter encepta, conc., ipsa universalitas,
subdist. : scientie reflexae, conc., scientie directae, nego.

Dist. min., ipsa natura quae cognoscitur, conc., ipsa universalitas, nego.

2° Atqui ipsa universalitas debet esse quid reale. Ergo.

Objectum intellectus debet praexistere intellectui. Atqui universale actu est objectum intellectus. Ergo universale actu, ideoque ipsa universalitas qua sit actu, debet esse reale.

Conc. maj.

Dist. min. Est objectum intellectus possibilis, et ipsi praexistit, conc. est objectum intellectus agentis et ipsi praexistere debet, nego.

Ex eo quod universale actu sit objectum facultatis cognitivae intellectus, nempe intellectus possibilis, sequitur ipsum hunc facultati praexistere. Tamen ex hinc non potest ipsam universalitatem esse quid realiter existens extra intellectum, sed tantum infertur necessitus existentiae alicujus facultatis, nempe intellectus agentis, eius sit facere universale actu, id quod est universale tantum in potentia.

Ergo.
qui natura
ra est per
it in rebus

m scientie
universa-
is, nego.
universale
universa-
stit, conc.
ivæ intel-
existere.
realiter
aliquis
id quod

ARTICULUS V

DE CERTITUDINE PRIMORUM PRINCIPIORUM

I. Status questionis. — Unica datur facultas cognoscitiva intellectiva quæ diversa sortitur nomina secundum diversa officia ad quæ natura sua ordinatur : dicitur *intellectus* prout prima principia immédiata cognoscit ; *ratio*, secundum quod veritates mediatas seu conclusiones ex primis principiis deducit ; *mémoria*, prout species intelligibiles conservat ; *conscientia*, secundum quod refert proprias animæ intellectivæ affectiones. In præsenti articulo quæritur de *intellectu*, prout cognoscit judicia immediata ; de *ratione* quæ vero judicia media ta ex immediatis colligit, agetur in sequenti.

II. Veracitatis intellectus adversarii. — Veracitatem intellectivæ facultatis in dubium vocarunt sceptici ; Kant judicia intellectus esse subjectiva posuit, cum efformantur applicatione formarum a priori quæ menti congenitæ de rebus prædicantur. Traditionalistæ vim nativam intellectus ad verum cognoscendum negarunt, dicendo nihil certum haberi nisi revelatione sit primo cognitum, et traditione doceatur. Item Positivistæ certitudinem factorum tantum admittentes, judiciorum ordinis metaphysici certitudinem denegarunt.

III. Veracitas intellectus vindicatur.

THESES.—JUDICIA ANALYTICA IMMEDIATA OBJECTIONIBUS SUNT, ET CIRCA IPSA INTELLECTUS ERRARE NON POTEST.

Prima pars. — 1° *Ex objectivitate idearum.* Objectivitas judiciorum pendet ab objectivitate idearum quarum identitatem intellectus judicando affirmat vel negat. Etenim ubi conceptus objectivi sunt, objectiva est relatio identitatis quæ inter ipsos apprehenditur, et objectivum judicium quo talis identitas affirmatur. Atqui ideæ inter quas intellectus analysi identitatem apprehendit, et quarum identitatem judicando affirmat, gaudent objectivitate. Ergo judicia analytica sunt objectiva.

2° *Ex conscientiae testimonio.* — Ex conscientiae testimonio scimus intellectum nostrum impelli ad affirmandam identitatem prædicati cum subjecto non *subjectiva* quadam necessitate, seu ex natura intellectus, sed *objectiva*, nempe ex evidentia convenientiæ utriusque. Hoc quidem manifestum fit si considerentur diversi status mentis possibles respectu ejusdem judicii. Aliquando enim fit, quod primo identitas prædicati cum subjecto nullo modo appetit; intellectus manet anceps, et suspendit assensum: est status dubii. Postea identitas ejusdem prædicati cum eodem subjecto imperfecte aliquo motivo suaderi potest, intellectus identitatem illam affirmat, cum formidine tamen oppositi: est status opinionis. Tandem fieri potest quod clara evidentia identitas illa perfecte fulgeat, adhæsio intellectus necessitatur et convenientia prædicati cum subjecto affirmatur sine ullo errandi formidine: est status certitudinis. Illa autem possibilis successio diversorum mentis statuum respectu ejusdem prædicati et ejusdem subjecti explicari non potest, si identitas unius et alterius necessitate subjectiva affirmaretur. Etenim habitudo necessaria et naturalis intellectus semper eadem esset respectu ejusdem objecti, aliter habitudo illa necessaria non foret. Judicia igitur intellectus sunt objectiva.

Secunda pars. — 1° *Ex natura facultatis.* Nulla facultas deficere potest a fine suo, dum naturaliter et necessario operatur, circa objectum ad quod natura sua ordinatur. Atqui hujusmodi est intellectus circa judicia immediata. Ergo intellectus circa principia immediata errare non potest.

2° *Ex natura judiciorum analyticorum.* Judicium analyticum est illud in quo prædicatum continetur in notione subjecti. Atqui intellectus simpliciter apprehendens subjectum et prædicatum errare non potest. Ergo intellectus affirmando identitatem eorum errare non potest. Etenim vel intellectus novit quid sit subjectum et prædicatum et simul apprehendit convenientiam inter utrumque, quam judicando cum certitudine affirmat, vel non novit et nullum judicium proferre potest. «Intellectus, inquit S. Thomas, ⁽¹⁾ semper est rectus, secundum quod est principiorum, circa quæ non decipitur ex eadem causa qua non decipitur circa quod quid est. Nam principia per se nota sunt illa, quæ statim intellectis terminis cognoscuntur, ex eo quod prædicatum ponitur in definitione subjecti.»

IV. Corollarium. — Prima principia, veritates per se notae, axiomata sunt certa, et nullo modo in dubium revocari possunt cum intellectus circa ipsa errare non potest.

(1) *Pars I. q. 1, a. 3, ad. 2.*

ARTICULUS VI

DE CERTITUDINE JUDICIORUM MEDIATORUM

I. **Status questionis.** — Proprium est ipsius rationis prout ab intellectu distinguitur, deducere judicia mediata seu conclusiones mediante ratiocinio ex iudiciis immediatis. Non eodem modo enim sese habet intellectus ad principia et ad conclusiones, ad judicia immediata et per se nota, et ad ea quae in istis principiis continentur : respectu priorum est *apprehendens* ; respectu aliorum, non est apprehendens, sed mobiliter inquirens, conclusiones nempe ratiocinando deducens ex principiis. Quærere igitur de certitudine judiciorum mediatorum est quærere utrum ratio errare possit in istis iudiciis ferendis, et cum ista judicia deducuntur mediante ratiocinio quod syllogismo exprimitur, est etiam vera aestimatione perpendere syllogismum.

II. **Habituod rationis ad veritates mediatas determinatur.**

THESES.—RATIO HUMANA IN JUDICIIS MEDIATIS per se ERRARE NON POTEST, SED per accidens.

Prima pars. — Errare per se est ordinari natura sua ad errorem. Atqui ratio humana natura sua ordinatur ad veritatem. Ergo ratio humana in iudiciis suis errare per se non potest.

Major non indiget declaratione ; minor autem manifeste apparet ex oppositione contraria quæ habetur inter verum et falsum quæ ideo sese excludunt. Cum ratio humana dicit ordinem naturalem ad verum, non potest simul ad falsum ordinari, ideoque *per se errare* non potest.

Secunda pars. — Errare *per accidens* est errare vi alicujus causæ extrinsecæ quæ rectum rationis exercitium impedit. Atqui multæ sunt causæ extrinsecæ quæ possunt impedire, et de facto impediunt rectum rationis humanæ exercitium, ut sunt præcipitatio aniini, præjudicia, passiones, etc. Ergo in judiciis mediatis ratio humana errare potest *per accidens*.

III. Vis syllogismi vindicatur. — Non tantum sceptici, sed etiam positivistæ, vim ipsius syllogismi denegarunt ad novas et certas cognitiones acquirendas. Baco et alii, inductionem supra modum extollentes, vim syllogismi contempserunt. Proinde contra ipsos vis syllogismi sequenti thesi vindicatur :

THESIS.—COGNITIO NOVA, EAQUE CERTA, SYLLOGISMO COMPARARI POTEST.

Prima pars. — 1° Cognitio nova acquiritur, ubi cognoscitur explicite quod implicite tantum sciebatur. Atqui mediante syllogismo explicite cognoscitur conclusio quæ implicite tantum in principiis cognoscebatur. Ergo syllogismo cognitio nova acquiritur. Etenim conclusiones quidem in præmissis continentur non actu et explicite, sed virtute tantum et implicite. Quando autem mediante ratiocinio ex principiis deducuntur, fiunt actu, atque vera et nova cognitio acquiritur. ⁽¹⁾

(1) « Tout ensemble de connaissances peut se ramener à un petit nombre de principes qui les contiennent implicitement ; or il appartient au syllogisme de découvrir ce qui est contenu dans les principes. Il appartient donc au syllogisme de découvrir les divers systèmes de connaissances ou les diverses sciences. — Et que l'on n'objecte pas que posséder les principes, c'est déjà posséder les conclusions, puisque celles-ci y sont contenues. Il est vrai qu'elles y sont contenues ; autrement on ne les en tirerait pas : mais elles ne

2° Ex experientia constat multas et novas cognitiones acquisitas fuisse mediante syllogismo, non tantum in scientiis metaphysicis in quibus multa de Deo, de anima et de mundo deductione acquisita sunt, sed etiam in scientiis physicis et experimentalibus, in quibus ex legibus et principiis a quibusdam doctoribus inductione inventis, alii scientiarum cultores, deductione et syllogismo, nova cognoverunt.

Secunda pars.—1° Syllogismus est extrinseca manifestatio ipsius ratiocinii quod est operatio naturalis rationis humanae. Atqui operatio naturalis rationis humanae quæ natura sua ad veritatem ordinatur non potest non esse medium aptum ad cognitionem certam comparandam. Ergo syllogismo cognitione certa comparari potest.

2° Syllogismus perfectus, scilicet demonstrativus conclusionem deducit ex præmissis quibuscum ita necessario connectitur, ut negatio conclusionis negationem præmissarum importat. Atqui istæ præmissæ negari non possunt, sunt enim certæ, et mens ex necessitate ipsis assensum præbet. Ergo nec conclusio negari potest, et eadem necessitate et certitudine mens ipsi assentit.

sont pas connues pour cela. Autant vaudrait-il dire que celui qui a la raison dans laquelle sont contenues en germes toutes les sciences, connaît déjà par ce seul fait toutes les sciences. Conclusion donc que l'opération de la raison est toujours féconde et légitime, soit qu'elle descende du général au particulier par la *déduction*, soit qu'elle remonte du particulier au général par l'*induction*.»
 A. FAROIS ET D. BARDEDETTE, *Cours de philosophie*, t. I, p. 173.

CAPUT SECUNDUM

DE AUCTORITATE

Prologus. Dupli modo homo ad cognitionem veritatis pervenit : vel enim per seipsum verum invenit et in se videt, cum ipsum immediate vel mediate attingit, applicatione facultatum cognoscitivarum ad propria objecta secundum leges logicas ; vel verum ab alio accipit, cujus testimonio assensum præbet, quin in se veritatem videat. In primo casu habetur *scientia* quæ ex ipsa veritatis intelligibilitate seu evidentia producitur, in secundo ,habetur fides quæ auctoritate dicentis causatur. In præcedenti autem capite declaratum est qua ratione facultates cognoscitivæ legitime ad certitudinem scientiæ ducunt ; in præsenti vero, declarandum venit de aptitudine *auctoritatis* ad certitudinem fidei producendam. Cum auctoritas alia sit divina et alia humana, præhabita consideratione auctoritatis in genere, de utraque auctoritate specialis erit articulus. Hujus igitur secundi capituli, materia dividitur :

DE AUCTORITATE

I. De auctoritate in genere

Auctoritatis notio
 Dogma et factum
 Testis notio
 " species { Idoneus, inidoneus
 { Ocularis, auritus
 { Cœvus, posterior
 Testimonii notio
 " signa : traditio oralis, bistoria, monumenta.
 " species { orale, scriptum, monumentalē
 { divinum, humānum
 { dogmaticum, historicum

II. De auctoritate divina

Fidei notio
 " species : divina, humana
 De obscuritate objecti fidei
 De his que præquiruntur ad actum fidei
 Scientia et fides comparantur
 Auctoritas cognitionem veram et certam facit.
 Testimonii maxima utilitas
 Status questionis
 Possibilitas revelationis affirmatur
 Auctoritas divina certitudinem prodicit et quidem metaphysicam.
 De rationalismo
 Corollaria
 Status questionis
 Sensus naturæ communis notio et objectum
 Sensus naturæ communis intra limites proprii objecti producit certitudinem.
 Traditio oralis, de factis publicis maximi momenti, certitudinem producit.
 Testimonium scriptum, positis conditionibus, veram certitudinem producit.
 De testimonio monumentali
 " historico
 " dogmatico
 De critica et hermeneutica.

III. De auctoritate humana

ARTICULUS I

DE AUCTORITATE IN GENERE

I. **Auctoritatis notio.** — **Auctoritas** ⁽¹⁾ est *vis moralis determinativa assensus intellectus alicui cognoscibili ex scientia et veracitate dicentis resultans*. Dicitur 1° *vis moralis*, quia auctoritas non necessitat assensum mentis; intellectus enim necessitate naturæ determinatur ad assentiendum his quæ ipsi manifestantur in sua evidentia intrinseca, non autem his quæ auctoritate aliorum cognoscuntur.

2° *Determinativa assensus intellectus*, intellectus enim indiget determinari ad assentiendum veritati, vel ab ipsa veritatis evidentia, vel a principio extrinseco. In his autem quibus intellectus assentit ex testimonio aliorum, evidentia intrinseca non datur. Requiritur ergo ut a principio extrinseco, nempe ab auctoritate ad assentiendum determinetur. Ille assensus intellectus propter auctoritatem præstitus, dicitur *fides*.

3° *Alicui cognoscibili*, illud autem cognoscibile potest esse veritas vel sensibus cognita, vel comparatione idearum acquisita.

4° *Ex scientia et veracitate dicentis resultans*, scientia enim et veritas sunt duo elementa constitutiva auctoritatis.

(1) «L'autorité est le droit d'être cru.»

Homo quidem non potest imperare assensum intellectus aliorum, nisi scientiam habeat eorum quæ tradit, et ipsa manifestet secundum quod ea scit, nempe nisi constet ipsum nec decipi nec decipere.

Auctoritas est duplex, *divina*, scilicet, et *humana*, prout est Dei revelantis, vel hominis aliquod verum attestantis.

II. Dogma et factum.—Illud cui intellectus assentit propter auctoritatem dicentis est *dogma* vel *factum*.

Dogma est omnis cognitio quam quis idearuni comparatione sive immediate sive mediate acquisivit, v. g.: *Apima humana est immortalis*. *Est naturale vel supernaturale: naturale*, illud quod viribus naturalibus rationis acquiritur, v. g.: *Deus existit*;—*supernaturale*, illud quod captum rationis humanae excedit, v. g.: *Tres sunt personæ divinæ*. *Dogma supernaturale dicitur proprie mysterium*.

Factum est omne id quod percipitur sensibus externis vel internis, v. g.: *Christus resurrexit*.

Factum est *publicum*, cum in loco publico vel in conspectu plurium actum est; aliter dicitur *privatum*. **Factum** est *majoris* vel *minoris* momenti, *obvium* vel *obscurum*, intellectu nempe difficile, passionibus favens vel contrarium.

Testis notio et species.—*Testis* est ille qui propriam cognitionem alteri manifestat;—qui autem *dogma* tradit, magister seu *doctor* dicitur; qui vero *facta* asserit, proprius *testis* vocatur.

Testis dividitur: 1° *ratione auctoritatis*, in *idoneum* vel *inidoneum*, prout auctoritate donatur vel non; 2° *ratione modi*, in *ocularem* seu *immediatum* et *auritum* seu *mediatum* prout narrat facta quorum notitiam acquisivit proprio sensibus, vel ex testimonio aliorum; 3° *ratione temporis*, in *coerum* et *posteriorem*, prout tempore eventus vel tempore posteriori vixerit.

IV. Testimonii notio et species.—*Testimonium* est signum sensibile quo testis refert rem sibi notam.

Testimonium diversis signis cognoscitur, traditione orali scilicet, historia et monumentis.

Traditio oralis est series non interrupta testium qui factum quoddam viva voce referunt, et quorum alii ad originem facti ascendunt, alii autem vivunt in nostra aetate.

Historia est alicujus vel aliquorum factorum scripta narratio.

Monumenta sunt opera durabilia arte confecta ad tradendum posteris alicujus facti vel doctrinæ memoriam; v. g.: statuae, arcus, numismata, picturæ, inscriptions.

Testimonium ratione signi dicitur *orale, scriptum, monumentale*, prout verbis, scriptis, vel monumentis res refertur; —*ratione testis*, est *divinum vel humanum*, prout est manifestatio veritatis homini a Deo vel ab homine facta; —*ratione veritatis traditæ*, est *dogmaticum seu doctrinale vel historicum*, prout testis refert dogma vel factum, scilicet veritatem comparatione idearum immediate seu mediate acquisitam, vel sensibus cognitam.

V. Auctoritatis effectus.—Effectus auctoritatis est *fides* quæ definitur: *assensus intellectus veritatibus in se in evidentibus, sub imperio voluntatis, propter auctoritatem dicentis.*

Dicitur 1° *assensus intellectus*, quia fides est actus elicitus ab intellectu.

2° *Veritatibus in se in evidentibus*, quia assensus intellectus veritatibus immediate vel mediate in se evidenter est actus scientiae, non autem fidei.

Objectum materiale fidei sunt igitur veritates obscuræ, veritates nempe quæ evidētia intrinseca non apparent. Quod autem aliqua non sint apparentia humano intellectui contingere potest vel *ex defectu rerum*, quia sunt a nostris sensibus remota, qualia sunt facta hominum et dicta et cogitata, quæ quibusdam nota esse possunt, aliis autem ignota, vel *ex defectu intellectus*, quia capacitatem ejus excedunt, quales sunt res divine.

3° *Sub imperio voluntatis*, fides enim est actus elicitus ab intellectu, sed imperatus a voluntate. Voluntas autem

movet intellectum in assensu fidei non tantum ut cogitet de objecto fidei (*quoad exercitium*), iste motus enim exercetur in actu demonstrationis et scientiae: sed etiam ut assensum ipsi præstet (*quoad specificationem*): Etenim in actu fidei intellectus non habet causam determinantem ejus assensum ex parte objecti, quia objectum est veritas inevidens. Ergo suppletur a voluntate id quod se tenet ex parte objecti, scilicet, movere intellectum ad assentiendum.

« Quandoque, ait S. Thomas(1), intellectus non potest determinari ad alteram partem contradictionis neque statim per ipsas definitiones terminorum, sicut in principiis, nec etiam virtute principiorum, sicut in conclusionibus demonstrativis est; determinatur autem per voluntatem quæ eligit assentire uni parti determinate et præcise propter aliquid quod est sufficiens ad movendum voluntatem non autem ad movendum intellectum, utpote quod videtur bonum vel conveniens buie parti assentire, et ista est dispositio erendentis, ut cum aliquis credit dietis alieujus hominis, quia videtur decens vel utilis. »

4º *Propter auctoritatem dicentis*, quia auctoritas est *objectum formale* fidei. Id enim propter quod intellectus ipsi veritati inevidenti assentit, est auctoritas ex scientia et veritate dicentis resultans. Cum autem auctoritas sit duplex, alia scilicet divina, alia autem humana, fides duplex etiam habetur, divina nempe et humana prout nititur auctoritate Dei revelantis, vel hominis vera testantis.

VI. De obscuritate objecti fidei. Objectum fidei cui intellectus assentit dicitur obscurum quia evidentiæ intrinseca caret, non excludit tamen omnem evidentiæ, et assensus fidei non est motus quidam cæcus et irrationalis. Præter enim evidentiæ intrinsecam quam evidentiæ veritatis diximus (pp. 188-89), datur evidentiæ extrinseca quæ ad actum fidei requiritur et evidentiæ credibilitatis dicitur. Quemadmodum enim nihil scitur nisi sit evidentur scibile, ita nihil creditur nisi sit evidentur credibile.

(1) *De Veritate*, q. 14, a. I.

Credibilitas autem est idoneitas et aptitudo rei ut credatur. Ad credibilitatem requiritur primo ut res a testibus fide dignis affirmetur, et secundo, ex parte rei affirmatae, non quidem veritas sed veri similitudo seu existimatio veritatis cum non apparentia repugnantia et impossibilitatis⁽¹⁾. Evidentia credibilitatis differt ab evidentia attestationis, haec enim respicit existentiam seu factum attestationis seu testimonii, illa autem est potius de objecto attestato prout apparet fide dignum, quia scilicet, a testibus fide dignis affirmatur, et quia quamvis in se verum non videatur, est tamen verisimile, nullam importans repugnantiam. Objectum igitur evidenter credibile remanet obscurum, quia evidentia credibilitatis, non est evidentia veritatis rei creditae.

VII. De his quæ prærequiruntur ad actum fidei. — Non creditur nisi id quod est credibile; de credibilitate objecti fidei intellectus dijudicare debet antequam ipsi assensus præbeatur. *Judicium* igitur de credibilitate credendorum præcedit actum fidei. Jamvero intellectus assentit ratus fidei, non determinatus ab objecto immediate vel mediate in se cognito, sed voluntate quæ eligit assentire uni parti propter bonum sibi conveniens et utile.

Voluntas autem non appetit honum nisi secundum quod ipsi offertur ab intellectu. Ergo præter judicium speculativum de credibiliitate credendorum, prærequiritur *judicium practicum* intellectus *de necessitate* vel *de convenientia et utilitate credendi*. Præhabito enim tali judicio voluntas eligit assentire testimonio dicentis, et imperat assensum intellectus qui actum fidei elicit.

Quidam testis factum aliquod asserit. Ut prudens asseusus mentis ipsi prestetur, intellectus inquirit de scientia et veracitate dicentis, neconon de non repugnantia facti et judicium speculativum fert de credibiliitate hujus facti. Illo autem judicio intellectus ad assentiendum non determinatur, nam proprium objectum intellectus est veritas sive immediate sive mediate evidens, quæ sola potest rapere mentis assensum; deficiente vero evidentia intrinseca.

(1) Triplex datur impossibilitas, metaphysica physica et moralis. *Impossibile metaphysicum* est id quod implicat contradictionem; nulla auctoritate fieri potest credibile. *Impossibile physicum*, id quod legibus physicis a Deo statutis repugnat. Non est impossibile simpliciter, cum miraculo Deus ipsis derogare possit. *Impossibile morale* est id quod legi morali seu constantibus hominum moribus adversatur. Illud autem est minus impossibile cum homines in casu particulari legem violare possunt. Lex censetur observari dummodo contrarium non probetur.

etiam sub credibilitatis luce, intellectus assensum non praebet nisi voluntas assensum imperet. Voluntas quidem non imperat assensum intellectus nisi propter aliquod bonum quod appetit. Bonum est conveniens enim et utile ipsi testimonio assentiri, debitis conditionibus positis, cum sepe superius testimoniū maximum confert commodum. De necessitate igitur, seu de convenientia et utilitate credendi, judicium praetrium ab intellectu profertur, et voluntas eligens inter assentire et dissentire, movet seu imperat intellectum ad assentiendum. Ex his apparet quomodo elicetur actus fidei, et quoniam talis actus est rationalis et liber.

VIII. Scientia et fides comparantur.—Assensus intellectus veritati praestitus propter ejus immediatam vel mediatam evidentiam, dicitur actus scientiae; assensus autem veritati praestitus propter auctoritatem dicentis dicitur actus fidei. In hoc igitur differunt ad invicem scientia et fides, quod scientia est de rebus evidenter, fides de rebus inevidenter, scientia de rebus visis, fides de rebus non visis. Cum autem idem secundum idem non potest esse simul evidens et inevidens, visum et non visum, sequitur quod scientia et fides de eodem secundum idem non possunt esse simul in eodem subjecto. Aliquid potest esse scitum ab uno, creditum ab altero, creditum et scitum successive in eodem, non autem simul. « De eodem non potest esse scientia et fides apud cumdem, sed id quod est ab uno scitum potest esse ab alio creditum. »⁽¹⁾ — « Nec dicitur aliud esse medium scientiae, aliud medium fidei, ideoque propter diversitatem mediorum fidem et scientiam consistere posse in eodem subjecto. Etenim fides et scientia inducunt effectus privative oppositos in intellectu, scilicet, videre eamdem veritatem et non videre, esse in tenebris et in claritate, quod nec per diversa media stare potest in eodem subjecto, sicut non potest aer simul habere lucem et tenebras, licet ex diversis causis et principiis procedant. »⁽²⁾

(1) S. T., *Summa theologiae*, IIa-IIæ, q. 1, a. 4.

(2) JOANNES A S. THOMA, *Cursus phil.*, Log. p. II, q. 26, a 5; *Cursus theol.*, t. VII, p. 24.

IX. Auctoritas cognitionem veram et certam facit.—
 Certitudo est firma mentis adhesio alicui cognoscibili sine ullo errandi formidine. Atqui assensus a mente praestitus propter auctoritatem dicentis est firmus et omnem errandi formidinem excludit. Etenim auctoritas resultat ex scientia et veritate dicentis, quibus positis veritas certo habetur. Affirmatio quidem dicentis procedere non potest nisi ex ignorantia seu errore, ex mentis mendacio, vel ex ipsa veritate cognita et tradita. Ubi autem adsunt scientia et veritas, primum et secundum excluduntur. Ergo remanet tertium, nempe veritas cui mens firmiter assentit sine ullo errandi formidine. Auctoritas igitur cognitionem veram et certam facit.

X. Testimonii necessitas seu maxima utilitas.—
 Quanta sit testimonii necessitas, apparet ex consideratione utilitatis quam affert *individuo, societati, et quidem ipsis scientiæ.*

Individuo.—Homini naturaliter convenit doceri. Oportet autem discentem credere. Ideo pueri naturaliter parentibus et magistris credunt. Ex testimonio enim ipsorum omnes illas veritates accipiunt quibus perficitur ipsorum educatione physica, intellectualis et moralis⁽¹⁾. Fides autem spontanea apud puerum fit postea reflexa, sed semper remanet maxime utilis et necessaria. Propria enim experientia, propriis studiis homo plura cognoscere potest, sed semper magis magisque auctoritate et testimonio cognoscat.

Societati.—Omnis enim societas sive domestica, sive civilis, sive religiosa, factis nititur quæ testimonio tantum a plerisque cognoscuntur. Insuper homo est animal sociabile et præcipuum sociabilitatis suæ argumentum est loqua quæ necessario fidem testimonio supponit. Unde omne commercium hominum ad invicem, omnes vitæ consuetudines testimonio innituntur.

(1) « La première éducation de l'enfant se fait par un acte de foi. »
 JULIUS SIMON.

Ipsi scientiæ.—Fides testimonio aliorum est magnum elementum proiectus scientiarum. Iste enim proiectus constituitur additione eorum quæ recentioribus doctoribus et scientiarum experimentalium cultoribus deprehenduntur, his quæ jam antea cognita fuerant. Quæ autem anteactis temporibus cognita sunt testimonio traduntur et fide sœpe sœpius tenentur. Non potest enim unusquisque doctor vel scientiarum naturalium cultor, per se de integro facere omnes investigationes, observationes et experimenta quæ jam ab aliis doctoribus ab antiquitate facta sunt et quibus ad cognitiones certas pervenerunt.⁽¹⁾ Scientia enim foret in perpetuo exordio, et proiectus quilibet esset impossibilis. Proficiunt scientiæ in quantum, opibus in hereditatem jam a majoribus acceptis nova experientiæ et investigationis scientificæ inventa adduntur⁽²⁾.

ARTICULUS II

DE AUCTORITATE DIVINA

I. Status questionis.—Testimonium divinum est manifestatio alicujus veritatis a Deo hominibus facta. Illa autem

(1) « Il est manifeste que chaque savant ne peut refaire toutes les observations et les expérimentations accumulées par ses devanciers ; son point de départ est le point d'arrivée des autres. Sinon il passerait sa vie à contrôler les travaux antérieurs, et la science resterait stationnaire. » G. SORTAIS. *Opere citato*, t. II, p. 265.

(2) Cf. MONSABIE, *Introduction au dogme Catholique, Les témoignages*

manifestatio dicitur *revelatio*. Possibilitatem neconon et auctoritatem hujus testimonii denegant Rationalistæ qui, intellectum humanum in supremum magistrum erigentes, tenent nullam dari veritatem quam ratio humana per se attingere non possit; ideoque omnem revelationem rejiciunt. Possibilitatem igitur et auctoritatem divini testimonii declarare est in presenti articulo, neconon rationalismum rejicere.

II. Possibilitas revelationis affirmatur.—Quod enim Deus possit quasdam veritates hominibus manifestare nullo modo negari potest. Etenim 1° nulla datur *repugnantia ex parte Dei*; cur enim Deus omnipotens et cuius scientia est infinita non posset docere homines? Est-ne denegandum Deo quod cuique homini conceditur? —2° Nulla datur *repugnantia ex parte hominis*; ipsi enim naturaliter convenient doceri.—3° Nulla *repugnantia ex parte veritatis traditæ*; veritas enim tradita a Deo cum certitudine cognoscitur, et ab homine cognosci potest, si non omnino perfecte quoad suam naturam, saltem modo imperfecto quoad suam existentiam.—4° Nulla *repugnantia ex parte modi quo revelatur veritas*, quia Deus omnipotens potest signis propriis revelationem insignire, ita ut homo scire possit Deum locutum fuisse, et determinatas veritates tradidisse. *Revelatio* igitur possibilis est.

III. Auctoritas divini testimonii declaratur.

THESIS.—AUCTORITAS DIVINA CERTITUDINEM PRODUCIT, ET QUIDEM CERTITUDINEM METAPHYSICAM.

Prima pars.—Auctoritas semper certitudinem producit, dummodo constet de scientia et veracitate dicentis. Atqui scientia et veritas Dei tam certæ sunt ut nullo modo in dubium revocari possint; impossibile siquidem est omnino Deum falli aut fallere posse. Ergo auctoritas divina certitudinem producit.

Secunda pars.—Auctoritas divina producit certitudinem metaphysicam.—Certitudo metaphysica (p. 169) est firma

mentis adhaesio alicui veritati fundata in essentiis rerum. Atqui firmus mentis assensus testimonio divino praestitus propter auctoritatem divinam nititur in ipsa Dei essentia. Etenim iste assensus in scientia et veritate Dei fundatur, quae sunt de ipsam et essentia divina. Ergo auctoritas divina producit certitudinem metaphysicam.

IV. De rationalismo.—Rationalismus est systema eorum qui contendunt nullam adesse veritatem quam ratio humana attingere non valeat, ideoque denegant existentiam veritatum quae captum rationis superant, et revelationem divinam qua illae veritates nobis innotescunt.

Rationalismus dicitur *absolutus*, si directe veritatum supernaturalium existentiam denegat; *mitigatus* autem nuncupatur, si indirecte tantum haec denegatio habeatur, secundum quod ipsae veritates supernaturales ad modum veritatum naturalium explicantur.

THESES.—RATIONALISMUS ADMITTI NEQUIT.

Corda rationalistas sic arguitur:—Sunt veritates quae captum intellectus humani necessario superant. Ergo rationalismus non est admittendus. Antecedens triplici ex argumento demonstratur:

1° *Ex objecto proprio humani intellectus*:—Objectum proprium cuiuscumque facultatis est id quod primo attingitur ab illa facultate et quo mediante alia attingit: sic, color, respectu visus. Ergo intellectus humani capacitatem nulla veritas excedit, dummodo objectum intellectus proprium sit medium sufficiens ad omnia cognoscenda. Atqui objectum proprium intellectus nostri non est hujusmodi. Ergo necessario sunt quædam veritates quæ captum intellectus nostri excedunt.

Ad minorem: Etenim in praesenti rerum statu objectum proprium intellectus est quidditas rei materialis, quæ quidditas, licet sit medium sufficiens ad cognitionem rerum naturalium, tamen non valet nos ducere ad omnia præsertim de Deo cognos-

rerum.
estitus
sentia.
datur,
divina

eorum
humana
itatum
m qua
itatum
a nun-
secun-
tatum

s quæ
ratio-
argu-

ectum
ngitur
r, res-
nulla
la sit
ectum
neces-
exce-

ectum
ditas,
lium,
gnos-

cenda ; unde multa sunt de Deo quæ intellectus noster attin-
gere non potest.

Audiatur S. Thoms :

« Si intellectus aliquis rei substantiam comprehendit, nullum intelligibilium hujus rei facultatem humanae rationis excedet. Quod quidem nobis circa Deum non accedit. Nam ad substantiam ipsius capiendam, intellectus humanus non potest naturali virtute pertingere, quam intellectus nostri, secundum modum praesentis vita, cognitio a sensu incipiat. Et ideo ea quæ in sensu non cadunt non possunt humano intellectu capi, nisi quatenus ex sensibus eorum cognitio colligitur. Sensibilia autem ad hoc ducere intellectum nostrum non possunt, quum sint effectus cause virtutem non sequentes. Sunt igitur quædam intelligibilium divinorum, quæ omnino vim humanae rationis excedunt. » (1)

2° *Ex intelligentium gradibus*. — Quando intellectus est superior et magis elevatus, tanto plura potest intelligere quæ inferiorem intellectum excedunt : id patet in rustico qui nullo modo philosophie subtile considerationes capere potest. Atqui intellectus humanus non est nobilissimus, intellectus enim angeli plus excedit ipsum quam intellectus optimi philosophi intellectum rudissimi idiotæ, multoque amplius intellectus divinus excedit angelicum, quam angelicus humanum. Ergo plura sunt quæ cognoscuntur a Deo et ab angelis, quæ intellectus humanus per se capere non potest.

« Sieut igitur maximæ amentiae esset idiota, qui ea quæ a philosopho proponuntur falsa esse assereret, propter hoc quod ea capere non potest, ita et multo amplius nimis stultitiae esset homo, si ea quæ divinitus angelorum ministerio revealantur, falsa esse suspicaretur, ex eo quod ratione investigari non possunt. » (2)

3° *Ex defectu quem in rebus cognoscendis quotidie experimur* : — Magis videtur possibile omnia cognosci de rebus sensibiliibus quam omnia quæ ad Deum pertinent. Atqui rerum sensibilium multas proprietates ignoramus, ut facile ex expe-

(1) *Summa contra gentiles*, I, 3.

(2) S. THOMAS : loc. cit.

rientia constat. Ergo multo amplius omnia intelligibilia de Deo ratio humana investigare non sufficit. Unde asserit Aristoteles, (*Metaph.* t. II, C. I) « intellectus noster sic se habet ad prima entium, quæ sunt manifestissima in natura, sicut oculus vespertilionis ad solem. »

V. Corollaria. 1° Fides quæ nititur auctoritate divina non tantum rationi non contrariatur, sed ipsi magnum confert subsidium.⁽¹⁾ Etenim testimonium divinum vel est de veritatibus quæ captum rationis humanæ non excedunt, v. g., de origine mundi, de spiritualitate et immortalitate animæ, et ratio certior fit seu confirmatur in his quæ propria virtute cognovit ; vel est de veritatibus quæ viribus intellectus præstant, et ditescit cognitio humana, cum notitiam veritatum acquirit quas nunquam per se ratio attingere potuisset.

2° Nulla potest dari oppositio in rationem et fidem divinam, cum veritas veritati opponi non potest, sed una et altera ad invicem sibi mutuum auxilium ferunt. Scientia quidem imperfecta potest aliquando videri veritatibus fidei adversa, sed dum fit perfectior, harmonia inter scientiam et fidem appareat.

« De quelque sommet que sa source desceode, quelques contrés qu'il ait traversées en 200 cours, quelques scènes de la nature ou de l'histoire qu'il ait reflétées dans le miroir de ses caux, quelques cataclismes dont le souveoir soit parfois inséparable de son nom, il n'y a pas de fleuve pas de Loire ou de Rhône, il n'y a pas d'Amazone ou de Gange, dont les flots orgueilleux, co. fondus à leur embouchure avec ceux du ruisseau le plus humble, ne finissent par abdiquer leur personnalité dans l'immensité de l'Océan : c'est à peu près ainsi, Messieurs, qu'il n'y a pas de progrès de la pensée, pas d'accroissement ou d'enrichissement de l'esprit, quelle qu'eo soit l'origine et de quelque renouvellement

(1) « La raison et la foi sont deux filles du même père par lesquelles tous nous vivoos. Elles formeot deux soleils brillaot au ciel de notre âme, deux forces coostituaot le priocipe et le complément de ootre grandeur, deux aides qui nous foot prendre ootre vol vers la pleioe coonalssance de la vérité ; la raison en uo mot, est l'œil de l'homme qui voit à l'aide de l'œil de Dieu, qui est la foi. »

PIE X, *Discours adressé aux étudiants catholiques des Universités italiennes,* mai 1909.

de l'intelligence humaine qu'il ait été le principe, qui ne finisse aussi, lui, par s'identifier à l'immuable vérité, dans l'ample sein du catholicisme. L'expérience en est faite aujourd'hui.» (1)

ARTICULUS III

DE AUCTORITATE HUMANA

I. Status questionis. — *Testimonium humanum vel est attestatio omnium hominum, et vocatur *consensus universalis*, vel est affirmatio quorumdam tantum, et *testimonium humanum simpliciter* dicitur.* Illud autem *testimonium humanum* est *orale, scriptum vel monumentale*; est *historicum vel dogmaticum*. De idoneitate *consensus universalis* ad certitudinem faciendam, necnon et de valore cuiuscumque *testimonii* proponitur *questio* in præsenti articulo.

II. Vis consensus universalis perpenditur. — *Consensus universalis versari potest circa veritates quæ sunt fundamentum vitæ rationalis, vel circa veritates ordinis potius scientifici quæ nullam important necessitatis relationem ad vitam rationalem.* In primo casu *consensus universalis* dicitur

(1) F. BRUNETIÈRE, Conférence sur l'*Action Catholique*, faite à Tours, le 23 février, 1901.

sensus naturæ communis qui definiri potest : aptitudo naturalis, naturæ rationali insita, recte judicandi de veritatibus quæ ad vitam rationalem ducendam vel saltem inchoandam necessariæ sunt. Homo autem vitam rationalem in triplici societate ducere debet, domestica, scilicet, civili et religiosa. Veritates igitur quæ sunt fundamenta hujus triplicis societatis constituant objectum sensus naturæ communis, v. g. — Parentes sunt colendi. — Superioribus est obediendum. — Homo gaudet libertate. — Deus existit. — Deus est Providentia. — Existit lex moralis. — Bonum est faciendum, malum vitandum. — Anima humana est immortalis. — Tribuendum est cuique quod suum est, etc. Ista sunt judicia sensus naturæ communis, sunt enim constantia, universalia et communia, necnon efformantur circa veritates societati humanæ necessarias. De sensu naturæ communi sequens proponitur thesis :

THESIS.—SENSUS NATURÆ COMMUNIS INTRA LIMITES PROPRII OBJECTI GIGNIT CERTITUDINEM

Dicitur *intra limites proprii objecti*, scilicet circa veritates quæ ad vitam rationalem ducendam necessariæ sunt. Etenim circa alias veritates, praesertim ordinis scientifici, consensus etiam universalis certitudinem non facit, nec repugnat ipsum haberi circa falsi. Homines olim, consensu moraliter unanimi, existimarent terram esse immobilem et solem moveri circa ipsam.

Demonstratio.—1° Consensio omnium, ut ait Tullius, lex naturæ putanda est. Non possunt enim omnes homines, cum sint tam diversæ indolis, educationis et religionis, cum different loco, tempore, vite consuetudinibus, in eadem judicia unanimi censensu conspirare, nisi ipsius naturæ rationalis motu naturali dirigantur. Atqui natura rationalis ad veritatem ordinata non potest nos fallere. Ergo sensus naturæ communis circa judicia sibi propria certitudinem gignit.

turalis,
quæ ad
necess-
ocietate
eritatis
consti-
arentes
gaudet
Existit
um.—
e quod
s, sunt
nantur
naturæ

LIMI-
TUDI-

ritates
t enim
sensus
ipsum
una-
ncveri

ullius,
mines,
, cum
udicia
motu
tatem
munis

2º Consensus ille universalis diversi modo a philosophis explicatur; sed quæcumque sit illa explicatio, semper apparet ipsum consensum circa judicia sibi propria certitudinem facere. Etenim alii, ut traditionalistæ, dicunt consensum omnium apud omnes pervenit; alii, ut Reid⁽¹⁾ et discipuli ejus, docent homines moveri ad ista judicia communia *instinctu cæco naturæ*, alii tandem ad motum naturalem ipsius intellectus appellant. Atqui neque primitiva Dei revelatio, neque instinctus cæcus naturæ a Deo creatus, neque motus naturalis ipsius intellectus nos fallere potest. Ergo sensus naturæ communis intra limites proprii objecti certitudinem gignit.

Consensus universalis igitur non est quidem omnino spernendus, ut posuit Baco⁽²⁾, nec absolute accipiendus ut unica veritatis expressio circa omnes veritates, ut proposuit Lamennais⁽³⁾, sed habendus est ut fons certitudinis quo auctor naturæ vitæ rationali consultit, manistrans omnibus qui usum habent rationis, expeditam cognitionem eorum quæ ad fundamentum vitæ humanæ, in ordine domestico, civili et religioso pertinent.⁽⁴⁾

III. De testimonio orali. — Testimonium orale esse potest de factis coævis, vel de factis præteritis. Prout autem facta præsentis ætatis refert, cum quidem de scientia et veritate dicentis certo constare potest, nullum datur dubium quin certitudinem producat. Prout autem est de factis præteritis proprie dicitur *traditio oralis*, series scilicet non interrupta testium quorum alii aliis facta referunt. Locke et Bayle vim traditionis denegantes, ipsum certitudinem facere non posse

(1) Philosophus scotus (1710-1796).

(2) « Le consentement universel ne prouve rien, il est plutôt une marque d'erreur. » BACON.

(3) « Est vrai tout jugement confirmé par le consentement universel de l'humanité... Le consentement commun est pour nous le sceau de la vérité, il n'y en a pas d'autre. » F. NE LAMENNAIS. *Essai sur l'indifférence en matière de religion*, c. 13.

(4) « Mais je tiens qu'il est mal, sur quoi que l'on se fonde,
De fuir obstinément ce que suit tout le monde,
Et qu'il vaut mieux souffrir d'être au nombre des fous,
Que du sage parti se voir seul contre tous. »

MOLIÈRE

dixerunt. Quamvis autem iste modus transmissionis factorum sit magis instabilis et facilius errandi occasionem præbere queat, tamen, positis conditionibus, circa facta publica maximi momenti non est cur certitudinem non gigneret. Sit igitur.

**THESIS.—TRADITIO ORALIS, DE FACTIS PUBLICIS
MAXIMI MOMENTI, POSITIS CONDITIONIBUS,
CERTITUDINEM PRODUCIT.**

Dicitur *positis conditionibus*, requiritur enim 1° Ut factum sit publicum et maximi momenti, hujus scilicet naturæ ut v. g., ad vitam civilem vel politicam, aut ad religionem populorum pertineat.

2° Ut traditio sit *non interrupta*, ut scilicet vestigia ejus semper inveniantur a tempore præsenti usque ad tempus cœcum facti quod est objectum traditionis.

3° Ut traditio sit *uniformis*, saltem quoad substantiam facti, et circumstantias essentiales, scilicet quod testes sibi non contradicant.

Demonstratio. — Testimonium certitudinem producit, dummodo constet de scientia et veracitate testium. Atqui circa facta publica maximi momenti, constare potest de scientia et veritate testium quorum series traditionem oralem constituit. Ergo traditio oralis circa facta publica maximi momenti certitudinem producit.

Ad minorem. — 1° *Quoad scientiam.* — Agitur enim de facto publico, obvio, maximi momenti, quod testes immediati facile percipere potuerunt, et circa quod deceptio videtur esse impossibilis. Error autem testium subsequentium non potest magis admitti. Etenim tempore eventus, quod supponimus esse publicum et maximi momenti, testes immediati sunt multi, et diversæ ætatis; successio autem generationum non fit repleta et in instanti, sed gradatim homines unius generationis e medio reducunt in quorum locum alii etiam gradatim succidunt, ita ut homines plurium generationum simul existant. Illa porro compenetratio generationum impedit ne generatio sub-

sequens dicipiatur circa facta publica generationis antecedentis. Præterea deceptio fit etiam impossibilis ex eo quod sæpe sæpius facta illa adhuc permanent in suis effectibus. De scientia igitur testium quorum series traditionem oralem constituit constare potest.

2° *Quoad veritatem.* — Veracitas testium, dum agitur de facto publico maximi momenti facile appareat, 1° *ex multitudine primorum testium.* Non possunt enim multi testes, aetate, educatione, moribus, religione sæpe sæpius diversi, convenire in eodem facto affirmando, nisi veritas facti ipsorum testium convenientiam explicet. Multitudo igitur testium mendacium excludit. 2° *Ex legibus moralibus quæ mendacium in quibusdam adjunctis impossibile reddunt.* Homines non mentiuntur nisi propter commodum vel propter passiones⁽¹⁾. — Affirmatio igitur alicujus facti quod nihil confert utilitati vel passionibus affirmantis, vel quod ipsis contrariatur est sincera et verax. — Homines non mentiuntur quando sciunt mendacium suum detegi posse. — Etenim ex una parte mendacium et turpe ab omnibus babetur, et homines, ex altera parte, non sinunt, cum id impediri valeant, spargi mendacia a quibus vel nullum commodum, vel a fortiori aliquod damnum reportant. Attestatio igitur alicujus facti publici, cuius momentum magnum est, et quæ nullum suscitat contradictionem ex parte eorum qui contradicere potuissent et debuissent, est attestatio verax. Tanta autem est vis illarum legum moralium quod etiamsi testes sint pauci, cum nullum commodum ex sua affirmatione reportent, immo damnum patientur, si nemo contradicit qui contradicere potuisset et debuisset, de veracitate ipsorum constat, et præsupposita scientia factum tanquam certum baberi potest.

IV. De testimonio scripto. — Testimonium scriptum

(1) « L'homme a une inclination naturelle à reconnaître et à affirmer la vérité, et il ne se laissera aller à l'erreur et surtout à l'imposture, que lorsqu'il y sera poussé par des affections ou des intérêts assez puissants pour entraîner la volonté libre en sens contraire. » De SMENT, *Principes de critiques historique*. Paris 1883, p. 61.

maximi momenti est, cum pleraque factorum testimonia sub hac forma nobis innotescant.

THEISIS.—TESTIMONIUM SCRIPTUM POSITIS CONDITIONIBUS VERAM CERTITUDINEM PRODUCIT.

Illa facta sunt certa quæ referuntur in libris seu scriptis de quorum authentia, integritate, et auctoritate constat. Atqui frequenter hæc certo constare possunt. Ergo testimonium scriptum certitudinem producit.

Ad majorem. — Ille liber *authenticus* dicitur qui revera est scriptoris vel saltem ætatis cui tribuitur; aliter, dicitur *apocryphus*. *Integer* est liber qui talis est qualis ab auctore scriptus est, in quo scilicet nulla additio, vel subtractio, vel corruptio facta fuit; aliter dicitur *interpolatus*. Tandem liber auctoritatem babet cuius auctor est fide dignus, scilicet sincere scripsit ea quæ scientia certa novit. Ex his autem clare appareat veritas majoris.

Ad mirorem. 1° *De authentia libri constare potest.* Illa enim authentia appetet signis seu criteriis tum extrinsecis tum intrinsecis. *Signa autem extrinseca*, et quidem præcipua, sunt traditio oralis et testimonia scripta quæ directe vel indirecte librum alicui auctori vel ætati tribuunt. Traditio enim publica et continua de libri authentia certitudinem facit. Ita, testimonia aliis scriptis contenta quæ tribuunt aliquem librum certo auctori, vel textus quosdam istius libri referunt tanquam verba hujus auctoris, authentiam ejus clare demonstrant. — *Signa autem intrinseca* sunt *doctrina*, *stylus*, aliaque particulae quæ debent esse conformia his quæ de auctore vel de tempore quo vixerit jam cognoscuntur. Si agatur de manuscriptis, alia signa haberi possunt in ipsa materia libri, in modo litteras formandi, etc. ⁽¹⁾

(1) « L'âge d'un manuscrit se reconnaît à la nature de la substance qui en forme les feuillets, papyrus, parchemin, papier de coton ou de chiffé, à la

2° De integritate libri. — Quod liber ab omni substantiali alteratione immunis sit, signis etiam internis et externis demonstratur. Signa autem interna inveniuntur in unitate doctrinæ et styli, atque in concordia omnium libri partium. Signa vero externa in gravissimorum scriptorum auctoritate, in comparatione diversorum exemplariorum cum codice originali, vel ad invicem, in concordantia diversarum editionum manifesta habentur.

3° De auctoritate libri. — Liber auctoratem habet cuius auctor est fide dignus; auctor autem fidem sibi vindicat cum scientiam habet eorum quæ narrat, eaque exponit cum omnimoda veracitate. Constare igitur de auctoritate alicujus libri, est constare de scientia et veracitate auctoris.

Scientia autem auctoris apparet: *ex natura rei narratae* quæ nec veritati jam certo cognitæ, nec possibilitati repugnat; — *ex perspicacitate cognita ipsius auctoris* quæ omnem deceptionem impedit et in his quæ ipse experitur, et in his quæ ex aliorum testimonio cognoscit; — *ex manifesta ejus prudencia*⁽¹⁾ quæ in judiciis ferendis animi præcipitationem necnon et præjudiciorum, passionum et phantasie impulsu prohibet; — tandem *ex ejus desiderio cognito veritatis cognoscendi*.

Veracitas vero apparet: *ex natura rei narratae* cuius momentum et notitia mendacium impossibile reddere possunt; — *ex circumstantiis* quæ tales esse possunt ut auctor nullum commodum, quinimmo potius incommodum ex mendacio reportaret; — *ex honestate et probitate vita* quæ nec dubium de-

reté ou à la multiplicité des abréviations, à la manière de les indiquer, au caractère de l'écriture, des ornements et autres détails qui ont varié suivant les diverses époques. La science paléographique a su établir, par la comparaison d'un grand nombre de manuscrits ayant une date certaine, des règles qui permettent à un œil exercé de préciser assez exactement le siècle ou la fraction de siècle à laquelle appartient un manuscrit donné.» Dr SMEDT, op. cit. p. 86.

(1) « Les notes des touristes sur le caractère et les moeurs des pays qu'ils ont rapidement parcourus, portent souvent le caractère de légèreté ou de précipitation de jugement qui ôte à peu près toute valeur au témoignage.» Dr SMEDT, opere cit., p. 119.

veracitate auctoris permittunt ; — *ex amore veritatis* cui auctor unice studet.

De authentia integritate et veracitate scriptorum certiores igitur fieri possumus, ideoque testimonium scriptum veram certitudinem producit.

V. De testimonio monumentali. — Monumenta, ut jam diximus, sunt opera artis quæ ad alicujus facti vel doctrinæ memoriam servandam erecta sunt. Pauca autem sunt dicenda de testimonio quod referunt. Illud enim testimonium, positis conditionibus, certitudinem producit sicut testimonium orale et scriptum, nam conditiones quæ prærequiruntur sunt *authentia* et *auctoritas* de quibus constare potest eisdem mediis quibus demonstratur authentia et auctoritas testimonii scripti.

Quantum sit momentum testimonii monumentalis, clare appareat ex multitudine notitiarum quas historia, et in genere scientia, ex monumentorum studio reportaverunt. Pulcherrimum autem hujus rei exemplum habetur in his quæ inventa sunt ab archeologis in investigationibus ad catacumbas romanas ; quæ quidem inventa historiæ originis christianismi necnon ipsi veritati catholicæ tantam utilitatem contulerunt.

VI. De testimonio historico. — Testimonium historicum dicitur quia facta refert, historia enim est factorum scientia. Valor hujus testimonii sequenti thesi declaratur.

**THESES.—AUCTORITAS HUMANA, IN RE HISTORICA,
CERTITUDINEM MORALEM PRODUCIT.**

1° *Auctoritas humana, in re historica, certitudinem producit.* — 1° Facta affirmantur traditione orali, documentis scriptis, et monumentis. Atqui jam demonstratum est traditionem oralem, documenta scripta, et monumenta, positis conditionibus, certitudinem producere. Ergo auctoritas humana, in re historica, certitudinem producit.

2° Facta historica sunt sensibilia et publica, ideoque in ordinariis adjunctis facile cognoscuntur. Atqui homo natu-

alem habet inclinationem ad veritatem aliis tradendam prout eam noverit. Ergo in re historica, nisi contrarium demonstretur, constet de scientia et veracitate testimoniū. Atqui ubi constat de scientia et veracitate testimoniū, solidum habetur certitudinis fundamentum. Ergo auctoritas humana, in re historica, certitudinem producit.

3° Confirmatur ex experientia. Quotidie enim vidimus homines hominibus naturaliter credere, et testimonium aliorum in omnibus vitae necessitatibus et commerciis, ut verum accipere, dummodo non sit ratio specialis dubitandi.

II° Auctoritas humana certitudinem moralem producit.

Auctoritas humana certitudinem producit quando certo constat de scientia et veracitate dicentis, si enim probabilis sit tantum scientia vel veritas, auctoritas opinionem, non autem certitudinem facit.—Certitudo moralis est firma adhesio mentis alicui cognoscibili fundata in universalibus atque constantibus hominum moribus. Atqui certitudo quæ ab auctoritate humana producitur in moribus hominum fundatur, in quantum nititur lege quadam morali, vi cuius homines naturaliter et constanter veritatem aliis tradunt prout ipsam noverunt, ita ut nunquam decipiunt nisi sit motivum naturalem inclinationem ad veracitem perturbans. Ergo auctoritas humana certitudinem moralem producit.

VII Solvuntur dubia — 1° Auctoritatis robur generationum successu, volventibus annis imminuitur. Atqui ita minui potest ut nullum evadat. Ergo testimonium historicum non valet producere certitudinem.

Dist. maj. circa facta levis momenti, *transeat*; circa facta publica et maximi momenti, *subdist.*, circa substantiam facti et adjuncta essentialia, *nego* circa alia adjuncta, *transeat*.

Dist. min. circa facta levis momenti, *conc.*, circa facta publica majoris momenti, *subdist.*, circa substantiam facti et adjuncta essentialia, *nego*: circa alia adjuncta, *cone*.

2° Atqui circa facta publica maximi momenti decrescit decursu temporis firmitas auctoritatis. Ergo reddit difficultas.

Testes mediati sunt minus fide digni quam testes immediati. Atqui si res ita sit quo remotiores sunt testes eo minor fides ipsis debetur. Ergo circa facta quaecumque decrescit decursu temporis via testimonii.

Dist. maj. in se et absolute, *nego*; relative, secundum ordinem ad quendam adjuncte *conc.* *Transsat minor.*

Dummodo constet de scientia et veritate testis, ipse est fide dignus, sive sit immediatus sive sit mediatus. Omnis enim affirmatio sincera scientie certe est expressio veritatis. Cum autem testis immediatus mediato presertur, hoc habetur propter amplitudinem testimonii. Plura sunt enim particularia adjuncta facti que testis ocularis attestari potest, at de quibus testis auritus nihil cognovit.

3^o Atqui in se testis mediatus est minus fide dignus. Ergo.

Major est certitudo de rebus visis quam de auditis. Atqui testis immediatus testatur de rebus visis, testis mediatus de auditis. Ergo testis mediatus est minus fide dignus.

Dist. maj. magis excitatur sensibilitas rebus visis quam ab auditis, *cono.*; major producitur certitudo a visis quam ab auditis, *nego*. *Concedo minorem.* *Nego consequens et consequentiam.*

4^o Testis unus, testis nullius. Atqui multitudo est numerus ex pluribus unitatibus resultans. Ergo testimonium quocumque est nullum.

Dist. maj. In re judiciali, *transsat*; absolute, *subdist.*, si de ejus scientia et veritate non constet, *cono.*; aliter, *nego*.

Concedo minorem, nego consequens, etc.

Quia quidem difficilis est determinare scientiam et veritatem unius testis quam plurium, ad vitandum condemnationem alicujus innocentis, ista liti capitis, tanquam regula babebatur in jure romano, *testis unus, testis nullus*. Non est tamen absolute accipienda illa propositio. Cum enim certitudo habetur de scientia et veritate testis, etiamsi unicus sit, cognitionem certam facit.

5^o Singuli testes possunt errare. Atqui quod possunt singuli possunt omnes. Ergo testimonium certitudinem producere non potest.

Transsat major. — *Dist. min.*, absolute, *cono.*; ita ut collectio plurium testium nihil conferat ad deceptionem et errorem impediendum, *nego*.

Etenim ubi sunt plures testes, praesertim si differant loco, estate, moribus, religione, certior babetur facti cognitio et impossibile fit mendacium. Multitudine testium igitur majorem confert facilitatem ad scientiam et veritatem testium determinandum, et ad deceptionem et errorem impediendum.

VIII. De testimonio dogmatico. — In rebus facti testimonium veram certitudinem producere potest; est-ne idem dicendum in rebus doctrinæ? Alii maximam, alii nullam fecerunt sapientium auctoritatem. Quid autem de ipsa sententia sit sequenti thesi dicitur:

THEISIS.—AUCTORITAS SAPIENTIUM DOCTRINAM CERTAM NON FACIT, SED PROBABILEM.

Prima pars.—Auctoritas cognitionem certam facit dum certo constat de scientia et veritate dicentis. Atqui in rebus doctrinæ nunquam certitudo haberi potest de scientia dicentis. Ergo auctoritas sapientium et doctorum doctrinam certam non facit.

Ad minorem.—Etenim dum agitur de *facto*, facile constat de scientia dicentis cum sufficit ipsum sensus habuisse recte dispositos et convenienter adhibitos; sed non idem est dum agitur de doctrina seu de dogmate. Non possumus enim certitudinem habere de scientia sapientis, nisi ponderando rationes ejus et probationes quæ quidem, si ut demonstrativæ accipientur, jam scientiam faciunt in nobis non autem *fides*, quia assensus doctrinæ præstatur non propter auctoritatem dicentis, sed propter evidentiam mediatam ipsius doctrinæ quam ex probatione ejus perspeximus. Unde axioma: *Tantum valet auctoritas quantum valent rationes*. Si igitur assensus doctrinæ præstatur propter auctoritatem sapientis, jam de ejus scientia non constat; quia ubi de scientia ejus constat, assensus præstatur non propter auctoritatem, sed propter evidentiam intrinsecam.

Secunda pars.—Illud facit doctrinam probabilem quod natum est mouere viri prudentis assensum, cum tamen errandi formidine. Atqui hujusmodi est auctoritas sapientium, juxta principium: *Peritis in arte credendum*. Ergo auctoritas sapientium doctrinam probabilem facit.

Probabilitas autem sententiae crescit non tam auctorum numero quam rationibus. *Auctores* enim non numerantur sed ponderantur, ita ut pauci, vel paucissimi doctores omni exceptione majores, majorem habent auctoritatem quam totus grex ingeniorum minorum.⁽¹⁾

(1) « Il ne faut ni mépriser les autorités ni s'en contenter; la seule attitude rationnelle du savant et du philosophe vis-à-vis de ceux qui l'ont précédé, c'est le respect. C'est en observant une règle si sage que le savant se

IX. De critica et hermeneutica.—*Nullum testimonium certitudinem producere potest, nisi constare possit de ejus authentia et auctoritate. Ars determinativa authentiae et auctoritatis testimoniorum dicitur Critica. Enumeravimus superius media quibus utuntur critici ad talem autentiam et auctoritatem determinandum.*

Jamvero non sufficit certitudinem habere de testimoniorum valore ; requiritur insuper ut certa sit interpretatio sensus ipsorum. *Ars autem interpretandi sensum testimoniorum dicitur Hermeneutica.* Ad rectam testimonii interpretationem requiruntur : 1° cognitio perfecta lingue in qua testimonium habetur ; 2° cognitio quedam rerum de quibus agitur ; 3° cognitio eorum quae ipsum testimonium circumscribit, id est quae spectant ad personam testis, ad ejus doctrinam, intentionem, etc. : 4° si agatur de inscriptionibus, perfecta cognitio modi proprii quo litteræ efformantur, etc.

tiendra à égale distance d'un isolement orgueilleux et d'un assujettissement servile à la pensée d'autrui.

De fait, la connaissance de ce qui a été dit avant lui simplifie beaucoup la tâche du savant.

1. Tout d'abord, il y trouve une certaine somme de vérités désormais acquises à la science, des conquêtes définitives qu'il serait aussi regrettable de laisser se perdre que puérile de vouloir recommencer. Imagine-t-on aujourd'hui un philosophe qui s'enfermerait dans son cabinet pour trouver les règles du syllogisme, ou un calculateur s'acharnant à reconstruire les tables de logarithmes ? Sans doute, le savant ne doit pas accepter tous ces résultats sans contrôle ; mais il faut bien reconnaître qu'il est plus facile de vérifier une démonstration que de l'inventer.

2. Et là même où les recherches antérieures n'ont pas abouti, il trouvera du moins une foule de problèmes posés, de faits analysés, de discussions plus ou moins ingénieuses, dont il pourra toujours faire son profit. Il n'est pas jusqu'aux erreurs elles-mêmes qui ne puissent le mettre sur la trace de la vérité.

3. Enfin, les opinions de ceux qui nous ont précédés sont toujours un précieux contrôle pour nos propres idées ; une garantie de plus, si elles les confirment ; un motif de défiance, si elles les contredisent.

Concluons que toute science a une partie historique, de nature à faciliter grandement le travail de ceux qui suivent, et qu'il n'est plus permis aujourd'hui d'aborder l'étude d'une science, sans en consulter l'histoire. Il y a là comme une règle de méthode générale que Descartes et Bacon ont le tort de méconnaître.» CH. LAURE, *Éléments de philosophie scientifique*, p. 175.

LIBER TERTIUS

DE MODO ORDINATE PROCEDENDI AD CONSEQUENDUM CERTITUDINEM

Prologus.—Certitudo existit, et facultates nostræ cognoscitive ad verum sensibile vel intelligibile certo cognoscendum ordinantur; circa ea autem quæ nobis in se non apparent, testimonio aliorum cognitio certa comparatur. Multæ sunt igitur rerum cognitiones evidentes et certae. In tali vero multitudine, ne generetur confusio, requiritur ut istæ veritates ad unitatem aliquo modo reducantur, et apta methodo in systema quoddam scientificum coadunentur. En igitur ratio tertii libri cui titulus est, de modo ordinate procedendi ad consequendum certitudinem, et cujus duplex erit capitulum, unum *de scientia*, alterum, *de methodo*.

- 1° *De scientia*
- 2° *De methodo*

CAPUT PRIMUM

ARTICULUS UNICUS

DE SCIENTIA

I. Scientiae definitio. Scientia, subjective considerata, *latori sensu*, quamlibet cognitionem significat; *lato sensu*, cognitionem certam; *stricto sensu*, cognitionem certam et evidentem rerum per causas, seu per demonstrationem habitam. (Cf. p. 135.) Tamen scientia etiam objective sumitur, nempe pro ipsa veritate cognita, vel pro collectione veritatum cognitarum, et hoc sensu in praesenti articulo accipitur. Definitur ergo scientia: *systema conclusionum quae ad determinatum objectum referuntur, et sub principiis certis a quibus deducuntur, ad ordinem et unitatem rediguntur.*

Dicitur a) *systema conclusionum*, scilicet, complexus veritatum quae ad invicem mutuo nexu conjunguntur. Ex hoc scientia ab arte distinguitur. Ars enim non est *systema conclusionum*, sed *complexus regularum*; non *verum* considerat, sed *pulchrum et bonum*; est *recta ratio factibilium*, circa igitur *particularia et contingentia* versatur, scientia autem circa *universalia et necessaria*.

Dicitur *b) quæ ad determinatum objectum referuntur*, quia quæcumque scientia mediante objecto suo specificatur et ab aliis scientiis distinguitur.

Dicitur *c) sub principiis certis a quibus deducuntur*, scientia enim est cognitio certa, unde a principiis certis procedere debet; tamen licet scientia per prius conclusiones certas respiciat, complectitur etiam saltem secundario conclusiones probabiles.

Tandem *d) ad ordinem et unitatem rediguntur*, multitudo enim confusa cognitionum, etiamsi ad idem objectum spectant, non potest dici scientia, nisi ordine quodam convenienti ad unitatem redigatur.

II. Scientiæ objectum.—Objectum scientiæ est duplex, *materiale* scilicet et *formale*.

Objectum materiale est illud circa quod scientia versatur, id nempe quod a scientia cognoscitur, v. g., corpus humanum est objectum materiale medicinæ.

Objectum formale est ratio sub qua scientia objectum suum materiale respicit, seu id quod primo et per se a scientia attingitur in objecto materiali, v. g., corpus humanum a medicina respicitur sub ratione *sanabilitatis*; ipsa sanabilitas est id quod a medicina primo et per se attingitur. Res ipsa quæ sic primo et per se attingitur, *objectum formale* quod etiam vocatur, est revera id quod cognoscitur, id quod scitur; et distinguitur contra *objectum formale* quo quod significat medium quo scientia *objectum formale* quod attingit. Illud autem medium in scientiis sunt principia quibus conclusiones probantur, quæ principia sese habent ut lumen sub quo *objectum formale* quod percipitur..

Objectum formale quod, dicitur *objectum ut res*, *ratio formalis ut quæ seu ut res*, quia est *res* seu *ratio entitativa* quæ a scientia primo attingitur, id quod terminat actum scientiæ. *Objectum formale* quo dicitur *objectum ut objectum*, *ut scibile*, *ratio formalis sub qua seu ut objectum*, quia est *ratio illa per quam res evadit scibilis seu cognoscibilis*.

Objectum formale quo dicitur etiam gradus immaterialitatis seu separabilitatis a materia qui ipsi objecto formalis quod convenit. Etenim *objectum*

formale quo est ipsa ratio qua res evadit scibilis seu cognoscibilis : sed unumquodque est scibilis seu cognoscibile secundum quod est immateriale. Secundum igitur diversos gradus immaterialitatis sunt diverse rationes scibilitatis.

III. Principium specificativum scientie.

THESIS.—SCIENTIA SPECIFICATUR AB OBJECTO, ET
QUIDEM AB OBJECTO FORMALI QUO.

Prima pars.—Scientia essentiale dicit ordinem ad objectum tanquam ad terminum, Deficiente enim objecto quod sit terminus cognitionis nostræ, nulla datur scientia. Atqui quidquid essentiale importat ordinem ad aliud, ab ipso denominatur et specificatur, sic, v. g., omnis motus a termino suo specificatur. Ergo omnis scientia specificatur ab objecto suo.

Secunda pars.—Scientia specificatur secundum quod dicit ordinem ad objectum. Atqui scientia non dicit ordinem ad objectum prout est res, sed prout est scibile. Ergo principium specificativum scientie est objectum ut scibile. Atqui objectum ut scibile est objectum formale quo. Ergo scientia specificatur ab objecto et quidem ab objecto formalis quo.

« Sicut ratio formalis visibilis sumitur ex lumine per quod color videtur, ita ratio formalis rei scibilis accipitur secundum principia, ex quibus aliquid scitur. Et ideo quantumcumque sint aliqua diversa scibia per suam naturam, dummodo per eadem principia sciantur, pertinent ad unam scientiam, quia non erunt jam diversa in quantum sunt scibia. »⁽¹⁾

IV. Scientie divisio. *Ratione finis* scientia dividitur in *speculativam* et *practicam*. Scientia speculativa est illa quae sistit in contemplatione veritatis. Scientia practica est illa quae veritatem ordinat ad opus.

(1) S. T. I. Post., l. 1.

Ratione fontis scientiæ dividuntur in *experimentales*, *philosophicas* seu *rationales*. et *theologicas*. Scientiæ experimentales sunt illæ quarum principia experientia cognoscuntur. Scientiæ philosophicæ seu rationales sunt illæ quarum principia ratione acquiruntur. Scientiæ theologicæ illæ sunt quarum principia revelatione innotescunt.

Ratione objecti ⁽¹⁾ multiplex proponitur scientiarum divisio. Praeter Baconem qui scientias distibuit prout ordinem dicunt vel ad *phantasiam*, vel ad *memoriam*, vel ad *rationem*, quæ divisio objectiva non est, A. M. Ampere ⁽²⁾ (1775-1836) et A. Comte (1798-1857), diversas scientiarum divisiones proposuerunt. Ampere scientias divisit ratione objecti materialis: scientiæ aliæ sunt materiales seu *cosmologicæ*, aliæ spirituales seu *noologicæ*. Sub istis duabus generalibus divisionibus scientiæ sic distribuuntur:

Scientiæ cosmologicæ	$\left\{ \begin{array}{l} \text{proprie dictæ} \quad \left\{ \begin{array}{l} \text{Mathematicæ} \\ \text{Physicæ} \end{array} \right. \\ \text{improprie dictæ} \quad \left\{ \begin{array}{l} \text{Naturales} \\ \text{Medicæ} \end{array} \right. \end{array} \right.$
Scientiæ noologicæ	$\left\{ \begin{array}{l} \text{proprie dictæ} \quad \left\{ \begin{array}{l} \text{Philosophicæ} \\ \text{Dialegmaticæ} \quad (\text{signorum scientiæ, litteræ,} \\ \text{artes etc.)} \\ \text{Ethnologicæ} \end{array} \right. \\ \text{improprie dictæ} \quad \left\{ \begin{array}{l} \text{Politice} \end{array} \right. \end{array} \right.$

A. Comte et positivistæ dividunt scientias in *mathematicam*, *astronomiam*, *physicam*, *chimiam*, *biologiam*, *sociologiam*.

Neque divisio prima, neque secunda admitti potest. Etenim scientiæ non distinguuntur ad invicem secundum diversitatem objectorum materialium, sed formalium. Non est igitur divisio scientiarum facienda ratione objecti materialis, ut fit ab ipso Ampere. Rejicitur vero divisio positivistarum quia est incompleta, omittuntur enim scientiæ philosophicæ et theologicæ.

(1) Cf. G. SORTAIS, *Traité de philosophie*, t. II. pp. 83 et seq.
 (2) *Essai sur la philosophie des sciences*.

Juxta autem Albertum Magnum et scholasticos, scientiæ humanae dividuntur in *Physicam*, *Mathematicam*, *Metaphysicam*, *Logicam* et *Moralem*. Dicitur scientiæ humanae, quia præter ipsas, scientia datur divina, nempe *Theologia sacra*. Illa autem divisio est retinenda.

Etenim scientiæ distinguuntur ab objecto formali secundum gradum abstractionis a materia. Atqui secundum gradum abstractionis a materia, quinque illæ primariæ scientiæ objecto formali diverso distinguuntur. Ergo jure merito scientiæ dividuntur in *Physicam*, etc.

Primus gradus abstractionis est a materia individuali, et habetur *ens mobile* quod a materia individuali abstrahit, non autem a materia sensibili. Est objectum *Physicæ*. Secundus gradus est a materia sensibili, et habetur *ens quantum* quod abstrahit a materia individuali, et a materia sensibili, est objectum *Mathematicæ*. *Ens quantum* intelligitur abstractione facta a materia individuali, et sensibili, tamen dependet a materia secundum esse. Tertius gradus abstractionis est ab omni materia et quoad esse et quoad intelligi, et habetur *ens immaterialis* quod est objectum *Metaphysicæ*. Tandem ultimus gradus abstractionis habetur cum fit abstractio non tantum a materia, sed etiam a realitate subjecti, secundum quod reflexione res considerantur prout sunt vel in intellectu vel in appetitu, et habetur *ens logicum* et *ens morale* quæ constituunt objectum *Logicæ* et *Moralis*.

Ratione subordinationis, scientia est *subalternans*, vel *subalternata*. Scientia *subalternans* est illa quæ ex propriis principiis et per se notis, suas conclusiones demonstrat, non autem ex principiis ab alia scientia mutuatis. Scientia *subalternata* est illa quæ proprias conclusiones demonstrat ex principiis acceptis a scientia superiori respectu cuius dicitur *subalternata*. Scientiæ *subalternantes* dicuntur etiam primariæ, dum *subalternatae*, *secundarie* vocantur.

Respectu habitu subordinationis scientiarum, sequenti modo haberi posset ipsarum coordinatio.

scientiae Metaphysicae, quia sacra.	Physical	Circa materiam inorganicam	Geologia Geographia physica Mineralogia Physica Chimia inorganica Chimia organica Paleontologia Botanica Zoologia Anatomia Physiologia Pathologia Ethnologia
		Circa materiam organicam	Arithmetica Algebra Geometria Trigonometria Mecanica Astronomia Ontologia Cosmologia Psychologia Theologia Grammatica Linguistica Rhetorica Logica Ethica Jurisprudentia Jus gentium Politica Economia socialis Economia politica Geographia politica Historia
viduali, strahit, e. Se- quen- tia sen- intelli- ensibili, gradus quoad <i>Meta-</i> ur cum te sub- t sunt et ens	Mathematica		
subal- princi- autem ternata ncipiis rnata. subal- quenti	Metaphysica		
	Logica		
	Moralis		

CAPUT SECUNDUM

DE METHODO

Methodus dupli modo considerari potest, in genere, et in specie relate ad diversas scientias. Duo erunt igitur articuli hujus capitatis secundi, in quibus materia sic distribuitur.

DE METHODO

I. De methodo in genere

Methodi notio
Methodi species
Methodis leges generales
Methodi utilitas

{ Analytica
Synthetica
A facilioribus et notioribus semper incipendum est.
Processus fiat gradatim et non per saltus.
Non eadem certitudo in omnibus rebus est exigenda.
Methodus soliditate, claritate, brevitate excellat.

Methodus generalis, methodus specialis
Methodus scientiarum physicarum
“ “ mathematicarum
“ “ moralium

II. De methodo in specie

De methodo philosophica

Methodus auctoritatis
“ cartesianae
“ ontologica
“ rationalistica
“ idealistica
“ empirica
“ eclectica
“ scolastica.

ARTICULUS I

DE METHODO IN GENERE

genere,
igitur
buitur.

per inci-
er saltus.
rebus est
revitate

I. **Methodi notio.** Methodus, μετὰ ὁδόν; via ad, est modus ordinate procedendi in quaerenda veritate. Intellectus noster ab una veritate nota ad aliam ignotam cognoscendam progressit, a principiis ad conclusiones, et sic ad scientiam pervenit tanquam ad terminum. Ordinata progressio intellectus in scientiarum acquisitione methodus dicitur.

II. **Methodi divisio.**—Methodus duplex est, *analytica* et *synthetica*. Methodus *analytica* est illa quæ procedit ex particularibus ad universalia, ab effectibus ad causas, a compositis ad simplicia, ex phænomenis ad leges. Methodus *synthetica* est illa quæ ab universalibus ad particularia, a causis ad effectus, a simplicibus ad composita, a legibus ad phænomena procedit. *Analysis* enim (*ἀνάλυσις*) resolutionem significat, seu est resolutio totius in suas partes, compositi in sua elementa ; ita chimicus analysis aquam resolvit in hydrogenium et oxygenium. *Synthesis* vero (*σύνθεσις*) compositionem exprimit, seu est coadunatio partium in toto, elementorum in composito ; synthesis chimicus ex hydrogenio et oxygenio aquam efficit.

Methodus *analytica*, dicitur methodus *inventionis*, methodus *inductiva* ; methodus *synthetica*, methodus *demonstrationis*, *doctrinæ*, *deductiva* appellatur. Ratio harum denominationum

facile intelligitur; in ordine enim inventionis ab effectibus ad causam, a phænomenis ad leges inductione proceditur, dum in ordine demonstrationis et doctrinæ a simplicioribus ad composita, ab universalibus ad particularia deductione seu syllogismo progreditur. Magis naturale et facilior homini videtur iste descensus et usui scholarum accomodatior; magis naturale, quia in rerum natura, in ordine reali, causa est prior effectu, et in ordine logico, principium prius consequenti. Tamen haud sequitur methodum analyticam in scholis non adhiberi.

III. Methodi leges generales. 1° *A facilitibus et notioribus semper incipiendum est*, ut ad difficiliora et obscuriora procedatur.

2° *Processus fiat gradatim, non autem per saltus*, ut apparet nexus veritatum et facilius fieri possit resolutio conclusionum ad principia.

3° *Non est eadem certitudo in omnibus rebus exigenda*. Certitudo enim est multiplex, metaphysica, physica, et moralis. Non est quidem querenda in omnibus demonstrationibus certitudo metaphysica, sed secundum materiam naturam certitudo conveniens. Ut notat Aristoteles⁽¹⁾, ad hominem bene disciplinatum pertinet, ut tantum certitudinis querat in unaquaque materia, quantum natura rei patitur.

4° *Denique methodus soliditate, claritate, brevitate excellat*. Quæmobrem suo loco a Peripateticis præceptum est: 1° ut quæ ad statum quæstionis dilucidandum necessaria sunt, clare exponantur. 2° Nihil in terminis sit ambiguum, nihil obscurum, quod exacta definitione non determinatur. 3° Subjectum, de quo quæstio est, in partes, quæ separatim tractari possunt, recte dividatur, quo rectius et facilius uniuscujusque partis vis et pondus perspiciatur. 4° Neglectis iis quæ ad rem propositam nihil conferunt, cetera succinto sermone, qui ad claritatem tamen sit satis, exponantur. 5° Pro-

(1) *Ethic.*, c. 15.

bsbilis a certis diligenter distinguantur, neque admittatur quidquam ut verum, quin solido argumento probatum sit. 6° Si quæ in re insint difficultates, eae ne dissimulentur, sed congrua explanatione cum sententiae propositae principiis componantur.⁽¹⁾

IV. Methodi utilitas.—Plurimum commodi confert bona methodus in investiganda veritate. Ipsa enim ad veritatem dicit — *facilius*, — certiori disciplina facultates potentiores et velociores faciens ; — *brevius*, — rectam viam indicans quam prosequendo viribus et tempori parcitur : *claudus in via antecedit cursorum extra viam*, ait Baco ; — *tutius*, quia periculum errandi minuit, media præstanto errorem detegendi et vitandi ; — *uberius*, quia adjuvante methodo multa cognoscuntur quæ, ipsa deficiente, nunquam cognosci potuissent, unde ipsis methodis scientificis recte cognitis et rigorose applicatis jure merito tribuitur ingens scientiarum progressus. « Concluons par le mot de Descartes : *Ce n'est pas assez d'avoir l'esprit bon ; le principal est de l'appliquer bien*. Ni le talent, quelque grand qu'il soit, ne saurait se passer de toute méthode, ni la méthode, si parfaite soit-elle ne saurait tenir lieu de tout talent. Dans la science, comme en toutes choses, le succès suppose le concours de l'un et de l'autre ; il y faut un certain talent naturel guidé par une bonne méthode. *Nihil præcepta et artes, nisi adjuvante natura*. Toutefois, s'il fallait choisir, mieux faudrait encore un peu moins de talent avec un peu plus de méthode.»⁽²⁾

(1) LAHOUSSÉ, *Prælectiones logicae et ontologiae*, No. 338.

(2) CH. LAHR, *Eléments de philosophie scientifique et de philosophie morale*, p. 27.

ARTICULUS II

DE METHODO IN SPECIE⁽¹⁾

I. Methodus generalis, methodus specialis. Omnis scientia quæcumque sit veritatem inquirit, et veritatis cognitionem per causas intendit. Aliquid igitur commune invenitur omnibus scientiis quod ad methodum generalem spectat. Sed scientiæ distinguuntur inter se diversitate objectorum ; illa autem diversitas objectorum quæ ad diversos ordines pertinent et diversis mediis cognoscuntur, diversitatem methodorum importat. Ideo methodus specialis invenitur quæ propria est cujusque scientiæ. Scientiæ vero dividuntur in quinque primarias, in Physicam, Mathematicam, Metaphysicam, Logicam et Moralem ; quedam igitur dicenda sunt de methodis specialibus unius et alterius scientiæ.

II. Methodus scientiarum physicarum. — Scientiæ physicæ agunt de entibus sensibilibus prout sensibilia sunt et ab experientia cognoscuntur, ideoque scientiæ *experimentales* dicuntur. Quædam *facta* observant ut, ex factis ad leges quibus explicantur, pervenire possint. Methodus specialis harum

(1) Circa diversas methodos scientiarum, Cf. : G. SORTAIS, *Oper. cit.* t. II ; A. CASTELEIN, *Logique* (1906). *Methodologie* ; RABIER, *Leçons de philosophie*, t. II.

scientiarum est igitur *inductio*, seu methodus inductiva. Jam vero processus inductivus, prout a nobis exponitur in dialectica⁽¹⁾, triplex veluti momentum complectitur: explorationem factorum, determinationem causarum, et inductionem legum. Illo loco sufficienter proposuimus leges quibus mens dirigitur in quocumque momento hujus processus, et determinavimus quoniam mutuo nexus inductio et deductio conjunguntur.

Ad scientias physicas pertinent scientiae *naturales*, Geologia, Botanica et Zooloogia, etc. quorum est *entia naturalia* observare, ut, deprehensis communibus notionibus, eorum *definitio essentialis* et *classificatio fieri possit*. In hisce scientiis docti maxime utuntur *analogia* de qua locuti sumus etiam in dialectica.⁽²⁾ Methodus scientiarum naruralium ad inductiōnē etiam reducitur.

III. Methodus scientiarum mathematicarum. Quemadmodum scientiis physicis *inductio* præcipue convenit, ita scientiis mathematicis *deductio*. Ex principiis universalibus et necessariis quæ sunt axiomata et definitiones, mathematici conclusiones deducunt rigorosas, demonstratione directa vel indirecta. Quidquid autem diximus in dialectica de definitionibus et axiomatibus, de deductione seu *syllogismo*, methodo mathematicæ applicandum est. Illæ autem scientiæ, quarum objectum facile apprehenditur vel imaginatur et quarum principia sunt absoluta, magnam certitudinem secumferunt, et cognitionem de cuius evidētia facile constat; methodus igitur mathematica multis placet. Non est tamen illa accipienda ut unica methodus, quasi nihil sit certum nisi modo mathematico proponatur. Talis enim dispositio contingit «propter *consuetudinem*, his qui in mathematicis sunt nutriti... et propter *indispositionem*, illis scilicet qui sunt fortis imaginationis, non habentes intellectum multum elevatum.»⁽³⁾

(1) Lib. III, c. III.


(2) Lib. III, art. II.

(3) S. T., *Metaph.* lib. II. lec. V



MICROCOPY RESOLUTION TEST CHART

(ANSI and ISO TEST CHART No. 2)



APPLIED IMAGE Inc

1653 East Main Street
Rochester, New York 14609 USA
(716) 482 - 0300 - Phone
(716) 288 - 5989 - Fax

IV. Methodus scientiarum moralium. Ad scientias morales pertinent tum *scientiæ sociologicæ*, tum *scientiæ historicæ*.

Scientiæ sociologicæ inquirunt leges activitatis humanae quæ in ordine sociali et economico pacem et prosperitatem firmare possunt.⁽¹⁾ Unde jura civium cum officiis, relationes subditorum cum auctoritate gubernantium, inæqualitates status et fortunæ cum solidaritate et confraternitate humana, necessitates vitæ cum opibus componere conantur, quod quidem Ethicæ et Jurisprudentiæ, Politicæ, Economie socialis et Economie politiciæ objectum constituit. In istis omnibus scientiis nec sufficit sola methodus deductiva, nec sola inductiva sed usus unius et alterius methodi requiritur secundum quod exigit materiæ natura. *Deductione* stabiliuntur leges morales quibus homo ad finem suum ultimum dirigitur, et a quibus scientiarum sociologicarum cultores abstrahere nunquam possunt. Homo enim est ens morale, quia donatur libera voluntate qua ad finem suum attingere debet ; unde non possunt leges activitatis humanæ in quocumque ordine sociali et economico determinari, abstractione facta ab illa primordiali obligatione.⁽²⁾ *Observatione* et *statistica* colligitur innumerabilis

(1) « La science sociale étudie le monde comme être moral, doué d'une vie propre et constitué selon un ordre naturel et constant ; tel est son rôle magnifique de fixer les lois fondamentales de cet ordre et les conditions de l'harmonie sociale. Or l'homme ne se conçoit pas en dehors de la société. Il a des devoirs, des droits, des besoins. A tous ces titres, il relève de la science sociale. L'homme reçoit de la morale le principe du bien ; du droit, le principe du juste ; de l'économie politique, les lois de la richesse. » A. BECHAUX. *Le droit et les faits économiques*, p. 9.

(2) Parmi les sciences sociales se trouvent donc au premier rang les doctrines *morales* et *juridiques* : les doctrines *morales*, qui éclairent la conscience dans toute l'étendue des devoirs et des vertus, qui en doivent être l'inspiration et la règle ; les doctrines *juridiques* qui ont pour objet les différents droits : droits iurens, droits acquis, droits individuels, droits collectifs, droits privés, droits publics, droits nationaux, droits internationaux qui tous doivent se concilier entre eux sans empiètement ni conflit. Ces sciences morales et juridiques, à raison de leur objet bien limité, constituent des sciences distinctes de l'économie sociale proprement dite. Elles dominent celles-ci et lui fournissent sur certains points des solutions, dont elle ne saurait se passer. A. CASTELEIN, *op. cit.*, p. 482.

factorum numerus a quibus *leges sociales inductione* inferuntur. Maxima quidem cum prudentia in istis legibus inferendis procedendum est. Facta enim sunt maxime complexa cum a multiplicibus causis sive generalibus sive particularibus procedere possint.

Scientiae historicae complectuntur *historiam proprie dictam, archeologiam, numismaticam, epigraphiam, paleographiam, necnon et historias speciales litterarum, scientiarum, artium, etc.* In omnibus hisce scientiis, leges criticæ historicae⁽¹⁾ et hermeneuticæ sequendæ sunt. Critica historica enim est scientia seu ars distinguendi verum a falso in diversis testimoniis quibus utitur historia, sive testimonium sit orale, sive scriptum, sive monumentale. Critica historica triplicem induit formam : « Alia enim est *eversiva*, nempe *hypercritica* seu *scepticismus historicus*, qui ex una parte, non raro meras accipit hypotheses, ut progressum indefinitum ; ex altera autem antiquissimas populorum traditiones, præsertim in rebus religionis, facile contemnit, — Alia autem est *cæca credulitas*, quæ sine ullo examine omnes sive traditiones, sive narrationes, recipit et servat. — Inter utrumque stat *critica*, ut ita dicam, *distinctiva*, quæ quidem factis historicis studet, sed traditionem constantem nonnisi ob gravissimas rationes rejicit. »⁽²⁾ Jam quidem loquendo de auctoritate humana exposuimus diversa media quibus criticus authentiam et auctoritatem testimoniorum determinat, necnon quædam addidimus de Hermeneutica quæ hic unusquisque recolere poterit.

V. De methodo philosophica.—Plures sunt philosophicæ methodi quæ a philosophis proponuntur :

1° *Methodus auctoritatis* quæ tenet nullam veritatem admittendam esse nisi auctoritate magistri, traditionis, vel revelationis innitatur.

(1) Cf. DE SMEDT, *Principes de la critique historique ; Etudes religieuses*, 1898, t. I, pp. 125-135.

(2) A. FARGES et D. BARBEDETTE, *Philosophia*, t. I, p. 214. — Cf. DE SMEDT, *Principes de la critique historique*.

2° *Methodus cartesianæ* quæ dubium methodicum de omnibus veritatibus etiam immediatis, excepto tantum principio : *Cogito ergo sum*, tanquam unicam viam ad veritatem certo tenendam proponit ;

3° *Methodus ontologica* quæ docet Deum esse ens a nobis primo cognitum in quo intellectus omnes alias res intuetur ;

4° *Methodus rationalistica* quæ, rejecta quacumque auctoritate sive divina sive humana, rationem humanam erigit in judicem independentem cujuscumque veritatis ;

5° *Methodus idealistica* seu *pure synthetica*, quæ rejecta experientia omnes veritates a priori et methodo synthetica acquirendas esse contendit ;

6° *Methodus empirica*, seu *positiva*, seu *pure analyticæ*, quæ, rejecta quacumque rationis speculatione, inductionem tantum et experientiam tanquam unicum medium comparandi scientiam admittit ;

7° *Methodus eclecticæ* quæ, tenens omne systema philosophicum aliquam veritatis partem continere, docet veritatem completam et perfectam coalescere ex hisce diversis partibus veritatis, quas intellectus in quocumque philosophorum systmate exigere debet ;

8° *Methodus scholastica* quæ, admissa auctoritate in rebus fidei divinæ et humanæ, docet scientiam nostram ortum habere a principiis tum experientia tum ratione acceptis, ideoque in scientia philosophica acquirenda processum tum inductivum tum deductivum adhibendum esse, unde dicitur methodus illa *analytico-synthetica*, seu *empirico-rationalis*.

Facile constat omnes illas methodos præter ultimam vitio quodam infirmari. *Prima* enim vim nativam intellectus ad verum certo cognoscendum denegat ; — *secunda* dubium methodicum ad veritates immediatas extendens, omnem viam claudit ad verum legitime cognoscendum ; *tertia* experientiæ adversatur, qua unusquisque novit res sensibiles esse a nobis prius cognitas, et a cognitione sensibilium intellectum assurgere ad spiritualia cognoscenda ; *quarta* capacitatem rationis humanæ nimis extollit, ideo enim autonomiam et independentiam

rationis ab omni auctoritate vindicat, quia docet nullam veritatem captum ejus superare posse, quod falsum esse jam demonstratum est ; — *quinta*, neglecta experientia, facile ad subjectivismum dicit ; — *sexta* incompleta methodus est, cum inductio syllogismum supponat sine quo nullam habet vim demonstrativam ; — methodus *electica* tandem haberi non potest ut via ad veritatem cognoscendam, cum ad electionem faciendam eorum quae in systematibus philosophorum partes sunt veritatis, jam requiritur ut veritas sit nota et habeatur ut norma ad discernendum verum a falso. Omnes istae methodi sunt igitur rejiciendae, et ultima nempe methodus analyticosynthetica qua usi sunt Aristoteles et S. Thomas, tanquam vera philosophandi methodus est accipienda. Unde :

**THEISIS.—METHODUS ANALYTICO-SYNTHEtica EST
VERA METHODUS PHILOSOPHICA.**

Illa est vera methodus philosophica quae tum naturae humanae, tum naturae scientiae convenit. Atqui hujusmodi est methodus analytico-synthetica inductionem et deductionem socians. Ergo methodus analytico-synthetica est vera methodus philosophica.

Ad minorem per partes. 1° *Methodus analytico-synthetica naturae humanae convenit.* Duæ enim sunt in homine, secundum naturam suam facultates cognoscitivæ, sensitiva scilicet et intellectiva, quae ita ad invicem ordinantur ut omnis cognitio a sensu inchoetur et ab intellectu perficiatur. Atqui cognitio sensitiva, cum sit factorum et singularium perceptio, observatione et experientia colligit notiones ex quibus intellectus abstractione et reflexione principia universalia inductione infert, a quibus principiis postea ratiocinio et synthesis conclusiones deducuntur. Ergo methodus analytico-suntheticus naturae humanae maxime convenit.

2° *Methodus analytico-synthetica naturae scientiae convenit.* Proprium est enim scientiae conclusiones deducere ex principiis certis et evidenter. Atqui conclusiones ope

deductionis id est *synthesis* inferuntur; principia vero experientia, observatione, abstractione, inductione, id est *analysis*, cognoscuntur.. Ergo methodus analyticо-synthetica naturae scientiae convehit.

Methodus analyticо-synthetica est igitur vera methodus philosophica. Cœterum in omnibus scientiis est quidem adhibenda. Etenim cum dicitur in scientiis experimentatis methodus analyticа seu inductio usurpari, et in scientiis rationalibus methodus synthetica seu deductio, hoc non est intelligendum quasi una methodus absolute alteram excludat. Etenim ut diximus in Dialectica (cf. p. 131), induc-tio et deductio mutuo nexus conjunguntur, ita ut una alteram aliquo modo supponet.

« On distingue communément deux méthodes scientifiques, celle des sciences rationnelles : la synthèse, celle des sciences d'observation ou d'expérience : l'analyse. Cette distinction est fondée en ce sens que la synthèse est le caractère *saillant* du premier groupe de sciences, et l'analyse, celui du second. Mais aucun des deux caractères n'appartient, d'une façon exclusive, à aucun des deux groupes. Les axiomes qui sont à la base des sciences rationnelles, s'appuient inévitablement sur quelques observations élémentaires. Les résultats obtenus par l'analyse et par l'induction dans les sciences positives préparent des déductions synthétiques. La méthode scientifique est donc, en définitive, unique : *inductivo-déductive, analyticо-synthetique.* ⁽¹⁾ »

VI. Disputatio syllogistica.—Disputatio syllogistica est concertatio circa aliquam thesim ut veritas ejus magis elucescat, instituta inter duos quorum alter eam tuetur, alter impugnat, syllogistica forma arguendo.

(1) D. MERCIER, *Logique*, p. 370.

METAPHYSICA

SEU

PHILOSOPHIA REALIS

Prologus.—Metaphysica, secundum etymologiam vocis, *μετὰ τὰ φυσικά*, idem significat ac *trans* vel *ultra* res physicas. Secundum rem autem, est *scientia entis immaterialis* seu *suprasensibilis*. Ens vero considerari potest dupliciter: *in genere* et *in specie*. Metaphysica igitur est duplex: *metaphysica generalis* quæ dicitur etiam *Ontologia*, et *metaphysica specialis*. Ens autem in specie consideratum vel est *Deus* in summo immaterialitalis gradu positus, vel *anima humana*, substantia spiritualis materiæ conjuncta, vel ipsæ *mundus*, ens in se materiale sed ab intellectu nostro modo immateriali consideratus. Metaphysica specialis in tres partes igitur distribuitur: *in theologian: naturalem* quæ agit de Deo, *in psychologiam* quæ agit de anima, *in cosmologiam* quæ de mundo corporeo pertractat.

Metaphysica	Generalis seu Ontologia Specialis { Cosmologia Psychologia Theologia
-------------	--

METAPHYSICA GENERALIS

SEU

ONTOLOGIA

PROLEGOMENA

I. **Ontologiae notio.**—Secundum nomen, *ōv ens λόγος scientia*, ontologia est *scientia entis*. Secundum rem, definitur cum S. Thoma: *scientia quae considerat ens et ea quae consequuntur ipsum*.⁽¹⁾

Dicitur a) *scientia*, cognitio scilicet certa et evidens, seu systema quoddam conclusionum quae ex principiis certis deducuntur.

b) *Quae considerat ens*, quia objectum hujus scientiae est *ens*, non ut tale vel tale, sed in communi, in quantum est *ens*.

c) *Et ea quae consequuntur ipsum*, nempe generales propriates quae ens concomitant, divisiones et causas ipsius.

(1) *Prolog. Metaph.*

II. Ontologiae divisio.—Objectum ontologiae est ens : ens autem considerari potest vel in sua *natura*, vel in suis *proprietatibus*, vel in suis *speciebus*, vel in suis *causis*. Quatuor igitur libri continet ontologia : primus agit de *natura entis* ; secundus, de *proprietatibus entis* ; tertius de *divisione entis* seu de *categoriis* ; quartus, de *causis*. Sic igitur, forma brevi, schema totius ontologiae praesentari potest.

ONTOLOGIA

De natura entis	<table border="0"> <tr> <td rowspan="4">De notione</td><td>De actu et potentia</td></tr> <tr><td>De essentia et existentia</td></tr> <tr><td>De possibilitate.</td></tr> <tr><td></td></tr> </table>	De notione	De actu et potentia	De essentia et existentia	De possibilitate.																																						
De notione	De actu et potentia																																										
	De essentia et existentia																																										
	De possibilitate.																																										
De proprietatibus	<table border="0"> <tr> <td rowspan="4">transcendentalibus</td><td>De unitate et distinctione</td></tr> <tr><td>De veritate et falsitate</td></tr> <tr><td>De bono et malo</td></tr> <tr><td></td></tr> <tr> <td rowspan="4">universalibus</td><td>De pulchro</td></tr> <tr><td>De perfecto</td></tr> <tr><td>De finito et infinito</td></tr> <tr><td></td></tr> <tr> <td rowspan="4">De substantia</td><td>De necessario et contingente</td></tr> <tr><td>De simpliel et composito</td></tr> <tr><td>De immutabili et mutabili</td></tr> <tr><td></td></tr> <tr> <td rowspan="4">De divisione</td><td>De natura</td></tr> <tr><td>De individuatione</td></tr> <tr><td>De subsistentia</td></tr> <tr><td></td></tr> <tr> <td rowspan="4">De accidentibus</td><td>In genere. De natura</td></tr> <tr><td>De quantitate</td></tr> <tr><td>De qualitate</td></tr> <tr><td>De relatione</td></tr> <tr> <td rowspan="4">In specie</td><td>De actione et passione</td></tr> <tr><td>De ubi sen de loco</td></tr> <tr><td>De quando seu de tempore</td></tr> <tr><td></td></tr> <tr> <td>De causis</td><td> <table border="0"> <tr> <td rowspan="4">In genere. De natura</td><td>De natura</td></tr> <tr><td>De existentia</td></tr> <tr><td>De modo operandi</td></tr> <tr><td></td></tr> <tr> <td rowspan="4">In specie</td><td>De causa efficiente</td></tr> <tr><td>De causa materiali et formalis</td></tr> <tr><td>De causa finali</td></tr> <tr><td></td></tr> </table> </td></tr> </table>	transcendentalibus	De unitate et distinctione	De veritate et falsitate	De bono et malo		universalibus	De pulchro	De perfecto	De finito et infinito		De substantia	De necessario et contingente	De simpliel et composito	De immutabili et mutabili		De divisione	De natura	De individuatione	De subsistentia		De accidentibus	In genere. De natura	De quantitate	De qualitate	De relatione	In specie	De actione et passione	De ubi sen de loco	De quando seu de tempore		De causis	<table border="0"> <tr> <td rowspan="4">In genere. De natura</td><td>De natura</td></tr> <tr><td>De existentia</td></tr> <tr><td>De modo operandi</td></tr> <tr><td></td></tr> <tr> <td rowspan="4">In specie</td><td>De causa efficiente</td></tr> <tr><td>De causa materiali et formalis</td></tr> <tr><td>De causa finali</td></tr> <tr><td></td></tr> </table>	In genere. De natura	De natura	De existentia	De modo operandi		In specie	De causa efficiente	De causa materiali et formalis	De causa finali	
transcendentalibus	De unitate et distinctione																																										
	De veritate et falsitate																																										
	De bono et malo																																										
universalibus	De pulchro																																										
	De perfecto																																										
	De finito et infinito																																										
De substantia	De necessario et contingente																																										
	De simpliel et composito																																										
	De immutabili et mutabili																																										
De divisione	De natura																																										
	De individuatione																																										
	De subsistentia																																										
De accidentibus	In genere. De natura																																										
	De quantitate																																										
	De qualitate																																										
	De relatione																																										
In specie	De actione et passione																																										
	De ubi sen de loco																																										
	De quando seu de tempore																																										
De causis	<table border="0"> <tr> <td rowspan="4">In genere. De natura</td><td>De natura</td></tr> <tr><td>De existentia</td></tr> <tr><td>De modo operandi</td></tr> <tr><td></td></tr> <tr> <td rowspan="4">In specie</td><td>De causa efficiente</td></tr> <tr><td>De causa materiali et formalis</td></tr> <tr><td>De causa finali</td></tr> <tr><td></td></tr> </table>	In genere. De natura	De natura	De existentia	De modo operandi		In specie	De causa efficiente	De causa materiali et formalis	De causa finali																																	
In genere. De natura	De natura																																										
	De existentia																																										
	De modo operandi																																										
In specie	De causa efficiente																																										
	De causa materiali et formalis																																										
	De causa finali																																										

LIBER PRIMUS

CAPUT UNICUM

DE NATURA ENTIS

Prologus.—Ens dicitur per ordinem ad *esse* quod significat vel essentiam vel existentiam; essentia autem vel actus vel est possibilis tantum. Sic igitur de natura entis instituitur sermo:

DE NATURA ENTIS

I. De notione entis	Ens quoad nomen	Ens in actu, ens in potentia
	Ens quoad rem	
	Primum entis divisiones	Ens reale, ens rationis
		Ens reale : infinitum, finitum
	Notio entis est communissima	
	“ “ “ omnium prima	
	Notio entis non est generica	
	“ “ “ equivoca, nec univoca, sed analoga.	
	De ente rationis : negativum, privativum., relativum.	
	De primis principiis	Principium contradictionis
	que a notione entis	“ identitatis
	eruuntur	“ medii exclusivi
	Actus et potentiae notio	
II. De actu et potentia	Actus species	Actus essendi, actus existendi
		Actus primus, actus secundus
		Actus purus, actus non purus
		Objectiva seu logica
	Potentiae species	Subjectiva seu realis
		Receptiva Operativa
		{ Naturalis Obedientialis
		{ Activa Passiva
	Axiomata que ex comparatione actus et potentiae trahuntur.	

	Essentia notio	
		Essentia
		Quidditas
	Essentia nomina	Natura
		Ratio
		Substantia
		Species
	Essentia species	Physica { Artificialis Naturalis
		Metaphysica
	Essentiarum dotes	Necessitas
		Immutabilitas
		Indivisibilitas
		Eternitas negativa
	Essentiarum cognoscibilitas	Status questionis
III. De essentia et existentia		Tbasis : Essentiae reales . erum non sunt nobis omnino ignotae.
	Existentia notio	
	Distinctio essentiae et existentiae	Status questionis
		Tbasis : In rebus creatis, essentia realiter distinguitur ab existentia
		Dificultatum solutio
	Possibilitatis notio	
	Possibilitatis species	Intrinsica
		Extrinsica { Physica Moralis
	Axiomata ex notione possibilis desumpta	
	De principio a quo pendet possibilis intrinsicus	Status questionis
IV. De possibili-		Philosophorum sententiae
litate		False sententiae rejiciuntur
		Thesis : Possibilitas intrinsicus formam perpendit ab intellectu divino, fundamentaliter ab essentia Dei.

ARTICULUS I

DE NOTIONE ENTIS

I. **Ens quoad nomen.** — Vox *ens* est participium verbi *esse*; unde dicitur *ens* per ordinem ad *esse*. *Esse* autem sumitur vel per modum verbi et significat *existere*, seu *copulam* inter prædicatum et subjectum propositionis, vel per modum *substantivi* et significat *subjectum existentiae*. *Ens* igitur vel significat aliquid realiter seu actu existens, vel aliquid quod de subjecto quodam prædicatur, vel *subjectum existentiae*.

II. **Ens secundum rem.** — Ens proprie definiri non potest. Propria enim definitio constituitur ex duplice elemento, ex genere proximo et ultima differentia. Jamvero, ens est quid transcendentalē quod in nullo genere continetur. Ens igitur improprie definitur: *quidquid existit aut saltem existere potest*. Si ens accipitur *in vi participii*, significat id quod existit, unde continet *essentiam* et *existentiam*; si *in vi nominis*, cum nomen ab *existentia* abstrahit, ens significat aliquam *essentiam* abstractione facta ab *existentia*, est *id quod existit aut saltem existere potest*.

III. **Primæ entis divisiones.** — 1° Actus et potentia sunt primæ entis differentiae. *Ens in actu* est illud quod realiter existit, v. g.: Deus, mundus. *Ens in potentia* est illud quod realiter non existit, sed quod existere potest, v. g.: homines futurorum sæculorum.

2º Ens dividitur in *ens reale* et *ens rationis*. Ens reale est illud quod existit aut existere potest in rerum natura independenter ab actu intellectus nostri, v. g.: *domus*, *planta*. Ens rationis est illud quod habet esse objective tantum in intellectu et dependenter ab intellectu, v. g.: *privationes*, quædam *relationes*.

Ens reale est *infinitum* vel *finitum*, et ens finitum subdividitur in decem prædicamenta.

IV. Notio entis est communissima.—Etenim ens, cum sit id quod existit aut saltem existere potest, prædicatur de omnibus quæ sunt aut esse possunt. Ens igitur non est tantum quid *universale*, prædicabile de pluribus, sed quid *trancendentale* prædicabile de omnibus. Nihil datur quod dici non possit ens, et omne id quod concipitur, etiam privativa et negativa, per modum entis concipitur.

V. Notio entis est omnium prima.—Ex experientia constat intellectum nostrum a notionibus magis communibus, ad notiones minus communes procedere. Ens autem est quid communissimum. Notio entis est igitur omnium prima in ordine chronologico. Unde compertum est apud pueros quod omnia objecta ab ipsis percepta sunt *res* quædam seu *entia*; cum autem conceptus ipsorum magis determinantur, omnes viri sunt *patres*, et omnes mulieres *matres*, et sic appareat quomodo intellectus noster a notionibus transcendentalibus ad universales, et ab universalibus ad particulares procedit.

Notio entis est etiam *prima in ordine logico*: includitur enim in omnibus aliis notionibus, et istæ notiones dum resolvuntur, in notionem entis tanquam ad primam reducuntur, v. g.: *Homo* est animal rationale,—*animal* est vivens sensibile,—*vivens* est corpus organicum,—*corpus* est substantia nata subesss trinæ dimensioni,—*substantia* est *ens* in se existens. Ulterius progredi non possumus. Omnes notiones in notionem entis sic resolvuntur. Notio entis igitur est omnium primatum in ordine chronologico, tum in ordine logico.

VI. Notio entis non est generica. 1º Notio generica trahitur ad esse speciei per differentias de quibus prædicari non

potest, v. g., animal trahitur ad esse speciei per *rationale* et *irrationale* de quibus prædicari non potest. Atqui nulla datur differentia de qua ens prædicari non possit; omne enim quod est, est ens. Ergo notio entis non est generica.

2º Notio generica idem semper significat dum de suis inferioribus prædicatur. Atqui notio entis non idem semper significat dum de suis inferioribus prædicatur, v. g.: Deus dicitur ens scilicet ipsum esse, substantia dicitur ens, scilicet habens esse, accidens dicitur ens, nempe habens inesse. Ergo notio entis non est generica.

VII. Notio entis non est æquivoca nec univoca sed analoga.

Status questionis.—Ens in sua communissima ratione sumptum dicitur de omnibus quæ aliquo modo sunt; ideoque est communissimum omnibus entibus. Sed quia entia non sunt ejusdem modi et conditionis, debemus considerare qualiter hoc communissimum pluribus, quod est ens, prædicandum sit de diversis suis inferioribus, nempe de Deo et de creaturis, de substantia et de accidente. Ad hujus questionis salutionem, determinare est quotuplici modo aliquid potest esse commune pluribus.

Commune dicitur id quod convenit pluribus singillatim, et est triplices, secundum triplicem modum, quo unum idemque convenit pluribus, scilicet æquivocum, univocum, analogum.

Æquivoca sunt illa quorum nomen commune est, ratio autem seu res significata per nomen omnino diversa; sic *canis* est nomen æquivocum, prout dicitur de animali vivente, et de constellatione coeli.

Univoca sunt illa quorum nomen commune est, res seu ratio per nomen significata omnino eadem: sic *homo* dicitur univoce de Petro et de Paulo.

Analogia sunt ea quorum nomen commune est, res seu ratio per nomen significata partim eadem partim diversa: v. g., nomen *caput* dicitur analogice de patre familiæ et de magistratu civitatis.

Nomen *æquivocum* significat res omnino diversas, quæ in nulla ratione per nomen significata conveniunt, unde tot sunt conceptus quot sunt *æquivocata*; et in *æquivocis cognitio unius nullo modo dicit ad cognitionem alterius.*

E contrario nomen *univocum* res diversas significat secundum unam eamdemque rationem *æqualiter* in omnibus univocatis inventam, quæ potest ab ipsis abstrahi, quia nihil significat in uno quod non significatur in altero, cum fundamentum similitudinis in uno sit omnino idem ac in alio. Unde in *univocis* unus est conceptus formalis, et *cognitio unius dicit ad cognitionem perfectam omnium aliorum.*

Nomen vero *analogum* plures diversasque res significat, ita tamen ut illas non exprimat secundum unam eamdemque rationem absolute omnibus communem, sed secundum proprias et diversas rationes, quia ratio unius non clauditur in ratione alterius; illæ tamen rationes simpliciter diversæ, sunt similes secundum aliquam proportionem, et ideo fundamentum similitudinis in *analogatis* est diversum absolute, simile secundum proportionem. Cum res ita se habent, in *analogatis* duplex distinguitur conceptus formalis, perfectus nempe, et imperfectus. Omnibus enim *analogatis* respondet unus conceptus imperfectus, et tot perfecti quot sunt *analogata*, et ideo conceptus formalis *analogus* est unus secundum quid, multiplex simpliciter. Ex hoc sequitur quod in *analogis cognitio unius non dicit ad perfectam cognitionem alterius, tamen propter proportionalem similitudinem inter utrumque, cognito uno cognoscitur aliud, modo saltem imperfecto.*⁽¹⁾

His omnibus explicatis circa naturam *æquivocationis, univocitatis, et analogiæ*, debemus querere quinam modus nomini *entis* convenit; illud autem nomen cum dicitur de

(1) *Analogia est habitudo convenientiæ plurium quo non involvunt puram similitudinem sed convenientiam simul cum discrepantia.*

Analogia attributionis est habitudo similitudinis inter duo vel plura ex ea quod relationem dicunt ad eundem terminum sed diversimode.

Analogia proportionis est habitudo similitudinis duarum vel plurium quæ convenienti in ratione eadem secundum proportionem.

Deo, de substantiis et de accidentibus, non est æquivocum, nec univocum, sed analogum.

**THESIS.—ENS TRANSCENDENTALE NON EST ALIQUID
ÆQUIVOCUM, NEC UNIVOCUM, SED ANALOGUM.**

Prima pars : *Nomen entis non est æquivocum.* Etenim, ut diximus, cognitio unius æquivoci, qua talis, nullo modo potest ducere ad cognitionem alterius. Atqui cognitio creaturarum dicit in cognitionem Dei, et cognitio accidentis in cognitionem substantiæ. « Invisibilia Dei per ea quæ facta sunt, intellecta conspiciuntur. » Ergo nomen entis non est æquivocum.

Secunda pars : *Nomen entis non est univocum.*

1° Univocum dicit rationem unam æqualiter participatam in suis inferioribus; quæ fundat vel genus vel speciem. Ergo notio univoca est semper generica vel specifica. Atqui notio entis non est generica nec specifica. Etenim id quod est genus vel species ad esse speciei trahitur, mediante aliqua differentia de qua prædicari non potest, et nihil est de quo ens prædicari non possit. Ergo notio entis non est univoca.

2° Cognitio unius univoci dicit ad perfectam cognitionem alterius. Atqui cognitio creaturarum non dicit ad perfectam cognitionem Dei, nec cognitio accidentis ad perfectam cognitionem substantiæ. Ergo nomen entis non est univocum.

Tertia pars : *Nomen entis est analogum.*

1° Nomen commune pluribus est æquivocum, univocum vel analogum. Atq' i demonstravimus nomen entis non esse æquivocum nec univocum. Ergo remanet ut sit analogum.

2° Nomen analogum rationem significat quæ in suis inferioribus invénitur partim eadem et partim diversa. Atqui sic se habet nomen entis prout dicitur de Deo et de creaturis, de substantia et de accidente. Ens enim significat esse quod in omnibus aliquo modo invenitur licet diversimode. Etenim

Deus dicitur ens, quia est *ipsum esse*; creatura dicitur ens, quia *habet esse*, et accidens, quia *habet inesse*. Ergo nomen entis est analogum.

VIII. De ente rationis. — *Ens rationis* est illud quod *habet esse objective tantum in intellectu*; *objective*, scilicet per modum objecti ab intellectu cogniti, quin extra intellectum existentiam habeat aut habere possit; est id quod ab intellectu percipitur ut ens, quamvis entitatem in se non habeat. *Ens rationis* habet fundamentum in re vel non habet. *Ens rationis* sine fundamento in re (circulus quadratus) est pure chimæricum, ne quidem objective in mente existere potest, sed tantum ratione terminorum.

Ens rationis dividitur in *negativum*, *privativum* et *relativum*. *Ens rationis negativum* est carentia alicujus entitatis in subjecto inapto ad eam habendam, v. g., nescientia seu ignorantia in lapide. *Ens rationis privativum*, est carentia entitatis debitæ, in subjecto scilicet apto ad illam habendam, v. g., cæcitas in homine. *Ens rationis relativum* est omnis relatio qua aliquid fingitur ad aliud referri, cum tamen realiter non refertur, v. g.: intentio universalitatis quæ unam naturam refert ad plura individua, est *ens rationis relativum*.⁽¹⁾

IX. De primis principiis quæ a notione entis eruuntur. — A notione entis trahuntur prima principia quæ dicuntur: principium contradictionis, *idem non potest esse simul et non esse*; principium identitatis, *quod est, est*, vel, *quod non est, non est*; et principium tertii seu medii exclusivi, *quælibet res aut est, aut non est*. Secundum et tertium in principio contradictionis fundantur. Unde quemadmodum notio entis est omnium prima tum in ordine chronologico, tum in ordine

(1) « L'intelligence a, en effet, le pouvoir de se représenter des *objets* qui ne sont ni réalisés ni réalisables dans la nature; ils sont objets représentables, rien de plus; on les oppose aux choses, aux *entia rati*: sous le nom de *ens rationis*... La *négation*, par exemple, la *privation* de la *vue*: les relations appelées *relations de raison*, notamment la relation de l'universel avec les sujets auxquels il est applicable, sont autant de termes objectifs qui ne répondent à aucune réalité objective. » D. MERCIER, *Métaphysique générale*, p. 131.

logico, ita principium contradictionis est principium omnium primum in utroque ordine. Illud enim principium statim et immediate oritur in mente ex sola comparatione entis cum non ente, scilicet cum suo opposito. Unde principium contradictionis est principium immediatum, evidens per se, quod nullo modo negari potest, ipsa ejus negatio est ejus affirmatio, et omnia alia principia in ipso fundantur; nisi enim admittatur, alia possent esse vera et falsa.

ARTICULUS II

DE ACTU ET POTENTIA

I. Actus et potentia notio. — *Ens in actu*, diximus (p. 278), est illud quod realiter existit; *ens in potentia* est illud quod realiter non existit sed quod existere potest. Unumquodque igitur est *in actu*, per ordinem ad id quod habet, *in potentia*, per ordinem ad id quod non habet sed habere potest: ens secundum quod habet existentiam est *in actu*, secundum quod existentiam non habet, sed habere potest, est *in potentia*. Secundum quod autem habetur entitas, habetur *perfectio*, et secundum quod deest aliqua entitas in subjecto capaci, habetur *imperfectio*. *Actus* igitur dicit *perfectionem*, *potentia* vero *imperfectionem*.

Jamvero possumus aliquo modo definire actum et potentiam, (prima et simplicia *strictè* definiri non possunt, quum non sit in definitionibus abire in infinitum): *Actus* est *entitas qua res determinatur et perficitur*. *Potentia* est *aptitudo ad aliquid*.

II. Actus species.—Actus dividitur: 1° *ratione sui*, in actum *essendi* et actum *existendi*.

Actus essendi est entitas qua res determinatur et perficitur in sua specie; dicitur etiam *actus formalis* (proprium est formae determinare speciem) et *actus essentiae*.

Actus existendi est entitas rem constituens in ipsa existentia; dicitur etiam *actus existentiae*.

2° *Ratione ordinis*, in *actum primum* et *actum secundum*.

Actus primus est ille qui alium non supponit, sed expectat: est forma.

Actus secundus est ille qui priorem supponit eique succedit; est operatio. Etenim *operatio sequitur esse*, actus dans esse prior est actui qui dat operari. Intelligere igitur in *actu primo*, est posse intelligere, habere potentiam intellectivam; intelligere in *actu secundo*, est ponere actionem intellectivam, scilicet actu intelligere.

3° *Ratione perfectionis*, in *actum purum* et *non purum*.

Actus purus est ille qui non est admixtus potentiae. *Actus non purus* est illuc qui admixtus est potentiae. Deus est actus purus omnem potentiam excludens, creaturæ quæ semper aliquo modo sunt in potentia sunt actus non puri.

III. Potentiae species.—1° Potentia est *objectiva* et *subjectiva*.

Potentia objectiva seu logica est mera *possibilitas*, scilicet idealis aptitudo rei nondum existentis ad existendum fundata in non repugnantia idearum. De potentia illa dicemus in articulo quarto.

Potentia subjectiva seu realis est capacitas realis rei jam existentis ad aliquid faciendum vel recipiendum; est realitas in subjecto existens, vi cuius subjectum aliquid facere aut recipere potest, unde *subjectiva* dicitur.

2° Potentia *subjectiva* dividitur in potentiam *receptivam* et *operativam*.

Potentia receptiva, quæ dicitur etiam *passiva*, est aptitudo rei jam existentis ad aliquid recipiendum; v. g., in

ligno, in marmore est *potentia receptiva* ad formam statuae. *Potentia operativa* est aptitudo rei existentis ad aliquid faciendum; v. g., sensus et intellectus sunt *potentiae operativae*. Dicitur etiam *potentia activa*. Utraque dicitur *proxima* vel *remota* prout statim ad actum reduci potest, vel ad actum per diversos gradus disponi indiget.⁽¹⁾

3° *Potentia receptiva* est vel *naturalis* vel *obedientialis*.

Potentia naturalis est aptitudo ad aliquid recipiendum naturæ viribus proportionatum, v. g.: potentia aquæ ad calorem recipiendum. *Potentia obedientialis* est aptitudo rerum, ut pro arbitrio Dei, formas recipient quæ exigentiam et capacitatem naturalem superant; v. g.: potentia animæ ad gratiam recipientam. Ista potentia dicitur *obedientialis* quia creature sunt in manu Dei cui obediunt; virtus enim et natura creata Deo subjiciuntur.

4° *Potentia operativa* est vel *activa*, vel *passiva*.

Potentia activa est illa quæ objectum suum producit, vel ad ipsum sese habet ut *agens*; v. g.: facultas nutritiva. *Potentia passiva* est illa quæ objectum suum præsupponit et sese habet ad ipsum ut *patiens*; v. g.: sensus qui patitur actionem objecti sensibilis, cum ab ipso determinatur ad sentiendum.

IV: Axiomata quæ ex comparatione actus et potentiae trahuntur.—Secundum quod comparantur ad invicem actus et potentia, diversa enascuntur axiomata qui in re philosophica perutilia sunt. Ad quedam capita reduci possunt: actus enim et potentia accipiuntur vel in propria significacione prout nempe actus *perfectionem* potentia *imperfectionem* important;—vel prout *relationem* aut *oppositionem* ad

(1) « La puissance comporte une foule de degrés. Il est clair qu'un architecte très exercé dans son art a la puissance de bâtrir une maison, dans un degré supérieur à celui d'un architecte novice. La puissance de celui-ci est supérieure à celle d'un ignorant qui pourrait apprendre l'art de l'architecture mais qui ne le connaît pas encore; enfin nous ne trouvons plus qu'une puissance radicale à cet art dans le petit enfant. Les scholastiques ont ramené tous ces états potentiels à deux principaux: la puissance éloignée et la puissance prochaine. » FARGES, *l'Acte et la Puissance*, 5^e édit. p. 29.

status.
facien-
erativæ.
ma vel
actum
ntialis.
endum
uae ad
ptitudo
entiam
animæ
ntialis
nim et
beit, vel
tritiva.
pponit
patitur
d sen-
t po-
l invi-
i in re-
i pos-
signifi-
rfectio-
em ad
r qu'un
dans un
ui-ci est
itecture
ne puis-
ramené
la puis-

invicem dicunt; vel prout fit *transitus* e potentia ad actum; vel tandem secundum *prioritatem* et *posterioritatem* utriusque.

1º Prout actus *perfectionem*, potentia *imperfectionem* important:

a) *Actus melior est potentia*; perfectio enim melior est imperfectione.

b) *Actus purus est omnino perfectus*; actus purus excludit omnem potentiam, ideoque omnem imperfectionem.

c) *In tantum aliquid est perfectum, in quantum est in actu; imperfectum vero, in quantum est in potentia.*

d) *Actus est perfectio potentiae*; actus enim est id quo res perficitur.

e) *Unumquaque secundum quod est actu et perfectum, secundum hoc est principium activum alicujus; patitur autem unumquodque secundum quod est in potentia et imperfectum.* Actus enim est perfectio potentiae, secundum quod igitur aliquid est actu potest actione sua implere capacitatem entis quod est in potentia, et quod patitur actionem principii activi perficiens. Unde *unumquodque agit in quantum est actu, patitur vero in quantum est potentia.*

2º Prout relationem ad invicem dicunt:

a) *Actus et potentia sunt in eodem genere*, scilicet, actus et potentia essentialiter ad illum actum ordinata sunt in eodem genere supremo substantiae aut accidentis. Si igitur actus est quid substantiale, potentia erit quid substantiale, si actus est quid accidentale, potentia erit quid accidentale et vice versa. Ratio est quia actus est perfectio, complementum ipsius potentiae; unde si sit aliqua potentia seu capacitas in ordine substantiali, non potest compleri per aliquid accidentale, nec aliquid substantiale perficere seu completere potest aliquam potentiam in ordine accidentalis.

b) *Ab actu ad posse valet illatio*, sed non viceversa, a posse ad actum valet illatio; ex eo quod enim res aliquam perfectionem babeat, sequitur quod possit illam babere, sed non viceversa, quia ex eo quod possit ipsam habere, non sequitur quod ipsam habeat.

3° Prout oppositionem dicunt :

a) *Actus et potentia sunt opposita*, potentia enim est negatio actus ; res est in potentia per ordinem ad perfectionem quam non habet, in actu per ordinem ad perfectionem quam habet.

b) *Idem non potest esse simul in potentia et in actu circa idem* ; idem enim non potest simul habere et non habere eamdem perfectionem. Tamen idem potest esse simul in potentia et in actu circa diversa.

c) *Inter potentiam et actum non datur medium* ; inter agere et non agere, habere aliquam perfectionem et ipsam non habere, non datur medium. Initium actionis jam est actus, et prima possessio seu receptio perfectionis etiam imperfecta, actus quoque est. Inter potentiam puram et actum purum habetur actus imperfectus qui est motus, aliquid nempe simul in actu et in potentia circa diversa ; unde, quin contradicatur axiomati, dicitur : *motus est medium inter actum et potentiam*.

4° Prout fit transitus de potentia ad actum :

a) *Potentia, qua talis, nequit per semetipsam ad actum reduci, sed reducitur ab alio principio in actu*. Subjectum enim reduci de potentia ad actum est ipsum accipere perfectionem quam antea non habebat sed poterat tantum habere. Atqui subjectum non potest sibi dare id quod non habet. Ergo id quod est in potentia non reducitur ad actum nisi ab alio principio in actu.

b) *Quidquid transit de potentia ad actum mutatur* ; in hoc enim consiatit mutatio quod subjectum acquirat vel amittat aliquid ; in utroque casu habetur transitus de potentia ad actum.

c) *Quidquid movetur ab alio movetur* ; moveri est transire de potentia ad actum, et id quod est in potentia non transit ad actum, nisi ad ipsum reducatur ab alio quod est actu.

d) *Ens immutabile est actus purus, et omne ens mutable componitur ex actu et potentia*.

5° Secundum prioritatem vel posterioritatem utriusque.

a) *Absolute prior est actus potentia; potentia enim ad actum non reduceretur nisi præexisteret actus.*

b) *Perfectum simpliciter prius est imperfectio.*

c) *In ente mutabili prior est potentia quam actus; mutatur enim secundum quod transit de potentia ad actum.*

ARTICULUS III

DE ESSENTIA ET EXISTENTIA

I. Essentia notio.—Essentia proprie non definitur sed tantum declaratur. Nomine *essentiæ* intelligitur:—*id quo res est id quod est;*—*id quo res constituitur in determinata specie;*—*id quod primo in re concipitur et est radix proprietatum quæ in re sunt;*—*id per quod respondeatur querenti quid sit res;*—*id quo res in se constituitur et ab omnibus aliis distinguitur.*

II. Essentia nomina.—Essentia diversa sortitur nomina quæ semper eamdem rem significant sed secundum diversas ejus relationes. Sic dicitur: *essentia* prout est rei entitas considerata in ordine ad *esse*;—*quidditas*, quatenus consideratur per ordinem ad definitionem qua scitur *quid sit res*;—*natura*, prout consideratur per ordinem ad *operationem*, scilicet quatenus est primum principium et radix omnium actionum;—*ratio*, per ordinem ad *intellectum* quatenus est

id quod primo in re concipiatur ;—*substantia*; per ordinem ad *proprietates* quibus substatur ;—tandem *species*, prout est id quo res constituitur in determinata specie.

III. Essentiae species.—1° Duplex distinguitur essentia, *physica* scilicet et *metaphysica*. Essentia dicitur *physica* prout consideratur ut totum physicum, coalescens ex partibus realiter ad invicem distinctis, v. g. : essentia *physica* hominis constituitur ex anima et corpore. Essentia dicitur *metaphysica* prout consideratur ut totum metaphysicum resultans ex genere et ultima differentia ; v. g. : essentia *metaphysica* hominis constituitur animalitate et rationalitate.

2° Essentia *physica* duplex est, *artificialis* et *naturalis*. *Prima* est illa quae constituitur dependenter ab humano intellectu et ab artificiis industria, v. g. : horologii essentia ; *secunda* est illa cujus constitutio a natura petitur, et ab intellectu humano est independens, v. g. : essentia plantæ.

IV. Essentiarum dotes.—Essentiæ sunt *necessariae*, *immutabiles*, *indivisibiles* et *æternæ*, *æternitate negativa*.

Necessariae. Etenim principia essentiæ constitutiva ita ad invicem connectuntur ut aliter esse non possunt nisi destruta essentia. Sic, ita in homine constituitur essentia ex animalitate et rationalitate, ut uno principio subtracto, essentia hominis destruitur. Non possunt esse aliter ac sunt.

Immutabiles. Id quod est necessarium mutari nequit. Essentiæ igitur cum sint necessariæ, immutabiles sunt.

Indivisibiles. Non possunt enim admittere additionem seu diminutionem, non essent amplius immutabiles.

Æternæ, æternitate negativa. *Æternitas* est *duratio sine principio et sine fine* : dicitur *positiva* prout est mensura durationis entis realiter existentis ; dicitur *negativa* prout est mensura eorum quæ a tempore abstrahunt et ab ipso igitur non mensurantur. Essentiæ autem a tempore abstrahunt et quoad principia ex quibus resultant, et quoad existentiam. Ab æterno enim verum est hominem esse animal rationale, et in quavis differentia temporis homo existere potest.

nem ad
est id

ssentia,
physica
partibus
hominis
etaphy-
sultans
physica

aturalis.
o intel-
secunda
tellecetu

iae, im-

iva ita
si des-
ntia ex
essen-
t.
nequit.

tionem

io sine
durata
t men-
ur non
quoad
Ab
e, et in

V. Essentiarum cognoscibilitas.

Status questionis.—1° Nominalistæ et conceptualistæ negant reales rerum essentias a nobis cognosci posse. Distinguunt enim essentiam realem seu physicam et essentiam nominalem. Essentia physica est id quo res in seipsa physice constituitur; essentia vero nominalis est ea quæ a mentis consideratione pendet, quatenus mens res coordinat sub diversis generibus et speciebus. Lockius et positivistæ dicunt notiones quas quidem habemus de essentiis ad essentianam nominalem referre, non autem realem. Illa autem positio nominalistarum et conceptualistarum sese habet ut consequentia doctrinæ ipsorum circa naturam universalium.

2° Scholastici concedunt non omnes rerum essentias esse a nobis cognitas; tamen dici non potest quod realitas essentiarum sit nobis penitus ignota. Non habemus quidem cognitionem intuitivam et immediatam ipsarum, nempe intellectus noster non immediate in seipsis essentias attingit; sed veram ipsarum cognitionem licet imperfectam habemus, in quantum ex proprietatibus et qualitatibus rerum ad essentiam assurgimus. Sit igitur.

THESIS.—ESSENTIAE REALES RERUM NON SUNT NOBIS OMNINO IGNOTÆ.

1° *Ex rerum proprietatibus.* Plures rerum proprietates et qualitates certo cognoscimus; homines præditos escratione, bruta sensibilitate, plantas vi nutritiva, augmentativa et generativa, etc. Atqui ex notione illarum proprietatum legitime et scientifice ad cognitionem essentiarum assurgere possumus. Ergo essentiae reales rerum non sunt nobis omnino ignotæ.

Ad minorem. Etenim istæ rerum proprietates sese habent ad essentiam sicut effectus ad causam, principium enim postulant a quo procedunt. Atqui ex effectu cognito possumus ad causæ cognitionem pervenire; scilicet existentiam et naturam ejus aliquo modo attingere. Proprium est enim scientiæ

ab effectibus, a phænomenis ad causas assurgere. Ergo ex notione proprietatum legitime et scientifice ad cognitionem essentiarum assurgere possumus.

2° *Suadetur sensu communi.* Omnes enim homines dum res definiunt, et definitionibus entia alia ab aliis distinguunt, non intendunt essentiam rerum *nominalem* declarare sed realem, id nempe quo res in seipsis constituuntur et ab aliis secernuntur.

3° *Ex natura universalium confirmatur.* Ideo enim nominalistæ et conceptualistæ dixerunt essentias reales rerum a nobis cognosci non posse quia objectivitatem universalium denegarunt. Atqui jam demonstratum est in critica, essentias universales quas intellectus abstrahit a rebus sensibiliibus esse quid reale et objectivum. Ergo essentiae reales rerum non sunt a nobis omnino ignotæ.

VI. Existentiæ notio. — Vi vocis, existentia (sistentia ex) est id quo res *sistil extra causas*. Logice definiri non potest; describitur ita ut sit: *actualitas essentiæ* :—*ultima actualitas essentiæ* :—id quo res ponitur extra statum possibilitatis, seu *extra causas*.

VII. Distinctio essentiæ et existentiæ.

Status questionis. — 1° Ex statuta notione essentiæ et existentiæ, jam apparet inter utramque haberi saltem distinctionem rationis. Alius est enim conceptus essentiæ, alias vero conceptus existentiæ.

2° Essentia abstracte sumpta in statu mere possibilitatis realiter differt ab essentia per realem existentiam actuata: essentia scilicet possibilis ab essentia reali et physica realiter distinguitur. Circa hoc autem non fit difficultas.

3° Hic quidem agitur de essentia reali et physica, prout nempe in rebus existentibus consideratur, et queritur utrum illa essentia actualis realiter ab existentia distinguatur, utrum scilicet in re actualiter existente essentia rei et existentia ejus sint duæ realitates, vel duo conceptus unius ejusdem realitatis.

Ergo ex
ditionem

nes dum
nguunt,
are sed
ab aliis

n nomin-
a nobis
a dene-
ssentias
ibilibus
rerum

ntia ex)
potest ;
tualitas
tis, seu

ntiae et
distinc-
us vero
ossibili-
tuata ;
realiter

prout
utrum
utrum
ia ejus
reali-

4° Duplex circa hanc questionem datur philosophorum sententia. Prima ipsius Suaresii (1548-1617), quam sequuntur plures doctores Societatis Jesu, contendit distinctionem non realem sed logicam cum fundamento in re admittendam esse inter essentiam actualem et existentiam. Secunda vero Sancti Thomae et thomistarum, quam sequuntur hodie recentiores scriptores Societatis Jesu, Liberatore, Cornoldi, Schifini, De Maria, Billot, De San, realem vindicant distinctionem inter essentiam et existentiam.

5° Cum affirmatur distinctio realis inter essentiam et existentiam, non est illa accipienda quasi essentia et existentia sint duæ res subsistentes ut sunt Socrates et Plato, nec duæ res a Deo creatæ quæ fuerunt postea unitæ, sed intelligitur essentiam et existentiam esse duo realia principia intrinseca constitutiva unius rei subsistentis, duo principia realia unius ejusdemque entis creati. Sit igitur.

THESIS.—IN REBUS CREATIS ESSENTIA REALITER DISTINGUITUR AB EXISTENTIA.

Dicitur : *in rebus creatis*, quia in Deo essentia et existentia identificantur, Deus enim est ipsum esse.

Demonstratur.—1° Quandocumque aliquid prædicatur de altero per realem participationem, et sicut aliquid non existens de essentia participantis, oportet ibi adsit distinctio realis inter essentiam participantem et id quod participatur. Atqui *esse* seu existentia prædicatur de qualibet creatura *per participationem* et sicut aliquid non *existens de essentia* creature (ut essentia) : ergo oportet in qualibet creatura esse aliquid realiter distinctum ab *esse* sic participato, seu realiter distingui in creatura *essentiam* et *esse* seu *existentiam*. ⁽¹⁾

Ad majorem. 1° Aliquid potest prædicari de alio duplenter, *essentialiter* et *per participationem* : *essentialiter*, sicut

(1) LORENZELLI, *Phil. theoreticæ Institutiones, Metaph. Gen. P. II, L. III, 8*

esse album prædicatur de ipsa albedine ; *per participationem*, sicut esse album prædicatur de corpore albo, de quo affirmatur non quod sit ipsa albedo, sed quod habeat albedinem. 2° Aliquid prædicatur *per participationem* etiam duplum : primo sicut aliquid *existens de essentia participantis*, cum v. g. dicitur *homo est animal*, animalitas de homine prædicatur per participationem, scilicet homo habet animalitatem, tamen animalitas est de essentia hominis, cum ingreditur ejus definitionem. Secundo, sicut aliquid *non existens de essentia participantis*, sicut v. g. calor prædicatur de aqua vel de ferro. Cum aqua dicitur calida significatur quod ipsa habet calorem, qui calor non est aliquid *existens de essentia aquæ*. Ubi igitur aliquid de aliquo prædicatur per realem participationem et sicut aliquid *non existens de essentia participantis*, oportet ibi aliquid esse præter id quod participatur, seu ab isto realiter distinctum. Non datur enim realis participatio nisi sit reale participans et reale participatum, atque distinctio realis inter utrumque.

Ad minorem. 1° *Esse* prædicatur de quabilis creatura *per participationem*. Etenim esse de Deo tantum *essentialiter* prædicatur, Deus solus est *ipsum esse subsistens*, creaturæ non sunt *esse* sed *habent esse*. 2° *Esse* prædicatur de creaturis sicut aliquid *non existens de essentia creaturæ*. Quod enim prædicatur hoc modo ingreditur definitionem subjecti de quo prædicatur ; *esse* autem est de definitione nullius creaturæ. Cum igitur *esse* prædicatur *essentialiter* de Deo, sequitur in Deo non adesse distinctionem *realem* inter essentiam et existentiam ; quia vero *esse* prædicatur de creaturis *per participationem* et sicut aliquid *non existens de essentia creaturæ*, oportet admetti in ipsis distinctionem *realem* inter utramque, scilicet compositionem essentiæ et existentiæ.

2° Nulla essentia intelligi vel definiri potest sine his quæ sunt partes essentiæ vel quæ cum ipsa identificantur. Atqui omnis essentia creaturæ intelligitur et definitur quin existentia conceptum vel definitionem ejus ingrediatur. Ergo existentia est quid realiter distinctum ab essentia.

¶ Quidquid non esse de intellectu essentiae vel quidditatis, hoc est adveniens extra et faciens compositionem cum essentia, quia nulla essentia sine his que sunt partes essentiae intelligi potest. Omnis autem essentia vel quidditas intelligi potest sine hoc quod aliquid intelligatur esse suo facto; possum enim intelligere quid est homo, et tamen ignorare an esse habeat in rerum natura: ergo patet quod esse est aliud ab essentia vel quidditate: nisi forte sit aliqua res, cuius quidditas sit suum esse, et haec res non potest esse, nisi una et prima.^s (1)

Hic quidem S. Thomas loquitur de essentia physica et reali, quia non diceret esse seu existentiam facere compositionem cum essentia ideali.

3° Esse quod non realiter distinguitur ab essentia est esse irreceptum in subjecto. Atqui esse irreceptum non potest creaturis convenire. Ergo esse in creaturis realiter distinguitur ab essentia.

Clara est major, subjectum existentiae receptivum non potest esse nisi essentia; si igitur essentia cum existentia identificatur, jam realiter esse non recipitur.

Ad minorem. Esse irreceptum creaturis convenire non potest. Etenim esse irreceptum in subjecto nequit habere aliquid sibi realiter conjunctum. Atqui omnis creatura habet aliquod *accidentale* sibi adnexum praeter esse substantiale seu esse existentiae. Ergo esse irreceptum creaturis convenire non potest.

Major hujus argumenti fundatur in hoc quod existentia est *ultima rei substantiae actualitas* ideoque existentia non potest esse subjectum ulterioris actus et nihil potest ipsi adjungi. Quocirca si esse habet aliquid sibi realiter conjunctum, illud non potest esse nisi aliquod subjectum cuius sit actus, vel aliquod *esse additum* in eodem subjecto receptum. Utrumque autem supponit esse seu existentiam in essentia recipi tanquam in subjecto. Ergo esse irreceptum nequit habere aliquid sibi realiter conjunctum.

(1) S. THOMAS, *De ente et essentia*, c. V.

II. Corollarium.—Esse est actus essentiae et ad ipsam comparatur sicut ad subjectum. Essentia igitur et existentia in rebus creatis comparantur sicut potentia et actus.

IX. Difficultatum solutio.

1° Realiter distincta possunt *essere* et *fieri* separatim. Atqui essentia et existentia non possunt *essere* et *fieri* separatim. Ergo essentia et existentia non sunt realiter distincta.

Dist. maj. realiter distincta ut duo subsistentia, *conc.* realiter distincta ut duo principia unius subsistentis, *nego*.

Conc. min.

Non est de ratione distinctionis realis separabilitas realis distinctorum, ideoque duo possunt esse realiter distincta licet non possint esse et fieri separatim. Ita materia realiter distinguitur a forma, tamen sine forma nec esse nec fieri potest; potentiae anime realiter ab ipsa distinguntur, non possunt esse et fieri sine anima. Quae quidem realiter distinguntur ut duo entia completa et subsistentia possunt esse et fieri separatim, non autem quae sunt principia constitutiva unius subsistentis.

2° Atqui essentia et existentia non possunt haberi ut duo principia distincta unius subsistentis. Ergo reddit difficultas.

Quae realiter distinguntur ut duo principia sese babent ut *res* et *res*. Atqui essentia et existentia non sese babent ut *res* et *res*. Ergo essentia et existentia non realiter distinguntur.

Dist. maj. Sese habent ut *res* et *res*, scilicet ut duæ realitates, *conc.*, ut duæ essentiae, *nego*.

Contrad. min. non sese habent ut duæ esse utim, *conc.*, non sese habent ut duæ realites, *nego*.

Rei nomen duplum accipitur: lato sensu pro quacumque realitate, stricto sensu et proprie pro ipse essentia; existentia dicitur potius *actus rei*, et *res* cum actu suo seu cum *existentia* dicitur proprie *ens*. Realiter igitur distincta dehent sese habere ut *res* et *res*, in hoc sensu quod debeat esse ut duæ realitates, non autem ut duæ essentiae.

3° Atqui essentia et existentia non possunt sese habere ut duæ realitates. Ergo reddit difficultas.

Existentia est id quo essentia ponitur extra causas. Atqui essentia ponitur extra causas propria realitate. Ergo essentia et existentia non sese habent ut duæ realitates.

Conc. maj.; *dist. min.* propria realitate quae sit tantum realitas essentiae, *nego*, propria realitate quae est essentia per existentiam actuata, *conc.*

4° Atqui essentia ponitur extra causas unica realitate quae est existentia cum essentia identificata. Ergo.

ipsam
stentia

entia et
tia non
istincta

etorum,
separa-
ec esse
possunt
o entia
e sunt
incipia

et res.
ntia et
nc., ut
habent

litate,
us rei,
igitur
t due

tates.
ntia
a sese
ntia,
entia

Non est medium inter nihilum et existentiam. Atqui essentia realis non est nihilum. Ergo essentia est existentia.

Dist. maj. : non est medium inter nihilum et id quod existit, *conc.*, inter nihilum et ipsam existentiam *nego*. *Conc. min.*

Inter nihilum et id quod existit non datur medium, quia id quod existit est ens, t. e. inter ens et non ens non datur medium. Sed id quod existit et existentia non sunt unum et idem. Existentia enim non est id *quod* existit, sed id *qua* res existit. Unde inter nihilum et existentiam potest dari medium, scilicet inter nihilum et actum datur potentia realis actu informata que est essentia.

5° Atqui non potest admitti existentiam esse quid distinctum ab essentia. Ergo.

Repugnat aliquid quod non sit neque substantia neque accidens. Atqui existentia realiter distincta ab essentia non esset neque substantia neque accidens. Ergo existentia non realiter distinguitur ab essentia.

Conc. maj. Dist. min. proprie, conc. reductive, nego.

Existentia proprie non est neque substantia, neque accidens, utrumque enim non sunt esse, sed ordinem dicunt ad esse ; tamen cum existentia sit ultima substantiae actualitas, est quid substantiale et ad substantiam reducitur ; prout vero est esse seu actus accidentis, ad accidens reducitur.

ARTICULUS IV

DE POSSIBILITATE

I. **Possibilitatis notio.**—*Possibilitas* est *aptitudo* seu *non repugnantia* ad existendum. *Possibile* igitur est id quod est aptum ad existendum, id cui existentia non repugnat. Possibilitati opponitur *impossibilitas* que est *repugnantia* ad existendum, unde *impossibile* dicitur id quod existere non potest.

Possible distingui debet a nihilo ; etenim possibile est quid positivum quod in se concepi potest, nihilum est quid

negativum, quod non in se sed in suo opposito concipitur; possibile insuper ad existentiam pervenire potest, nihilum vero nunquam.

II. Possibilitatis species.—1° Possibilitas est *intrinseca* et *extrinseca*.

Possibilitas intrinseca est *aptitudo ad existendum fundata in non repugnantia idearum*; unde possibile est intrinsece omne in quod non implicat contradictionem, et impossibile est intrinsece, omne id quod implicat contradictionem. Possibilitas intrinseca dicitur etiam *absoluta* et *metaphysica*: *absoluta*, quia est possibilitas rei in se consideratae; *metaphysica*, spectata nempe essentia rei, seu spectatis elementis constitutivis essentiae.

Possibilitas extrinseca, est *aptitudo ad existendum fundata in virtute causae quae potest rem producere*. Aliquid igitur est extrinsece possibile quando datur causa cujus virtute produci potest, et extrinsece impossibile, cum causa hujusmodi non datur. Possibilitas extrinseca dicitur *relativa*, apparet enim, non spectata re in se, sed secundum ordinem seu relationem ad causam.

2° Possibilitas extrinseca dividitur in *physicam* et *morallem*.

Possibilitas extrinseca physica est illa quae fundatur in *legibus naturae*; unde dicitur *physice possibile* quidquid est secundum leges naturae, secundum consuetum naturae ordinem; *physice impossibile* quidquid est praeter consuetum naturae ordinem; v. g., *Physice possibile* est peditus iter per Americam facere, *physice impossibile*, mortuum ad vitam redire.

Possibilitas extrinseca moralis est illa quae fundatur in constantibus hominum moribus; unde *moraliter possibile* dicitur quidquid fieri potest secundum consuetum agendi modum hominum, vel secundum leges quibus diriguntur actus liberi voluntatis; *moraliter impossibile* quidquid est praeter consuetum agendi modum hominum, vel contra leges quibus voluntas dirigitur in suis liberis actibus; v. g., *mora-*

liter possibile est bominem mentiri, moraliter impossibile matrem filios suos non diligere. Cum autem homines in genere non suscipiunt faciendum id quod gravi laborat difficultate, *gravis difficultas* dicitur impossibilitas moralis.

III. Axiomata ex notione possibilis de prompta.

1° Impossibile absolute est impossibile relative.
2° Possibile absolute est possibile relative per ordinem ad causam primam, nempe ad Deum.

3° Possibile relative est necessario possibile absolute.
4° Possibile absolute est possibile relative respectu tantum cause cujus virtute produci potest.
5° Quidquid est physice possibile debet esse possibile metaphysice.

6° Quidquid est moraliter possibile debet esse possibile physice et metaphysice.

7° Quod est impossibile physice, potest esse possibile metaphysice.

8° Quod est moraliter impossibile potest esse possibile physice et metabophysice.

IV. De principio a quo pendet possibilitas intrinseca.

1° Status questionis.—Possibilitas extrinseca pendet a causa efficiente quae res producit; tamen res produci non potest nisi sit intrinsece possibilis. Quærere igitur de fundamento possibilis intrinsecæ, est quærere simpliciter de primo principio a quo pendeat omnis possibilitas. Jam definivimus possibilitatem intrinsecam, ita ut sit non repugnantia ad existendum fundata in non repugnantia idearum, scilicet non repugnantia ad existendum fundata in sociabilitate notarum quae rem constituunt. Fundamentum proximum possibilis est igitur sociabilitas seu non repugnantia notarum ex quibus essentia rei constituitur. Sed ulterius quæritur, a quoniam principio pendet quod bæ natæ sint sociabiles et non repugnantes, aliæ vero sint insociabiles; en quæstio quæ nunc solvenda proponitur.

2° Philosophorum sententiae.—Quinque adnumerantur sententiae quarum quatuor prius falsae sunt :

- a) Juxta fatalistas principium a quo pendet possibilitas intrinseca rerum est *ipsa possibilium existentia*.
- b) Juxta conceptualistas et subjectivistas, primum possibilitatis principium est *ipse intellectus humanus*. Juxta ipsos enim, essentiae rerum ab intellectu concipiuntur quin sit realitas objectiva extra mentem existens cui respondeant.
- c) Juxta Occam (1280-1347) et nominalistas, possibilis intrinseca pendet *a potentia Dei*.
- d) Juxta Cartesium hæc possibilias a *libera Dei voluntate pendet*..
- e) Juxta scholasticos primum principium a quo pendet possibilitas intrinseca rerum est formaliter *ipse intellectus Dei*, fundamentaliter *ipsa divina essentia*.

3° Falsæ sententiae rejiciuntur.

a) **Possibilitas intrinseca non pendet ab actuali rerum existentia.** Etenim principium a quo pendet possibilitas intrinseca non potest ipsam præsupponere. Atqui actualis rerum existentia ipsam possibilitatem intrinsecam præsupponit, cum prius est posse esse quam esse. Ergo possibilitas intrinseca non pendet ab actuali rerum existentia.

b) **Possibilitas intrinseca non pendet ab intellectu humano.**—Illud non pendet ab intellectu humano quod ipsi præsupponitur et est ab eo independens. Atqui possibilitas intrinseca rerum est hujusmodi. Etenim essentiae rerum constituunt objectum intellectus, ideoque ipsi præsupponuntur cum intellectus objectum suum non facit. Insuper deficiente intellectu humano res sunt id quod sunt, et antequam existeret homo, possibilis erat homo, et idem etiam dicitur de aliis canticibus. Possibilitas intrinseca rerum non pendet igitur ab intellectu humano.

c) **Possibilitas intrinseca non pendet a potentia divina.**—Illa enim sententia vel omnipotentiam Dei destruit

vel ipsam ridiculam facit. In hac sententia non admittitur possibilitas vel impossibilitas intrinseca sed extrinseca tantum, ita ut possibile dicitur id quod Deus facere potest, impossibile id quod Deus facere non potest. Jamvero impossibilitas rem faciendi non limitat virtutem agentis, si ex re, quae in seipsa repugnat, non autem ex virtute agentis pendeat, aliter illam virtutem limitatam necessario supponit. Igitur, admissa sententia Occam, virtus divina non esset amplius infinita, nec Deus omnipotens, nisi dicatur esse omnipotens quia potest omnia quae potest, quod est omnipotentiam ridiculam facere.

d) Possibilitas intrinseca non pendet a libera Dei voluntate.—Illa sententia ipsis essentiarum dotibus et certitudini scientiarum adversatur. Essentiæ enim sunt necessariae et immutables, ideoque objectum certitudinis in scientiis esse possunt. Atqui admissa sententia Cartesii, essentiæ pendet a libera Dei voluntate, ideoque sunt contingentes et mutabiles, et non possunt amplius esse objectum certitudinis. Ergo possibilitas intrinseca non pendet a libera Dei voluntate.

4° Vera sententia demonstratur.

THESIS.—POSSIBILITAS INTRINSECA PENDET FORMALITER AB INTELLECTU DIVINO, FUNDAMENTALITER AB ESSENTIA DEI.

Prima pars.—1° Possibilia ut possibilia seu formaliter accepta, non habent nisi esse ideale. Atqui esse ideale non est esse nisi in intellectu et ab intellectu. Ergo possibilia ut possibilia dependent ab intellectu in quo sunt et a quo formaliter constituuntur. Atqui iste intellectus non est intellectus humanus. Ergo possibilitas intrinseca pendet formaliter ab intellectu divino. Quemadmodum potentia divina est radix et fons omnis realitatis, ita intellectus divinus est fons omnis idealitatis.

2° Opus faciendum antequam fiat pendet ab intellectu artificis a quo concipitur ideo ad cuius similitudinem effici

potest. Atqui possibilia nihil aliud sunt quam opera facienda, et ad Deum referuntur tanquam ad artificem. Ergo possibilia formaliter pendent ab intellectu divino in quo sunt idæ archetypæ ad quarum similitudinem res fiunt.

Secunda pars.—*Possibilitas intrinseca pendet fundamentaliter ab essentia divina.* Intellectus divinus esse ideale seu possibile rerum constituit cognitione divinæ essentiae. Intellectus enim divinus perfecte cognoscit essentiam divinam non tantum ut in se est, sed etiam prout diversimode est imitabilis ad extra. Atqui illi diversi modi imitabilitatis divinæ essentiae ad extra ab intellectu divino cogniti, nihil aliud sunt nisi idæ exemplares ad quarum similitudinem fiunt quemque sunt, et quibus in ordine ideali omnia possibilia constituuntur. Ergo possibilitas intrinseca pendet fundamentaliter ab essentia divina.

« Deus essentiam suam perfecte cognoscit : unde cognoscit eam secundum omnem modum quo cognoscibilis est. Potest autem cognosci non solum secundum quod in se est, sed secundum quod est participabilis secundum aliquem modum similitudinis a creaturis. Unaquaeque autem creatura habet propriam speciem secundum quod aliquo modo participat divinæ essentiae similitudinem. Sic igitur in quantum Deus cognoscit suam essentiam ut sic imitabilem a tali creatura, cognoscit eam ut propriam rationem et ideam hujus creaturæ : et similiter de aliis.» (1)

(1) S. THOMAS, *Sum. theol.* q. 15, a. 2.

LIBER SECUNDUS

DE PROPRIETATIBUS ENTIS

Prologus.—Proprietas est id quod necessario dimanat ab essentia jam constituta ; cum autem nulla sit natura quæ proprietates non habeat, habito sermone de natura entis, nunc dicendum est de ejus proprietatibus. Non quidem agitur de proprietatibus quæ entibus convenient prout in diversis generibus et speciebus continentur, iste liber secundus nec genera nec species considerat ; agitur de proprietatibus quæ in nullo genere continentur, quia vel omnibus entibus convenient et *transcendentales* sunt, vel pluribus abstractione facta a generibus et speciebus, et *universalissimæ* dicuntur. Duplex igitur caput hujus libri secundi :

1um.—De proprietatibus transcendentalibus entis ;

2um.—De universalissimis entium proprietatibus

CAPUT PRIMUM

DE PROPRIETATIBUS TRANSCENDENTALIBUS ENTIS

Prologus.—Transcendentalia quinque numerantur : *ens*, *unum*, *aliquid*, *verum* et *bonum*. Quidquid enim *ens* consequitur ipsi additur prout consideratur vel in *se*, vel secundum ordinem ad aliud. Id autem quod consequitur omne *ens* absolute est *indivisio* quæ exprimitur per nomen *unum*. Secundum vero ordinem ad aliud, ipsum *ens* consequuntur : *distinctio*, quia omne *ens* non tantum est indivisum in *se*, sed divisum ab aliis, et hoc exprimitur per nomen *aliquid*, idest *aliud quid*; et *respectus* ad intellectum quo cognoscibile est, et ad voluntatem a quo appetibile est, quod quidem exprimitur per nomina *verum* et *bonum*. Cum *aliquid* facile ad *unum* reduci possit, tres erunt articuli de *unitate*, *veritate* et *bonitate*, et de earum oppositis.

DE PROPRIETATIBUS TRANSCENDENTALIBUS ENTIS

I. De unitate et distinctione	Unitas, unicitas	Simplicitatis Compositionis Realis Logica : numerica, specifica, generica, analogia	Substantialis, acciden- tialis Naturalis, artificialis
	Unitatis species		
	Identitas		
	Identitatis species		
	Identitas, similitudo, equalitas		
	Distinatio		
	Distinctionis species		
	Diversitas et differentia		
	Multitudo		
	II. De veritate et falsitate		
	Veritatis notio	Metaphysica Logica Moralis	Omnis veritas a Deo pendet prima veritate. Omne ens est verum.
	Veritatis species		
	Falsitatis notio		
	Falsitatis species	Metaphysica Logica Moralis	Nulia res dei potest formaliter falsa per ordinem ad intellectum divinum.
	Falsitatis existentia		
			Nulia res proprio et per se, sed per accidens tantum, falsa dei potest per ordinem ad intellectum humanum.

III. De bono et malo

Boni notio	
Boni species	Metaphysicum, physicum, morale Utile, honestum, delectabile Reale, apparenſe
Omne ens est bonum.	Infinitum, finitum Materiale, immateriale Naturale, supernaturale
Mali notio	
Mali species	Physicum { Malum naturae Morale { Malum poenae
De existentia mali	
De causa mali	
Axiomata	Bonum est sui diffusivum. Bonum prius est malo. Bonum ex integra causa, malum ex quocumque defectu.

ARTICULUS I

DE UNITATE ET DISTINCTIONE

I. Unitatis notio.—*Unum est id quod est indivisum in se ; unde unitas est indivisio entis.* Unum igitur addit enti modum quemdam negativum, scilicet privationem divisionis. Quia autem ens in se indivisum, non potest esse simul ipsum et alia, ideoque ens indivisum in se est divisum ab aliis, quod significatur per hoc quod dicitur *aliquid* nempe *aliud quid*. Hæc autem unitatis consequentia sœpe sœpius in ipsa *unius* definitione includitur, ita ut unum dicatur : *id quod est indivisum in se et divisum ab aliis.*

Indivisio invenitur vel in quantitate vel in ipsa rei substantia. Prima dicitur *unitas numerica* quae definitur: *principium numeri*; numerus enim est multitudo mensurata per unum. Illa unitas non dicitur de omnibus sed de his tantum quae quantitatem habent, ideoque distinguenda est ab *unitate transcendentali* et metaphysica quae in substantia rei invenitur et est indivisio essentiae.

Unitati affinis est *unicitas* quae definiri potest *unitas rei* quae talem divisionem a quocumque alio importat ut excludatur existentia alterius entis ejusdem entitatis.

II. Unitatis species. — 1° *Unitas dividitur in unitatem simplicitatis, et unitatem compositionis.*

Unitas simplicitatis seu indivisibilitatis est indivisio actualis et potentialis; est indivisio simplicium quae nec dividuntur nec dividi possunt, sunt enim indivisibilia actu et potentia. Talis est unitas animæ.

Unitas compositionis est indivisio actualis in eo quod divisibili est; est unitas compositorum quae sunt indivisibilia actu, sed divisibilia potentia. Talis est unitas hominis.

2° *Unitas compositionis dividitur in substantialem et accidentalem.*

Unitas compositionis substantialis est indivisio compositi substantialis, nempe compositi quod constat ex pluribus partibus essentiae constitutivis; v. g., unitas hominis.

Unitas compositionis accidentalis est indivisio compositi accidentalis, compositi scilicet quod constat sive ex subjecto et accidente, vel ex pluribus substantiis quae in quodam accidente uniuntur; v. g., unitas acervi lapidis, unitas duorum equorum qui currum trahunt.

3° *Unitas compositionis est etiam naturalis, artificialis vel moralis prout partes ex quibus compositum resultat natura vel arte, seu ratione finis communis inter se coadunantur; v. g., unitas hominis est naturalis, unitas horologii est artificialis, unitas exercitus est moralis.*

4° *Unitas est realis vel logica.*

Unitas realis est indivisio quæ enti convenit independenter a mentis consideratione; v. g., unitas simplicitatis, et compositionis.

Unitas logica est indivisio quæ entibus convenit dependenter a mentis consideratione. Illa unitas est *numerica, specifca, generica, analoga*.

Unitas numerica seu individualis est indivisio ipsius individui cuius conceptus pluribus convenire non potest; v. g., unitas Petri, Pauli, Caroli.

Unitas specifca est indivisio eorum quæ conveniunt in eadem definitione qua concipitur species; v. g., Petrus, Paulus et Carolus sunt unum unitate specifca.

Unitas generica est indivisio eorum quæ conveniunt in eadem notione generica; v. g., homo et brutum sunt unum *genere*, seu unitate generica.

Unitas analoga est indivisio eorum quæ conveniunt in ratione eadem proportionaliter participata, scilicet in eadem ratione analoga; v. g., omnia entia sunt unum *analogice* seu unitate analoga.

III. Omne ens est unum, unum et ens convertuntur. Omne ens eadem entitate qua est ens est unum, ideoque inter ens et unum, datur quidem distinctio rationis, cum aliis sit conceptus entis et aliis conceptus unius, sed non datur distinctio realis.

Unitas transcendentalis est ipsa entis indivisio. Atqui esse cuiuslibet rei in indivisione consistit. Ergo emne ens est unum, et unum et ens convertuntur.

Ad minorem. « Omne ens aut est simplex aut compositum. Quod autem est simplex est indivisum et actu et potentia. Quod autem est compositum, non habet esse, quamdiu partes ejus sunt divisæ, sed postquam constituunt, et componunt ipsum compositum. Unde manifestum est, quod esse cuiuslibet rei consistit in indivisione. Et inde est, quod unumquodque, sicut custodit suum esse, ita custodit suam unitatem. »⁽¹⁾

(1) S. THOMAS, *Sum. theol.* q. 11, a. 1.

IV. Identitatis notio et species. — *Identitas* — eadem entitas — est convenientia rei cum seipso. Etenim ex eo quod ens est indivisum in se, cum seipso convenit, unde dicitur *unum* et *idem*.

Identitas est *realis* vel *logica*. *Identitas realis* est convenientia plurium in eadem entitate, v. g., attributa divina sunt idem cum essentia divina. *Identitas logica* est convenientia plurium in eodem conceptu, v. g., natura Petri est eadem ac natura Pauli. Plura autem convenire possunt in eodem conceptu vel specifico, vel generico vel analogico, unde *identitas specifica, generica, analogica*.

V. Identitas, similitudo, æqualitas. — Idein, simile, æquale, communi sermone indiscriminatim usurpantur, sensu proprio tamen non habent eamdem significationem. *Identitas* est convenientia in eadem substantia. *Similitudo* est convenientia in eadem qualitate. *Æqualitas* est convenientia in eadem quantitate. « Idem enim unum substantia est. Æquale unum in quantitate. Simile unum in qualitate. »⁽¹⁾

Vulgo tamen similia dicuntur quæ convenientiunt in eadem forma; et similitudo est perfectissima si convenientiunt in ipsa secundum eamdem rationem et secundum eumdem modum; *perfecta*, si secundum eamdem rationem non autem secundum eumdem modum; *imperfecta*, si convenientiunt in eadem forma sed non secundum rationem omnino eamdem. Illa similitudo ultima est analogica.

VI. Distinctionis notio et species. — *Distinctio* est parentia identitatis inter duo vel plura.

Distinctio dividitur: 1° in *realem* et *logicam*. *Distinctio realis* est parentia identitatis inter plura independenter a mentis consideratione, v. g., distinctio animæ et corporis. *Distinctio logica* est parentia identitatis inter conceptus unius ejusdemque rei; distinctio rationalitatis et animalitatis in homine.

(1) S. THOMAS, *Metaph.* lib. V, lect. 12.

2º *Distinctio realis subdividitur in majorem et minorem.*

Distinctio realis major seu entitativa seu absoluta est carentia identitatis—vel inter duas substantias subsistentes, sicut inter duos homines,—vel inter partes constitutivas unius compositi, quarum una non est alia, sicut inter corpus et animam, inter substantiam et accidentem,—vel inter partem et totum ex partibus resultans, sicut inter hominem et animam. Distinctio realis minor seu modalis est carentia identitatis inter rem et modum ejus, v. g., inter lineam et ejus curvitudinem, inter motum et ejus celeritatem.

3º *Distinctio rationis seu logica est duplex, rationis ratiocinantis, et rationis ratiocinatae.*

*Distinctio rationis ratiocinantis est illa quæ fit a mente in aliqua re, quin res ipsa proximum fundamentum præbeat tali distinctioni, v. g., distinctio Tullii a Cicerone. Distinctio rationis ratiocinatae est illa quæ fit a mente, in aliqua re una et indivisa in se, quæ tamen proximum fundamentum præbet distinguendi in ipsa plures formalitates, v. g., distinctio animæ vegetativæ, sensitivæ et rationalis in homine. Illa distinctio dicitur etiam *virtualis*, seu *cum fundamento in re*, fit enim in re ratione virtutis qua pollet plura præstandi.*

4º *Distinctio rationis ratiocinatae alia est major, alia minor : major quæ distinguit in re formalitates quarum una aliam ex se non includit, et ideo possunt inveniri separatim in diversis, ut animalitas et rationalitas in homine ; — minor quæ distinguit in re formalitates quarum una, licet formaliter non sit altera, tamen ratione subjecti in quo sunt, aliam includit et est inseparabilis ab ipsa, ut misericordia et justitia in Deo.*

5º *Præter distinctiones jam recensitas, Scotistæ aliam inducunt, nempe distinctionem formalem quæ media foret inter distinctionem realem et distinctionem rationis. Dicitur *formalis*, quia est carentia identitatis inter formalitates quæ in re ex natura rei percipiuntur, sicut inter animalitatem et rationalitatem. Illa distinctio non est *realis*, quia non est inter rem et rem : non est rationis tantum quia, ut dicunt, etiam nullo intellectu apprehendente, datur aliquid ex natura rei distinctionem illam importans. Cum inter ens reale et ens rationis nullum datur medium, ita inter distinctionem realem et rationis nulla dari potest distinctio media. Illa distinctio *formalis* scotistarum*

reduci potest ad distinctionem virtualem, scilicet, ad distinctionem rationis cum fundamento in re.

VII. Diversitas et differentia.—Quæ sunt distincta dicuntur *diversa*, ita ut diversitas secundum se nihil aliud importat nisi distinctionem unius ab altero. Tamen si diversitas cum *differentia* comparatur, licet vulgo indiscriminatum usurpatur, *diversitas* dicitur de his quæ non conveniunt in eodem genere proximo vel saltem in aliquo prædicato *univoco*, dum *differentia* propriæ dicitur de his quæ conveniunt in eodem genere proximo vel saltem in aliquo prædicato *univoco*. Secundum hanc vocis proprietatem, non potest dici Deum differre a creaturis, sed diversum esse.

VIII. De multitudine.—Uni opponitur multum, unitati multitudo. *Multitudo* est *id quod est ex unis quorum unum non est alterum*. Multitudo igitur in unitate fundatur. Multum vero dicitur omne id quod est divisum seu divisibile. Quemadmodum datur unum in genere quantitatis et in ratione entis, ita datur multum in genere quantitatis et in ratione entis.

Si consideratur multum contra unum principium numeri, tunc unum sese habet ut mensura multitudinis, et ideo opponuntur sicut mensura et mensuratum. Atqui inter mensuram et mensuratum datur oppositio relativa. Ergo inter unum principium numeri et multum, datur oppositio relativa.

Si consideratur multitudo contra unum transcendentale, tunc opponuntur ut divisum indiviso. Atqui inter divisum et indivisum datur oppositio privativa. Ergo inter unum prout convertitur cum ente et multum, datur oppositio privativa vel contraria, cum revera non datur pura privatio.

ARTICULUS II

DE VERITATE ET FALSITATE

I. Veritatis notio.—Ens secundum ordinem ad intellectum dicitur *verum*. Intellectus autem est duplex, divinus scilicet et humanus. Ratio essentialis veritatis non constituitur secundum ordinem ad intellectum humanum sed divinum. Unde.

THESES.—ENS PRIMO ET ESSENTIALITER DICITUR
VERUM SECUNDUM ORDINEM AD INTELLECTUM DIVINUM, SECUNDARIO ET ACCIDENTALITER SECUNDU MORDINEM AD INTELLECTUM HUMANUM.

Prima pars.—Unumquodque dicitur verum per ordinem ad intellectum. Ergo omne ens dicitur verum secundum ordinem vel ad intellectum divinum vel ad intellectum humanum. At qui ens per prius dicitur verum per ordinem ad intellectum a quo pendet ut sit et cognoscatur, quam per ordinem ad intellectum a quo pendet ut cognoscatur tantum. Ergo ens primo et essentialiter dicitur verum per ordinem ad intellectum divinum a quo pendet ut sit, et in quo sunt ideæ exemplares ad quarum similitudinem omnia entia fiunt.

Ad minorem. « Res intellecta ad intellectum aliquem potest habere ordinem vel *per se*, vel *per accidens*. *Per se* quidem habet ordinem ad intellectum a quo dependet secundum suum esse : *per accidens* autem ad intellectum a quo cognoscibilis est. Judicium autem de re non sumitur secundum id quod inest ei *per accidens*, sed secundum id quod inest ei *per se*. Unde unaquæque res dicitur vera absolute secundum ordinem ad intellectum a quo dependet secundum suum esse. »⁽¹⁾ Ens igitur absolute et essentialiter dicitur verum secundum ordinem ad intellectum divinum.

Secunda pars.—Ens dicit ordinem ad intellectum humanum non ut sit, sed ut cognoscatur tantum. Atqui iste ordo est secundarius et *per accidens*. Ergo ens dicitur verum secundario et accidentaliter secundum ordinem ad intellectum humanum.

II. Veritatis species.—Veritas est *metaphysica*, *logica* et *moralis*.

Veritas metaphysica seu ontologica, seu transcendentalis est *adæquatio rei cum intellectu*.

Veritas logica est adæquatio intellectus cum re.

Veritas moralis quæ dicitur *veracitas*, est *adæquatio sermonis cum cogitatione loquentis*.⁽²⁾

Ratio essentialis veritatis sistit in ordine entis ad intellectum divinum, in quo sunt ideae exemplares ad quarum similitudinem res fiunt. Unde veritas est in rebus per comparationem ad intellectum divinum. *Ipsa entitas rei* quæ referatur ad intellectum, ab auctoribus accipitur ut *veritas fundamentalis* seu *veritas fundamentaliter accepta*; sed *veritas formaliter sumpta* est ipsa entitas prout dicit ordinem ad intellectum. Primo quidem rei entitas dicit ordinem ad intellectum divinum, et habetur *veritas metaphysica* quæ

(1) S. THOMAS, *Sum. theol.* p. I, q. 18, a. 1.

(2) *Veritas quedam in concreto accepta* dicitur aliquando *metaphysica*, *physica* vel *moralis* secundum quod est ordinis *metaphysici*, *physici* vel *moralis*; non hoc sensu hic accipitur.

est adæquatio rei cum intellectu divino. Rei entitas secundario dicit ordinem ad intellectum humanum a quo cognoscitur, et habetur veritas logica. Cognitio autem intellectus causatur a rebus quæ sese habent ad ipsum sicut mensura ad mensuratum. Veritas igitur logica, seu *veritas in cognoscendo*, secundum oppositionem ad veritatem metaphysicam quæ dicitur *veritas in essendo*, est adæquatio intellectus cum re intellecta. Habita vero cognitione intellectus, veritas sermone exprimitur et habetur *veritas in significando*, seu veritas moralis quæ est adæquatio sermonis cum judiciis intellectus loquentis.

III. Omnis veritas a Deo pendet prima veritate.—
Illa propositio est naturalia consequentia eorum quæ dicta sunt. Veritas enim est in sermone, in intellectu nostro, in ipsis rebus : veritas autem sermonis a veritate intellectus pendet, est enim conformitas sermonis cum intellectu ; veritas vero intellectus nostri pendet a veritate rerum, est conformitas intellectus cum rebus ; tandem veritas rerum ab intellectu Dei dependet, cum sit conformitas rei cum intellectu divino. Intellectus igitur divinus sese habet ut fons omnis veritatis, et omnia dicuntur vera a prima veritate.

IV. Omne ens est verum, verum et ens convertuntur, scilicet, ratio veri omnibus entibus convenit, ita ut non sit realis distinctio inter ens et verum, sed distinctio rationis tantum.—Ens dicitur verum per comparationem ad intellectum a quo dependet ut sit et cognoscatur. Ergo unumquodque dicitur verum in quantum est cognoscibile. Atqui unumquodque eadem entitate qua est ens est cognoscibile, in quantum enim habet de esse, in tantum est cognoscibile. Ergo omne ens est verum eadem entitate qua est ens, ideoque non datur distinctio realis inter ens et verum, scilicet, ens et verum convertuntur.

V. Corollaria.—1° Ratio veri formaliter est in intellectu a quo derivatur ex res. Ens enim est verum in quantum est intelligible seu cognoscibile, intellectio vero seu cognitio est in intellectu.

secun-
cognos-
ollectus
ensura
cognos-
ysicam
us cum
as ser-
veritas
ollectus
ate.—
ta sunt.
n. ipsis
pendet,
s vero
ormitas
ellectu
divino.
ritatis,
untur,
non sit
rationis
ntellec-
nquod-
unum-
quant-
Ergo
deoque
ens et
tellectu
cum est
itio est

2° Deficiente intellectu divino, perit omnis ratio veri. Intellectus enim divinus sese habet ut fons et mensura omnis veritatis.

VI. Falsitatis notio.—Veritati opponitur falsitas. Quemadmodum veritas in intellectu formaliter invenitur a quo derivatur ad res, ita falsitas formaliter est in intellectu et non dicitur de rebus nisi secundum ordinem ad intellectum. Veritas alia est metaphysica, alia logica, alia moralis, ita *falsitas* potest dici *metaphysica, logica et moralis*.

Falsitas metaphysica est inadæquatio rei cum intellectu.

Falsitas logica est inadæquatio intellectus nostri cum re.

Falsitas moralis, quæ idem est ac mendacium, est inadæquatio sermonis cum cogitatione loquentis.

Falsitas fundamentalis dari non potest. Etenim verum fundamentaliter acceptum est ipsum ens, falsum igitur vero oppositum fundamentaliter acceptum erit non-ens. Falsum ergo formaliter tantum dici poterit de rebus, vel per ordinem ad intellectum divinum, vel per ordinem ad intellectum humatum.

VII. Existentia falsitatis.

THESES I.—NULLA RES DICI POTEST FORMALITER FALSA PER ORDINEM AD INTELLECTUM DIVINUM.

« Nulla res potest non esse conformis intellectui artificis a cuius conceptu pendet ipsa natura rei ipsius, et qui potens est eamdem rem producere perfecte conformem ideæ præconceptæ. Atqui nulla res est, sive realis, sive possibilis, cuius essentia non pendeat essentialiter a conceptu idealis intellectus Dei, qui utpote perfectissimus et sapientissimus, non solum efficere potest, sed etiam efficit, cum vult, res extra se perfecte conformes ideis suis præconceptis. Ergo

nulla res potest non esse conformis intellectui divino respectu cuius non potest consequenter ulla falsitas formaliter rebus inesse. » ⁽¹⁾

THESIS II.—NULLA RES PROPRIE ET PER SE, SED PER ACCIDENS TANTUM, FALSA DICI POTEST PER ORDINEM AD INTELLECTUM HUMANUM.

Prima pars. Quidquid est, intelligibile est, scilicet natum est natura sua adæquatam sui notionem in intellectu humano producere posse. Ergo nulla res proprie et per se potest dici falsa per ordinem ad intellectum humanum.

Secunda pars. « Sic dicitur res esse falsa quæ nata est de se facere opinionem falsam. Et quia in nobis, innatum est per ea quæ exterius apparent, de rebus judicare, eo quod nostra cognitio a sensu ortum habet qui primo et per se est exteriorum accidentium ; ideo ea quæ in exterioribus habent similitudinem aliarum rerum, dicuntur esse falsa secundum illas res, sicut stamnum est falsum argentum. Et Philosophus dicit quod falsa dicuntur quæcumque nata sunt apparet aut qualia non sunt aut quæ non sunt. » ⁽²⁾ Atqui hoc non fit nisi per accidens. Ergo per accidens tantum res potest dici falsa respectu intellectus nostri.

Corollaria.—1° Falsitas dari posse in intellectu demonstratione non indiget. Jam enim dictum est intellectum falsum judicium proferre seu errare posse, non quidem simpliciter apprehendendo, nec in judiciis immediatis, sed in judiciis mediatis, non autem per se sed per accidens.

2° Esse tandem falsitatem in sermonibus satis experientia constat. Homo tamen non est naturaliter mendax,

(1) ZIGLIARA, *Sum. phil., Ontologia*, lib. II, c. 2, a. 4.

(2) S. THOMAS, *Sum. theol.*, p. I., q. 17, a. 1.

natura enim rationalis ad veritatem ordinatur ; unde ad mentiendum requiritur specialis quædam ratio, secundum axioma : *nemo mendax nisi propter commodum.*

« Le vrai est toujours ce qui se présente d'abord à notre esprit, c'est notre nature de le dire ; pour être vrai, il ne faut ni art, ni instruction, ni tentation, ni motif ; mentir au contraire, c'est faire violence à notre nature, et même chez les hommes les plus dépravés, c'est un acte qui a besoin d'un motif ; on dit vrai comme on mange du pain, par simple appétit et sans aucun dessein particulier ; on ment comme on prend une médecine, pour un but particulier et qu'on ne peut atteindre qu'à cette condition. » RÉIN, *Recherches sur l'entendement humain.*

ARTICULUS III

DE BONO ET MALO

I. Boni notio.—Ens secundum ordinem ad voluntatem seu ad appetitum dicitur bonum. *Bonum igitur est id quod est appetibile, et bonitas est convenientia entis cum appetitu.*

Bonum est id quod omnia appetunt ⁽¹⁾, sed omnia appetunt suam perfectionem, unde bonum habet rationem perfecti, et *unumquodque dicitur bonum in quantum est perfectum.* ⁽²⁾

(1) ARISTOTELES, *Ethic.* lib. I. c. 1.

(2) S. THOMAS, *Sum. theol.* p. I. q. 8. a 5.

Item bonum cum habeat rationem appetibilis, importat rationem cause finalis. Bonum enim movet causam efficientem ad agendum, et cum haec agit, forma inducit quae est bonum appetitui conveniens. Ergo bonum habet rationem cause finalis, et primum in causando, ultimum est in causato, praesupponens scilicet causam efficientem et causam formalem.

II. Boni species.—1° Bonum dividitur in *metaphysicum, physicum, morale*.

Bonum metaphysicum seu transcendentale est illud quod omni enti convenit in quantum est ens.

Bonum physicum est perfectio enti conveniens in quantum est tale ens, secundum quod nempe habet omnes entitates quae ipsi debentur secundum exigentiam sue naturae.

Bonum morale est perfectio conveniens ipsis actibus liberis voluntatis, secundum quod sunt conformes regulae morum et hominem ad finem suum ultimum dicunt.

2° Bonum dividitur in *utile, honestum vel delectabile*.

Bonum utile est illud quod appetitur non propter se sed propter aliud ad quod dicit, v. g., medicina quae non ratione sui appetitur, sed ratione sanitatis.

Bonum honestum est illud quod appetitur propter se et ratione sui, v. g., sanitas quae ratione sui appetitur.

Bonum delectabile est quies appetitus in possessione boni honesti.

3° Bonum dicitur *reale vel apparens*.

Bonum reale est illud quod perficit appetitum et ipsi convenit, v. g.: virtus.

Bonum apparens est illud quod habet similitudinem boni, tamen ex ejus consecutione appetitus detrimentum patitur, v. g.: voluptas.

4° Bonum est *infinitum vel finitum*.

Bonum infinitum est perfectio propria ipsius entis infiniti, nempe Dei.

Bonum finitum est perfectio propria ipsius entis finiti, nempe creaturarum.

5° Bonum est *materiale* vel *immateriale*.

Bonum materiale est propria perfectio rerum materialium, præsertim ipsius hominis secundum partem sensibilem, v. g. : sanitas, divitiae, etc.

Bonum immateriale est propria perfectio entium immaterialium. Subdividitur in *intellectuale* et *morale*, prout est propria perfectio intellectus, ut scientia, vel propria perfectio voluntatis in ordine ad finem suum ultimum, ut virtus.

6° Bonum est *naturale* vel *supernaturale*.

Bonum naturale est perfectio consequens naturam rei, vel quæ in ipsa produci potest ab agente creato, v. g. : scientia acquisita.

Bonum supernaturale est perfectio excedens facultatem naturæ, quæ in creatura rationali producitur a Deo in ordine ad beatitudinem, v. g. : gratia.

III. Omne ens est bonum, bonum et ens convertuntur, scilicet, unumquodque eadem entitate qua est ens est bonum, ideoque inter ens et bonum non datur distinctio realis, sed distinctio rationis tantum. — Unumquodque enim est bonum in quantum est perfectum, perfectum in quantum est actu, actu in quantum habet esse. Ergo unumquodque est bonum in quantum habet esse. Atqui omne ens in quantum est ens, habet esse. Ergo omne ens est bonum, bonum et ens convertuntur. « Omne ens, in quantum est ens, est quodammodo perfectum, quia omnis actus perfectio quædam est. Perfectum vero habet rationem appetibilis et boni. Unde sequitur omne ens, in quantum hujusmodi, bonum esse. »⁽¹⁾

IV. Mali notio. — *Malum* est *privatio boni*. Privatio autem est absentia entitatis debitæ. Malum igitur non est mera negatio seu mera absentia alicujus entitatis ; sic, non habere visum est malum in homine, sed non in lapide cui visus non debetur secundum modum suæ naturæ.

(1) S. THOMAS, *Sum. theol.* p. I. q. 5. a. 6.

V. Mali species. — Malum est *physicum vel morale*.

Malum physicum est carentia entitatis debitæ, v. g.: cæcitas, ignorantia.

Malum morale est defectus ordinis debiti in actu libero voluntatis, v. g.: mendacium; dicitur *malum culpa* seu peccatum.

Malum physicum, in creaturis irrationalibus, *malum naturæ* vocatur, quæsi consequens naturam seu naturalia principia; in creaturis autem rationalibus, dicitur *malum pœnae*, privatio boni derivans ex culpa. Etenim secundum fidem catholicam privatio illa habet rationem pœnæ, quia natura rationalis in statu perfectionis creata mala physica non incurrire potuit nisi culpa præcedente.

VI. De existentia mali. — Malum bono opponitur. Atqui bonum est ens; bonum et ens convertuntur. Ergo malum est non-ens. Atqui non-ens existere non potest. Ergo malum in se existere non potest. Hinc sequitur malum non existere nisi in subjecto quod non potest esse nisi bonum. Illud autem bonum, quod est subjectum mali, non potest esse bonum infinitum omnem imperfectionem excludens; est igitur bonum finitum et imperfectum, cui malum accidit in quantum privatur aliqua entitate sibi debita, v. g., cæcitas in se non existit, sed accidit homini in quantum visu privatur.

VII. Causa mali. — Malum cum sit non-ens, quid scilicet negativum et privativum, non potest esse causa. Causa enim est aliquid positivum et realiter existens. Ergo *causa mali non est malum sed bonum*. Bonum tamen non est causa mali per se sed per accidens tantum. Causa dicitur per se respectu effectus ad quem natura sua ordinatur; per accidens, vero respectu effectus quem producit, sed ad quod natura sua non ordinatur. Atqui bonum natura sua ad bonum ordinatur non autem ad malum, malum enim non habet rationem finis. Ergo causa mali est bonum non per se sed per accidens.

Agens dum operatur non intendit privationem in quo sistit malum, sed aliquod bonum cui accidere potest hæc privatio, ideoque producitur malum cum producitur bonum cui malum

le.
v. g.:
libero
eu pec-
malum
aturalia
malum
undum
, quia
ca non
onitur.
Ergo
Ergo
m non
Illud
bonum
bonum
rivatur
tit, sed
scilicet
a enim
ali non
i per se
effectus
espectu
linatur.
tem ad
o causa
o sistit
rivatio,
malum

ONTOLOGIA. DE NONO ET MALO

conjungitur. Hoc quidem accedit vel propter defectum ex parte virtutis agentis seu instrumenti quo utitur, sicut in claudicatione ex defectu tibie, vel propter defectum ex parte subjecti recipienti rationem agentis, quod nempe aut resistit actioni ejus, aut formam ab ipso productam non recipit nisi smittendo propriam, sicut in generatione, generatio unius est corruptio alterius. Unde malum non habet causam efficientem, sed potius deficientem.

VIII. Axiomata philosophica.

1° *Bonum est sui diffusum.* Omne agens agit propter finem; atqui bonum habet rationem finis; igitur omne agens habet pro fine bonum. Porro ad rationem finis pertinet movere. Se habet igitur bonum ut quoddam movens. At vero omnis motor eo ipso quod moveat, suum motum mobili communicat. Unde bonum, eo ipso quod moveat tanquam finis, bonitatem suam aliis communicat et in alia se diffundit. Bonum potest esse causa finalis necessaria vel libera: causa necessaria actu necessario suum bonum diffundit; causa vero libera potest se communicare; non tamen necessario se communicat.

2° *Bonum prius est malo.* Causa mali est bonum, causa autem prior est effectu.

3° *Bonum ex integra causa, malum ex quocumque defectu.* Bonum enim habet rationem perfecti; perfectum vero est id cui nihil deest secundum modum sue naturae. Ergo ubi deest integritas, aliqua entitas debita, non habetur bonum sed malum.

CAPUT SECUNDUM

DE PROPRIETATIBUS ENTUM UNIVER- SALISSIMIS

Prologus. — Proprietates transcendentalis convenient omnibus quæ sunt aut esse possunt. Proprietates universalissimæ de quibus nunc instituitur sermo, nec omnibus convenient, nec tamen ad aliquod determinatum genus, vel ad determinatam speciem reducuntur, unde transcendunt genera et species, quin tamen transcendentalis absolute et proprie dici possint. *Universalissimæ* igitur vocantur per oppositionem ad proprietates prædicamentales quæ prædicata *universalia* entum constituant. Isteæ proprietates universalissimæ sunt *pulchritudo* et *perfectio*. Perfectio autem considerari potest vel in se, vel in quantum excludit limitationem, compositionem, contingentiam, vel mutabilitatem. Talis erit igitur ordo articulorum hujus capituli secundi :

DE PROPRIETATIBUS ENTUM UNIVERSALISSIMIS

	Pulchri notio			
I. De pulchro	Pulehri elementa	{ Integritas Proportio Claritas		
	Pulebri species	Pulebrum ideale	Spirituale	{ Intellectivum Morale
		Pulchrum reale	Sensibile	{ Narurale Artificiale
	Facultas pulebri perceptiva			
		Notio		
	De arte	Species	{ Artes mechanicae " liberales	
			De habitudine artis ad honum morale	
	Perfectionis notio			
II. De perfectione in se	Perfectionis species	{ Absoluta Relativa	{ Totalis Partialis	{ Essentialis Accidentalis
			Simplex, secundum quid	
	Perfectio inest subiecto		{ Formaliter Virtualiter	
			Eminenter	
	Finiti et infiniti notio			
III. De finito et infinito	Infiniti species	{ Actuale, potentiale Actuale : absolutum, relativum Negativum, privatum		
	De origine notionis infiniti		{ Philosophorum sententiae	
			Tbesis: Notio infiniti haberi nequit	
			per continuam additionem	
			finiti ad finitum, sed babetur	
			per totalem subtractionem	
			limitum a finito.	
	De subiecto infinitatis		Tbesis: Impossibilis est numerus infinitus, vel multitudo seu magnitudo, seu qualitas quaecumque creata actu infinita.	
	Simplicis et compositi notio			
IV. De simplici et compositione	Compositionis species	{ Realis, logica Substantialis	{ Metaphysica	
		Accidentalis	Physica	
		Essentialis, integralis seu quantitativa		
	Simplicis species : Axiomata	Absolutum, relativum		

V. De necessario
et contingente

Necessarii et contingentis notio
Necessarii species : absolute, hypothetice
Contingentis species : per potentiam in seipso, per potentiam in altero.

Existentia entis contingentis { Thesis: Ens contingens existentiam habet ab alio, nempe immediate vel mediate ab ente necessario.

Corollaria

VI. De mutabili
et immutabili

Mutationis notio

Mutationis species { Intrinseca { Substantialis { Generatio
Accidentalis { Corruptio
Extrinsica { Augmentatio
Axiomata { Alteratio
Motus localis

Mutationis elementa { Terminus a quo
Terminus ad quem
Subjectum

ARTICULUS I

DE PULCHRO

I. Pulchri notio. — *Pulchrum est « id cuius apprehensio placet, » « pulchra enim dicuntur quae visa placent. »*⁽¹⁾ Pulchrum igitur differt a vero et a bono : ens dicitur verum per ordinem ad intellectum, bonum, per ordinem ad voluntatem, pulchrum, per ordinem ad utrumque. Apprehensio enim ad intellectum

(1) S. THOMAS, *Sum. theol.*, p. I, q. 5, a. 4. ad. 1. — 1a He, q. 27, a. 1, ad 3.

pertinet, complacentia ad voluntatem ; tamen ratio formalis pulchri habetur secundum ordinem ad intellectum, seu ad vim cognoscitivam. Sic in sensibilibus, illa dicuntur pulchra quæ percipiuntur a sensibus maxime cognoscitivis et veluti intellectui deservientes, scilicet ab *auditu* et a *visu* : colores et sonus dicuntur pulchri, non autem odores et sapores. Unde recte animadvertisit S. Thomas, « bonum proprie respicit appetitum,..... pulchrum autem respicit vim cognoscitivam. »⁽¹⁾ Ipsa apprehensio intellectus complacentiam voluntatis producit, seu per se delectat.

II. Pulchri elementa. — Pulchrum importat apprehensionem facultatis cognoscitivæ et complacentiam ; sed hujus apprehensionis et complacentiæ ratio quædam objectiva datur. Quid igitur ad illam rationem objectivam pulchri requiritur ? « Ad pulchritudinem *tria* requiruntur. Primo quidem *integritas*, sive *perfectio*. Quæ enim diminuta sunt, hoc ipso turpia sunt. Et debita *proportio*, sive *consonantia*. Et iterum *claritas*. Unde quæ habent colorem nitidum, pulchra esse dicuntur. »⁽²⁾

1° Ad pulchritudinem requiritur *integritas*, seu *perfectio*. Etenim ubi deest *integritas*, habetur *carentia* entitatis debitis, ideoque *malum*. Malum autem non potest esse objectum complacentiæ ipsius appetitus.

2° *Proportio* seu *consonantia* partium, seu *ordo*. Ordo est — « parium dispariūque sua cuique loco tribuens dispositio »⁽³⁾ — « *recta ratio rerum ad finem*. »⁽⁴⁾ Ordo igitur supponit *unitatem* finis ; pluralitatem seu *varietatem* eorum quæ sunt ad finem ; *proportionem* seu *consonantiam* inter ea omnia quæ ad unitatem ratione ordinis reducuntur, quæ *consonantia* importatur in hoc quod dicitur *recta ratio rerum ad finem*. Quod autem talis ordo seu debita *proportio* ad pulchritudinem requiratur, facile appareat : quæ enim disproportionata sunt vel confusa et in ordinata, pulchra non sunt.

(1) *Loc. cit.*

(2) S. THOMAS, *Sum. theo.*, p. I, q. 39, a. 8.

(3) S. AUG. *De civit. Dei*, l. 19, c. 13.

(4) S. THOMAS, II, *Physic.*, lect. 13.

3° *Claritas.* *Splendor enim et claritas vivide movent vim cognoscitivam et delectabilem faciunt apprehensionem.*

Philosophi uni vel alteri ex hisce elementis pulchri constitutivis maxime attendentes, varias pulchri definitiones tradiderunt :

Pulchrum est unitas in varietate. ⁽¹⁾

Pulchrum est splendor veri. ⁽²⁾

Pulchrum est splendor ordinis. ⁽³⁾

Pulchrum est splendor entis. ⁽⁴⁾

Quidquid sit de istis definitionibus quarum quædam possunt magis ad essentiam pulchri objective consideratam attingere, retinenda videtur definitio Sancti Thomæ a nobis primo tradita : *id cuius ipsa apprehensio placet*, quæ quidem magis indicat ordinem pulchri ad intellectum et voluntatem, ideoque quomodo pulchrum à vero et bono distinguitur.

III. Pulchri species.—1° Pulchrum dividitur in *ideale* et *reale*.

Pulchrum ideale est pulchri exemplar in mente existens cui comparantur res, quæ eo pulchriores dicuntur quo magis ad ipsum accedunt. Dicitur divinum aut humanum prout in intellectu divino vel humano reperitur.

Pulchrum reale est illud quod extra intellectum est et rebus realiter inest.

2° Pulchrum reale subviditur in *spirituale* et *sensibile*.

Pulchrum spirituale est illud quod in rebus immaterialibus effulget, v. g., in Deo, in anima, in virtute.

Pulchrum sensibile est illud quod in rebus materialibus visu vel auditu percipitur, v. g., pulchritudo cœli sideribus ornati, floris, harmoniæ musicalis.

(1) P. ANDRÉ, *Essai sur le beau*; COUBIN, *Du vrai, du beau et du bien*, leçon VIIe.

(2) Tribuitur Platoni et Plotino.

(3) Tribuitur Sancto Augustino.

(4) G. SONTAIS, *Op. cit.* t. II. p. 673.

nt vim
consti-
tradi-

ædam
ratam
nobis
uidem
atem,

ale et
ns cui
gis ad
ut in
rebus
.
alibus
visu
ernati,

bien,

3° *Pulchrum spirituale* est *intellectuale* vel *morale*. Primum effulget in operibus intellectus, et *splendor veri* recte dicitur; secundum efflorescit in operibus voluntatis quatenus ipsi regulæ morum conformantur, et recte dicitur *splendor honestatis*.

4° *Pulchrum sensibile* aliud est *naturale*, aliud *artificiale* prout in operibus naturæ, aut in operibus artis reperitur.

5° Pulchrum dicitur *sublime*, *venustum* seu *gratiosum*, vel *pulchrum simpliciter*. Primum est illud cujus apprehensio mirationem et quasi stuporem mentis excitat, v. g.: Deus, martyrium, tempestas in medio maris. Secundum est illud cujus apprehensio affectum tenerum et suavitatem in mente generat; v. g.: flos campi, vultus pueri. Tertium est illud cujus apprehensio simpliciter placet; v. g.: virtus est pulchra, vultus hominis, etc⁽¹⁾

IV. Facultas pulchri perceptiva.—Facultas pulchri perceptiva dicitur *aestheticæ*, vel *gustus æstheticus* (a vocabulo græco *αἰσθανομαι* sentire), quasi pulchrum sentiatur potius quam cognoscatur. Illa autem facultas *aestheticæ* non est quædam potentia specialis ab aliis animæ potentiis distincta, sed ipsa virtus cognoscitiva prout nempe est pulchri apprehensiva. Pulchrum autem apprehenditur a *visu* et ab *auditu*, a quibus primo percipitur pulchrum sensibile, ab *imaginatione* seu *phantasia*, cujus est *as intentionales rerum sensibilium conservare et reproducere*, tandem ab *intellectu*, ad quem pertinet dijudicare de pulchro non tantum sensibili sed et spirituali. Visus igitur, auditus, phantasia et intellectus dicuntur facultates *aestheticæ*, sed præcipue intellectus, cum ipse solus pulchrum ideale cognoscat, et ideam ordinis præcipui elementi pulchri apprehendere possit; « ordinem unius rei ad aliam cognoscere est solius intellectus »⁽²⁾

(1) « Le joli est la miniature du beau, c'est le beau en petit ; le sublime, c'est le beau en grand. » G. SORTAIS, *op. cit.* t. II, p. 682.

(2) S. THOMAS, I *Ethic.*, lect. I.

V. De pulchri expressione seu de arte. — 1° **Artis notio.** Lato sensu, *ars* est *recta ratio operum faciendorum*,⁽¹⁾ et secundum hoc dicitur : complexus regularum quibus homo dirigitur in quocumque opere perficiendo.

Stricto sensu, *ars* definitur . « *recta ratio factibilium* ; *factio autem est operatio transiens in materiam exteriorem.* »⁽²⁾ *Ars* igitur stricto sensu, est complexus regularum quibus dirigitur homo in operibus suis externis seu manualibus.

2° **Artis species.** — Artes autem sunt *mechanicæ seu liberales.* *Artes mechanicæ* sunt illæ « *quæ ordinantur ad opera per corpus exercita, quæ sunt quodammodo serviles, in quantum corpus serviliter subditur animæ.* »⁽³⁾ In ipsis magis requiritur vis et habilitas corporis quam animæ, et finis ipsorum est bonum utile. Inter artes mechanicas recensentur ; *ars fabrica, materiaria, sutrina, textrina, etc.*

Artes liberales sunt illæ *quæ ordinantur ad opera per animam exercita, « homo enim secundum animam est liber.* »⁽⁴⁾ In ipsis magis requiritur ingenii acies quam corporis vis et dexteritas. Inter artes liberales maxime eminent *pulchræ artes*, quorum est pulchrum sensibilibus formis exprimere.

Propter autem illam specialem eminentiam, *ars* strictiori sensu accipitur pro ipsis pulchris artibus, et definitur : *disciplina qua homo dirigitur in operibus conficiendis quorum objectum est pulchrum sensibilibus formis exprimendum.* Pulchræ artes sunt : *architectura, sculptura, pictura, musica, pœsis, etc.*

3° **De habitudine artis ad bonum morale.** — Objectum artis strictiori sensu acceptæ est expressio pulchri. Pulchrum autem distinguitur a vero et a bono, unde pulchræ artes ab ntroque abstrahere possunt. Hæc est theoria quæ dicitur *artis autonomæ seu artis pro arte.* Quanta sit falsitas hujus theoriæ, facile appareat tum ex ipsius pulchri natura, tum

(1) S. THOMAS, *Sum. theol.* Ia IIæ q. 57, a. 3.

(2) S. THOMAS, *Sum. theol.* Ia IIæ q. 57, a. 4.

(3) S. THOMAS, *Sum. theol.*, Ia-IIæ, q. 57, a. 3, ad 3.

(4) Cf. G. LONGHAYE, *Théorie des belles-lettres*, L. I, c. IV. — BRUNETIÈRE, *Discours de combat : L'art et la morale.*

ex necessitate ordinationis omnium actuum hominis ad finem suum ultimum.

Etenim *primo* pulchrum complacentiam intellectus et voluntatis importat. Atqui falsum est malum intellectus, et voluntas nonnisi in bono complacere potest. Ergo dicendum est pulchrum, etsi a vero et a bono distinguatur, non esse tamen ab utroque independens.

Secundo, homo ad beatitudinem tanquam ad finem ultimum ordinatur quem propriis suis actibus consequi debet. Cum autem prima omnis entis obligatio sit finis proprii consecutio, in nullis ex suis operationibus homo a fine suo ultimo abstrahere potest; econtra, totis viribus bonitate morali suorum actuum, et operum ad ipsum tendere debet. Ergo pulchræ artes ad amorem virtutis homines incitare et adjuvare debent, nendum a bono morali abstrahere possint.

Scientia, dicunt fautores *artis autonomæ*, abstrahit a bono morali, est nempe de bono et de malo, cur autem idem non esset de arte?

Objectum scientiae est verum, nempe id quod est, et complectitur bonum et malum; sed id quod traditur a scientia ad intellectum tantum dirigitur, qui bonum presentat voluntati ut amandum et faciendum, malum ut detestandum et vitandum. Econtra opera artis ad intellectum et voluntatem diriguntur, et ea ratione ut in ipsis complacentiam et delectationem producant. Non autem contrariatur fini ultimo quod cognoscatur malum, adversatur vero quo quis in malo complaceat. Ergo licet aliquo modo scientia dici possit abstrahere a bono morali in quantum est etiam de malo, idem affirmari non potest de arte.⁽¹⁾

(1) « Le savant cherche à connaître ce qui est. Il s'adresse à l'intelligence seule pour lui montrer les choses telles qu'elles sont. L'artiste réalise une œuvre, expression toujours défectueuse d'un idéal caressé et aimé. Il s'adresse à l'Ame entière : s'il parle à l'intelligence, c'est pour arriver à émouvoir le cœur ; son but, son espérance est de faire regarder avec complaisance le fruit de sa conception. Il est interdit à l'homme honnête — artiste ou bourgeois — de se complaire dans la contemplation d'un geste, d'une attitude, d'une parole qui expriment et font désirer, aimer un acte immoral. » D. MECIER, *L'art et la morale*, Le Bien Public, 25 mai 1905.

ARTICULUS II

DE PERFECTIONE IN SE

I. **Perfecti et perfectionis notio.** — *Perfectum secundum nomen idem sonat ac totaliter factum ; res autem est totaliter facta quando est completa, et completa est quando nihil ipsi deest. Perfectum igitur est id cui nihil deest secundum modum suæ naturæ, et perfectio definitur ; plenitudo enti debita secundum modum suæ naturæ.*

II. **Perfectionis species.** — 1° *Perfectio alia est absoluta, alia relativa.*

Perfectio absoluta est omnimoda entis plenitudo sub omni respectu ; est perfectio ejus quod habet omnes perfectiones possibles sine ulla limitatione. Deus est absolute perfectus.

*Perfectio relativa est plenitudo entis secundum aliquam determinatam speciem ; est perfectio creaturarum quæ omnes partiales entitates habent suæ naturæ convenientes. Dicitur *totalis*, si sit complexus perfectionum quæ ipsi enti debentur, *partialis*, si sit tantum una ex entitatibus ex quibus res perfecta resultat.*

*Perfectio partialis est vel secundum esse seu *essentialis*, vel ex fine, vel *accidentalis*. In unoquoque ente enim possumus considerare vel *essentialiam* qua constituitur in determinata specie,*

vel *finem* ad quem ordinatur, et qui sese habet ut ultima ejus perfectio, vel *accidentia* quae essentiae adveniunt et ipsam perficiunt secundum ea quae ad finem requiruntur.

2º Perfectio alia est *simpliciter simplex* alia *secundum quid*.

Perfectio simpliciter simplex est illa quae in conceptu suo nullam involvit imperfectionem, ideoque stare potest cum quavis alia perfectione, v. g.: vita, intelligentia.

Perfectio secundum quid est illa quae in conceptu suo involvit aliquam imperfectionem, ideoque aliam perfectionem excludit, v. g.: esse corpus, ratiocinium. *Esse corpus* includit compositionem physicam, et excludit esse spiritum; *ratiocinium* includit in conceptu suo cognitionem mediatam, ideoque excludit cognitionem immediatam.

III. De modis diversis quibus perfectio subjecto inest. — Perfectio potest esse in aliquo subjecto tripliciter: *formaliter, virtualiter, eminenter*.

Perfectio est in subjecto *formaliter* quando invenitur in ipso secundum suam rationem specificam, secundum suam definitionem, v. g., *ratiocinium* est in homine *formaliter*.

Perfectio est in subjecto *virtualiter*, vel quando subjectum potest illam perfectionem producere, v. g., *planta* est *virtualiter* in *semine*; vel quando subjectum se solo potest praestare omne id quod praestatur ab illa perfectione in subjecto in quo invenitur *formaliter*, v. g., *ratiocinium* dicitur esse in *Deo* *virtualiter*, quia *intellectus divinus* sine *ratiocinio* cognoscit quidquid cognoscitur mediante *ratiocinio* in homine.

Perfectio est in subjecto *eminenter*, quando invenitur in ipso, modo superiori eo quo invenitur in subjecto cui *formaliter* inest, v. g., *perfectiones creaturarum* *eminenter* sunt in *Deo*. *Eminenter* autem non dicitur secundum oppositionem ad *formaliter* et *virtualiter*; ita perfectio esse potest in subjecto *formaliter* *eminenter* vel *virtualiter eminenter*.

ARTICULUS III

DE FINITO ET INFINITO

I. *Finiti et infiniti notio.* — *Finitum est id quod habet limites; infinitum est id quod non habet limites.*

Indefinitum a finito et infinito distinguitur; indefinitum enim idem significat ac non definitum, unde est id quod habet limites quae tamen actu non determinantur, v. g.: linea indefinita. Finitum habet limites actu determinatas, indefinitum habet limites sed non actu determinatas, infinitum non habet limites.

II. *Infiniti species.* — 1° *Infinitum est actuale vel potentiale.*

Infinitum actuale est illud quod non habet limites in suo esse actuali, scilicet, est illud quod habet realitatem actu illimitatam.

Infinitum potentiale est illud quod actu habet limites sed sine fine augeri potest, v. g.: linea, numerus. Infinitum potentiale ad indefinitum reduci potest.

2° *Infinitum actuale est absolutum vel relativum.*

Infinitum absolutum seu simpliciter est illud quod nullos habet limites in omni genere perfectionis, v. g.: Deus.

Infinitum relativum est illud quod non habet limites in aliquo genere perfectionis tantum v. g. : sapientia, justitia, absque subjecto consideratae.

3° *Infinitum dicitur negativum vel privativum.*

Infinitum negativum est illud quod non habet limites et non natum est habere limites ; importat igitur illimitatam perfectionem in subjecto.

Infinitum privativum est illud quod non habet limites, sed quod natum est habere limites, v. g., materia prima ab omni actu destituta. Est igitur privatlo omnis perfectionis.

III. De origine notionis infiniti. — *Philosophorum sententiae.* Cartesiani et Ontologistae docuerunt mentem nostram non posse a notione finiti ad infinitum assurgere, cum infinitum in finito contineri non possit. Cartesiani igitur dixerunt notiōnem infiniti esse nobis ingenitam, et Ontologistae, ens infinitum nempe Deum esse primum objectum a nobis cognitum in quo omnia alia cognoscuntur. Ex altera parte Lockius et lockiani affirmant notionem infiniti haberi per additionem finiti finito. Scholastici vero docent, contra hos omnes, notionem infiniti haberi a finito, sed per totalem substractionem limitum a finito.

THESIS. — NOTIO INFINITI HABERI NEQUIT PER CONTINUAM ADDITIONEM FINITI AD FINITUM,
SED HABETUR PER TOTALEM SUBSTRAC-
TIONEM LIMITUM A FINITO.

Prima pars. — *Infinitum est id quod limitibus essentia-
liter caret.* Atqui ex additione finiti ad finitum non potest
haberi nisi limitatum. Ergo ex additione finiti ad finitum non
potest haberi notio infiniti.

Ad minorem. — Etenim id cui fit additio habet limites et est
finitum ; id autem quod additur habet limites etiam ; unde ex illa
additione major habebitur entitas, sed semper entitas limitata.

Secunda pars. . 1° *Quoad possibilitatem.* — In re finita duo possumus considerare : entitatem et limitationem ipsius entitatis, seu negationem amplioris entitatis. Atq[ue]l entitas non est limitata ut entitas. Ergo entitas est finita ratione limitationis seu negationis amplioris entitatis. Atqui quemadmodum mens nostra potest abstrahere a proprietatibus quæ rebus insunt et unam tantum considerare, ita potest in re finita considerare entitatem abstractione facta a limitibus, et ideo a notione finiti assurgere ad notionem infiniti. Ergo per totalem subtractionem limitum a finito potest haberi notio infiniti.

2° *Quoad factum.* Secundum quod aliquid à nobis cognoscitur sic a nobis nominatur : conceptus enim vocabulis externe manifestantur. Ergo ex modo quo per vocabula conceptus nostros manifestamus, recte cognoscere possumus modum quo res ipsas intellectu concipimus. Atqui vocabulum « infinitum » est quid negativum voce, sed quid positivum objective. Ergo conceptus quem de infinito habemus est positivus quia ad rem positivam terminatur, sed est etiam negativus aliquo modo, cum manifestetur voce negativa. Atqui non potest esse negativus nisi secundum modum cognoscendi, in quantum nempe habetur a re finita per negationem limitum in ipsa. Ergo de facto notio infiniti habetur per totalem substrationem limitum a finito.

IV. De subjecto infinitatis. — Dari ens actu infinitum, nempe Deum, demonstrabitur in Theodicea ; sed illa ratio infiniti potest-ne alicui enti creato convenire ? Cum in omni ente creato essentia et existentia realiter distinguuntur ut potentia et actus, nullum ens creatum sibi vindicat omnimodam perfectiōnem quæ enti actu infinito convenit. Ratione igitur essentiæ ens creatum non potest esse infinitatis subjectum.— Ratione autem quantitatis vel cuiusdam qualitatis essentiæ additæ, potest-ne dari aliquod ens creatum actu infinitum ? Ex parte quantitatis quæri potest utrum numerus vel multitudo, vel magnitudo possint esse actu infiniti. Respondetur sequenti propositione :

THESIS.—IMPOSSIBILIS EST NUMERUS INFINITUS.
VEL MULTITUDO, SEU MAGNITUDO, SEU
QUALITAS QUÆCUMQUE CREATA ACTU
INFINITA.

Prima pars.—*Numerus actu infinitus repugnat.*—Illud non potest esse actu infinitum cui semper unitas addi vel a quo subtrahi potest. Atqui hujusmodi est numerus. Ergo numerus actu infinitus repugnat.

Secunda pars.—*Multitudo actu infinita repugnat.* Multitudo enim est species numeri: numerus est multitudo mensurata per unum. Atqui numerus actu infinitus repugnat. Ergo et multitudo actu infinita repugnat.

Tertia pars.—*Magnitudo actu infinita repugnat.* Magnitudo est quantitas continua, scilicet, quarum partes non separantur. Atqui istæ partes, licet non separatae, sunt tamen realiter distinctæ et separabiles. Ergo non potest dari magnitudo infinita nisi actu esse tineat partes numero infinitas, quod repugnat.

Quarta pars.—*Qualitas creata actu infinita repugnat.* Quælibet qualitas essentiæ creatæ addita vel ab essentia dimanat vel in essentia tanquam in subjecto recipitur. Atqui nulla qualitas infinita ab essentia finita dimanare potest, effectus enim non potest excedere perfectionem causæ, nec in essentia finita tanquam in subjecto recipi, infinitum in finito recipi non potest. Ergo qualitas creata actu infinita repugnat.

ARTICULUS IV

DE SIMPLICI ET COMPOSITO

I. **Simplicis et compositi notio.** — Simplex dicitur secundum oppositionem ad compositum. *Compositum* autem est *id quod constat partibus*; *simplex* igitur est *id quod non habet partes ex quibus resultat*. *Compositio* est *unio plurium partium ad totum constituendum*; *simplicitas* vero nihil aliud est quam *negatio compositionis*.

II. **Compositionis species.** — 1° *Compositio est realis vel logica.*

Compositio realis est illa quæ resultat ex unione partium quæ entitates reales sunt; v. g.: *compositio animæ et corporis*.

Compositio logica est illa quæ resultat ex unione partium quæ non sunt nisi entia rationis; v. g.: *compositio generis et differentiæ*. Si autem partium distinctio habeat fundatum in re, ut in exemplo allato compositionis generis et differentiæ, *compositio* dicitur *metaphysica*; si vero distinctio fiat sine fundamento in re, *compositio* dicitur *simpliciter logica*.

2° *Compositio est substantialis vel accidentalis.*

Compositio substantialis est illa quæ resultat ex unione partium substantialium; dicitur *metaphysica* si partes ratione tantum sed cum fundamento in re distinguuntur, v. g., *compositio animalitatis et rationalitatis in homine*; dicitur *physica*

si partes realiter distinguuntur, v. g., *compositio essentiae et existentiae* in *creaturis*, *compositio materiae et formae*, *animae et corporis*.

Compositio accidentalis est illa quæ resultat ex *unione substantiae cum accidentibus*, vel ex *unione plurium accidentium*; v. g., *compositio subjecti et accidentis*, *compositio partium in toto potestativo*.

3° *Compositio est essentialis vel integralis seu quantitativa.*

Compositio essentialis est illa quæ resultat ex *partibus essentiae constitutivis*, v. g., *compositio animae et corporis*, *materiae et formæ*.

Compositio integralis est illa quæ resultat ex *unione partium quantitativarum* quæ *corpus integrum* constituunt; v. g., *compositio membrorum in corpore humano*.

III. Simplicis species. — Simplex est *absolutum* vel *relativum*.

Simplex absolutum est illud quod excludit quamlibet compositionis speciem; v. g., *Deus est absolute simplex*.

Simplex relativum est illud quod aliquam sed non omnem compositionis speciem excludit; v. g., *anima dicitur simplex*, quia excludit compositionem *materiae et formæ*, *punctum dicitur simplex*, quia compositionem *integram* excludit.

IV. Axiomata philosophica. — 1° *Nullum compositum potest esse absolute perfectum et infinitum.* Partes enim ex quibus resultat sunt finitæ, ideoque imperfectæ; sed per additionem finiti finito, imperfecti imperfecto, non potest haberi infinitum et absoluta perfectio. Ergo.

2° *Ens simplicissimum seu absolute simplex est infinitum et absolute perfectum.*

3° *In omni composito est actus et potentia.* Etenim vel una pars est actus respectu alterius, vel omnes partes sunt in potentia respectu totius.

4° *Ens compositum supponit existentiam entis simplicis.* Etenim partes ex quibus compositum resultat sunt ipso priores. Ergo *nullum compositum potest esse primum ens*.

ARTICULUS V

DE NECESSARIO ET CONTINGENTE

I. **Entis necessarii et contingentis notio.** — Necessarium in genere est *id quod non potest aliter sese habere ac est*, unde necessitas dicitur determinatio ad unum. Contingens vero est *id quod potest aliter sese habere ac est*, et contingentia, indifferencia ad opposita. Cum autem ens dicitur per ordinem ad esse, *ens necessarium est illud quod non potest non esse*; et *ens contingens, illud quod potest esse vel non esse*.

II. **Necessarii et contingentis species.** — 1° Ens dicitur necessarium absolute vel hypothetice.

Ens necessarium absolute est illud quod non potest non esse spectata sua natura; v. g., Deus est ens necessarium absolute, quia *esse* est de ejus essentia.

Ens necessarium hypothetice est illud quod non potest non esse, facta aliqua suppositione v. g., ens dum est, non potest non esse, unde unumquodque dum est, necessarium est ipsum esse.

2° Contingentia entis est aptitudo seu potentia ad non esse. Ens autem dicitur contingens vel per potentiam quae est

in seipso, vel per potentiam quæ est in altero ; v. g., ens materiale, utpote compositum, potest amittere esse ex dissolutione partium ex quibus resultat, dicitur contingens quia habet in se potentiam ad non esse ; ens vero spirituale, utpote simplex, non potest perire ex dissolutione partium, unde non habet in se potentiam ad non esse, tamen habet potentiam ad non esse in altero, nempe in Deo qui potest ipsum destruere.

III. De existentia entis contingentis. — Ens contingens cum sit indifferens ad esse vel non esse, non habet in se rationem proprie existentiae ; unde sit :

THESIS.—ENS CONTINGENS EXISTENTIAM HABET AB ALIO, NEMPE IMMEDIATE VEL MEDIATE AB ENTE NECESSARIO.

Prima pars. — Quidquid invenitur in aliquo præter essentiam ejus, vel producitur in ipso ab ipsa essentia, vel a principio extrinseco. Atqui esse seu existentia invenitur in ente contingenti præter essentiam ejus, potest enim esse vel non esse. Ergo esse seu existentia producitur in illo ente vel ab essentia vel a principio extrinseco. Atqui esse non potest produci ab essentia, dum enim non est non potest aliquid producere. Ergo ens contingens esse habet ab alio.

« Quidquid est in aliquo, quod est præter essentiam ejus, oportet esse causatum vel a principiis essentiis, sicut accidentia propria consequentia speciem, ut risibile consequitur hominem, et causatur ex principiis essentia libus speciei ; vel ab aliquo exteriori, sicut calor in aqua causatur ab igne. Si igitur ipsum esse rei sit aliud ab ejus essentia, necesse est, quod esse illius rei vel sit causatum ab aliquo exteriori, vel a principiis essentialibus ejusdem rei. Impossibile est autem, quod esse sit causatum tantum ex principiis essentia libus rei, quia nulla res sufficit quod sit sibi causa essendi, si habeat esse causatum. Oportet ergo quod illud cuius esse est aliud ab essentia sua habeat esse causatum ab alio. » (1)

(1) S. THOMAS, *Sum. theol.* p. I. q. 3. a. 4.

Secunda pars. — *Ens contingens habet esse mediate vel immediate ab ente necessario.* Ens contingens non habet in se rationem propriæ existentie, unde habet existentiam ab alio, circa quod redit quæstio utrum habeat in se rationem propriæ existentie vel non. Atqui non est procedendum in infinitum in serie entium quæ esse habeant ab alio. Ergo deveniendum est ad ens necessarium a quo mediate vel immediate entia contingentia procedunt.

IV. Corollaria. — 1° A cognitione entis contingentis, prius a nobis cogniti, assurgere possumus ad cognitionem entis necessarii.

2° Ens necessarium habet in se rationem propriæ existentie, ideoque est ens improductum ab alio ; de ejus casentia est esse.

3° In ordine cognitionis seu logico, ens contingens est prius ente necessario ; sed in ordine existentie seu ontologico, ens necessarium est prius ente contingente, cum sit causa ejus.

ARTICULUS VI

DE IMMUTABILI ET MUTABILI

I. Mutationis notio. — Immutabilitas, vi vocis, est negatio mutabilitatis ; mutabilitas vero est dispositio seu potentia ad mutationem. Quid sit igitur mutatio ? — *Mutatio est transitus entis ab uno modo ad alium modum sese habendi.* Ens ergo quod potest aliter sese habere nunc et prius dicitur mutabile ; immutabile vero illud quod non potest aliter sese habere nunc et prius.

vel immutabilis in se
vel in aliis, propriæ initum endumia con-
gentis, entis
et existentia
ns est logico,
a ejus.

II. Mutationis species. — 1° *Mutatio est intrinseca et extrinseca.*

Mutatio intrinseca est illa quæ in subjecto fit per acquisitionem vel amissionem alicujus realitatis, v. g. : calefactio.

Mutatio extrinseca est illa quæ non fit in subjecto sed extra ipsum, vi cujus tamen subjectum novum induit respectum, v. g. : columna dicitur esse ad dexteram vel ad sinistram secundum motum hominis circa ipsam vertentis.

2° *Mutatio intrinseca est substantialis vel accidentalis.*

Mutatio substantialis est *transitus subjecti ab una ad aliam naturam*, v. g., lignum substantialiter mutatur dum transit ab esse lignum ad esse cinerem. *Mutatio substantialis* fit in instanti, dicitur *instantanea*.

Mutatio accidentalis est *transitus subjecti a privatione alicujus esse accidentalis ad ejus acquisitionem, vel a possessione illius esse ad ejus privationem*, v. g., homo sanus fit ægrotus. *Mutatio accidentalis* fit successive, secundum diversos gradus, ut appareat in calefactione, et dicitur *successiva*.

3° *Mutatio substantialis est duplex : generatio et corruptio.*

Generatio est *transitus subjecti a privatione alicujus formæ substantialis ad ejus acquisitionem*, — seu *transitus a non esse ad esse substantiali* : v. g., *transitus subjecti a non esse hominem ad esse hominem*.

Corruptio est *transitus subjecti a forma substantiali ad privationem ejus*, seu *transitus ab esse ad non esse* ; v. g., comburendo, lignum transit ab esse lignum ad non esse lignum. Cum autem subjectum amittendo aliquam formam alteram acquirit, dicitur *corruptio unius generatio alterius* ; sic in combustionē corrumpitur lignum, generatur cinis.

4° *Mutatio accidentalis est triplex : augmentum et decrementum, alteratio et latio seu motus localis.*

Prima est *transitus subjecti a minori ad majorem, vel a majori ad minorem quantitatem.*

Secunda est *transitus subjecti ab uno in aliam qualitatem.*

Tertia est *transitus corporis ab uno in alium locum.*

nega-
tentia
tran-
s ergo
ibile ;
unc et

III. Mutationis elementa. — Ad mutationem proprie dictam tria requiruntur elementa : *terminus a quo realis, terminus ad quem realis*, et reale *subjectum* transiens a termino a quo ad terminum ad quem, v. g., in calefactione aquæ, *terminus a quo* est aqua frigida, *terminus ad quem*, aqua calida, *subjectum*, ipsa aqua transiens ab esse frigidum ad esse calidum.

Ubi autem deest unum vel aliud ex his tribus elementis, mutatio est impropriè dicta. Hoc quidem fit in *mutatione extrinseca*, in *creatione* et in *annihilatione*; in mutatione extrinseca *subjectum* realiter non mutatur, deest realis transitus *subjecti*; in creatione deest terminus a quo realis, in annihilatione terminus ad quem realis. Illæ igitur mutations sunt improprie dictæ.

Axiomata philosophica. — 1° *Omne quod mutatur manet quoad aliquid, et quoad aliquid transit.* Quod quidem verificatur præsertim in mutatione substantiali, in qua *subjectum* unam formam amittit et aliam acquirit; unde :

2° *Omne quod mutatur mutatione aliquid acquirit, vel aliquid amittit.*

3° *Ens mutabile est compositum*; idem enim *subjectum*, sub utroque termino perseverans, habet aliquid in uno quod non habet in altero, unde necessario est quid compositum.

4° *Ens mutabile est in potentia et imperfectum.*

5° *Ens mutabile est contingens*, potest aliter et aliter sese habere.

6° *Ens immutabile est necessarium, simplex et perfectum*; illud ens enim non potest esse aliter ac est, et excludit omnem potentiam, ideoque compositionem et imperfectionem.

7° *In ordine ontologico seu existentiae, ens immutabile prius est mutabili.* Ens mutabile est ens in potentia, potentia autem est absolute posterior actu qui est simpliciter prior. Ens immutabile est actus purus excludens omnem potentiam. Dicitur in ordine ontologico, quia in ordine logico seu cognitionis, ens mutabile est prius, cum quidem prius a nobis cognoscatur.

LIBER TERTIUS

DE DIVISIONE ENTIS SECUNDUM DECEM PRÆDICAMENTA

Prologus.—Duo sunt suprema genera entium, substantia nempe et accidentis. Cum autem novem sunt accidentium genera, ens dicitur dividi secundum decem prædicamenta seu categorias. Prædicamenta autem sunt generales essendi modi secundum quos entia existere possunt; non dividunt igitur ens secundum diversas species quæ enti aliquam differentiam addunt, sed secundum diversos essendi modos qui entibus *realibus* et *contingentibus* convenire possunt. Cum vero ens necessarium habeat esse identificatum cum essentia sua, in ipso esse et modus essendi sunt unum et idem; ideoque Deus non ponitur sub aliquo prædicamento. Duplex erit caput hujus libri tertii:

Ium : De substantia.

IIum : De accidentibus.

CAPUT PRIMUM

DE SUBSTANTIA

Prologus. — Quæstiones quæ sub hoc capite solvendæ proponuntur sunt maximi momenti. Cognitio enim nostra primo versatur circa essentias, et maxime quidem circa substantiales essentias rerum sensibilium, a quibus assurgit ad cognitionem rerum suprasensibilium. Pessimus igitur esset error circa naturam substantiæ, et circa ea quæ ad substantiam pertinent. Summa diligentia magnusque labor adhibeantur in istis veritatibus comparandis, quæ fundamentum constituant non tantum philosophiæ, sed et theologiæ et cujuscumque scientiæ. Tria in hoc capite nostræ considerationi offerentur: querendum est enim de substantiæ natura, individuatione et subsistentia, unde tres erunt articuli.

DE SUBSTANTIA

I. De natura substantiæ	Substantiæ notio	Prima et secunda Completa, incompleta in ratione substantiæ litteris, in ratione speciei Simplex, composita Corporea, materialis, immaterialis
	False definitiones	
	Ratio essentialis substantiæ	
	Substantiæ species	Reales existunt substantiæ.

II. De principio individuationis

Status questionis
Philosophorum sententia
Thesis Ia : In substantia compositis ex materia et forma
 essentia non individuatur per seipsum, sed
 realiter distinguitur a principiis ipsam indivi-
 duantibus
Thesis IIa : In substantiis simplicibus complectis essentia
 individuatur per seipsum
 De constitutivo principi individuationis
 Difficultatum solutio.

III. De subsistence

Status questionis
Quid natura
Quid suppositum et persona
Philosophorum sententia
Thesis : In rebus creatis datur realis distinctio inter
 naturam et suppositionem
De subsistentia
Constitutiva suppositi
Fasce definitiones personæ.

ARTICULUS I

DE NATURA SUBSTANTIE

I. **Substantiae notio genuina.** — *Substantia*, secundum nomen, dicitur a *substare*; est igitur *id quod stat sub accidentibus*, seu sub diversis rerum modificationibus que accidentia vocantur. Ex mutationibus accidentalibus, quas unusquisque quotidie in rerum natura experitur, manifeste apparet aliquid idem permanere, stare, sub diversis modificationibus quæ in rebus sese succeedunt; v. g., *aqua eadem* permanens fit calida vel frigida; conscientia testante, aliquid idem

permanet sub diversis modificationibus quæ in nobis quotidie habentur. Quod autem sic idem permanet sub diversis modificationibus quæ rebus insunt, id quod accidentibus *substat* dicitur *substantia*.

Notio igitur substantiae accipitur secundum oppositionem ad accidentia quæ prius a nobis cognoscuntur. Proprium autem est accidentis *in esse subjecto*, *adhærente subjecto*, *ordinem dicere ad aliud tanquam ad subjectum*. Proprium vero erit substantiae *non in esse subjecto*, *non adhærente subjecto*, *ordinem non dicere ad aliud tanquam ad subjectum*.

Secundum rem ergo substantia definiri potest : *res seu quidditas, cui convenit esse per se, et non in alio sicut in subjecto.*

Dicitur a) *res seu quidditas*, nempe realitas quedam cui aliquis determinatus essendi modus convenit, et in hoc substantia convenit cum accidente.

Dicitur b) *cui convenit esse*, quia *esse* est actualitas cuiuslibet rei seu quidditatis, ad quam res primum ordinem habet. Substantia igitur non definitur secundum quod ordinem dicit ad operationem vel ad ea quæ sunt operationis principia, quia quidem prius est *esse* quam operari.

Dicitur c) *per se et non in alio ut in subjecto*. Particula *per se* potest significare, vel *remotionem causæ efficientis*, vel *remotionem subjecti inhærentia*. In hac autem definitione *per se* non excludit causam efficientem, sed subjectum inhærentiam, prout manifeste appetit ex verbis additis, *et non in alio ut in subjecto*, quibus particula *per se* declaratur et determinatur.

Econtra substantia causam efficientem sui esse supponit, nedum ipsam excludat. Substantia enim substata accidentibus, ideoque supponit aliquid esse accidentale sibi adnexum. Atqui substantia non potest habere illud esse accidentale sibi conjunctum nisi babeat esse distinctum a sua essentia; esse nempe receptum in essentia tanquam in subjecto, ideoque causatum. (1) Si enim in substantia essentia et existentia realiter non distinguntur, substantia

(1) Dicitur ideoque causatum, quia id quod habet esse, illud habet a se vel ab alio; non autem habet esse a se, antequam sit nihil potest producere: ergo habet esse causatum ab alio.

cum existentia identificatur. Existe la autem, cum sit ultima rei actualitas, non potest esse subjectum ulterioris actus, ideoque nihil habere potest sibi coniunctum. (1) Substantia igitur causam efficientem supponit, nedium excludat.

II. False definitiones substantiae.—Juxta Cartesium, substantia definiretur *res quae ita existit ut nulla alia re indigeat ad existendum.*⁽²⁾ Substantia autem sic definita excludit causam efficientem, et ideo soli causæ primæ competit, nempe Deo. Diximus vero substantiam causam efficientem excludere non posse.

Juxta Spinozam (1632-1677), unica datur substantia quæ est Deus. Pantheismo igitur accommodavit substantia definitionem a Cartesio traditam, ita ut substantia dicatur: *id quod est in se, et per se concipitur: hoc est, id cuius conceptus non indiget conceptu alterius rei, a quo formari debeat.*⁽³⁾ Illa definitio eodem defectu laborat ac definitio Cartesiana: *id enim quod est in se et per se concipitur excludit causam efficientem.*

Juxta Cousin (1792-1867), substantia esset *res nihil relativi claudens in suo esse.* Illa etiam definitio pantheismo favet, excludendo causam efficientem, ideoque unicam admittens substantiam.

Juxta Leibnitz (1646-1716), substantia definitur *ens vi agendi præditum.* Substantia definiri non potest secundum ordinem ad operationem, vel ad vim seu virtutem qua agens agit, quia quidem prius est esse quam operari, et insuper, nec operatio nec vis seu virtus qua agens agit sunt quid substantiale. Eadem ratione rejiciuntur definitiones Kantii dicentis substantiam esse vim, et Gioberti definitis substantiam, *principium operationis per quam ipsa nihilum negat.* Illa ultima definitio soli Deo conveniret, cum ipse solus habeat operationem nihili negativam, nempe creationem.

Juxta Lockium, substantia est *complexus qualitatum*, quæ definitio concordat cum definitione positivistarum juxta quos,

(1) Cf. quæ dicta sunt p. 305.

(2) *Les principes de la phil.* P. I. s. 51.

(3) *Ethic.*, P. I. def. 3.

substantia est collectio phenomenonorum. Admittere illas definitiones esset admittere accidentia sine subjecto cui inessent : qualitates enim et phenomena accidentia sunt, de quorum natura est ordinem dicere ad aliud tanquam ad subjectum.

Rejicienda est etiam definitio a Rosminio tradita : *substantia est actus quo subsistit aliqua essentia.* Identificatur enim substantia cum existentia.

III. Ratio essentialis substantiae. — Notionem substantiae secundum oppositionem ad accidens accepimus, considerando ipsam *substare accidentibus*, ideoque *ordinem non dicere ad aliud tanquam ad subjectum*. Ratio essentialis substantiae constituitur ne per hoc quod substat accidentibus, vel per hoc quod importat esse per se, nullum ordinem dicens ad aliud tanquam ad subjectum? Ratio essentialis alicujus rei est id quod primo in re concipitur et sese habet ut radix proprietatum quae in re sunt.⁽¹⁾ Atqui quod primo in substantia concipitur non est sustentare accidentia, sed stare per se sine subjecto. Ergo ratio essentialis substantiae non consistit in hoc quod substat accidentibus, sed in hoc quod ipsi convenit esse per se et non in alio ut in subjecto.

IV. Substantiae species. — 1° Jurta Aristotelem, substantia dividitur in *priman et secundam*.

Substantia prima est individuum, Petrus, Carolus, etc. ; definitur *illa quae neque in subjecto est, neque de subjecto praedicatur*. Proprium est substantiae non esse in subjecto, et proprium est individui non esse praedicabile de pluribus.

Substantia secunda est natura universalis ; dicitur *illa quae non est in subjecto, sed de subjecto praedicatur* ; naturae enim universales, genera scilicet, et species de pluribus subjectis praedicantur. *Substantia prima* dicitur etiam *physica*, et *substantia secunda, metaphysica*.

(1) Cf. p. 289

defini-
ssent :
torum
n.
subs-
enim

subs-
nside-
dicere
antise
r hoc
aliud
est id
atum
spiturn
jecto.
quod
er se

subs-
etc. ;
rædi-
pro-
quæ
enim
ectis
subs-

2° Substantia est *completa* vel *incompleta*.

Substantia completa est illa quæ omnes operationes sue naturæ consentaneas per seipsam exercere potest, ac proinde ad conjunctionem cum altera substantia natura sua non ordinatur, v. g. : homo, planta.

Substantia incompleta est illa quæ per seipsam omnes operationes sue naturæ consentaneas exercere nequit, et ideo ad conjunctionem cum altera substantia ordinatur, v. g. : anima humana, anima brutorum.

Substantia incompleta est *incompleta tum in ratione speciei, tum in ratione substantialitatis, vel incompleta in ratione speciei tantum*. *Prima* est illa quæ natura sua ordinatur ad aliam substantiam ad efformandum cum ipsa unam specifice naturam, et nullam ex se sola operationem exercere potest, v. g., anima brutorum quæ ordinatur ad corpus ut cum ipso unicam specifice naturam constituat, et nequit independenter a corpore ullam exercere operationem. *Secunda* est illa quæ natura sua ordinatur ad aliam substantiam ut cum ipsa unicam specifice naturam constituat, quæ tamen per seipsam est principium sufficiens ad exercendas operationes sibi proprias, v. g., anima humana quæ ad corpus ordinatur ut unicam cum ipso naturam constituat, quæ tamen est principium sufficiens ad exercendas independenter a corpore operationes sibi proprias, nempe intelligere et velle.

Sunt igitur substantiæ simpliciter *completæ*, scilicet tum in ratione substantialitatis, tum in ratione speciei, ut angelus, homo, planta ; — sunt substantiæ simpliciter *incompletæ*, scilicet et ratione substantialitatis et ratione speciei, ut anima brutorum et formæ substanciales corporum inferiorum ; — sunt tandem substantiæ *completæ* et *incompletæ* secundum quid, scilicet *completæ* in ratione substantialitatis et *incompletæ* in ratione speciei, ut sunt animæ humanæ.

3° Substantia est *simplex* vel *composita*.

Substantia simplex est illa quæ ex pluribus substantiis incompletis non constat, v. g.: anima humana, anima brutorum, formæ substanciales.

Substantia composita est illa quæ ex pluribus substantiis incompletis constat, v. g. : homo, planta.

4° *Substantia alia est corporea, alia materialis, alia immaterialis seu spiritualis.*

Substantia corporea est illa quæ componitur ex materia prima et forma substantiali, seu *vulgo*, illa quæ habet trinam dimensionem, v. g. : ferrum, lignum.

Substantia materialis est illa quæ pendet a materia tum quoad suum agere tum quoad suum esse, v. g. : anima brutorum. (1)

Substantia immaterialis seu spiritualis est illa quæ est independens a materia tum in suo agere tum in suo esse, v. g. : anima humana.

V. De realitate substantiarum.—Lockius substantiam definivit, *complexum qualitatum*, quod quidem idem est ac negare substantiarum realitem. Sensisti. igitur nomen retinent substantiae, realitatem denegant. Idem dicendum de positivistis qui dicunt substantiam *phenomenorum collectionem*, et cum Taine asserunt ideam substantiae esse illusionem psychologicam. (2) Reales autem existere substantias in rerum natura contra ipsos demonstratur.

THEISIS.—REALES EXISTUNT SUBSTANTIAE.

1° *Ex testimonio conscientiae.* Unusquisque enim conscientia propria percipit in seipso, aliquam realem dari entitatem quæ eadem permanet sub diversis et successivis modificationibus quæ fiunt; illam entitatem esse realiter distinctam ab ipsis modificationibus, cum modificationes transeant ipsa eadem permanente; illam esse *subjectum* cui illæ modifications inhaerent, et simul quandoque principium a quo procedunt. Ego enim cogito et volo, et transeuntibus cogitationibus

(1) Substantia materialis proprie distinguitur a substantia corporeis, tamen substantia corporea dicitur indiscriminatim, corporeis vel materialis.

(2) « Nous croyons qu'il n'y a point de substances, mais seulement des systèmes de faits. Nous regardons l'idée de substance comme une illusion psychologique. » TAINÉ, le Positivisme anglais, p. 114.

bstantiis
a simma-
materia
trinam
ria tum
na bru-
ue est
, v. g. :
antiam
est ac
etinent
positi-
em, et
psycho-
natura

con-
i enti-
modifi-
nctam
t ipsa
difica-
proce-
nibus

rpores,
ialis.
ent des
llusion

et volitionibus, idem ego sum qui cogitabam et volebam ; illæ cogitationes et volitiones non sunt *ego* sed *meæ*, quia in me et a me sunt. Ergo conscientia clare testatur realem substantiarum existentiam.

2° *Ex experientia externa.* Evidenter enim percipimus res extra nos positas, ut sunt color, calor, etc., quæ nunquam naturaliter sunt nisi in alio, et alias res ipsis substare quibus quidem tribuuntur : dicimus color domus, calor ignia : res vero quæ ipsis substantia non quam aliis tribuimus, existunt enim in seipsis, eadem permanentes alius transeuntibus et sibi succendentibus. Ergo ex experientia externa certo et evidenter constat realia dari existentia et reales substantias.

3° *Ratione.* Realitates existunt in rerum natura. Vel ipsis competit esse per se, et sunt reales substantiae, vel ipsis competit esse in alio ; illud aliud vel ipsis competit esse per se et est realis substantia, vel ipsis competit esse in alio ; rursus illud aliud vel ipsis competit esse per se et est realis substantia, vel ipsis competit esse in alio. Atqui in infinitum dari non potest talis processus. Ergo deveniendum est ad aliquam realitatem cui competit esse per se et non in alio, et est vera et realis substantia.

ARTICULUS II

DE PRINCIPIO INDIVIDUATIONIS

I. **Status questionis.** — Substantia prima, de qua agit ontologia, est individua, scilicet objectum ita determinatum ut pluribus convenire non possit ; substantia autem est-ne individua per seipsam, vel par aliquid realiter a se distinctum ? Aliis verbis, id quo substantia est individua seu hæc substantia.

est-ne ipsa rei esseutia seu natura; vel aliquid realiter distinctum ab essentia? Id autem quo substantia fit individua dicitur *principium individuationis*; unde quæstio proponitur utrum in substantiis, principium individuationis sit ipsa essentia seu rei quidditas, vel aliquid realiter distinctum ab ipsa.

II. Diversæ philosophorum sententiae. — 1° Aureolus, Durandus, Vasquezius, Suarezius, et inter recentiores Lathouze,⁽¹⁾ docent substantiam esse individuam per ipsammet realitatem suam, ideoque principium individuationis ratione tantum ab essentia distingui.

2° Juxta Scotum, substantia fit individua, mediante aliqua proprietate quæ non distinguitur ab essentia distinctione reali, sed distinctione formali ex natura rei. Hæc autem proprietas qua substantia fit incommunicabilis et *hæc substantia*, ab ipso Scoto dicitur *hæcceitas*.

3° Tertia sententia, quæ est Aristotelis, Alberti Magni, S. Thomæ et thomistarum, docet principium individuationis in substantiis compositis ex materia et forma esse *materiam signatam*, ideoque realiter ab ipsa essentia distingui; in substantiis vero simplicibus completis, principium individuationis est ipsa forma seu natura, ideoque in ipsis non datur distinctio realis inter essentiam et individuationis principium. Hanc autem sententiam propugnabimus.

III. Individui notio. — *Individuum est id de cuius ratione est quod non possit in pluribus esse; — id quod est in se indistinctum, ab aliis vero distinctum; — id quod est in se indivisum, et ab aliis divisum ultima divisione.* Ad rationem individui duo ergo requiruntur: primo, ut sit quid *incommunicabile*, non potest in pluribus esse, secundo, ut it quid *distinctum*, divisum ab aliis. Jamvero individuari est fieri *incommunicabile*, et *distinctum* seu *divisum* ab aliis, et *principium individuationis* erit *id quo substantia fit incommunicabilis, distincta seu divisa ab aliis*.

(1) *Praelectiones logica et ontologia.* No. 469.

IV. Sententia S. Thomæ demonstratur.

THESIS Ia.—IN SUBSTANTIIS COMPOSITIS EX MATERIA ET FORMA ESSENTIA SEU QUINNITAS NON INDIVIDUATUR PER SEIPSAM, SED REALITER DISTINGUITUR A PRINCIPIIS IPSAM INDIVIDUANTIBUS. ⁽¹⁾

Sensus propositionis.—Cum in hac propositione affirmetur distinctio realis inter naturam et principia individuantia, non ponitur quidem in substantiis compositis realiter existentibus *natura quædam communis* quæ per additum fiat singularis et individua; natura enim communis non existit nisi in intellectu secundum quod per abstractionem absolute consideratur. Naturæ igitur actu existens est individua, sed non est individua ratione sui, sed ratione adjuncti, sine quo existere non potest, et a quo mutuatur ut sit incommunicabilis et ab aliis individuis ejusdem speciei distincta.

Demonstratur.—Essentia quæ individuatur per seipsam non est multiplicabilis in pluribus individuis ejusdem speciei. Atqui essentiæ rerum materialium, scilicet, substantiarum quæ componuntur ex materia et forma, sunt multiplicabiles in pluribus individuis ejusdem speciei. Ergo essentiæ rerum materialium non individuantur per seipsas, sed realiter differunt a principiis illas individuantibus.

Ad majorem. Principium individuationis est id quo individua fiunt ad invicem distincta. Si igitur natura seu essentia individuantur per seipsam, est id quo individua distinguuntur ad invicem. Atqui quæ distinguuntur natura seu essentia differunt specie. Ergo omnia individua specie differunt et non erit nisi unicum individuum cujusque speciei. Essentia igitur quæ individuatur per seipsam non est multiplicabilis in pluribus individuis ejusdem speciei.

(1) DE MARIA. *Philosophia prim., tract. II, q. III.*

Unde, dicit S. Thomas :

« Illud quo Socrates est homo multis communicari potest ; sed id quo est hic homo non potest communicari nisi uni tantum. Si ergo Socrates per id esset homo, per quod est hic homo, sicut non possunt esse plures Socrates, ita non possunt esse plures homines. » (1)

Cum igitur eadem natura multiplicatur in pluribus individuis ejusdem speciei, requiritur ut principium distinctionis seu individuationis non sit ipsa natura seu essentia, sed quid additum essentiae et realiter ab ipsa distinctum.

Audiatur S. Thomas :

« In omnibus habentibus formam in materia, natura speciei individuatur per materiam, unde principia individuantia et accidentia individui sunt praeter essentiam speciei. Et ideo contingit sub una specie inveniri plura individua quae licet non differant in *natura* speciei, differunt tamen secundum *principia individuantia*, et propter hoc in omnibus habentibus formam in materia non sunt omnino *idem* et *res* et *quod quid est* ejus. Socrates enim non est sua humanitas. In his nutem quae non habent formam in materia, sicut sunt formæ simplices nihil potest esse praeter essentiam speciei, quia forma est tota essentia. Et ideo in talibus non plura esse possunt individua unius speciei, nec potest differre res et quod quid est ejus. » (2)

THESES II.—IN SUBSTANTIIS SIMPLICIBUS COMPLETIS ESSENTIA INDIVIDUATUR PER SEIPSAM, IDEOQUE NON DATUR DISTINCTIO REALIS INTER NATURAM ET PRINCIPIA INDIVIDUANTIA.

Substantiae simplices non componuntur ex materia et forma, sed sunt formæ simplices, scilicet, in ipsis praeter formam non datur nisi esse. Atqui proprium est formæ constituere speciem, et ratio speciei nihil aliud est nisi ipsa essentia. Ergo in substantiis simplicibus praeter essentiam non datur nisi esse.

(1) *Sum. theol.* I p., q. 11, a. 3.

(2) *De Anima*, lib. 3, lect. 8.

Atqui esse non potest dici principium individuationis, cum nullius distinctionis sit principium. Ergo in istis substantiis essentia individuatur per seipsam, non autem per aliquid ab essentia distinctum. Unde cum diversitas individuorum ab essentia habeatur, non sunt plura individua ejusdem speciei, tot ergo angeli, tot species.

V. De constitutivo principi⁹ individuationis.—Ex his quæ dicta sunt appareat quod in substantiis simplicibus completis essentia individuatur per seipsam, cum illæ substantiæ sunt formæ per se subsistentes. Deus autem, cum sit maxime simplex et ipsum esse per se subsistens, ex seipso individuatur. Sed in substantiis compositis ex materia et forma, in rebus nempe materialibus, essentia non individuatur per seipsam, sed per aliquid additum realiter ab ipsa distinctum. Ulterius igitur progrediendo querendum est et determinandum quod nam est illud additum? Huic questioni S. Thomas respondet: « Si queretur quare hæc forma differt ab illa, non erit alia ratio, nisi quia est in alia materia signata. Nec invenitur alia ratio, quare hæc materia sit divisa ab illa, nisi propter quantitatem. Et ideo materia subjecta dimensioni intelligitur esse principium hujus diversitatis. »⁽¹⁾

THESIS.—PRINCIPIUM INDIVIDUATIONIS IN SUBSTANTIIS COMPOSITIS EST MATERIA SIGNATA

a) *Materia signata* est materia secundum quod est sub quantitate dimensiva. « Materia non quomodolibet accepta est principium individuationis, sed solum materia signata. Et dico materiam signatam, quæ sub certis dimensionibus consideratur. »⁽²⁾

b) Definitur individuum: id de cuius ratione est ut non possit in pluribus esse; id quod est indivisum in se, divisum vero ab aliis. Essentia igitur individua est essentia indivisa

(1) Opusc. in Boet. *De Trin.* q. 4, n. 2, ad 4.

(2) S. THOMAS, Opusc. *De ente et essentia*, Cap. 2.

in se ,incommunicabilis, divisa vero a quolibet alio quod est in eadem specie.

Demonstratur.—Id vere et proprio est principium individuationis essentiae materialis, a quo illa essentia indivisa in se repetit ut sit incommunicabilis alteri, et divisa a quolibet alio quod est in eadem specie. Atqui in substantiis compositione ex materia et forma, scilicet in substantiis materialibus, essentia hoc repetit a *materia signata*, seu a materia dimensib; subjecta. Ergo principium individuationis in substantiis est materia signata.

Ad minorem. Forma enim in se indivisa, cum recipitur in materia, fit incommunicabilis, ideoque a materia mutuatur primam conditionem ad individuationem requisitam ; quantum ad secundam, quod nempe sit divisa ab aliis, principium individuationis est quantitas dimensiva. Hæc est enim radix omnis divisionis, ita ut nec ipsa materia sit divisibilis sine quantitate, cum quantitas sit accidentis extensivum substantiæ in partes.

Igitur principium individuationis in substantiis materialibus neque est materia sola, neque quantitas sola, sed materia quæ est sub quantitate, ita tamen ut materia dicatur primario individuare substantiam, quantitas autem secundario. Sic prima radix individuationis, in quantum individuum dicit incommunicabilitatem, est materia, sed in quantum dicit distinctionem, divisionem ab aliis, est quantitas dimensiva. Principium individuationis est igitur materia signata per quantitatem.

VI. Solvuntur difficultates.

Atqui non datur distinctio realis inter essentiam et principia individuantia in substantiis materialibus. Ergo falsa est et rejicienda thesis prima. Primo antecedens.

1º Essentia quæ non individuatur per seipsum est essentia communis. Atqui omnis essentia existens est singularis non autem communis. Ergo omnis essentia realiter existens per seipsum individuatur.

Dist. maj., si absoluta consideratur extra subiectum singulare in quo est, conc., prout est in subiecto singulari, nego.

Dist. min., omnis essentia existens est singularis ratione sui vel ratione adjuneti, *conc.*, ratione sui tantum, *nego*.

Easentia dicitur communis prout abstracte ab intellectu concepitur extra omne subjectum, et ut sie, non existit nisi in intellectu. Tamen ex hoc quod omnis essentia reliter existens sit singularis, non sequitur ipsam individuari per se; illa enim essentia potest fieri individua per aliquid sibi adjunctum, quocum existit, et a quo realiter distinguitur.

2° Atqui omnis essentia existens est singularis ratione sui. Ergo.

Quilibet res est una per suam essentiam. Atqui per idem aliquid est unum et individuum. Ergo omnis essentia est singularis et individua per seipsum.

Dist. maj. est una unitate transcendentali, *conc.*, unitate numerali, *nego*.

Contradist. min., aliquid per idem est unum unitate numerica et individuum, *conc.*, per idem est unum unitate transcendentali et individuum, *nego*.

Præsens difficultas petitur ex eo quod non distinguitur inter duplum unitatem, inter nempe unitatem transcendentalis que convertitur cum ente, et unitatem numericam que est principium numeri. Prima est unitas essentiae, et omnibus entibus convenit; secunda est unitas individui, et proprie non dicitur nisi de substantiis materialibus. Quilibet res est una per suam essentiam, sed non quilibet res est individua per seipsum. Unum enim dicit indivisionem, unaqueque essentia est de se indivisa; sed individuum non importat tantum indivisionem, sed incommunicabilitatem et divisionem ab aliis. Unde eum essentia ex se babet quod sit indivisa, incommunicabilis et divisa ab aliis, est per se individua, ut sit in substantiis simplicibus completis; sed eum essentia illam incommunicabilitatem et distinctionem seu divisionem non ex se sed ex aliquo adjuncto recipit, jam non individuatur per seipsum, ut sit in substantiis materialibus.

3° Atui omnis res est una unitate transcendentali et numerica per suam essentiam. Ergo.

Quilibet essentia est una unitate numerica per propriam realitatem. Atqui realitas propria essentiae est ipsa essentia. Ergo omnis essentia est una et individua per seipsum.

Dist. maj. per propriam realitatem, scilicet, per realitatem que identificatur cum essentia, vel que ad ipsam pertinet ideoque est propria ejus, *conc.*, per realitatem que identificatur cum essentia, *nego*.

Contradist. min. realitas propria essentiae, scilicet, id quod cum essentia identificatur, est ipsa essentia, *conc.*, id quod ad ipsam essentiam pertinet ideoque dicitur proprium ejus, *nego*.

4° Atqui omnis essentia sit individua per realitatem que identificatur cum ipsa. Ergo.

Individua materialia substantialiter differunt. Atqui nisi essentia per seipsum fiat individua, non substantialiter distinguerentur. Ergo omnis essentia est per seipsum individua.

Dist. maj. Substantialiter, scilicet, essentialiter et specificie, *nego*, scilicet, non accidentaliter tantum, *concio*.

Contrad. min., non distinguerentur specificie, si sunt ejusdem speciei, *concio*, distinguerentur accidentaliter tantum, *nego*.

Inter individua materialia ejusdem speciei non datur distinctio accidentalis tantum et substantialis; non tantum enim accidentia Pauli non sunt accidentia Petri, sed nec natura utriusque eadem numero est. Igitur quando dicitur quod individua materialia substantialiter differunt, non significatur quod principium distinctionis seu individuationis sit ipsa essentia, sed quod non tantum differunt accidentaliter sed substantialiter, cum habeant naturam numero diversam, quam tamen natura non ex se habet quod sit haec numero natura, sed a materia signata quantitate.

ARTICULUS III

DE SUBSISTENTIA

I. Status questionis. — In substantiis materialibus essentia non est individua et singularis per seipsam, sed medianis principiis individuantibus, a quibus principia quidditativa realiter distinguuntur. Nunc autem queritur utrum essentia singularis seu individua sit de se substantia completa et subsistens. Substantia completa et subsistens dicitur *suppositum* vel *persona*, in quantum est principium seu subjectum *quod est* et operatur. Unde queritur utrum inter essentiam seu naturam et suppositum sit distinctio realis, vel distinctio rationis tantum. Ratio hujus questionis petitur ex fide catholica, quae quidem docet Verbum divinum, in Incarnationis mysterio,

naturam humanam assumpsisse non autem suppositum seu personam, ita ut duplex sit in Christo Domino natura, divina scilicet et humana, sed unica persona Verbi in natura humana subsistens. Ad illius questionis solutionem, prius declarandum est quid intelligitur et significatur nomine naturæ, et quid nomine suppositi.

Nomen autem naturæ prout supposito opponitur, significat ipsam essentiam seu quidditatem substantialem; qua nempe substantia completa et subsistens constituitur in sua specie seu quasi specie, essentiam scilicet, quæ significat definitio. Natura igitur scse habet ut pars formalis subsistentis, v. g., natura humana est pars formalis hominis, id quo homo in specie constituitur. Cum autem operatio sequitur esse, id quo subsistens habet esse specificum, est simul *principium quo* habet operationes huic speciei consentaneas: unde natura dicitur pars formalis suppositi seu subjecti subsistentis, et *principium quo* operationis. Nomen naturæ significat etiam naturam singularem, completam, sine subsistentia.

III. Quid suppositum et persona. — Suppositum, Boetio⁽¹⁾ definitur: *Naturæ compleæ individua substantia*. Ad rationem suppositi requiritur:

- 1° Ut sit *substantia*; accidens non potest esse suppositum.
- 2° Ut substantia illa sit *individua*; igitur substantiae secundæ quæ sunt naturæ universales non sunt supposita.
- 3° Ut illa substantia sit *incommunicabilis*; incommunicabilitas est de ratione individui.
- 4° Ut sit illa substantia *completa*, nam dicitur *naturæ compleæ*, ideoque pars substantiæ, sive quidditativa ut anima, sive integrans ut manus, non est suppositum.
- 5° Ut illa substantia sit *subsistens*, nam substantia dicitur absolute completa dum subsistit, scilicet, dum est subjectum

(1) « Boëce, philosophe chrétien, né à Rome, et mort à Pavie (vers 470-526) fréquenta les écoles d'Athènes. Son culte a été reconnu par PieX (22 juin 1904) et sa fête fixée au 21 juillet... Plusieurs de ses définitions devinrent classiques... » ELIE BLANC, *Dict. de Phil.*, ad verbum Boëce.

ipsius actus existendi seu existendi, ideoque subjectum omnium operationum, nempe id quod est et id quod agit.

Suppositum igitur, ut ex his facile constat, triplicem importat incommunicabilitatem, excludit nempe : communicabilitatem naturae universalis pluribus individuis, in quantum est *substantia individua*; communicabilitatem partis toto, in quantum dicitur *natura completa*; communicabilitatem assumptionis ab altero supposito, in quantum est *substantia subsistens*, nempe natura propria subsistentia terminata, ita ut non possit terminari ab alia subsistentia.

Suppositum, diximus, est subjectum actus existendi et omnium operationum, est id quod est et id quod operatur. Quemadmodum igitur natura est *id quo aliquid est* in determinata specie, et *principium quo operationum*, ita suppositum est *id quod est et principium quo omnium operationum*, unde axioma : *Actiones sunt suppositorum.*

Persona nihil aliud est quam suppositum rationale, unde a Boetio definitur : *rationalis naturae individua substantia*. Suppositum dicitur ergo de omnibus entibus, persona de entibus rationalibus tantum.

IV. Philosophorum sententiae. — Ex prædefinitis conceptibus tum naturæ, tum suppositi, facile apparet distinctionem saltem rationis inter utrumque haberi. Omnes philosophi hac in re concordant, sed circa distinctionem realem admittendam inter naturam et suppositum dividuntur. Alii, ut Henricus Gandavensis (XIII^o ssec.), nullam admittunt distinctionem realem, sed rationis tantum. Alii, ut Scotus et Scotistæ, dicunt suppositum distinguere a natura, quia suppositum addit naturæ aliquid negativum, negationem scilicet actualis dependentiæ a subsistentia superiori, ideoque inter utrumque intercedere non distinctionem realem, vel rationis tantum, sed distinctionem formalem ex natura rei. Alii, ut S. Thomas et Thomistæ, affirmant distinctionem realem inter naturam et suppositum, quia suppositum addit naturæ aliquid positivum realiter a natura distinctum. Ex his tamen quidam,

ut De Maria et Billot, dicunt suppositum addere aliquid positivum naturae, sed extrinsecum, scilicet addere *sese*; alii autem, ut Cajetanus et inter recentiores Satolli, Paquet, Lepicier, Villafranca, docent suppositum addere naturae aliquid reale, positivum, intrinsecum, constitutivum suppositi, nempe *subsistentiam*, realitatem distinctam tum a natura singulari, tum ab existentia seu esse.

V. Distinctio realis inter naturam et suppositum vindicatur. — Primo demonstrabimus sententiam thomisticam de distinctione reali inter naturam et suppositum, abstractione facta ab hac ulteriori questione, utrum scilicet, suppositum addat naturae aliquid positivum intrinsecum vel extrinsecum tantum. Questio est de *natura specifica* et de *natura individualia* etiam completa. Sit igitur :

THESES.—IN REBUS CREATIS DATUR REALIS DISTINCTIO INTER NATURAM ET SUPPOSITUM.

Explicatur sensus propositionis. 1° Dicitur in rebus creatis, quia in Deo, cum Deus sit ens simplicissimum, nulla potest dari distinctio realis sed rationis tantum.


2° Distinctio realis potest verificari multipliciter : habetur enim vel inter duas res subsistentes, ut inter duos homines : vel inter duas res quarum una nihil est alterius, licet sint eadem subjecto, ut albedo et dulcedo in saccharo ; vel inter duas res quarum una includit aliam et aliquid aliud ipsi superaddit, ut inter partem et totum, inter animam et hominem. Cum autem affirmatur distinctio realis inter naturam et suppositum, non affirmatur quod natura et suppositum distinguuntur ut duo subsistentia, nec ut due res quarum una nihil est alterius, sed sicut due res quarum una continet aliam et aliquid aliud ipsi superaddit.

3° Cum persona nihil aliud sit ac suppositum in naturis rationalibus, distinctio realis quae affirmatur inter naturam et suppositum, affirmatur eadem inter naturam et personam.



MICROCOPY RESOLUTION TEST CHART

(ANSI and ISO TEST CHART No. 2)



APPLIED IMAGE Inc

1653 East Main Street
Rochester, New York 14609 USA
(716) 482 - 0300 - Phone
(716) 288 - 5989 - Fax



Demonstratur.—**Prima pars.** *In omni ente creato suppositum realiter differt a natura specifica.* Realis distinctio affirmanda est inter duo quorum unum continet alterum et aliquid reale ipsi superaddit. Atqui in omnibus rebus creatis, suppositum continet naturam et aliquid reale ipsi superaddit. Ergo in rebus creatis datur distinctio realis inter naturam specificam et suppositum.

Major clara est ex his quæ jam exposita sunt.

Ad minorem. 1° *In rebus materialibus, suppositum continet naturam specificam et ipsi aliquid reale superaddit.* Etenim natura specifica hic nihil aliud importat nisi ipsam essentiam, seu principia quidditativa; suppositum vero cum sit substantia individua et completa, complectitur non tantum principia quidditativa, sed omne id quod ad ipsam substantiam seu naturam pertinet, nempe suppositum continet naturam tanquam partem formalem, et ipsi superaddit principia individuantia, existentiam et accidentia, quæ realiter a natura seu essentia distinguuntur. Ergo in rebus materialibus suppositum continet naturam specificam et aliquid reale ipsi superaddit.

« Contingit in quibusdam rebus subsistentibus inveniri aliquid, quod non pertinet ad rationem speciei, sicut accidentia et principia individuantia, sicut maxime apparet ex his quæ sunt ex materia et forma composita; et ideo in talibus etiam secundum rem differunt natura et suppositum, non quasi omnino aliqua separata, sed quia in supposito includitur ipsa natura speciei et superadduntur quædam alia, quæ sunt præter rationem speciei: unde suppositum significatur ut totum habens naturam partem formalem et perfectivam sui, et propter hoc in compositis ex materia et forma natura non prædicatur de supposito; non enim dicimus quod hic homo sit sua humanitas. » (1)

2° *In substantiis simplicibus completis, suppositum continet naturam specificam et aliquid reale ipsi superaddit.* In substantiis simplicibus completis natura individuatur per seipsum, unde suppositum non addit naturæ principia individuantia tanquam aliquid realiter ab ipsa distinctum; sed cum in istis substantiis, existentia realiter distinguatur ab essentia, suppositum includens naturam et existentiam, aliquid reale ipsi naturæ per se

(1) S. THOMAS, *Sum. theol.*, 3 p., q. 2, a. 2.

individuae superaddit. Ergo in substantiis simplicibus comple-
tis suppositum continet naturam et aliquid reale ipsi superaddit,
c., existentiam.

Secunda pars. — *In omni ente creato suppositum realiter dif-
fert a natura individua etiam completa.* Natura individua etiam
completa dicit solum duplē incommunicabilitatem, scilicet
universalis ad singularia, partis ad totum, suppositum vero addit
insuper incommunicabilitatem assumptionis ab alio supposito.
Atqui hujusmodi incommunicabilitas est vera perfectio, qua
res fit sui juris, fit vere independens, ideoque haec incommuni-
cabilitas est vera *realitas positiva*. Ergo suppositum addit na-
turae individuae etiam completæ aliquam veram realitatem,
ratione cuius ab illa realiter differt.

IV. De subsistentia. — Natura ut *natura* dicit principia
quidditativa, ut *singularis*, addit principia individuantia, ut
subsistens seu ut suppositum, natura enim subsistens et suppo-
situm sunt unum et idem,⁽¹⁾ addit *subsistentiam*. Subsistentia
igitur est id quo natura singularis fit subsistens et suppositum.

Subsistentia autem definitur : *terminus ultimus et purus
naturæ substantiæ*⁽²⁾; est igitur aliquid substantiale, quia
ipsam naturam terminat in linea substantiæ. In entibus
rationalibus, subsistentia dicitur *personalitas*, sicuti in ipsis
suppositum vocatur *persona*.

Subsistentia autem est quid positivum ipsi naturæ singulari
additum, cum quidem demonstravimus suppositum aliquid reale
ipsi naturæ singulari superaddere; sed est-ne quid intrinsecum vel
extrinsecum supposito? Non consentiunt philosophi, ut diximus.

Quidam tenent subsistentiam esse ipsum actum essendi
seu existentiam, ideoque esse quid extrinsecum supposito, cum
suppositum dicitur subjectum actus essendi. Alii autem affir-
mant subsistentiam esse realitatem quamdam naturæ singulari
additam, qua ista natura constituitur subjectum actus essendi,
ideoque subsistentiam esse quid positivum, intrinsecum suppo-

(1) Natura singularis quandoque dicitur suppositum, sed in hoc casu
suppositum non formaliter et adæquate accipitur.

(2) CAJETANUS, in III partem, q. 4, a. 2.

sito, aliquid realiter distinctum tum a natura singulari, tum ab existentia. Hæc autem sententia quam exponit Cajetanus (in tertiam Partem, quæst. 4, a. 2) nobis magis arridet; sit igitur:

THESSIS.—SUBSISTENTIA IPSI NATURÆ INDIVIDUÆ COMPLETÆ AB IPSO SUPPOSITO ADDITA EST ALIQUID INTRINSECUM AB IPSA EXISTENTIA REALITER DISTINCTUM.

Prima pars. *Est aliquid intrinsecum.* Illud quod compleat naturam, perficit eam in ratione substantiæ et eam reddit susceptivam alicujus realitatis intrinsecæ, i. e. existentiæ, debet esse aliquid intrinsecum: nam potentia et actus sunt in eodem genere; si actus sit quid *intrinsecum*, et ipsa potentia aliquid intrinsecum esse debet; subsistentia ordinatur ad existentiam sicut potentia ad actum. Atqui existentia est aliqua realitas positiva, *intrinsece* inhaerens ei quod existit. Ergo subsistentia est aliquid *intrinsecum*.

Secunda pars. *Subsistentia est realiter distincta ab ipsa existentia.* Quamvis id quod subsistit sit idem quod existit, subsistentia tamen non est existentia; seu actus quo substantia redditur incommunicabilis, i. e. subsistens, non est actus quo substantia ponitur extra causas seu existit.

Probatur ex D. Thoma ⁽¹⁾: “Licet ipsum esse non sit de ratione suppositi, pertinet tamen ad suppositum et non est de ratione naturæ.” Atqui subsistentia est de ratione suppositi, cum sit ipsum constitutivum formale ipsius. Ergo juxta D. Thomam subsistentia distinguitur realiter ab esse (existentia), quod non est de ratione suppositi.

Probatur ex ratione. ⁽¹⁾ Ea quorum conceptus sunt longe diversi ad invicem distinguntur realiter. Atqui sic se habent conceptus subsistentiæ et existentiæ: subsistentia enim non nisi substantiis competit, et ex sua ratione essentiali distinguit rem ab accidentibus; existentia vero non distinguit rem ab accidentibus ex solo conceptu existentiæ, sed in quantum est *talis* existentia. Nam ex eo quod substantia subsistit distingui-

(1) *Quodlibet*, 9, a. 3.

i, tum ab
tanus (in
igitur :

COMPLE-
INTRIN-
TINCTUM.

quod com-
am red-
istentiæ,
sunt in
potentia
ad exis-
t alqua
ergo sub-

ab ipsa
existit,
stantia
tus quo

t de ra-
t de ra-
ti, cum
homam
od non

t longe
habent
n non-
tinguit
rem ab
um est
tingui-

tur ab accidente ; sed quando substantia existit ponitur extra statum possibilitatis, et fit talis substantia ; et distinguitur ab accidente non tantummodo quia existit, sed etiam quia existit tanquam talis.

2) Subsistens est de ratione et definitione personæ creatæ. Atqui existentia non est de ratione et definitione personæ creatæ. Ergo subsistens et existentia realiter differunt.

VII. Constitutiva suppositi. — « Est ergo ratio personæ, quod sit subsistens, et omnia comprehendens quæ in re sunt. »⁽¹⁾ Suppositum omnia complectitur quæ in re sunt, sed non omnia sunt constitutiva suppositi. Suppositum continet principia quidditativa, principia individuantia et subsistentiam, tanquam constitutiva et intrinseca principia, existentiam, accidentia et operationes, tanquam elementa extrinseca⁽²⁾ ; sed inter elementa intrinseca, proprium constitutivum suppositi est subsistens.

VIII. Ordinatio naturæ, subsistentiæ, existentiæ. — In sententia quam modo exposuimus, subsistens recipitur in natura, illamque complet et perficit in ratione substantiæ. Existentia vero in subsistens recipitur, illamque actuat et coronat. Subsistens itaque est quid medium inter naturam et existentiam : ex una parte coronat naturam et eam reddit existentiæ capacem, ex altera parte ipsa coronatur ab ipsa existentia : recipitur in natura, recipit existentiam.

IX. Falsæ personæ definitiones. — Suppositum seu persona est quid substantiale, rejicienda est ergo quæcumque definitio, quæ aliquid accidentale ut personæ constitutivum supponeret. Hac ratione, non sunt admittendæ definitiones ipsius Gunther : persona est *natura sui conscientia* ; Cousin : *voluntas est ipsum esse personæ* ; Lockii dicentis personam *memoria et conscientia constitutam* ; Cartesii : *persona est id quod cogitat*. Propositio illa Cartesii secundum se est vera, sed non potest admitti ut definitio personæ. Persona enim est principium quod operationis, sed aliunde definiendum est, ut sciatur de ipsa quid sit.

(1) S. THOMAS, III, *Sent.*, disp. 55, q. 1, a. 3.

(2) Existentia est aliquid *intrinsecum terminative*, originaliter, *extrinsecum*.

CAPUT SEUNDUM

DE ACCIDENTIBUS

Prologus.— Habito sermone de substantia, jam progre-
diendum est ad accidentium considerationem. Accidentia
autem considerari possunt vel *in genere*, vel *in specie*, scilicet
secundum novem ipsorum genera, de quibus in specie agemus,
exceptis situ et habitu, cum de ipsis sufficient que jam dicta
sunt in logica ; unde hic erit ordo materiae hujus capititis secundi.

DE ACCIDENTIBUS

I. De accidenti- bus in genere

Accidentis notio
Accidentis species : absolutum, modale
Accidentia realiter distinguuntur a substantia.

Non repugnat accidentia absoluta virtute divina, existere
sine subjecto.

Difficultatum solutio

Notio

Extensio partium in ipsa substantia
“ “ “ ordine ad locum

Proprietates Incompenetrabilitas

Divisibilitas

Mensurabilitas

Ratio essentialis quantitatis consistit in extensione partium
in ordine ad ipsam substantiam.

Species Quantitas Continua Permanens

dimensiva Discreta Successiva

Quantitas virtutis

Quantitas realiter distinguitur a substantia corporea.

II. De quanti- tate

	Notio	
	Proprietates.	(Habere contrarium Suscipere magis et minus Esse fundamentum similitudinis)
	Species	(Habitus et dispositio Potentia et impotentia Passio et patibilia qualitas Forma et figura)
III. De qualitate	Notio	
	De habitu	(Entitativus, operativus Species (Supernaturalis, naturalis Bonus, malus) Subjectum Origo)
	De potentia et impotentia	
	De passione et patibili qualitate	
	De forma et figura	

	Notio	
	Elementa	(Subjectum Terminus Fundamentum)
	Species	(Realis, logica Transcendentalis, praedicalentalis Mutua, mixta)
IV. De relatione	Reales habentur relations in rebus creatis. Relatio praedicalentalis realiter differt a suo fundamento. Corollaria	

	Actionis notio	
	Actionis species	(Creatio, effectio Immanens, transiens Instantanea, successiva)
	Passionis notio	
	Motus notio	
V. De actione et passione	Motus species	(Motus localis Alteratio Augmentum et decrementum)
	Axiomata	

	Loci notio	
	Diversi modi essendi in loco	(Circumscriptive Informative Operative (Definitive Incircumscriptive Sacramentaliter)
VI. De ubi seu de loco	Idem corpus non potest esse in pluribus locis circumscriptive.	
	Duo corpora non possunt naturaliter esse simul in eodem loco.	
	Spatii notio	
	Spatii species	(Reale Ideale Imaginarium)

VII. De quando seu de tempore	<table border="0"> <tr> <td>Temoris notio</td><td></td></tr> <tr> <td>Temporis species</td><td> <table border="0"> <tr> <td>Reale</td><td>{</td><td>Intrinsicum</td></tr> <tr> <td>Ideale</td><td></td><td>Extrinsicum</td></tr> <tr> <td colspan="3">Imaginarium</td></tr> </table> </td></tr> <tr> <td>Eternitatis notio</td><td></td></tr> <tr> <td>Eternitatis species</td><td> <table border="0"> <tr> <td>Absoluta, participata</td><td></td></tr> <tr> <td>Positiva, negativa</td><td></td></tr> </table> </td></tr> <tr> <td>Triplex durationis specier</td><td> <table border="0"> <tr> <td>Æternitas</td><td></td></tr> <tr> <td>Tempus</td><td></td></tr> <tr> <td>Ævum</td><td></td></tr> </table> </td></tr> </table>	Temoris notio		Temporis species	<table border="0"> <tr> <td>Reale</td><td>{</td><td>Intrinsicum</td></tr> <tr> <td>Ideale</td><td></td><td>Extrinsicum</td></tr> <tr> <td colspan="3">Imaginarium</td></tr> </table>	Reale	{	Intrinsicum	Ideale		Extrinsicum	Imaginarium			Eternitatis notio		Eternitatis species	<table border="0"> <tr> <td>Absoluta, participata</td><td></td></tr> <tr> <td>Positiva, negativa</td><td></td></tr> </table>	Absoluta, participata		Positiva, negativa		Triplex durationis specier	<table border="0"> <tr> <td>Æternitas</td><td></td></tr> <tr> <td>Tempus</td><td></td></tr> <tr> <td>Ævum</td><td></td></tr> </table>	Æternitas		Tempus		Ævum	
Temoris notio																														
Temporis species	<table border="0"> <tr> <td>Reale</td><td>{</td><td>Intrinsicum</td></tr> <tr> <td>Ideale</td><td></td><td>Extrinsicum</td></tr> <tr> <td colspan="3">Imaginarium</td></tr> </table>	Reale	{	Intrinsicum	Ideale		Extrinsicum	Imaginarium																						
Reale	{	Intrinsicum																												
Ideale		Extrinsicum																												
Imaginarium																														
Eternitatis notio																														
Eternitatis species	<table border="0"> <tr> <td>Absoluta, participata</td><td></td></tr> <tr> <td>Positiva, negativa</td><td></td></tr> </table>	Absoluta, participata		Positiva, negativa																										
Absoluta, participata																														
Positiva, negativa																														
Triplex durationis specier	<table border="0"> <tr> <td>Æternitas</td><td></td></tr> <tr> <td>Tempus</td><td></td></tr> <tr> <td>Ævum</td><td></td></tr> </table>	Æternitas		Tempus		Ævum																								
Æternitas																														
Tempus																														
Ævum																														

ARTICULUS I

DE ACCIDENTIBUS IN GENERE

I. Accidentis notio. — *Secundum nomen*, accidens dicitur ab *accidere*; est id quod accidit alicui subjecto. *Secundum rem* vero definitur *accidens*: *res seu quidditas cui convenit non esse per se, sed in alio ut in subjecto*. Accidens prædicamentale, de quo nunc agitur, distinguitur contra substantiam. Ut jam diximus, loquendo de substantia, quædam sunt quæ semper in alio inveniuntur, ut sunt color et calor, operatio, motus, etc.. et de alio prædicantur. Ipsi non convenit esse per se, sed in alio ut in subjecto, et quia ipsis subjectis accidentunt, accidentia dicuntur. Inhærentia tamen actualis subjecto non est de definitione accidentis, quia non est id quod primo in re concipitur, ut dicemus infra, ideoque de definitione accidentis ponitur aptitudo ad inhærendum subjecto, definitur nempe accidens, non *ens in aliis*, sed *res cui convenit esse in alio ut in subjecto*.

II. Accidentis species.—Accidens dividitur in *absolutum* et *modale*.

Accidens absolutum est illud quod novam confert entitatem ipsi substantiæ cui inhaeret, v. g. : quantitas, calor.

Accidens modale est illud quod vix entitatem, sed potius modum essendi entitatis designat, v. g. : curvitas lineæ, celeritas motus, intensitas caloris.

III. De distinctione accidentis a substantia. — *Status questionis.* Accidens est idem subjecto ac substantia, cum ipsi substantiæ inhæreat, et aliquid unum cum ipsa constitutum. Non est tamen accidens idem conceptu ac substantia, cum aliis sit conceptus substantiæ et aliis conceptus accidentis ; ideo accidens et substantia ratione distinguuntur. Illi autem conceptus sunt-ne unius ejusdem realitatis, vel utrum alia sit realitas substantiæ et alia realitas accidentis ? Questio proponitur ergo de distinctione reali inter accidens et substantiam. Cartesius et cartesiani distinctionem realem negant, quam S. Thomas et scholastici affirmant. Sit igitur :

THESES.—ACCIDENTIA REALITER DISTINGUUNTUR A SUBSTANTIA.

1° Quilibet substantia creata mutabilis est, eadem manente ejus essentia. Atqui nulla realis mutatio hujusmodi haberi potest, nisi admittatur distinctio realis inter substantiam et accidentia. Ergo in rebus creatis, accidentia realiter distinguuntur a substantia.

Major ex experientia quotidiana constat. Ad minorem. In omni enim mutatione, distinguere est duos terminos, et transitum subjecti ab uno in alium terminum. Atqui transitus ille fieri nequit, quin subjectum aliquid amittat vel acquirat in uno vel in altero termino. « Omne quod movetur, inquit S. Thomas, quantum ad aliquid manet et quantum ad aliquid transit. »⁽¹⁾

(1) *Sum. theol.*, p. I, q. 9, a. 1.

Ergo nulla potest fieri realis mutatio substantiae, quin aliquid reale amittat vel acquirat. Atqui eadem manente essentia, substantia non mutatur nisi secundum accidentia. Ergo accidentia sunt quid realiter distinctum a substantia.

2° Ea quae sunt ad invicem realiter separabilia, etiam ante separationem sunt inter se realiter distincta. Atqui substantia est realiter separabilis ab accidentibus, anima realiter separabilis est a tristitia, aliter esset semper tristis, ferrum separabile est a calore, aliter non posset fieri frigidum. Ergo substantia realiter distinguitur ab accidentibus.

IV. De existentia accidentium sine subjecto.—**Status questionis.** Accidentia et substantia realiter in rebus creatis distinguuntur, sed non est de ratione distinctionis realis quod realiter distincta possint existere separatim. Unde demonstrata distinctione reali inter substantiam et accidens, queritur de possibilitate existentiae accidentium sine substantia. Haec questio maxime interest, cum fides catholica doceat, in Sanctissimo Eucharistiae sacramento, presentiam realem Christi Domini sub speciebus panis et vini, quae manent post conversionem totalem substantiae panis et vini in substantiam corporis et sanguinis Christi. Ad cujus solutionem notare est :

1° Quæritur utrum accidentia possint existere sine subjecto, scilicet sine substantia cui inhærent.

2° Qui autem distinctionem realem denegant inter substantiam et accidentia, ut sunt Cartesiani, qui vero actionem Dei supernaturalem admittere nolunt, ut sunt Rationalistæ, affirmant accidentia sine subjecto connaturali existere non posse.

3° Accidentia modalia, et accidentia quae non tantum ut accidentia, sed ut talia accidentia, subjectum requirunt, non possunt sine subjecto existere, v. g., curvitas non potest existere sine subjecto curvo ; celeritas separata a motu, cogitatio separata a cogitante, existere minime possunt.

4° Accidentia autem absoluta realiter distincta a substantia, secundum scholasticos, licet ordinem naturalem dicant ad subjectum connaturale, ideoque non possunt naturaliter

existere sine tali suobjecto, possunt tamen modo supernaturali et per miraculum, a substantia separari et sine subjecto conseruari existere. Sit igitur :

THEISIS. — NON REPUGNAT ACCIDENTIA ABSOLUTA,
VIRTUTE DIVINA, EXISTERE SINE SUBJECTO.

1° Ratio essentialis accidentis non consistit in actuali inherentia in subjecto, sed in absentia virtutis propriæ ad se sustentandum, ratione cuius indiget subobjecto. Atqui illa virtus qua indiget accidens, et quæ naturaliter a substantia supeditatur, potest a Deo suppleri. Ergo non repugnat accidentia virtute divina existere sine subjecto.

Ad majorem. Ratio enim essentialis unius enjusque rei est id quod primo in re concipitur, et est ratio explicativa orinum proprietatum quæ in re inveniuntur. Atqui id quod primo in accidente concipitur, et est ratio explicativa proprietatum ejus, non est actualis inherentia subjecto, sed absentia virtutis propriæ ad se sustentandum, unde requirit subjectum ab ipso repetens virtutem qua sustentetur. Etenim si queratur cur accidens requirit subjectum, respondetur, quia non habet virtutem sese sustentandi, unde mutuatur virtutem subjecti.

Ad minorem. 1° Non est enim deneganda Deo, primæ causæ, virtus quam ipse dedit substantiæ.

2° Deus potest conservare effectus causarum secundarum sine ipsi's causis secundis. Effectus enim magis dependet a causa prima quam a secunda. Atqui accidens absolutum sese habet ad substantiam, sicut effectus ad causam secundam sive efficientem sive materialem. Ergo Deus potest conservare accidentia separata a substantia.

3° Id tantum omnipotentiæ Dei impossibile est quod implicat contradictionem. Atqui nulla implicatur contradictio in hoc quod remaneant accidentia absoluta sine subjecto. Ergo virtute divina, accidentia in esse conservari possunt sine subjecto.

Ad minorem. Contradiccio autem repeti non posset nisi vel ex identitate accidentium et substantiæ, vel ex essentiali

inherentia actuali accidentis subjecto, vel ex defectu virtutis sustentantis accidentia sine subjecto. Atqui demonstravimus distinctionem realem adesse inter substantiam et accidentia, et inherentiam non actualem sed aptitudinalem esse de essentia accidentis; virtus autem divina supplet virtutem subjecti. Nulla igitur contradictio datur in hoc quod remaneant accidentia in esse separata a substantia.

V. Solvuntur difficultates.

Atqul accidens sine subjecto repugnat. Ergo falsa tesis. Probo antecedens.:

1° Accidens definitur ens in alio. Atqui ens in alio nequit esse sine subjecto. Ergo accidens sine subjecto repugnat.

Dist. maj. Accidens definitur ens in alio, definitione essentiali, nego; definitio descriptive, conc. *Traasat minor*, et nego cons.

Definitio alia est essentialis, quae fit per principia essentiae constitutiva, alia descriptive, quae fit per ea quae essentiae superadduntur. Constitutivum essentiae accidentis non sicut in actuali inherentia subjecto, ut diximus, ideoque definitio ens in alio quae talem inherentiam importat non est essentialis sed descriptive.

2° Atqul accidens est essentialiter ens in alio. Ergo.

Accidens naturalem dicit ordinem ad substantiam. Atqul quod naturalem dicit ordinem ad substantiam est essentialiter ens in alio. Ergo accidens est essentialiter ens in alio, ideoque sine subjecto existere nequit.

Dist. maj. Accidens dicit naturalem ordinem ab substantiam tanquam ad subjectum ad quod aptitudinem dicit, sono, tanquam ad subjectum actum inherentem, subdist.: essentialiter, nego, secundum ordinationem naturalem, conc.

Contrad. min. Quod importat aptitudinem ad substantiam est essentialiter ens in alio, aeo: quod importat actualem inherentiam ad substantiam, coac.

Vox *naturalis* potest plura significare, designat enim: quod est a nativitate, sic cæcitas dicitur naturalis cæco nato; — quod est aliqui essentiale, sic rationalitas dicitur homini naturalis; — quod ab essentia necessario dimanat, sic risibilitas est naturalis homini; — id ad quod sese extendit quæcumque virius naturalis, sic operatio, effectus, finis proportionatus cuiuscumque nature creata, dicuntur quid naturale; et quia in rerum natura, agentia creata uniformiter agunt, id quod fit secundum consuetum rerum ordinem dicitur etiam naturalis. Igitur quando affirmatur: accidens importat ordinem naturalis ad substantiam, non necessario intelligitur iste ordo ut relatio quædam actualis et essentialis. Ratio essentialis accidentis sicut in hoc quod non babeat virtutem sese sustentandi, ideoque indiget virtute aliena. Ista

autem virtus secundum consuetum ordinom rerum suppeditur a substantia, unde dicitur accidentis naturalem ordinem dicere ad substantiam.

3^o Atq[ui]l accidentis dicit ordinem essentiale ad substantiam tanquam ad subjectum actuallam inherenter. Ergo.

Accidens actu existens et non inherens subjecto haberet esse per se. Atq[ui]l habere esse per se competit substantiae et non accidenti. Ergo accidentis importat actualem inherentiam subjecto.

Dist. maj. naturaliter, nego, supernaturaliter, conc.

Dist. min. Esse per se naturaliter, competit substantiae, conc. supernaturaliter esse per se non potest accidenti competere, nego.

Accidens existens sive subjecto est semper accidentis et non substantia, quia licet actu sit sine subjecto, tamen hoc ipsi competit per miraculum. Semper de ipso verificatur definitio accidentis, quod est res seu quidditas cui (naturaliter) competit non esse per se, sed in alio ut in subjecto.

4^o Atqui esse per se nec per miraculum ipsi accidenti competere potest.

Esse actu sive subjecto accidenti convenire non potest nisi Deus munere substantiae fungatur respectu ipsius. Atqui repugnat Deum munere fungi substantiae. Ergo etiam per miraculum non potest convenire accidenti esse actu sive subjecto.

Dist. maj. Nisi Deus munere substantiae fungatur, scilicet, nisi Deus sit subjectum accidentis, nego, scilicet, nisi Deus efficienter suppleat virtutem substantiae, conc.

Coatrad. min. Repugnat Deum esse subjectum accidentis, conc., repugnat Deum efficienter supplere virtutem substantiae, nego.

Substantia est subjectum accidentis ipsi praebens virtutem qua sustentatur. Deus autem non potest esse subjectum accidentis, hoc enim compositionem importaret; nec quidem hoc requiri ut accidentis sit sine subjecto, quia Deus potest suppleri virtutem substantiae efficienter, tribuens accidenti virtutem qua medianto existat ad modum substantiae.

5^o Atqui Deus deberet fungi muneri subjecti. Ergo.

Accidens individuatur subjecto. Atqui accidentis existens sive conaturali subjecto deberet individuari. Ergo Deus deberet fungi munere subjecti accidentis.

Dist. maj. Accidentis individuatur in quantum recipitur in subjecto, conc.; nec potest remanere individuatio post separationem per ordinem ad ipsum, subdist. naturaliter, conc., præternaturaliter, nego. Conc. min. et nego conseq.

Forma accidentalis sicut forma substantialis individuatnr subjecto in quo recipitur; tamen non repugnat formam jam individuatam individuationem servare a subjecto separatam, secundum quod rotinet ordinem ad subjectum in quo fuit. Sic anima humana remanet individua post separationem a corpore, in quantum ordinem retinet ad tale corpus. Idem dicendum de accidentibus que virtute divina existunt separata a proprio subjecto.

ARTICULUS II

DE QUANTITATE

I. Quantitatis notio. — *Quantitas est accidens extensivum substantiae corporeæ in partes.* Quantitas est accidens non autem substantia ; est accidens *substantiae corporeæ*, quia substantia incorporea seu spiritualis quantitatem proprie non habet ; est accidens *extensivum substantiae in partes*, quia licet substantia corporea sit de se composita ex forma et materia, ideoque partes essentiales habeat, tamen partes integrantes et quantitativas non habet nisi a quantitate.

II. Quantitatis proprietates. — Quinque sunt quantitatis proprietates : 1° *Extensio partium in ipsa substantia*, ita ut una distinguatur ab alia et sit secundum ordinem disposita ; — 2° *extensio partium in ordine ad locum*, ita ut quæcumque pars determinatum locum habeat ; — 3° *incompenetrabilitas*, vi cuius una pars excludit a suo loco aliam partem ; — 4° *divisibilitas*, vi cuius partes separari possunt ; 5° *mensurabilitas*, qua partes numerari possunt, et qua quantitas fit aequalitatis et inæqualitatis fundamentum.

III. De ratione formali quantitatis. — Quinque sunt proprietates quantitatis, sed quænam ex hisce proprietatibus

sese habet ut formaliter constitutiva ipsius? Quidam dicunt essentiam quantitatis in divisibilitate consistere; alii ipsam reponunt in extentione actuali partium per ordinem ad locum; S. Thomas quantitatem definiens *ordo partium in toto*,⁽¹⁾ docet quantitatem essentialiter constitui extensione partium secundum ordinem ad ipsam substantiam. Sit igitur:

THESES. — RATIO ESSENTIALIS QUANTITATIS CONSISTIT IN EXTENSIONE PARTIUM IN ORDINE AD IPSAM SUBSTANTIAM.

Constitutivum essentiae est id quod primo in re concipitur, et est ratio explicativa omnium aliarum proprietatum. Atqui id quod primo in quantitate concipitur, et est ratio explicativa aliarum proprietatum est extensio partium in ordine ad ipsam substantiam. Ergo ratio formalis seu essentialis ipsius quantitatis est extensio partium in ipsa substantia, seu *ordo partium in toto*.

Ad minorem. Ut facile quidem intelligitur, prius est substantiam habere partes in se, quam extendere partes in loco, et ideo substantia corporea partes extendit in loco, incompentrabilis, divisibilis et mensurabilis est, quia in se habet partes. Igitur id quod primo in quantitate concipitur, et est ratio explicativa aliarum proprietatum est extensio partium in ordine ad ipsam substantiam.

IV. Quantitatis species. — 1° Quanitas alia est *proprie dicta*, alia *metaphorice accepta*.

Prima est *quantitas corporea* seu *dimensiva* quae dicitur de rebus materialibus; secunda est *quantitas virtutis*, quae secundum metaphoram transfertur ad significandum gradum perfectionis rerum immaterialium.

2° Quantitas dimensiva dividitur in *continuam* et *discretam*.

(1) *Cont. Gent.* lib. 4, c. 65.

Quantitas continua ⁽¹⁾ est illa quarum partes sunt unitæ; dicitur *magnitudo*, v. g. : *quantitas arboris, lapidis.*

Quantitas discreta est illa quarum partes sunt separatae, dicitur *multitudo seu numerus*, v. g. : *quantitas arenæ maris, acervi lapidum.*

3° *Quantitas continua dividitur in permanentem et successivam.*

Quantitas permanens et illa cujus partes existunt simul v. g. : *quantitas ferri, lapidis.*

Quantitas successiva est illa cujus partes simul non existunt, sed sibi succedunt, v. g. : *quantitas temporis, motus, orationis.*

V. **De distinctione quantitatis a substantia.**—Agitur quidem non de distinctione rationis, sed de distinctione reali inter substantiam corpoream et quantitatem. Cum jam demonstravimus accidentia realiter distingui a substantia, videtur ista quæstio jam soluta ; tamen propterea quod Cartesius posuerit extensionem seu quantitatem constituere ipsam essentiam corporum, ideoque denegaverit distinctionem realem inter utrumque, cui sententiae subscribunt post Nominalistas Lockius et Sensistæ, specialis instituitur demonstratio sententiae thomisticae, de reali distinctione quantitatis a substantia corporea. Sit igitur.:

THESES.—QUANTITAS REALITER DISTINGUITUR A SUBSTANTIA CORPOREA.

1° Substantia corporea est ex se indifferens ad determinatam extensionem, salvatur enim in majori vel minori extensione. Atqui subjectum de se indifferens ad aliquid non potest illud habere nisi a principio extrinseco. Ergo substantia corporea determinatam dimensionem habet a principio extrinseco, realiter proinde a se distincto. Atqui illud principium nihil aliud est nisi ipsa quantitas substantiam extendens in partes

(1) Continua sunt illa quorum *ultima sunt unum*. Contigua illa quorum ultima sese tangunt.

dimensivas. Ergo quantitas realiter distinguitur a substantia corporea.

2° Substantia corporea est tota in toto et tota in singulis partibus, v. g., substantia aquæ est tota in massa aquæ, et tota in singulis guttulis, substantia panis est tota in toto pane, et tota in minima panis parte. Atqui quantitas est tota in toto, sed non est tota in singulis partibus. Ergo quantitas realiter distinguitur a substantia corporea.

ARTICULUS III

DE QUALITATE

I. Qualitatis notio. — *Latissimo sensu*, qualitas dicitur quidquid prædicatur de aliquo *in quale*, sive sit substantia, sive sit accidens.

Latiiori sensu, qualitas dicitur quidlibet genus accidentium quæ de substantia prædicantur.

Stricto sensu, definitur *qualitas* : *accidens modificativum seu dispositivum substantiae in seipsa vel in ordine ad operationem*.

Qualitatis proprietates. — Triplex datur qualitatis proprietas : 1° *habere contrarium*, scilicet aliquam qualitatem sibi privative vel positive oppositam, v. g. : virtus et vitium, scientia et ignorantia, sanitas et infirmitas contrarie opponuntur ; 2° *suscipere magis et minus*, qualitas enim in majori vel minori gradu in subjecto esse potest, intentionem vel remissionem admittit, v. g. homo est magis vel minus doctus ; — 3° *esse*

fundamentum similitudinis vel dissimilitudinis, similia enim proprie dicuntur quæ in eadem qualitate convenient.

III. Qualitatis species. — Quadruplex datur qualitatis species : 1° *habitus* et *dispositio* ; 2° *potentia* et *impotentia* ; 3° *passio* et *patibilis qualitas* ; 4° *forma* et *figura*.

IV. De habitu et dispositione. — a) **Habitus notio.** — *Habitus* est *qualitas secundum quam bene vel male disponitur subjectum aut in seipso aut in ordine ad operationem*, v. g. : *virtus et vitium*. Si autem illa qualitas firmiter inhæreat subiecto ita ut sit ab ipso difficile mobilis, dicitur *habitus*; si vero illa qualitas facile a subiecto removeatur, dicitur tantum *dispositio*.

b) **Habitus species.** — 1° *Habitus* est *entitativus* vel *operativus*.

Habitus entitativus est *qualitas qua subiectum bene vel male disponitur in seipso*, v. g., *sægritudo, sanitas*.

Habitus operativus est *qualitas qua subiectum bene vel male disponitur in ordine ad operationem*, v. g., *scientia, justitia*.

2° *Habitus* est *supernaturalis* vel *naturalis*.

Habitus supernaturalis est ille qui a Deo homini infunditur præter exigentias et vires naturæ humanæ; v. g., *gratia* est *habitus entitativus supernaturalis* et *virtutes theologicæ* sunt *habitus supernaturales operativi*.

Habitus naturalis est ille qui viribus naturalibus acquiritur, v. g., *scientia*.

3° *Habitus* est *bonus* vel *malus* secundum quod *bene* vel *male* disponit subiectum, in seipso vel in ordine ad operationem; v. g.; *virtus* est *habitus bonus*, *vitium* *habitus malus*.

c) **Habitus subiectum.** — *Habitus entitativus* cum disponat substantiam in seipsa, recipitur in substnsntia tanquam in proprio subiecto. *Habitus* autem operativi cum disponant substantiam in ordine ad operationem, immediate subjiciuntur in ipsis potentiis operativis. Tamen non omnis substantia, nec omnis potentia operativa possunt esse subiectum habituum, sed illæ tantum quæ non determinantur ad unum, ita

ut possint bene vel male sese habere. Unde substantiae non viventes, cum eodem modo semper sese habent vi naturae suae, non possunt esse subjectum habituum. Substantiae autem viventes possunt bene vel male sese habere vel in seipsis vel in ordine ad operationem. Plantae et animalia bruta possunt bene vel male sese habere quoad substantiam suam, unde sanitas vel aegritudo de ipsis praedicatur; sed habent operationes determinatas ad unum, ideoque potentiae vegetativae et sensitivae non possunt esse subjectum habituum operativorum. Homo autem potest bene vel male sese habere tum in seipso tum in ordine ad operationem, ideoque potest esse subjectum habituum tum entitativorum, tum operativorum. Illae tamen tantum potentiae hominis possunt recipere habitus que non determinantur ad unum; ideoque intellectus et voluntas sunt praecipua et immediata subjecta habituum. Dividuntur ergo habitus in *intellectuales* qui perficiunt intellectum, et *morales* qui perficiunt voluntatem.

d) **De habituum origine.**—Habitus naturales secundum quamdam inchoationem sese habent in quacumque facultate, in quantum omnis facultas seu potentia inclinatur naturaliter ad proprium objectum, tanquam ad aliquid sibi conveniens; sed secundum suam rationem perfectam habitus illi acquiruntur repetitione actuum, unde axioma: ex repetitis actibus fit habitus. Actus enim saepe repetitus generat facilitatem seu dispositionem ad faciliter et prompte agendum. Habitus vero supernaturales a Deo infunduntur.

V. De potentia et impotentia. — *Potentia* est qualitas proxime babilitans substantiam ad operandum, unde definitur: *Principium proximum et immediatum operationis*, v. g.: voluntas, intellectus, visus, etc. Dicitur principium *proximum* et *immediatum* operationis, ut distinguatur a natura, que est principium radicale, remotum et mediatum operationis. Substantia creata, ut demonstrabitur infra, non agit immediate per se, sed mediante virtute, seu facultate, seu potentia realiter a se distincta.

In potentia nihil aliud est nisi ipsius potentiae debilitas, sic v. g., visus in sene fit impotens seu debilis.

De diversis animæ potentiis seu facultatibus erit sermo in psychologia.

VI. De passione et patibili qualitate. — *Passio* tertia qualitatis species, est qualitas alterationem inducens in sensu, vel ipsam alterationem consequens, v. g. : frigus, color, pallor ex metu. Si autem ista qualitas sit cito transiens, dicitur *passio*; si vero sit diu permanens, dicitur *patibilis qualitas*.

VII. De forma et figura. — *Forma* est qualitas resultans in corpore ex terminatione quantitatis. Dicitur *forma* in rebus artificialibus, v. g. : *forma* domus, status; dicitur *figura* in rebus naturalibus, *figura* hominis. Vulgo tamen unum pro altero assumitur.

ARTICULUS IV

DE RELATIONE

I. Relationis notio. — *Relatio* est *respectus seu ordo unius ad alterum*. Quædam sunt in rerum natura quæ ex se cognosci possunt quin de alia re cogitetur, dicuntur *absoluta*, u' sunt homo, quantitas, etc. Alia autem sunt quæ cognosci non possunt quin de alia re cogitetur, et dicuntur *relativa*, v. g. : pater et filius, pater enim qua talis habitudinem seu respectum importat

ad filium, sine quo ut pater cogitari nequit. Respectus seu habitudo quam unum ad alterum importat, dicitur relatio.

Illud accidens aliquid omnino particulare sibi vindicat præ aliis accidentibus. Etenim alia accidentia secundum rationem suam genericam, et secundum suum conceptum formalem, dicunt aliquid afficiens subjectum in se, et ipsi inhærens ; relatio autem secundum suam rationem formalem non importat aliquid esse in subjeto et ipsi inhærens, sed potius subjectum *esse ad aliud*, unde definitur ; *accidens cuius tota ratio est ad aliud esse habere.*⁽¹⁾

II. Relationis elementa. — Triplex datur clementum necessarium in relatione : subjectum, terminus et fundamentum. *Subjectum* est id quod ad aliud refertur : *terminus* est id ad quod subjectum refertur ; fundamentum est ratio propter quam subjectum ad terminum refertur. Subjectum et terminus extrema relationis dicuntur. In relatione paternitatis, pater est subjectum, filius terminus, generatio fundamentum relationis. Quamvis terminus ad relationem sit necessarius, relatio tamen formaliter de ipso non dicitur, sed de subjecto ; est enim relatio habitudo seu ordo *subjecti* ad terminum.

III. Relationis species. — 1° Relatio est *realis* vel *logica* seu *rationis*.

Relatio realis est respectus existens in rebus independenter a mentis consideratione, v. g. : paternitas, filiatio, similitudo.

Relatio logica seu *rationis* est respectus quam ratio ponit vel inter conceptus, v. g. : relatio prædicati ad subjectum in

(1) « L'être relatif ne peut exister, ni même être conçu sans un autre être corrélatif. La relation unit les deux termes corrélatifs et les oppose tout à la fois. Les accidents absous sont quelque chose, disaient les scholastiques, *aliquid* ; la relation est quelque chose vers autre chose, *aliquid ad aliqui*. Les accidents absous sont inhérents à un sujet, « *habent esse in subjecto* » ; l'être de la relation considéré formellement a un *esse ad* ; la raison formelle de la relation, dit S. Thomas, est, « *respectus ad alterum*, » la caractéristique du rapport est pourrait-on dire, son *altitudo*. » D. MERCIER, *Traité élémentaire d'Ontologie. La relation.*

propositione ; vel inter ipsas res, sed sine reali fundamento, v. g. : relatio iuter vexillum et determinatam regionem, relatio signi arbitrarii inter signum et signatum.

2º Relatio est transcendentalis vel prædicamentalis.

Relatio transcendentalis est ipsa rei absolutæ entitas ex sua essentia ad aliud relata, v. g. : relatio animæ ad corpus, accidentis ad substantiam, potentiae ad objectum suum, creaturæ ad creatorem. Est ordo in ipsa essentia inclusus et inseparabilis ab ipsa, unde dicitur etiam relatio essentialis.

Relatio prædicamentalis, de qua in praesenti articulo agitur, est accidens cuius tota ratio est ad aliud sese habere.

Relatio transcendentalis non est quid distinctum ab ipsa rei essentia, sed ipsamet essentia ad aliud se habens ; relatio vero prædicamentalis intelligitur ut aliquid additum essentiae, vi cuius essentia refertur ad aliud.

3º Relatio est mutua vel non-mutua seu mixta.

Relatio mutua est illa quæ importat reciprocationem ordinis ex parte duorum extremorum, v. g. : relatio inter patrem et filium est mutua, quia importat realem respectum patris ad filium, et filii ad patrem.

Relatio mixta est illa quæ non importat reciprocationem ordinis inter duo extrema relationis, v. g. : relatio creaturæ ad creatorem, cognoscentis ad cognoscibile. Si enim verus et realis datur respectus creaturæ ad creatorem, cognoscentis ad cognoscibile, non datur talis respectus Creatoris ad creaturam, et cognoscibilis ad cognoscens.

Relatio mutua dicitur mutua æquiparantiæ vel disquiparantiæ, secundum quod est ejusdem rationis, eodemque nomine designatur in utroque termino, vel non. *Relatio similitudinis* est mutua æquiparantiæ ; *relatio causalitatis* est mutua disquiparantiæ, v. g. : *relatio filii ad patrem* est *relatio effectus* et dicitur *filiatio*, *relatio patris ad filium* est *relatio causæ* et dicitur *paternitas*.

4º Triplex datur fundamentum relationis prædicamentalis in rebus : relationes enim vel fundantur in quantitate, et habetur

relatio aequalitatis; vel fundantur in *qualitate*, et habetur *relatio similitudinis*; vel fundantur in *actione et passione* et habetur *relatio originis et causalitatis*. Omnes igitur relationes prædicamentales ad illud triplex genus revocari possunt.

IV. De existentia relationis realis. — Res ad invicem certo referuntur. Iste autem respectus unius rei ad alteram existit-ne tantum in intellectu nostro, ponitur-ne in rebus ex sola mentis consideratione, vel independenter ab ipsa? Existunt-ne relationes reales quarum sit fundamentum reale in rebus? Negant Nominalistæ, quibus consentiunt quidam recentiores, inter quos Kant et Kantistæ, Contra ipsos s.t igitur.:

THEISIS.—REALES HABENTUR RELATIONES IN REBUS CREATIS.

1° Ubi sunt realia fundamenta relationum, ibi sunt reales relationes. Atqui existunt in rebus creatis realia relationum fundamenta. Ergo reales existunt relations.

Ad maj. Etenim fundamentum est id a quo oritur relatio. Ubi datur realis generatio v. g., requiritur ut sit reale generatum, et realis respectus generati ad generantem a quo accipit esse. Ubi ergo datur reale fundamentum datur realis relatio.

Ad min. Ex experientia constat in rerum natura realia existere fundamenta relationum, existunt reales generationes, reales qualitates in quibus realiter convenient quæ dicuntur similia, et reales quantitates in quibus realiter convenient quæ dicuntur æqualia.

2° Confirmatur ex manifesto ordine qui existit in mundo; ille enim ordo ex subordinatione et coordinatione, seu ex relationibus rerum ad invicem resultat.

V. De distinctione relationis a suo fundamento. — Existunt reales relationes, relationes scilicet quæ realiter a subjectis in quibus sunt distinguuntur. Sed in relatione præter subjectum requiritur fundamentum, unde ulterius queritur utrum relatio sit realiter distincta a suo fundamento. Cui quæstiōni respondet sequens propositio.

**THESES.—RELATIO PRÆDICAMENTALIS REALITER
DIFFERT A SUO FUNDAMENTO.**

1° Comparatur relatio realis ad suum fundamentum, sicut effectus realis ad suam causam realem. Etenim fundamentum est id a quo oritur relatio. Atqui effectus realiter a sua causa distinguatur oportet; nihil est causa sui ipsius. Ergo relatio prædicamentalis realiter distinguitur a suo fundamento.

2° Illa duo sunt realiter inter se distincta, quorum unum alteri addit novum *esse*. Atqui relatio addit novum *esse* supra esse fundamenti. Ergo relatio realiter distinguitur a suo fundamento.

Ad minorem. Relatio est accidens superveniens substantiæ mediantibus aliis accidentibus, actione et passione, quantitate et qualitate, quæ sunt fundamenta ipsius. Illa autem accidentia sunt res absolutæ quæ secundum rationem suam dicunt *esse in*, nullo modo *esse ad*, quod proprium est relationis. Unde accidentia quæ sunt relationis fundamenta, non possunt rationem reddere ipsius respectus rerum ad invicem, ideoque præter entitatem fundamenti, iia realitas est admittenda, relationis nempe, qua mediante subjectum, novum *esse* habet, scilicet *esse ad* aliud.

VI. Corollaria.— 1° Relatio est accidens relativum: qua accidens habet esse in substantia cui inest tanquam subjecto; qua relativum non habet esse in subjecto, sed *esse ad* aliud. « Essentia potest quadrupliciter se habere ad esse: vel 1° est ipsum *esse*, et hoc de Deo solo dicitur; vel 2° habet esse in se, et hoc affirmatur de substantia prædicamentali; vel 3° habet esse in alio, et hoc affirmatur de accidentibus absolutis; vel 4° habet esse ad aliud, et hoc dicitur unice de prædicamento *ad aliquid seu de relatione.*»⁽¹⁾

2° Relatio est minima entitas. « In nobis relationes habent esse dependens, quia earum *esse* est aliud ab esse substantiæ, unde habent proprium modum essendi secundum propriam rationem, sicut et in aliis accidentibus

(1) DE MARIA, *Phil. prim. seu Ont.*, tract. II. q. V.

contingit ; quia enim omnia accidentia sunt formæ quedam substantiæ superadditæ et a principiis substantiæ causatæ, oportet quod eorum esse sit superadditum supra esse substantiæ, et ab ipso dependens ; et tanto uniuscujusque eorum esse est prius vel posterius, quanto forma accidentialis secundum propriam rationem fuerit propinquior substantiæ vel magis perfecta. Propter quod et relatio *realiter substantiæ adveniens et postremum et imperfectissimum esse habet* : postremum quidem, quia non solum præexigit esse substantiæ, sed etiam esse allorum accidentium, ex quibus causatur relatio ; necut unum in quantitate causat sequalitatem, et unum in qualitate similitudinem ; imperfectissimum autem, quia propria relationis ratio consistit in eo quod est ad alterum ; unde esse ejus proprium, quod substantiæ superaddit, non solum dependet ab esse substantiæ, sed etiam ab esse alieujus exterioria. (1)

3° Relativa sunt simul natura et cognitione. De ratione enim relationis est ut sit et ut cognoscatur, quod extrema simul ponantur, cum subjectum et terminus sint elementa necessaria relationis. Hoc quidem intelligendum est de relativis formaliter acceptis ; prout nempe materialiter et absolute considerantur prioritatem admittunt unius ad alterum, sic v. g., pater ut homo est prior filio, sed ut pater, simul est cum filio.

ARTICULUS V

DE ACTIONE ET PASSIONE

I. Actionis notio.— *Actio in genere nihil aliud est nisi actuale exercitium causæ ; secundum quod est praedicamentum, actio definitur : accidens quo causa constituitur actualiter causans.*

(1) S. THOMAS, *Contra gent.*, lib. 4. c. 14.

1° Dicitur *accidens*, aliquid inhaerens substantiae, ideoque ab ipsa realiter distinctum.

2° Dicitur *quo causa constituitur actualiter causans*. Substantia est principium efficiens seu causa, in quantum habet potentias activas quae sunt principia immediata operationis; sed ipsis habitis, substantia est in actu primo ad agendum, seu in potentia proxima tantum, non constituitur in actu secundo seu actualiter causans, nisi mediante actione, quae ideo etiam dicitur: *actus secundus potentiae activae*.

II. Actionis species. — 1° Actio vel est productiva alicujus rei ex nihilo, et dicitur *creatio*, vel est productiva alicujus rei ex presupposito subjecto, et dicitur *effectio, educatio, operatio* seu simpliciter *actio*. Actio autem productiva alicujus ex presupposito subjecto, educit ex ipso vel formam substantiali, et dicitur *generatio*, vel formam accidentalem, et dicitur *alteratio*.

2° Actio alia est *immanens* et alia *transiens*.

Actio immanens, quae propria est viventium, est illa quae manet in ipso principio, seu in ipsa potentia a qua procedit, v. g.: sentire, intelligere.

Actio transiens, quae communis est viventibus et non viventibus, est illa quae transit extra principium a quo procedit, quae recipitur in subjecto prorsus diverso ab eo a quo procedit, v. g.: scribere, secare.

3° Actio est *instantanea* seu *successiva*, prout fit in instanti, ut *creatio*, vel *successiva*, ut *calefactio*.

III. Passionis notio. — *Passio*, prout speciale praedicamentum constituit, est *accidens quo subjectum constituitur actualiter recipiens actionem agentis*. Passio igitur opposito modo sese habet ad actionem, est terminus ejus. Actio enim transit ab agente in patiens in quo recipitur, et sicuti in agente datur potentia activa cujus actus dicitur *actio*, ita in paciente datur potentia passiva seu receptiva cujus actus est *passio*. Unde *passio* dicitur etiam: *actus secundus potentiae passivae seu receptivae*.

IV. Motus notio. — Inter actionem et passionem mediantur motus qui quidem, secundum quod est ab agente, dicitur *actio*, et secundum quod a paciente recipitur, dicitur *passio*. « Motus autem dicitur *actio* secundum quod est actus agentis, ut ab hoc; dicitur autem *passio* secundum quod est actus patientis, ut in hoc. »^{(1)}}

Motus, *latissimo sensu*, accipitur pro quacumque activitate seu actione, v. g., intelligere, velle, dicuntur motus.

Lato sensu, motus est *transitus de potentia ad actum*, tum in agente, tum in paciente, v. g., generatio et corruptio dicuntur motus.

Stricto sensu, recte definitur motus ab Aristotele, *actus existentis in potentia in quantum hujusmodi*.

1° Dicitur *actus* — « Considerandum est quod aliquid est in actu tantum, aliquid vero in potentia tantum, aliquid vero modo medio se habens inter potentiam puram et actum perfectum. Quod est in potentia tantum, nondum movetur; quod autem jam est in actu perfecto, non movetur sed jam motum est. Illud igitur movetur, quod medio modo se habet inter puram potentiam et actum perfectum, quod quidem partim est in potentia, et partim in actu. »⁽²⁾ Sic aqua in potentia tantum calida, nondum movetur; aqua actu calida, jam mota fuit; sed aqua movetur secundum quod magis et magis participat de calore, in quantum scilicet est actus sed imperfectus respectu prioris status, et in potentia respectu actus perfecti. Ipse igitur actus imperfectus caloris in calefactibili existens est motus, et sic notus dicitur actus.

2° Dicitur *existentis in potentia*. Iste enim actus imperfectus dicitur motus non secundum quod est actus tantum, quin scilicet comparetur ad aliquid imperfectius ut actus, quia tunc non esset motus sed principium seu terminus a quo incipit motus; dicitur motus in quantum comparatur ut actus ad aliquid imperfectius, unde dicitur *actus existentis in potentia*.

(1) S. THOMAS, *Phys.* III, Lect. 5.

(2) S. THOMAS, III, *Phys.* lect. 2.

3° Dicitur *in quantum hujusmodi*, scilicet, in quantum in potentia. Iste enim actus ordinem dicens ad aliquid imperfectius cuius est actus, non est quidem motus nisi etiam ordinem dicat ad ulteriorem actum, cuius respectu est in potentia; aliter enim non esset motus sed terminus ad quem motus. Ad significandum illum ordinem ad ulteriorem actum, additur in definitione *in quantum hujusmodi seu prout in potentia.*⁽¹⁾

« Unde (motus) neque est potentia existentis in potentia, neque est actus existentis in actu, sed est actus existentis in potentia; ut per id, quod dicitur *actus*, designetur ordo ejus ad anteriorem potentiam: et per id quod dicitur in potentia existentis, designetur ordo ejus ad ulteriorem actum. Unde convenientissime Philosophus definit motum dicens, quod motus est actus existentis in potentia secundum quod hujusmodi. »⁽²⁾

V. Motus species.—Motus, *lato sensu* acceptus, idem est ac mutatio, et easdem habet species.⁽³⁾

Motus autem, stricto sensu acceptus, est triplex, *motus localis seu latio, alteratio, augmentum et decrementum.*

Motus localis est transitus corporis ab uno loco ad aliud locum.

Alteratio est transitus subjecti ab una qualitate ad aliam.

Augmentum et decrementum est transitus subjecti ab una ad aliam quantitatem.

(1) « Le mouvement est l'acte d'un être en puissance, en tant que cet être est encore en puissance.

Entre la simple aptitude au mouvement, pure puissance, d'une part, et l'acte complet, qui suppose l'aptitude satisfaite, la puissance réalisée, d'autre part, il y a une réalité intermédiaire composée d'acte et de puissance, c'est le mouvement : elle est *acte*, et, sous ce rapport, presuppose une puissance en partie réalisée ; mais elle est encore *puissance*, car le sujet en partie actualisé demeure susceptible d'un acte ultérieur ; elle est l'acte d'un sujet en puissance, « *actus imperfecti.* » Tant que l'acte n'a pas commencé, le mouvement n'existe pas encore ; aussitôt qu'il est accompli, le mouvement a cessé... .

Pour concevoir le mouvement il faut donc avoir en vue une double relation du sujet, l'une avec une puissance antérieure présentement réalisée, l'autre avec un acte encore réalisable ; le mouvement est tout à la fois, la réalisation d'une certaine potentialité, et la capacité d'un acte ultérieur plus complet, c'est donc bien l'acte d'une puissance encore en puissance. » D. MERCIER, *Méthaphys. gen.*, pp. 393-394.

(2) S. THOMAS, in III *Phys.*, lect. 2.

(3) Cf. pp. 353 et seq.

VII. Axiomata philosophica.

I° De actione. — 1° *Operatio sequitur esse*, scilicet. a) Non operatur nisi id quod est ; b) quidquid habet esse, habet operationem ; c) modus operandi sequitur modum essendi, unde si aliqua substantia habet operationem independentem ab alia, habet esse independenter ad ipsa et vicissim ; d) operatio proportionatur naturæ ejus quod operatur.

2°) *Omne agens agit aliquid sibi simile*, scilicet, agit aliquid simile formæ qua agit.

II° De passione. — 1°) *Quidquid recipitur ad modum recipientis recipitur*, scilicet, juxta gradum capacitatis potentie recepitivæ.

2°) *Non datur patiens sine agente*, non datur enim passio sine actione.

III° De actione et passione. — 1°) *Unus est actus quo agens agit et patiens patitur*, unus scilicet est motus qui dicitur *actio* prout ab agente, et *passio* prout in paciente.

2°) *Actio est in agente, actio est in passo* : actio est in agente ut in suo principio, est in passo ut in suo termino.

IV° De motu. — 1°) *Omne quod movetur ab alio movetur vel ab alia parte suipius*, unumquodque enim movet in quantum est actu, movetur in quantum est in potentia sub eodem respectu ; idem non potest esse simul in actu et in potentia respectu ejusdem.

2°) *Actus motentis in moto est motus mobilis*, unus enim idemque motus est ab agente seu movente ut actio, et in paciente seu mobili ut passio.

ARTICULUS VI

DE UBI SEU DE LOCO

I. Loci notio.—*Ubi est accidens proveniens ex circumscriptione corporis a circumscriptione loci.* Locus autem ab Aristotele definitur: *Superficies prima, immobilis, corporis ambientis.* (1)

1° Dicitur *superficies corporis ambientis*, nam locus concipiatur ut aliquid ambiens corpus locatum, sicut aliquid receptaculum in quo corpus locatum circumserbitur. Supreficies corporis continentis est superficies *concava* prout ambit, circumserbit corpus locatum.

2° Dicitur *superficies prima*, scilicet immediate ambiens, et immediate continens corpus. Locus enim constituitur non quacumque parti seu dimensione ipsius corporis ambientis, sed extremis dimensionibus seu lineis quibus tangit corpus locatum. Sic distinguitur locus *proprius* a loco *communi* qui plura locata simul continet, ut aula plures homines continens.

3° Dicitur *superficies immobilis*, quia superficies immediate ambiens locatum non habet rationem loci secundum quod mutatur materialiter, sicut aer circa turrim, vel aqua fluens circa navim in flumine, sed secundum quod formaliter immobilis consideratur per ordinem ad puncta fixa et immobilia, v. g., locus navis est aqua prout immobilis, secundum ordinem ad ripam.

(1) « Le lieu est la superficie première immobile de l'espace que l'on conçoit comme entourant un corps. »

II. De diversis modis essendi in loco.—Ipsa circumscrip^{tio} corporis circumscriptione loci, dicitur *ubicatio seu localisatio*. Aliquid autem potest esse in loco multiplici modo.

1° *Proprie*, seu *circumscriptive* seu *per modum loci*, scilicet, per commensurationem propriarum dimensionum dimensionibus loci. Cum quidem corpora tantum dimensiones habent, corpora tantum dicuntur esse *proprie* in loco. Res autem incorporeæ dicuntur esse in loco *improprie* seu *metaphorice*.

2° *Informative*, scilicet, secundum genus causæ formalis, seu formæ actuantis locatum, v. g., forma corporis est in loco *informative*, quia informat corpus locatum.

3° *Operative*, scilicet, per applicationem virtutis effectricis ad aliquod locatum, vel ad aliquem locum. Quod quidem fieri potest dupliciter :

a) *Definitive*, si virtus ita uni loco applicatur, ut non possit simul aliis locis applicari, v. g., substantiæ immateriales, ut angeli et anima humana, dicuntur esse in loco *definitive*, applicando quidem virtutem suam locato vel loco ; sed cum ista virtus est finita, non tamen ubique simul ipsam applicare possunt, ideoque alicui *definito* loco seu locato tantum applicatur.

b) *Incircumscriptive*, si virtus omnia loca et locata simul attingat modo quidem infinito ; sic Deus est in loco *incircumscriptive*, cum sit *ubique*.

4° *Sacramentaliter*, scilicet, mediantibus dimensionibus alterius substantiæ, quibus substantia localisata substat quin sit earum subjectum. Hic modus a theologis ponitur propter specialem præsentiam corporis et sanguinis Christi Domini, in sanctissimo Eucbaristiæ Sacramento, sub accidentibus panis et vini.

III. De præsentia corporum in loco.—Circa præsentiam corporum in loco duplex moveri potest quæstio : utrum idem corpus possit esse simul in pluribus locis, et utrum plura corpora possint esse simul in eodem loco.

Ad primam quæstionem respondetur dicendo : 1° Idem corpus non potest esse simul in pluribus locis *circumscriptive*, nec naturaliter, nec per miraculum ; hoc enim implicat contradictionem, dimensiones corporis simul *circumscriberentur* et *non circumscriberentur*, ideoque simul esset *locatum* et *non locatum*.

2° Non repugnat ut idem corpus, per miraculum, esse possit simul in pluribus locis non *circumscriptive*. Id enim quod repugnat est idem corpus esse simul in pluribus locis, ratione propriarum dimensionum quæ non possunt simul *circumscrihi*, definiri dimensionibus loci, et sese extendere extra locum ; sed non repugnat in se, corpus idem numero esse in pluribus locis, dummodo ratio suæ præsentiae possit multiplicari. Sic in Eucharistia, corpus Christi est præsens vi materialis conversionis substantiae panis in substantiam corporis Domini ; cum autem multiplicari possit hæc conversio, multiplicatur præsentia Christi sub speciebus.

Ad secundam quæstionem respondetur : 1° Duo corpora non possunt naturaliter esse simul in eodem loco. Incompetrabilis enim est proprietas naturalis quantitatis, vi cuius corpus locatum excludit a suo loco quocumque aliud corpus.

2° Non repugnat in se duo corpora esse simul in eodem loco ideo per miraculum, seu virtute divina fieri potest. Etenim corpus excludit a loco quem occupat aliud corpus propter extensionem suarum partium in loco. Atqui extensio partium in loco non est essentialis proprietas quantitatis, sed extensio partium in ipsa substantia. Ergo non repugnat in se corpus quantum, quin partes extendat in ordine ad locum, ideoque quicunque excludat aliud corpus a loco quem occupat.

IV. Spatii notio et species. — Spatium, vulgari notione accipitur ut *receptaculum quoddam corporum locandorum et motuum localium*. Notio spatii affinis est notioni loci, tamen non sunt absolute idem locus et spatium. Locus est pars determinata spatii ; sed ex eo quod concipiuntur duo loca, intervallum intercedit inter utrumque quod spatium dicitur. Est igitur spatium distantia inter duo loca, vel inter duas partes

1° Idem
scriptive,
cat con-
berentur
et non

im, esse
Id enim
us locis,
mul cir-
re extra
esse in
aultipli-
naribilis
omini ;
plicatur

corpora
mpene-
i cuius
rpus.
eodem
Etenim
exten-
suum in
xtensio
corpus
coque

notione
um et
tamen
t pars
loca,
icitur.
partes

lci. Locus est superficies prima corporis ambientis, spatum est ipsa dimensio corporis ambientis, quæ dimensio intelligitur secundum longitudinem, latitudinem et profunditatem. Corpora igitur in spatio localisationem habent, et motus localis fit secundum quod corpus percurrit spatum seu distantiam inter duo loca; unde facile accipitur spatum ut receptaculum quoddam corporum locandorum et motuum localium.

Spatium est *reale*, *ideale* seu *imaginarium*. *Spatium reale* est extensio realis existens inter corpora realia. Cum autem inter corpora realia alia corpora existunt ipsa continentia, v. g., aqua, aer, spatium *reale* resultat ex serie non interrupta coexistentium corporum, et spatum *reale* ut limites habet, limites ipsius mundi corporei. *Spatium ideale* est extensio possibilis quem intellectus excogitat dari inter corpora possibilia. *Spatium imaginarium* est extensio possibilis quem fingit phantasia; est forma sensibilis cujusdam spatii indefiniti, in phantasia tantum existens.

ARTICULUS VII

DE QUANDO SEU DE TEMPORE

I. Temporis notio. — *Quando est accidentis resultans in corpore ex tempore quo mensuratur.* Quamvis autem tempus sit quid notissimum, difficile est dicere quid sit. Unde S. Augustinus dicebat: « Quid ergo tempus est? Si nemo ex me quaerat, scio; si quærenti explicare velim, nescio. »⁽¹⁾ Tempus est mensura durationis rerum mobilium, unde per ordinem ad motum definitur. Secundum Aristotelem⁽²⁾, *tempus est numerus motus secundum prius et posterius*.

(1) *Confess.*, I. XI, c. XIV, n. 17.

(2) *Phys.*, I. IV, c. XI, 5.

1° Dicitur *numerus motus*, tempus enim determinamus cum accipimus in motu aliud et aliud, et aliquid inter ea, seu cum intellectus noster accipiendo unum nunc et alterum, quasi numerat prius et posterius in motu. Ergo tempus dictur *numerus seu mensura motus*.

2° Tempus dicitur *numerus motus*, non quidem numerans seu abstractus, sed numeratus et concretus, ipsis nempe rebus numeratis applicatus, ideoque tempus est *continuum propter continuitatem rei numeratae*.

3° Dicitur *secundum prius et posterius*, quia tempus accipimus cum unum momentum concipimus ut *finem* prioris momenti et *principium* posterioris. Unde triplex momentum temporis datur: instans *præteritum*, instans *præsens*, et instans *futurum*, quæ ita ad invicem comparantur, non quasi quid *discretum* et quorum unum nihil sit alterius, sed quasi quid *continuum*, in quantum nunc *præsens* seu instans *præsens* est simul *finis præteriti et principium futuri*. *Nunc* igitur temporis sese habet ut aliquid *fluens*, quod in quantum respondet mobili se habenti aliter et aliter, discernit prius et posterius in tempore, et suo fluxu tempus facit.

« Manifestum est enim quod tunc esse tempus determinamus, cum accipimus in motu aliud et aliud, et accipimus aliquid medium inter ea. Cum enim intelligimus extrema diversa alicujus medii, et anima dicat illa esse duo *nunc*, hoc *prius*, illud *posteriorius*; quasi numerando *prius et posteriorius* in motu, tunc hoc dicimus esse tempus.» (1)

4° Tempus est *numerus motus localis, continui et uniformis*. Tempus sese habet ut *mensura omnium rerum mobilium*, ut *mensura generalis et uniformis*. Motus autem localis est *omnium motuum sensibilium manifestior*, et in omnibus aliis aliquo modo invenitur. Motus autem localis, continuus et uniformis, cuius *mensura seu numerus adhibetur* ut *mensura durationis omnium rerum sensibilium*, est *motus solaris*.

5° Quia autem tempus *formaliter* non accipitur sine intellectu numerante, tempus realiter existit in rebus propter realem

(1) S. THOMAS, *Phys.*, l. IV, lect. XVII.

successionem prius et posterius in motu, sed *materialiter* tantum. Etenim e tribus elementis temporis, nunc, præsens tantum actu est, instans præteritum et instans futurum sunt in memoria vel prævisione intellectus, ita ut tota ratio formalis temporis operatione intellectus perficiatur. Hoc sensu quidem dici potest cum Aristotele et S. Thoma : si non esset anima, non esset tempus.

II. Temporis species. — 1° Tempus est *reale*, *ideale* seu *imaginarium*.

Tempus reale est duratio successiva motus realis.

Tempus ideale est duratio successiva motuum possibilium quos excogitare potest intellectus.

Tempus imaginarium est duratio successiva indefinita rerum mobilium quam fingit phantasia. Quemadmodum enim phantasia sibi efformare potest formam sensibilem spatii indefiniti, ita formam sensibilem temporis indefiniti.

2° Tempus reale est *intrinsecum* vel *extrinsecum*.

Tempus intrinsecum seu *particulare*, est duratio successiva et propria cujusque motus realis, seu cujusque mobilis. Unusquisque motus, unaquæque res, suum proprium tempus habet.

Tempus extrinsecum seu *universale* est duratio successiva motus qui sese habet ut mensura omnium aliorum motuum, v. g., tempus solare, quod respectu solis est intrinsecum, sed respectu aliorum mobilium seu motuum est extrinsecum.

III. Aëternitatis notio. — Aëternitas opponitur tempori ; a Boetio definitur : *Interminabilis vitæ tota simul et perfecta possessio*.⁽¹⁾

Dicitur 1° *Interminabilis*, scilicet, sine principio et sine fine : — 2° *vita*, quia entis aëterni non est tantum esse, sed vivere ; — 3° *tota*, non quasi aëternitas partes habeat, sed quia ipsi nihil deest ; — 4° *tota simul*, ad excludendum omnem successionem, prius et posterius temporis ; — 5° *et perfecta*,

(1) *De Consolat.*, lib. V. L'éternité est la possession parfaite et tout entière à la fois d'une vie sans commencement ni fin.

ad removendum imperfectionem ipsius *nunc temporis*, quod quidem sese habet ut fluens; *nunc autem æternitatis* sese habet ut *semper stans*, et perfectum; — 6° *possessio*, ad innuendum immutabilitatem et indeficentiam æternitatis: id enim quod possidetur, firmiter et quiete habetur.

IV. Æternitatis species. — 1° *Æternitas* alia est *absoluta*, alia *participata* seu *relativa*.

Æternitas absoluta est duratio entis quod excludit principium, finem et successionem: est *æternitas Dei*.

Æternitas participata est duratio entis quod quidem habet esse ab alio, sed quod est de se incorruptibile, ideoque finem excludit; est *æternitas angelorum et animæ humanae*. Hoc sensu etiam beatitudo dicitur *vita æterna*.

2° *Æternitas* est *positiva* et *negativa*.

Æternitas positiva est illa quæ competit enti realiter existenti cuius duratio est tota simul, sine principio et sine fine.

Æternitas negativa est illa quæ competit alicui prout abstrahit a tempore, cum existere possit in qualibet temporis parte; « est *indifferentia ad existendum in quavis parte durationis indefinitæ*, »⁽¹⁾ sic essentiae dicuntur *æternæ*.

V. Triplex durationis species. — *Duratio* est *permanentia rei in esse*. Quædam datur res omnino immutabilis, cuius esse semper idem permanet; duratio ejus dicitur *æternitas*. Quædam dantur res mutabiles et quoad esse et quoad operari: duratio earum *tempus* vocatur. Tandem quædam sunt res, medium locum tenentes, quæ sunt immutabiles quoad esse, mutabiles autem quoad operari, et duratio earum dicitur *ævum*. *Æternitas* igitur est duratio ipsius entis immutabilis quoad esse et quoad operationem, nempe ipsius Dei. *Tempus* est duratio entium mutabilium quoad esse et operari, nempe rerum corporalium. *Ævum* est duratio entium immutabilium quoad esse, mutabilium quoad operationem, nempe angelorum et animarum, seu rerum spiritualium.

(1) LAHOUSSÉ, *Ontologia*, n. 407.

LIBER QUARTUS

DE CAUSIS

Prologus. — Maximi momenti est tractatus de causis : proprium est enim scientiae per causas res cognoscere. Cause autem possunt considerari vel *in genere*, vel *in specie*, prout nempe cause immediate dividuntur in *efficientem*, *materiale*, *formalem* et *finalem*. Iste igitur liber quartus in quatuor capita distribuitur :

- 1° De causis in genere
- 2° De causa efficiente
- 3° De causa materiali et formali
- 4° De causa finali.

CAPUT PRIMUM

Prologus. — Caput primum unicum habet articulum, cuius materia in sequenti schemate ordinata proponitur.

DE CAUSIS IN GENERE

Principii et principiati notio
Cause et effectus notio
Distinctio inter principium et causam
Causarum prima divisio {
Efficiens
Materialis
Formalis
Finalis}

ARTICULUS UNICUS

DE CAUSIS IN GENERE

I. Principii et principiati notio. — Affinis est notio causae notioni principii, unde primo de principio queritur. *Principium est id a quo aliquid procedit quocumque modo.* ⁽¹⁾ Principiatum est id quod procedit a principio. Ut autem aliquid procedat ab altero requiritur inter utrumque aliqua *prioritas*, ideoque aliqua distinctio et sic principium secundum nomen significat *principem*, seu quod prioritatem habet.

Aliiquid potest esse prius altero multiplici modo : *ordine*, sic punctum dicitur principium, linea ; *successione seu tempore*, sic aurora dicitur principium diei ; *natura*, sic sol dicitur principium lucis ; *consequentialia*, sic præmissæ sunt principia conclusionis ; *dignitate*, sic rex dicitur princeps regni ; *origine*, sic Deus Pater dicitur principium Filii.

Quidquid igitur aliquo modo præcedit aliud dicitur principium, sed non *sensu stricto*. Ad hoc enim ut aliquid ab alio procedat non sufficit prioritas et distinctio, sed requiritur nexus intrinsecus inter utrumque. Iste nexus potest esse :

(1) S. THOMAS, *Sum. theol.*, p. 1, q. 33, a. 1.

vel *logicus*, et habetur *principium logicum*, prout ab ipso procedit aliqua cognitio, talia sunt principia cognitionis et scientiarum; vel *realis* seu *ontologicus*, et habetur *principium reale* seu *ontologicum*, prout ab ipso procedit aliquod ens reale, tales sunt cause. Ex hoc intelligitur definitio principii ab Aristotele tradita: *principium est id unde aliquid est, aut fit, aut cognoscitur.*

Ad rationem principii, stricto sensu accepti, tria igitur requiruntur inter principium et principiatum: *distinctio*, *prioritas*, *nexus intrinsecus*, vi cuius unum dici possit ab altero procedere.

II. Causa et effectus notio. — *Causa* est *principium* vi cuius aliquid producitur. Effectus autem est id quod vi cause producitur.

Ad rationem cause tria requiruntur: 1° *Distinctio realis* inter causam et effectum; id enim quod producitur non potest convenire in eodem esse cum causa sua.

2° *Ordo dependentiae* effectus a causa; cum vi cause producitur effectus esse ejus vel fieri a causa pendet.

3° *Prioritas saltem naturae* cause ad effectum; etiamsi enim coexistant effectus et causa, effectus esse habet a causa.

III. Distinctio inter principium et causam. — Principium latius patet quam causa; principium enim sese habet ut genus respectu cause, ita ut omnis causa sit principium, non autem omne principium, causa.

2° *Distinctio realis* requiritur inter causam et effectum, non autem inter principium et principiatum que logice differre possunt.

3° Causa importat ordinem dependentiae ex parte effectus quem non importat principium ex parte principiati.

4° Causa est prior effectu prioritate reali saltem naturae, principium potest esse prius principiato prioritate logica, vel prioritate originis. Sufficit enim ad rationem principii ordo originis unius ad alterum. « *Licet hoc uomen principii, quantum ad id a quo imponitur ad significandum, videatur a priori-*

tate sumptum, non tamen significat prioritatem sed originem.⁽¹⁾ In divinis Filius procedit a Patre quin sit prioritas temporis vel natura ex parte Patris.

IV. Causarum immediata et prima divisio.—Quatuor sunt genera causarum : *causa efficiens*, *causa materialis*, *causa formalis*, *causa finalis*. *Causa efficiens* est id *a quo* aliquid fit ; — *causa materialis* est id *ex quo* aliquid fit ; — *causa formalis* est id *quo* aliquid constituitur in determinata specie ; — *causa finalis* est id *propter quod seu cuius gratia* aliquid fit. Sic v. g., producitur aliqua statua *ab artifice* (*causa efficiens*), *ex marmore* (*causa materialis*), *figuram seu formam habens* (*causa formalis*), *propter memoriam alicujus personæ servandam et glorificandam* (*causa finalis*.)

Omnes cause ad unum vel alterum ex quatuor illis generibus reduci possunt, vel cause dicuntur quin realiter et proprie cause sint, sic v. g., *causa exemplaris*, *id ad cuius similitudinem aliquid fit*, reducitur ad causam efficientem, formalem vel finalem ; *causa finalis*, *id ad cuius praesentiam aliquid fit*, vel est mera occasio seu opportunitas agendi, et non est causa, vel allicit ad agendum, et reducitur ad causam finalem.

(1) S. THOMAS, *Sum. theol.*, p. 1, 1, q. 38, a. 1.

CAPUT SECUNDUM

DE CAUSA EFFICIENTE

Prologus.—De causa autem efficiente triplex proponi potest questio; quid sit, an sit, quomodo operatur. Triplex igitur erit articulus hujus capitiz secundi.

DE CAUSA EFFICIENTE

	Causæ efficientis notio
	Prima, secunda
	Principalis, instrumentalis
	Physica, moralis
	Causa per se, causa per accidens
	Proxima, remota
	Totalis, partialis
	Universalis, particularis
	Necessaria, contingens seu libera
	Univoca, sequivoca
	Agens per naturam, agens per intellectum
	Causa quantum ad fieri, causa quantum ad esse
	Notio
	Duplex actio instrumenti
I. De natura	De modo essendi virtutis causæ principalis in instrumento
	De effectu causæ instrumentalis
	Solum instrumentum physicum propriæ instrumentum dicitur
	De instrumento
	Physicum, morale
	Artificiale, naturale,
	supernaturale
	Inanimatum, animatum
	Conjunctum, separatum
	Instrumenti species
	Principium causalitatis
	Cognitio effectus dicit ad cognitionem existentiae causæ.
	Cognitio effectus dueit ad cognitionem naturæ causæ.
	Ex cognitione causæ effectus cognoscuntur.
	De ordine causarum

II. De existentia	Status questionis
	Thesis : <i>Creaturæ sive spirituales sive corporales sunt vere causæ efficientes.</i> Difficultatum solutio
III. De modo operandi	Status questionis Philosophorum sententiae
	Thesis : <i>In rebus creatis virtus agendi realiter distinguitur ab essentia</i>
	De actione in distans { Status questionis Philosophorum sententiae Axiomata Thesis : <i>Actio in distans repngnat.</i>

ARTICULUS I

DE NATURA CAUSÆ EFFICIENTIS

I. **Causæ efficientis notio.** — Causa efficiens est *principium extrinsecum quod actione sua physica alteram producit existentiam.*

1° Dicitur *principium extrinsecum* : *principium*, quia principium sese habet ut genus cuiuscumque causæ ; *extrinsecum*, quia causa efficiens est aliquid extra effectum qui producitur, unde causa efficiens distinguitur a principiis intrinsecis, a quibus effectus in se constituitur.

2° Dicitur *quod alteram producit existentiam*, quia effectus causæ efficientis est realiter ab ipsa distinctus, in quo causa efficiens a causa materiali et formalis distinguitur quæ non producunt aliquid a seipsis adæquate distinctum ; sunt enim effectui intrinsecæ, et ab ipso distinguuntur ut pars a toto.

3° Dicitur *actione sua physica*, quibus verbis indicatur causalitas propria et formalis ipsius causæ efficientis: *producit effectum actione sua physica*. Sic causa efficientis distinguitur a causa finali, quæ non actione sua sed bonitate sua allicit agens ad agendum. Actio sese habet igitur ut medium inter causam et effectum, et sicut vinculum, ita ut non tantum successio, sed verus influxus existat inter utrumque.

4° A causa efficienti distinguere est *occasio* et *conditio sine qua non*. *Occasio*, ut diximus, est *id ad cuius præsentiam aliquid fit*, non autem producit effectum, nec ad productionem ejus requiritur. *Conditio* est *id quod requiritur ad actionem agentis*, quin actione sua effectum causæ producat, v. g.: lux non est causa lectionis, sed est conditio requisita. Requiritur vero conditio vel ad disponendum, vel ad applicandum virtutem agentis, vel ad removendum impedimentum. In hoc ultimo casu dicitur *causa removens prohibens*. *Conditio sine qua non* est illa quæ absolute requiritur ad actionem agentis, et sine qua agens non potest effectum suum producere.

II. Causæ efficientis species.—1° Causa efficientis est *prima* vel *secunda*.

Causa prima est illa quæ tum quoad virtutem qua agit, tum quoad exercitium hujus virtutis, a nulla alia causa pendet, v. g.: Deus.

Causa secunda est illa quæ tum quoad virtutem qua agit, tum quod exercitium illius virtutis, a causa prima pendet, v. g.: creaturæ omnes.

2° *Causa principalis* est illa quæ ad effectum virtute propria producendum, alteram causam sibi subordinat, dirigit et movet, v. g., *scriptor* est *causa principalis* *scriptionis*.

Causa instrumentalis est illa quæ sua virtute mota vel applicata a causa principali, operatur dispositio ad effectum principali agentis,—seu, illa quæ ad effectum producendum concurrit virtute suæ naturæ, sed mota et applicata ad agendum ab alia causa, nempe a principali, v. g., *calamus* est *causa instrumentalis* *scriptionis*.

3° Causa efficiens est *physica vel moralis.*

Causa physica est illa quæ actione sua physica influit effectum, v. g., qui occidit hominem, est causa physica homicidii.

Causa moralis est illa quæ influxu quodam morali, scilicet precibus, consilio, imperio, movet causam physicam ad agendum, v. g., qui mandatum dat homicidii perficiendi, est causa moralis ipsius.

4° Causa efficiens est *causa per se vel causa per accidens.*

Causa per se est illa quæ effectum producit ad quem ordinatur natura sua, vel intentione agentis, v. g.: ignis est causa per se combustionis; homo est causa per se occisionis Petri quem sciens et volens intendit occidere.

Causa per accidens est illa quæ effectum producit ad quem natura sua non ordinatur, vel præter intentionem agentis, v. g.: effossio sepulchri est causa per accidens inventionis thesauri; venator belluam occidere volens potest esse causa per accidens occisionis alicujus hominis.

5° Causa efficiens est *proxima vel remota.*

Causa proxima est illa quæ immediate effectum attingit, v. g.: homicida est causa proxima homicidii.

Causa remota illa quæ mediate effectum influit seu attingit, v. g.: mandans est causa remota homicidii. In his causis valet axioma: *causa causæ est causa causati.*

6° Causa efficiens est *totalis vel partialis.*

Causa totalis est illa quæ sola in suo ordine effectum ex toto producit, v. g.: equus unus trahens currum.

Causa partialis est illa quæ cum aliis causis ejusdem ordinis effectum producit, v. g.: plures equi currum trahentes sunt causæ partiales tractionis curri.

7° Causa efficiens est *universalis vel particularis.*

Causa universalis est illa quæ effectus distinctarum specierum efficere potest, v. g.: sol, qui lucem, calorem, fecunditatem producit.

Causa particularis est illa quæ ad unicam speciem effectum limitatur, v. g.: arbor qui arborem producit.

8° Causa efficiens est *necessaria*, vel *contingens* seu *libera*.

Causa necessaria est illa quæ positis omnibus his quæ ad agendum prærequiruntur, non potest non agere, v. g. : sol est causa necessaria lucis et caloris, ignis combustionis.

Causa libera est illa quæ positis omnibus ad agendum requisitis, potest non agere, v. g. : artifex est causa libera artificiati.

9° Causa efficiens est *univoca* vel *æquivoca*.

Causa univoca est illa quæ effectum producit sibi similem secundum speciem in qua communicant, v. g. : pater est causa univoca filii, arbor arboris.

Causa æquivoca est illa quæ effectum producit non sibi similem secundum speciem, v. g. : sol est causa æquivoca plantarum, artifex artificiatorum.

10° Causa efficiens est *agens per naturam*, vel *agens per intellectum*.

Agens per naturam est illud quod agit forma qua actu est, v. g. : arbor est causa agens per naturam.

Agens per intellectum est illud quod agit per formam vel ideam intellectu conceptam, v. g. : artifex est causa agens per intellectum.

11° Causa efficiens est *causa quantum ad fieri*, *causa quantum ad esse*, vel *causa quantum ad fieri et ad esse*.

Causa quantum ad fieri est illa a cuius actione pendet effectus ad hoc ut ad existentiam veniat, v. g. : architectus seu structor est causa domus quantum ad fieri.

Causa quantum ad esse est illa a cuius virtute effectus pendet ut permaneat in esse, v. g. : soliditas et cohæsio lapidum et lignorum sunt causa domus quantum ad esse.

Causa quantum ad fieri et ad esse est illa a cuius actione pendet effectus et ut ad esse veniat, et ut in esse perseveret, v. g. : ignis est causa caloris aquæ quoad fieri et quoad essé, fit enim aqua calida et conservatur calida ab igne ; ita sol est causa illuminationis aeris.

III. De causa instrumentalis seu de instrumento.—

Causa instrumentalis est illa, diximus, quæ sua virtute mota vel applicata ab alia causa nempe a principali, operatur dispositiva ad effectum principalis agentis.

1° Duplex actio instrumenti.—In instrumento duplex datur actio, ideoque duplex virtus. Una actio est *propria ipsius instrumenti* quam operatur in *virtute propria*, v. g.: *scindere* est actio propria serræ, actio ipsi competens secundum suam propriam formam et virtutem. Altera actio, quæ *instrumentalis* dicitur, ipsi instrumento convenit, non ratione propriæ formæ vel propriæ virtutis, sed ratione motionis et virtutis quam accipit a principali agente, unde instrumentum dicitur agere in virtute principalis agentis, v. g.: *facere opus artis* serræ non competit ratione sui, sed in quantum movetur a principali agente.

« Instrumentum habet duas actiones; unam *instrumentalem*, secundum quam operatur non in virtute propria sed in virtute principalis agentis: aliam *propriam*, quæ competit sibi secundum propriam formam, sicuti securi competit scindere ratione sue acuitatis, facere autem lectum in quantum est instrumentum artis. Non autem perficit instrumentalem actionem nisi exercendo actionem propriam, scindendo enim facit lectum. » (1)

Instrumentum tamen constituitur instrumentum non in quantum agit in virtute propria, sed in quantum operatur in virtute principalis agentis; « est enim ratio instrumenti ut sit movens motum. » (2)

2° De modo essendi virtutis causæ principalis in instrumento.—Virtus principalis agentis non est in instrumento eo modo quo virtus causæ primæ est in causa secunda. Etenim virtus causæ primæ recipitur in causa secunda secundum esse permanens, ita ut fiat propria causæ secundæ. Virtus autem principalis agentis recipitur in instrumento secundum esse transiens, ita ut nunquam fiat ipsius propria; est enim in ipso in quantum movetur, deficiente motione, cessat

(1) S. THOMAS, *Sum. theol.* p. 3, q. 52, a. 1, ad 2.

(2) S. THOMAS, *Contra Gent.*, II, c. 21.

virtus. Unde quamvis de ratione instrumenti sit esse movens motum, non omne movens motum est *proprie* instrumentum sed illud tantum quod ita movetur ut non habeat in se principium sui motus.

« Instrumentum dupliciter dicitur : uno modo *proprie*, quando scilicet aliquid ita ab altero movetur quod non confertur ei a movente aliquod principium talis motus, sicut serra movetur a carpentario, et tale instrumentum est expers libertatis. Alio modo instrumentum *magis communiter* (lato sensu), quidquid est movens ab alio motum, sive in ipso sit principium sui motus, sive non : et sic ab instrumento non oportet quod omnino excludatur ratio libertatis, quia aliquid potest esse ab alio motum, quod tamen se ipsum movet, et ita est de mente humana. » (1)

3º De effectu causæ instrumentalis.—Causa instrumentalis effectum nobiliorem se producit, qui quidem non instrumento sed causæ principali assimilatur et tribuitur. Tamen ad rationem causæ instrumentalis, requiritur ut instrumentum aliquid efficienter agat per ordinem ad tales effectum, unde S. Thomas dicit : « non autem (instrumentum) perficit instrumentalem actionem nisi *exercendo actionem propriam*, scindendo enim (securis) facit lectum. »

Idem etiam significatur, cum in definitione causæ instrumentalis dicitur ipsam *operari dispositive ad effectum principalis agentis*. *Operari* autem *dispositive* non est intelligendum, quasi instrumentum actione propria producat aliquem terminum, qui sit dispositio ad effectum principalis agentis, in subjecto in quo talis effectus producitur. Non sunt enim duæ res distinctæ, id quod producitur *actione propria* instrumenti, et id quod producitur ab *actione instrumentalis* ipsius, sed unicus datur effectus qui totaliter producitur ab instrumento et a causa principali ; tamen iste effectus ita producitur, ut sit aliquid, ex parte modi operandi, modificans actionem principalis agentis, quod quidem ex actione propria instrumenti repetitur, et hoc est *dispositive operari* ad effectum principalis agentis,

(1) S. THOMAS, *De Verit.* q. 24. art. I. ad 5.

et hac ratione quidem principale agens utitur tali instrumento, quia talem modum operandi intendit.

4° Solum instrumentum physicum proprie instrumentum dicitur.—De ratione instrumenti est aliquid conferre propria operatione per ordinem ad effectum principalis agentis, ideoque instrumentum *proprie* dictum non potest esse nisi instrumentum physicum, a cuius actione elevata virtute principalis agentis immediate procedit effectus causæ principalis. Instrumentum aliquid conferens prævium actioni productivæ effectus, movendo v. g. causam efficientem physicam ad agendum, eam inducendo ad effectum physice producendum, sicut dicitur de instrumento morali, non est instrumentum *proprie* dictum, sed lato sensu et metaphorice acceptum.

5° Instrumenti species.—Instrumentum est multiplex :
 a) est *physicum* vel *mora*le. *Instrumentum physicum* est illud quod per virtutem inferioris ordinis influit in realem et physicam actionem qua productur effectus. *Instrumentum morale* est illud quod, per bonitatem seu dignitatem sibi communicatam a principali agente, causam efficientem physicam movet ad agendum, eam inducendo, ad producendum physice effectum.

b) Instrumentum dicitur *artificiale*, *naturale* vel *supernaturale* secundum quod inservit artifici, ut malleus et serra, vel naturæ, ut manus et pedes, vel Deo, ut aqua in Baptismo.

c) Instrumentum dicitur *inanimatum* vel *animatum*, secundum quod nullo modo agit sed agitur tantum, ut serra, vel ita agitur ut etiam agat, ut homo.

d) Instrumentum est *conunctum* vel *separatum*, prout causæ principali unitur ut manus, vel separatur, ut baculus.

IV. Causalitatis principium.—Causalitas est id quo causa constituitur in esse causæ, ipse nempe influxus causæ in effectum producendum. Influxus autem causæ efficientis in effectum ab ipsa productum *principio causalitatis* affirmatur. Illud vero principium vulgo enuntiatur : *nihil fit sine causa, omnis effectus habet causam*; accuratius exprimitur : *Quidquid incipit esse causam efficientem habere debet*.

Principium causalitatis distinguitur a *principio rationis sufficientis*: *omne ens habet sui rationem sufficientem*. Illud secundum principium latius patet quam primum, cum quidem sese extendit ad ordinem omnium rerum sive realium, sive possibilium, sive contingentium, sive necessariarum. Principium vero causalitatis verificatur de rebus realibus et contingentibus tantum.

Principium causalitatis etiam distinguitur a principio motus: *Quidquid movetur, ab alio mouetur*, quod universalius est. Etenim principium motus de omni motu verificatur; influxus causae efficientis in effectum non est omnis motus, sed quædam species motus tantum.

Beguelin veritatem principii causalitatis denegavit in Academia Berolinensi. Juxta Kantum, illud principium non esset analyticum, sed *syntheticum a priori*, aliquid igitur menti innatum, subjectivum non autem gaudens objectiva realitate. Hume, Stuart Mill, Comte et positivistæ, meram successionem, non autem realem influxum admittentes inter effectum et causam, principium causalitatis sic exprimunt: *omne phænomenon habet antecedens*, quod quidem idem est ac denegare veritatem hujus principii. Contra hos omnes sit igitur:

THESIS.—PRINCIPIUM CAUSALITATIS EST ANALYTICUM ET ABSOLUTE CERTUM.

1° Illud principium est analyticum et absolute certum cuius prædicatum in subjecto per analysis contineri reperitur. Atqui in principio causalitatis, prædicatum per analysis reperitur contineri in subjecto. Ergo principium causalitatis est analyticum et absolute certum.

Ad minorem. *Quidquid incipit esse*, vel habet esse a nihilo, vel a se, vel ab alio. Non habet esse quidem a nihilo: nihil enim, cum sit non ens, non potest dare esse.—Non habet esse a se: a) antequam sit, esse non habet, et *nemo dat quod non habet*; b) antequam sit, agere non potest, *operatio sequitur esse*; c) si haberet esse a se, ipsum haberet

ab essentia sua prout *possibilis* est; sed si essentia ut possibilis est sufficiens ratio existentiæ, omnia possibilia deberent existere, quod experientiæ repugnat. Ergo quidquid incipit esse, esse habet ab alio, cuius reali influxu esse recipitur; deficiente enim tali influxu, illud aliud nullam relationem haberet cum eo quod incipit esse, et nullo modo esse ipsi daret. Atqui habere esse ab alio, et habere causam efficientem sui, sunt unum et idem. Ergo in principio causalitatis, prædicatum per analysim reperitur contineri in subjecto.

2° Consensu omnium confirmatur. Etenim unicuique compertum est, quæ de novo fiunt semper dependere ab alio cuius influxu esse recipiunt; segetes sine semine, illuminatio sine luce, cogitatio sine cogitante dari non possunt, et inter illa non est mera successio phænomenorum, sed realis et verus influxus antecedentis quod dicitur causa, in esse consequentis quod effectus vocatur. Ergo principium causalitatis, quo exprimitur talis dependentia effectus a causa, verum et certum habetur.

V. **Cognoscibilitas causæ mediante effectu, et vice versa.**—Ea est habitudo inter effectum et causam, et vice versa, ut cognitio uno, aliud cognoscatur.

1° *Cognitio effectus dicit ad cognitionem existentiæ causæ.* Omnis enim effectus necessario exigit causam. Cognito igitur effectu ut est effectus, statim præsupponi debet existentia causæ.

2° *Cognitio effectus dicit ad cognitionem naturæ causæ, perfecte si causa sit univoca, imperfecte si causa sit æquivoca.* Omnia autem quæ sunt in effectu ut effectus est, sunt a causa. Atqui nemo dat quod non habet. Ergo ea quæ sunt in effectu sunt etiam aliquo modo in causa, formaliter si causa est univoca, virtualiter si causa est æquivoca. Cognitio igitur effectus dicit ad cognitionem naturæ causæ, perfecte si causa sit univoca, imperfecte si causa sit æquivoca.

3° *Ex cognitione cause, cum certitudine cognoscuntur effectus qui ex ipsa necessario procedunt, quin naturaliter impediri possint, sic, v. g., ortus et occasus solis, eclypsis, in suis causis certo cognoscuntur.*

ut possit
ia debet
quidquid
sse recipi
am relati
odo esse
am effi
usualita
jecto.
nique
ab alio
lumina
unt, et
d realis
in esse
causa
verum et
et vice
et vice

causæ.
o igitur
causæ.
causæ,
quivoca.
causa.
effectu
st uni
effectus
usa sit

cuntur
raliter
osis, in

4° Ex cognitione causæ, conjecturaliter cognoscuntur effectus qui ex ipsa sequuntur ut in majori parte, quamvis impediri possint ut in minori, v. g., ventis et pluviis cognoscitur conjecturaliter futurus cœli status.

5° Ex cognitione causæ nullo modo cognosci potest existentia effectus, ad quem causa omnino indifferens sese habet.

VI. De ordine causarum.—1° Causa efficiens movetur ad agendum a causa finali, et causa efficiens movet materiam ad receptionem formæ. In ordine causalitatis, prior est igitur causa finalis, secunda, causa efficiens, tertia, causa materialis, quarta, causa formalis.

2° In ordine dignitatis, forma est nobilior materia, cum sit actus ejus. Causa vero efficiens est nobilior causis materiali et formalis quæ ab ipsa dependent. Tandem, cum agens non agit nisi propter finem qui est perfectio ejus, causa finalis est nobilissima causarum a qua omnes aliæ causæ dependent.

ARTICULUS II

DE EXISTENTIA CAUSÆ EFFICIENTIS

I. Status quæstionis.—Præhabita notione causæ efficientis, quæritur nunc utrum creaturæ sint revera veræ causæ efficientes, utrum scilicet res aliæ aliis succendentæ, ita ad invicem ordinentur ut una influat in esse alterius. Ipse S. Thomas

refert⁽¹⁾ positionem eorum qui, suo tempore, arbitrantes nihil fieri nisi per creationem, dixerunt Deum immediate omnia operari. Hanc sententiam renovarunt Occasionalistæ qui, duce Malebranchio, docent res creatas non esse nisi occasiones ad quarum præsentiam Deus omnia immediate operatur. Dicuntur *rigidiores* seu *mitiores*, secundum quod omnibus creaturis etiam spiritualibus activitatem degant, vel solis substantiis corporalibus.

Sensistæ, cum Lockio, Hume, etc, verum conceptum causæ efficientis destruunt, dum volunt ipsum explicare per meram successionem phænomenorum, ita ut inter effectum & causam non sit nisi connexio quædam extrinseca; non autem intrinseca, non autem intrinseca vi influxus causæ in esse effectus.

Ita positivistæ, cum Littré, Comte, Taine, veram causalitatem rerum denegant, cum quidem docent conceptum hujus causalitatis scientiam positivam excedere, et ad metaphysicam, scientiam pure subjectivam, pertinere.

II. Causalitas efficiens rerum cretarum vindicatur.

THESIS.—CREATURÆ SIVE SPIRITUALES SIVE CORPORALES SUNT VERÆ CAUSÆ EFFICIENTES.

1º Pulcherrimus in mundo existit ordo rerum ad finem sibi proprium, et ad finem communem totius universi. Atqui iste ordo impossibilis est, nisi omnes creature sint vere causæ efficientes. Ergo omnis creatura, sive spiritualis, sive corporalis, vera gaudet activitate.

Major ex experientia constat. Omnis enim res proprium suum finem habet, quem consequendo, in finem communem totius universi conspirat.

Minor explicatur. Ordo enim est convenientia plurium in aliqua unitate. Atqui res diversæ naturæ, ut sunt res creatæ, non possunt in unitatem conspirare, nisi secundum quod quæ-

(1) II. SENT. Dist. 1, q. 1, n. 4.

ntes nihil
te omnia
qui, duce
siones ad

Dicun-
creaturis

bstantiis

m causæ

r meram

causam

trinseca,

causalis-

m hujus

ysicam,

licatur.

VE COR-
IENTES.

d finem

Atqui

e causæ

corpo-

oprium

munem

lurium

creatæ,

d quæ-

dam agunt et quedam patiuntur. Etenim unitas plurium habetur vel propter convenientiam in eadem natura, vel propter conspirationem in eumdem finem ex mutuis ad invicem actionibus. Ergo ex ipso ordine mundanarum rerum appareat causalitas efficiens rerum ipsarum.

2º Denegare substantiis spiritualibus veram activitatem est adversari evidenti conscientiae testimonio, et ordinem morallem subvertere. Ergo substantiae spirituales sunt veræ causæ efficientes.

Declaratur antecedens per partes.— *Prima pars.* Etenim unusquisque propria conscientia experitur se habere dominium suæ activitatis : illa enim activitas in suo principio, processu et termino, semper a nobis pendet. Testatur igitur conscientia nos esse veram et propriam causam activitatis nostræ.

Secunda pars. Denegata enim activitate substantiæ spiritualis, perit liberum arbitrium, perit ratio meriti et demeriti, nullum amplius datur discrimen inter bonum et malum, ideoque totaliter subvertitur ordo moralis. Imo cum Deus est sola causa efficiens, ad ipsum referenda sunt omnia mala moralia et omnia crimina, quod est absurdissimum.

3º Denegare corporibus veram activitatem, est destruere omnem scientiam, et ad idealismum ducere. Ergo corpora sunt veræ causæ efficientes.

Primu pars antecedentis manifestatur.— Omnis enim scientia nostra principium suum habet in rebus sensibilibus, a quibus prius cognitis, ad suprasensibilia cognoscenda assurgimus. Atqui res sensibles cognoscimus mediantibus suis proprietatibus, operationibus et effectibus. Ergo si res sensibles nulla donantur propria activitate, nullo modo possumus ex effectibus et operationibus suis proprietates et naturam ipsarum cognoscere, et scientia nostra destruitur.

Secunda pars. Jam vidimus in critica, objectivitatem nostrarum cognitionum fundari in hoc quod sensatio non explicatur nisi actione corporum sensibilium in ipsis sensu. Atqui denegata activitate corporum, ipsa non possunt agere in sensu.

Ergo, denegata activitate corporum, nulla remanet ratio demonstrativa objectivitatis cognitionum nostrarum, et habetur idealismus.

Omnis creatura igitur sunt vere cause efficientes et occasionalismus est falsus.

III. Solvuntur difficultates.

1^o Atqui creaturae sunt tantum occasiones ad quarum presentiam Deum omnia operatur. Ergo falsa thesis et probo.

1^o Deus omnia in omnibus operatur. Atqui Deo omnia in omnibus operante creaturae nihil agunt. Ergo creaturae non sunt cause efficientes.

Dist. maj. Deus omnia in omnibus operatur tanquam causa prima, conc., tanquam causa unica nego.

Contrad. min. Deo omnia in omnibus operante tanquam causa unica creaturae nihil agunt conc.; tanquam causa prima *subdist.* nihil agunt in ordine cause primae conc.; in ordine cause secundae nego.

2^o Atqui Deus omnia operatur sicut causa unica. Ergo.

Activitas efficientis est quid divinum. Atqui quod est hujusmodi non potest convenire creaturis. Ergo Deus omnia operatur tanquam causa unica.

Dist. maj. Activitas efficientis primo et *imparticipata* est quid divinum conc.; activitas secundo et *participata* nego.

Conc. minorem et nego cons. et conseq.

3^o Atqui activitas efficientis est quid *imparticipabile*. Ergo.

Omnis activitas efficientis est *creativa*. Atqui *creatio* est *actio propriissima Dei* quae nulli creaturae convenire potest. Ergo activitas efficientis est quid *imparticipabile*.

Dist. maj. Activitas efficientis quam effectum producit ex nullo *præsupposito subjecto* est *creativa conc.*; quam effectum producit ex *præsupposito subjecto et dependenter a causa prima nego*.

Conc. min. et nego conseq. et conseq.

4^o Atqui repugnat creaturam agere cum causa prima et dependenter ab ipsa. Ergo.

Agens quod operatur sine medio perfectius est quam agens cum medio operans. Atqui Deus est agens *perfectissimum*. Ergo omnia sine ullo medio operatur.

Dist. maj. Si operans cum medio propter *indigentiam utitur medio conc.*, si utitur medio propter *abundantiam sue bonitatis quam vult communicare rebus activitatem, nego*.

Conc. min.

Deus, causa prima, utitur creaturis tanquam causis secundis, non propter defectum propriæ virtutis, sed propter abundantiam sue bonitatis. Quemadmodum unum ens esse participatum ipsis creaturis donavit, ita, prima causa activitatem participatam et secundariam ipsis largitus est.

5° Atqui repugnat Deum nperari cum creatura ad eundem effectum producendum. Ergo.

Si Deus et creatura eundem effectum producent, Deus dicendus est causa partialis. Atqui Deus causa partialis dies nequit. Ergo creaturæ non agunt.

Dist. maj. Si agunt in eodem ordine causæ, conc., in diverso ordine, nego.
Conc. min.

6° Atqui Deus et creatura eundem effectum prducere non possunt in diverso ordine. Ergo.

Deus et creatura eundem effectum producere debent immediate. Atqui hoc fieri nequit. Ergo creaturæ non possint coagere Den.

Dist. maj. Immediate immediatione virtutis et suppositi, nego. Deus immediatione virtutis et creatura immediatinne suppositi, conc.

Contradist. min. Repugnat Deum et creaturam eadem immediatinne immediate effectum producere, conc., Deus immediatinne virtutis et creaturam immediatione suppositi, nego.

7° Atqui ex parte creaturæ deest propnrtio inter effectum et causam. Ergo creaturæ agere non possunt.

Mediante activitate creaturarum prducerentur substantiae. Atqui actio creaturæ esset accidens quid substantiam producere non possint. Ergo creaturæ agere non possunt.

Conc. maj.

Dist. min. Accidens ut accidens non potest producere substantiam, conc., ut instrumentum substantiae, nego.

Actio creaturæ procedit a facultate quæ est instrumentum substantiae. Ipsa enim substantia mediante facultate nperatur.

8° Atqui née ut instrumentum substantiae activitas creaturæ effectum prducere valet. Ergo.

Aetin creaturæ, si qua esset, deberet prducere formam. Atqui forma cum sit simplex, non fit ex presuppositis subjectis, sed creatur. Ergo actio creaturæ nihil producere vaieret.

Dist. maj. Deberet prducere formam *per se*, nego, per accidens, conc.

Conctrndist. min. Firma quæ producitur *per se* creatur, conc. quæ fit per accidens nego.

II°. (1) Atqui sicut corpora agere non possunt. Probo.

1° Agere est vivere. Atqui corpora non vivunt. Ergo corpora agere non possunt.

(1) Cf. LAHOUSSE, *Ontologin*, Nos 671. 672.

Dist. maj. Agere actione imminenti est vivere, conc.; actione transiunti, nego.

Cone. min.

Vita in actu secundo est ipsa actio immanens quae ideo propria est viven-
tium; sed præter actionem immanentem, datur actio transiens quae ipsis cor-
poribus convenit.

2^a Atqui omnis actio est immanens. Ergo.

Omnis actio est modificatio agentis. Atqui modificatio agentis est
agenti immanens. Ergo omnis actio est immanens.

Dist. maj. Omnis actio active et principiatiæ est modificatio agentis
conc.; passive et terminatiæ, nego.

Cone. min.

Actio immanens est illa cujus principium et terminus sunt in ipso
agente; actio autem transiens illa cujus terminus non est in ipso agente, illa
scilicet quæ recipitur in subiecto prorsus diverso a' eo a quo procedit. Cum
sunt actiones ejus modi, ut calefacere, mouere, faciæ intelligitur quod passive
et terminatiæ omnis actio non est semper modificatio agentis.

3^a Atqui actio etiam transiens corporibus repugnat. Ergo.

Omnis agens agit propter finem. Atqui corpus non potest agere propter
finem. Ergo actio etiam transiens ipsi repugnat.

Dist. maj. Omnis agens agit propter finem apprehensive vei exsecutive,
cone. Apprehensive tantum nego.

Dist. min. Apprehensive, conc.; exsecutive, nego.

Agens enim est cognoscitivum vel non cognoscitivum; in primo casu
apprehendit finem propter quem agit, in secundo autem non apprehendit.
Tamen in utroque casu semper agit propter finem vel a se determinatum, vel
determinatum ab alio. Corpora autem agunt propter finem ad quem diri-
guntur natura, ideoque exsecutive sese habent ad ipsum.

ARTICULUS III

DE MODO OPERANDI CAUSE EFFICIENTIS

I. Status questionis.— Substantiae creatæ sunt verae
cause efficientes et realiter agunt, sed agunt-ne immediate per

se nempe par substantiam suam, vel mediate, mediante scilicet aliqua virtute realiter a se distincta? Quæritur ergo de principio immediato operationis. Jam diximus⁽¹⁾, duplex esse principium operationis: naturam quæ dicitur *principium quo*, et suppositum, quod est *principium quod* operationis. Non agitur quidem in præsenti de *principio quod* operationis, sed de *principio quo*; queritur enim utrum suppositum, quod est subjectum cui omnes tribuuntur operationes, agat virtute quæ identificatur cum essentia seu natura, vel virtute realiter ab ipsa essentia distincta, utrum scilicet unicum sit principium quo operationis seu multiplex.

II. Philosophorum sententiae. — Scotus et scotistæ affirmant substantiam esse per se immediate activam, cui sententiae subscribunt dynamistæ et atomistæ. Scotistæ tamen distinctionem formalem ex natura rei admittunt inter substantiam et virtutem agendi, alii autem distinctionem rationis.

Scholastici vero decent substantias creatas habere vires seu virtutes agendi realiter a se distinctas, quæ potentiae seu facultates dicuntur, et sunt principia immediata operationum suarum. Illæ autem potentiae necessario et ab intrinseco dimananter ab ipsa essentia cuius sunt proprietates. Duplex igitur juxta ipsos datur principium quo operationis, natura et potentia. Cum autem potentia dimanat a natura quæ potentia mediante effectum attingit, natura dicitur *principium radicale*, *mediatum* et *remotum* operationis, potentia vero *principium immediatum* et *proximum*.

III. Sententia scholastica demonstratur.

THESIS. — IN REBUS CREATIS VIRTUS AGENDI REALITER DISTINGUITUR AB ESSENTIA.

1° Actus et potentia essentialiter ordinata ad talēm actum sunt in eodem genere. Atqui actio, ad quam essentialiter

(1) *De substantia*, pp. 384 et seq.

ordinatur virtus agendi creaturarum sicut potentia ad actum, est in genere accidentis. Ergo virtus agendi creaturarum est in genere accidentis. Atqui accidentis realiter distinguitur a rei substantia. Ergo in rebus creatis substantia non agit immediate per seipsum, sed mediante aliqua virtute realiter a se distincta.

Major jam explicata est.⁽¹⁾ *Minor* autem facile constat. Actiones enim, intellectiones, sensationes, nobis superveniunt et transeunt eadem manente substantia agentis, ideoque sunt realitates accidentales realiter ab ipsa substantia agentis distinctae.

2º Potentiae activae quibus operantur substantiae creatae realiter inter se distinguuntur. Ergo realiter a substantia agentis distinguuntur.

Consequentia est manifesta : quae sunt idem uni tertio, sunt idem inter se.

Ad antecedens. Etenim potentiae activae operationes diversas habent, aliud est enim intelligere, aliud sentire, aliud videre, aliud gustare ; quedam sunt organicae, quedam ab organo separatae ; ad invicem mutuum habent influxum, quedam aliis dominantur et impediuntur. Atqui ista omnia absolute impossibilia sunt nisi potentiae realiter inter se distinguantur. Ergo,

3º Proprius actus essentiae est *esse*, proprius actus virtutis agendi est *operari*. Atqui in nulla creatura *operari* identificatur cum *esse*, hoc enim Deo tantum convenit. Ergo in nulla creatura, virtus operandi identificatur cum essentia.

« Manifestum est quod diversi actus diversorum sunt : semper enim actus proportionatur ei cuius est actus. Sicut autem ipsum esse est actualitas quedam essentiae, ita operari est actualitas operativa potentiae seu virtutis. Unde cum in nulla creatura suum operari sit suum esse, sed hoc sit proprium solius Dei, sequitur quod nullius creaturae operativa potentia sit ejus essentia ; sed solius Dei proprium est, ut sua essentia sit sua potentia. »⁽²⁾

(1) Cf. p. 296.

(2) S. THOMAS, QQ. DD. *De spirit. creat.*, a. 11.

actum,
rum est
uitur a
; imme-
se dis-

onstat.
eniuunt
ne sunt
tis dis-

cretae
stantia

tertio,

diver-
videre,
organo
n aliis
mpos-
Ergo,
rtutis
entifi-
nulla

enim
ualitss
rtutis
prium
entia ;

IV. De actione in distans. — 1° **Status questionis.** — Agere in distans est agere in subjectum quod ab agente distat. Agens autem agere in subjectum a se distans dupliciter potest intelligi : *mediate*, scilicet, mediante aliquo tertio, quod potest esse unum vel multiplex, recipiente virtutem seu influxum agentis, eamque passo deferente, v. g., artifex mediante instrumento materiam attingit ; *immediate*, scilicet nullo tertio mediante. Cum agitur de actione in distans, non queritur utrum causa efficiens possit *mediate* in subjectum distans agere, quod quidem est manifestum ; sed utrum causa efficiens possit agere in distans nullo medio intercedente. Insuper non fit sermo de actione immanente, sed transeunte ut per se patet. (1)

2° **Philosophorum sententiae.** — Dynamistæ, asserentes corpora constare elementis simplicibus inter se distantibus et mutuum influxum ad invicem exercentibus, actionem in distans, plerique saltem admittunt.

Peripatetici et scholastici ipsam rejiciunt, requirentes inter agens et passum conjunctionem immediatam suppositi vel virtutis. Immediatio suppositi datur cum agens conjungitur passo, nullo alio supposito intercedente ; immediatio virtutis, cum inter agens et passum aliud vel alia sunt supposita media, sed nulla virtus. Unde inter agens et passum requiritur *contactus sive quantitativus* (2), si sint corpora, sive virtutis.

3° Actionis in distans impossibilitas demonstratur.

THESES. — ACTIO IN DISTANS REPUGNAT.

1° Experientia physicorum hanc legem statuit influxus corporum ad invicem : intensitas influxus unius corporis in

(1) « *Distance* est ici synonyme de vide absolu. La question qui se pose est de savoir si des corps, séparés l'un de l'autre par un intervalle vide de toute réalité, peuvent exercer l'un sur l'autre une influence réelle. » D. Nys, *Cosmologie*, p. 553.

(2) Contactus quantitatus habetur inter duo extensa, quorum extrema sunt simul ; contactus virtutis, inter duo quorum unum induit in alterum ipsum reducendo de potentia ad actum.

aliud eo magis minuit, quo magis crescit distantia inter utrumque, et eo magis crescit, quo magis minuit distantia. Atqui haec lex explicari non potest, admissa actione in distans. Ergo actio in distans physice repugnat.

Ad minorem. Variatio enim intensitatis influxus facile explicatur, admisso medio inter agens et passum : illud enim medium partem influxus absorbet et non transmittit influxum nisi deminutum, ideoque eo magis crescit numerus intermediorum, eo magis minuit intensitas influxus. Sed admissa actione in distans, nihil datur inter agens et passum, recipiens influxum agentis, intensitas consequenter eadem semper esse deberet. ⁽¹⁾

2° Virtus activa in aliquod subjectum agere non potest, nisi ipsi applicetur, et influxus ejus in ipso recipiatur. Atqui haec applicatio virtutis activae ad passum nihil aliud est, nisi praesentia ejus immediata secundum immissionem suppositi vel saltem virtutis. Ergo actio in distans absolute repugnat.

Omnis causa debet igitur esse praesens subjecto in quod agit. Haec autem praesentia haberi potest multiplici modo :

1° *Immediate*, immissione suppositi, quod fieri potest,
a) secundum identitatem suppositi agentis et subjecti patientis,

(1) « Toutes les forces corporelles sont régies par une loi d'application constante dont voici l'énoncé : « L'intensité de l'action qu'un corps exerce sur un autre diminue à mesure que la distance augmente ; elle s'accroît au contraire, à mesure que la distance diminue. » Or ce fait est inexplicable dans l'hypothèse de l'action à distance, prise au sens rigoureux du terme.

« Sans altérer les dispositions internes de l'agent et du patient, faisons varier la distance qui les sépare. Au reste le vide, grand ou petit, n'étant rien, ne peut les modifier.

« L'action, considérée dans l'agent, revêt une intensité invariable et indépendante de la distance, car les êtres matériels, dépourvus de liberté ne changent point, à leur gré, la mesure de leur activité.

« Considérée dans le patient, où rien n'est ébranlé, elle se présente avec le degré d'intensité qu'elle avait dans l'agent. S'il y avait un changement, le milieu seul en serait la cause. Mais le vide n'est rien, et l'action, n'ayant pas à le parcourir, ne peut se disséminer dans l'espace.

« Les variations de l'intensité, attestées par l'expérience, demeurent donc des effets sans cause, à moins de substituer au vide hypothétique la matière continue pondérable ou impondérable. Alors l'amoindrissement progressif de l'action relève d'une cause proportionnée, à savoir les résistances tâches croissantes du milieu réel. » D. Nys, *Cosmologie*, pp. 555, 556.

sicut in actione immanentí ; b) secundum contiguitatem, cum v. g. manus movet lapidem.

2° *Immediate*, immediatione virtutis, secundum quod virtus causæ, mediis interpositis ad subjectum patiens transfertur.

V. *Axiomata philosophica*.— 1° *Nullum ens est causa sui ipsius*. Effectus enim est quid distinctum a causa, et ab actione ejus dependens. Unumquodque autem agit, seu est causa, secundum quod est actu, fit vero seu est effectus, secundum quod est in potentia, fiunt enim quæ non sunt actu sed esse possunt. Ergo si aliquid esset causa sui ipsius, esset simul in actu et in potentia secundum idem. Coeterum fieri est ejus quod non actu est ; igitur si aliquid esset causa sui ipsius jam ageret antequam esset, quod repugnat.

2° *Non datur effectus sine causa, seu Omnis effectus habet causam, seu Quidquid incipit esse habet causam*. Tales sunt formulæ variae principii causalitatis.

Principium causalitatis cum principio rationis sufficientis : omne ens habet sui rationem sufficientem, aliquam convenientiam habet ; principium rationis sufficientis latius patet, cum applicari possit non tantum effectibus, sed omnibus entibus. Ratio nihil aliud significat hic nisi principium objectivum quores co-scenatur. Unde dicere : *omne ens habet rationem sui sufficientis* significat omne ens habere aliquod principium sui constitutivum, quo cognito, ipsum ens fit nobis cognoscibile seu intelligibile. Principium rationis sufficientis est igitur analyticum : ens et verum seu intelligibile convertuntur ; esse intelligibile, et habere rationem sufficientem sunt unum et idem ; ergo habere rationem sufficientem in notione entis continetur.

3° *Causa est prior suo effectu*. Duplex datur prioritas, alia temporis, alia naturæ. In his quæ fiunt in instanti, sufficit prioritas naturæ ; in his quæ fiunt cum motu et tempore, habetur prioritas temporis ex parte causæ.

4° *Perfectio effectus præexistit in causa*. Dicitur a) *perfectio*, non autem *defectus* qui esse potest vel ab indispositione

materie seu subjecti, vel a principio extrinseco impediente actionem causæ; b) illud axioma verificatur de causa *per se* et de causa *principali*, non autem de causa *per accidens*, et de causa *instrumentali*. Perfectio vero effectus est in causa *eminenter*, si superiori modo in ipsa existat; *formaliter*, si secundum similitudinem formæ ejusdem speciei, ut in causis univocis; *virtualiter*, secundum quod causa virtutem habeat ipsius producendi, vel ipsam possideat æquivalenter, ut in causis æquivocis.

5° *Effectus suæ causæ proportionari debet*. Quod quidem non significat perfectionem causæ non posse excedere perfectionem effectus, sed effectum non posse excedere perfectionem causæ. Illo axiome significatur etiam: effectum requirere causam proportionatam qua effectus est, ita ut effectus per se, causam per se requirat, effectus universalis causam universalem, etc.

6° *Causa causæ est causa causati*. Illud axioma respicit causas ordinatas, quæ ita sese habent ut una causet *quia mota* ab altera. Hoc quidem verificatur in causis necessariis, sed non in causis liberis, nisi causa libera ipsum effectum causæ a se productæ intendat, et ob id ipsam causam produixerit, vel si non intendat effectum, ipsum præviderit cum impedire tenebatur.

7° *Causa secunda agit in virtute causæ primæ*. Causa secunda applicatur a prima. Causa enim secunda est illa quæ tum quoad virtutem agendi, tum quoad exercitium istius virtutis a prima pendet. Unde virtus agendi causæ secundæ ipsi ministratur a prima, et a causa prima applicatur ad agendum.

8° *Causa secunda non agit nisi mota a prima*. Motio causæ secundæ a prima est accipienda secundum modum et naturam uniuscujusque. «Deus operatur in omnibus, ita tamen quod in unoquoque secundum ejus conditionem; unde in rebus naturalibus operatur sicut ministrans virtutem agendi et determinans naturam ad talem actionem. In libero arbitrio hoc modo agit ut virtutem sibi ministret et, ipso operante,

liberum arbitrium agat ; sed tamen determinatio actionis et finis in potestate arbitrii constituitur.»⁽¹⁾

9° *Causa prima plus influit quam secunda.* Causa enim prima dat secundæ virtutem agendi, ipsam conservat et applicat ad agendum.

10° *Propriet quod unumquodque tale et illud magis.* Causæ scilicet, ratione cuius aliqua perfectio alicui subjecto tribuitur, magis convenit assignata illa perfectio quam ceteris, v. g. : Deus, ratione cuius homo intelligit, est magis intelligens ; ignis, ratione cuius ferrum est calidum, est magis calidus quam ferrum.

(1) S. THOMAS, II, *Sent. Dist. 25*, q. 1, a. 1, ad 3.

CAPUT TERTIUM

DE CAUSA MATERIALI ET FORMALI

Prologus. — De causa materiali et formali pauca sunt dicenda quæ in unico articulo continentur sequenti ordine disposita.

DE CAUSA MATERIALI ET FORMALI

Notio cause materialis et formalis.

Species	Materia	{ Prima Secunda
	Forma	Substantialis Accidentalis

Causalitas materie et forme

Causa exemplaris

ARTICULUS UNICUS

DE CAUSA MATERIALI ET FORMALI

I. **Cause materialis et formalis notio.** — *Causa materialis* est *id ex quo aliquid fit*, v. g.: marmor *ex quo fit statua*. Materia ex qua fiunt opera artis, ut lignum, marmor, est quid secundum se *indifferens* ad formam artis, quid *in potentia*, quid *determinabile*; marmor est *indifferens* ad esse statuam vel aliquid aliud, est *in potentia* et *determinabilis*. Determinatur autem ad tale esse in quantum actuatur forma artis. Unde *causa formalis* est *id quod constituit rem in determinata specie*, forma seu figura qua marmor fit statua, est *causa formalis statuae*. *Causa materialis* est igitur *principium passivum*, *determinabile*; *causa formalis* est *principium activum et determinans*.

II. **Materias et formae species.** — Materia dividitur in *primam* et *secundam*. *Materia secunda* est substantia materialis, in sua natura jam constituta, subjectum mutationum accidentalium, ut lignum, aes, etc. *Materia prima* est *principium passivum, indeterminatum, subjectum omnium mutationum substantialium*.

Sicut in quolibet artefacto duo facile distinguuntur principia ipsum constituentia in suo esse accidental, nempe aliquod

corpus seu *materia secunda*, puta marmor vel lignum ad conflandam statuam, et forma seu figura quae efficit ut marmor vel lignum sit haec statua, ita etiam corpora in suo esse substantiali constituantur ex dupli principio, uno materiali quod est passivum, indeterminatum, subjectum omnium transmutationem substantialium, altero formalis quod est principium activum et determinans materiam primam ad esse determinati corporis, v. g., ad esse ferrum, lignum vel aliud corpus. *Forma* igitur est duplex alia *substantialis*, alia *accidentalis*. *Forma substantialis* est principium activum et determinans, materiam primam constituens in determinata specie corporis. *Forma accidentalis* est principium activum determinans materiam secundam in determinata specie accidentis. Prima dat esse substantialie, secunda esse accidentale.⁽¹⁾

Voces *materiae* et *formae*, quae proprie dicuntur de artefactis et de compositis physicis, translate sunt secundum aliquam analogiam ad composita metaphysica, logica et moralia. Cum in ipsis elementum invenitur determinabile et aliud determinans, primum materia dicitur, secundum forma; sic in compositione metaphysica generis et differentiae, genus sese habet ut materia, differentia ut forma; ita in judiciis et propositionibus, elementum materiale nempe subjectum et praedicatum, et elementum formale, scilicet copula in distinximus.

III. Causalitas materiae et formae.—Materia et forma sunt veræ causæ, ab ipsis enim pendet esse compositi. Non sunt causæ extrinsecæ, ut causa efficiens et causa finalis, sed causæ intrinsecæ, sunt enim principia intrinseca constitutiva compositi.

(1) « *Causa materialis prima* est id ex quo tanquam intrinsecum et determinabili aliquid fit in ratione substantiae complete, seu quantum ad esse primum: sicut id ex quo fit planta, equus, homo. *Causa materialis secunda* est id ex quo existentes et determinabili fit aliquid quantum ad esse accidentale: sicut est materia omnium artificiorum.

« Similiter causa *formalis prima* seu *substantialis* est intrinsecum determinativum rei quantum ad esse substantialie et specifum; sicut anima rationalis in homine. *Causa formalis secunda vel accidentalis* est intrinsecum determinativum quantum ad esse accidentale vel adjunctum; sicut figura in omnibus artificiis. » LORENZELLI, Phil. Met. gen. lect. II, de causis, II.

Causalitas materiae consistit in hoc quod sit *receptiva formae*, quacum unitur ad constituendum compositum.

Causalitas formae consistit in hoc quod *actuat et informat* materiam ad constituendum cum ipsa compositum. Materia et forma influunt in esse compositi per suam essentiam, sese communicando enim propriam entitatem, compositum constituent; unde relationem *essentialis* important ad invicem. Cum forma est complementum substantiae, cuius actus est ipsum esse, ipsa dicitur principium essendi; forma dat *esse*, in quantum actuando materiam, constituitur subjectum immediatum actus essendi.

«Materia est causa formae, in quantum forma non est nisi in materia, et similiter forma est causa materiae in quantum materia non habet esse in actu, nisi per formam; materia enim et forma dicuntur relative ad invicem: dicuntur etiam relative ad compositum, sicut pars et totum.»⁽¹⁾

IV. Causa exemplaris.— *Eemplar est idea in mente præconcepta ad cuius similitudinem res ipsa conficitur*, v. g., Deus est causa exemplaris omnium rerum, in quantum habet in intellectu suo ideas archetypas ipsarum, artifex in mente sua præhabet ideam ad cuius similitudinem opus artis conficitur.

Exemplar habet rationem causæ, positive enim influit in esse causati. Causa autem exemplaris considerari potest ut aliquid ipsius agentis, idea nempe ipsius, et ut sic dici potest habere aliquo modo rationem causæ efficientis; considerari potest etiam ut aliquid quod agens intendit facere, unde «forma exemplaris habet quodammodo rationem finis.»⁽²⁾ Tamen causalitas ideæ exemplaris videtur potius et proprius consistere in hoc quod exemplar sit principium extrinsecum a quo res pendeat ut sit id quod est. Principium autem quo res est id quod est, dicitur causa formalis. Unde causa exemplaris reducitur ad causam formalem sed extrinsecam, et exemplaria vocantur formæ rerum extrinsecæ.

(1) S. THOMAS, *Opusc. De principiis naturæ*.
 (2) *De Veritate*, q. 3, a. 1.

CAPUT QUARTUM

DE CAUSA FINALI

Prologus. — De causa finali duplex movetur quæstio, nempe de natura, et de existentia, unde duplex hujus capitinis articulus, cuius materia sic ordinata proponitur.

DE CAUSA FINALI

I. De natura

Finis notio
Finis species
In ordine intentionis finis habet rationem causæ
Causalitas finis
Axiomata

Finis operis, finis operantis
Præmixtus, intermedius, ultimus
Finis qui, finis eni, finis quo
Principialis, secundarius
Naturalis, supernaturalis

II. De existentia

Status questionis
Thesis : Omne agens agit propter finem sive apprehensive
sive executive, et quidem propter ultimum finem.
De casu et fortuna
De fato

ARTICULUS I

DE NATURA CAUSÆ FINALIS

I. Finis notio.— Finis τέλος; secundum nomen, idem est ac terminus, unde quidquid terminat aliquid dicitur finis.

Secundum rem vero, et prout in ratione causæ accipitur, finis est id propter quod seu cuius gratia aliquid fit.

1° Id propter quod agens agit, est aliquod bonum, nam est aliquid appetibile, est enim id quod appetit agens et ad cuius consecutionem operationem suam ordinat. Solum bonum igitur habet rationem finis.

2° Illud bonum propter quod agens agit potest esse cognitum et volitum ab ipso agente, ut in causis voluntariis et liberis ; potest esse cognitum et non volitum, sed instinctu appetitum, ut in brutis ; potest esse naturaliter appetitum tantum, ut in entibus non cognoscentibus.

3° Bonum habet rationem finis prout appetitur propter se, si autem propter aliud ad quod dicit appetitur, habet rationem medii.

II. Finis species.— 1° Finis dividitur in finem operis et finem operantis.

Finis operis est bonum ad quod opus ab agente exercitum natura sua ordinatur, v. g. : finis operis eleemosynæ est sublevamen pauperis.

Finis operantis est bonum quod operans operando intendit, v. g. : qui facit eleemosynam intendere potest vel sublevamen pauperum, vel vanam gloriam, vel aliud bonum quod *finis operantis* dicitur. *Finis operis et finis operantis coincidere possunt vel non.*

2° *Finis est proximus, intermedius, vel ultimus.*

Finis proximus est bonum ad quod immediate tendit opus vel operans.—*Finis intermedius* est bonum ad quod ordinatur *finis proximus*, quod et ipsum ad bonum superius seu ad fines superiores ordinatur.—*Finis ultimus* est bonum ad quod ordinantur *finis proximus* et *finis intermedius*, quod quidem non ordinatur ad aliud bonum, saltem in aliquo particulari rerum ordine. Sic discipulus scholæ medicinæ studiis vacat, ut scientiam acquirat ; scientiam querit ut baccalaureatum, licentiam et doctoratum feliciter subeat ; doctoratus diploma intendit ut medicinæ artem exercendum tanquam genus vitæ degendæ constituat : ars medicinæ exercenda est *finis ultimus*, scientia acquirenda est *finis proximus*, alia vero sunt *fines intermedii*.

Finis ultimus est *absolute et simpliciter ultimus*, vel *relative et secundum quid*. *Finis simpliciter ultimus* est bonum ad quod omnia alia bona ordinantur, et quod excludit quamcumque ulteriorem ordinationem ad aliud bonum, v. g. : beatitudo perfecta est *finis ultimus hominis*.—*Finis secundum quid ultimus* est bonum ad quod in aliquo ordine rerum alia bona ordinantur tanquam ad terminum, sed quod non excludit ordinationem ad aliud bonum superioris ordinis, v. g. : ars medicinæ, in praecedenti exemplo, est *ultimus terminus* ad quem ordinantur studia discipuli, sed illud bonum ulterius ordinatur ad procuranda illa quæ sunt necessaria ad sustentationem vitæ medici et familie ejus ; quæ sustentatio vitæ requiritur ad exercitium virtutis, quod ad beatitudinem æternæ vitæ procurandam ordinatur.

3° *Finis dividitur in finem qui, finem cui et finem quo.*

Finis qui seu *cujus* est ipsum bonum intentum ab operante ; dicitur etiam *finis objectivus*. *Finis cui* est illud in cuius favorem bonum intenditur. *Finis quo* est illud quo acquiritur et possidetur bonum intentum ; dicitur etiam *finis formalis*. Sic

qui sibi intendit vitam æternam virtutis exercitio consequendam, sese habet ut *finis cui*, vita æterna est *finis qui*, et exercitium virtutis *finis quo*.

4° Finis dicitur *principalis vel secundarius*; secundum quod primo et per se, vel secundario et occasione alterius intenditur.

5° Finis est *naturalis vel supernaturalis*, prout agens viribus naturalibus ipsum consequi potest, vel auxiliis supernaturalibus indiget ad ipsum consequendum. Beatitudo æterna gratia Dei consequenda est finis supernaturalis.

III. In ordine intentionis finis habet rationem causæ.

— Duplex datur ordo in quo finis considerari potest: unus *intentionis* in quo finis intenditur, alter *executionis*, in quo finis obtinetur. In ordine intentionis finis habet rationem principii; in ordine executionis rationem termini. Prius enim intenditur finis et postea eliguntur media ad finem; sed in executione, primo media executioni mandatur, secundo obtinetur finis. Ergo finis movet agens ad agendum in ordine intentionis, in ordine executionis sese habet ut effectus actionis ejus.

Illud vere et proprie habet rationem causæ quod realiter influit in esse effectus. Atqui finis in ordine intentionis movet agens ad agendum et ad producendum effectum, ideoque realem influxum habet in esse effectus. Ergo finis in ordine intentionis habet rationem causæ.

IV. Causalitas finis.— Causalitas finis consistit in hoc quod movet bonitate sua causam efficientem ad agendum. Ipsa enim bonitas vera seu apprens finis allicit appetitum, et inclinatione quadam trahit agens ad agendum.⁽¹⁾ « Sicut influere causæ efficientis est agere, ita influere causæ finalis est appetere et desiderari. »⁽²⁾ Finalitas seu causalitas finis nihil aliud est igitur nisi *inclinatio* in agente excitata bonitate finis. « Quæ

(1) « La cause finale est donc le bien présenté à la volonté. Sa causalité consiste dans l'attrait du bien sur la faculté volitive et dans l'inclination qu'elle y fait naître. » D. MERCIER, *Traité élémentaire*, M&A. gen., p. 165.

(2) S. THOMAS, *De Veritate*, q. 22, a. 2.

tamen inclinatio diversi modo invenitur in diversis naturis, in unaquaque secundum modum ejus. Unde in natura intellectuali invenitur inclinatio naturalis secundum voluntatem, in natura autem sensitiva secundum appetitum sensitivum, in natura vero carente cognitione secundum ordinem naturæ in aliquid.»⁽¹⁾

V. Axiomata philosophica.—1° *Finis est causa causarum.*

2° *Finis est primus in intentione, ultimus in executione.*⁽²⁾

3° *Qui vult finem, vult media.*

4° *Media sunt propter finem, et propter finem amantur.*

5° *Media sint fini proportionata; aliter enim non essent media.*

ARTICULUS II

DE EXISTENTIA CAUSÆ FINALIS

I. Status questionis.—1° Agens tendit ad finem duplamente : *apprehensive*, cum ipsum intellectualiter seu sensitivè apprehendit, et sese movet in eum ; *executive*, quando finem attingit quem nullo modo apprehendit, nec apprehendere potest.

(1) S. THOMAS, *Sum. theol.* p. 1, q. 60, a. 1.

(2) « La fin est toujours la première dans l'intention et la dernière dans l'exécution. Par exemple si l'on veut aller à la chasse, c'est ce qu'un pense le premier, et qu'un exécute le dernier, parce qu'il faut auparavant commander les équipages, monter à cheval, aller au lieu destiné, et ainsi du reste. Il n'y a donc rien de plus véritable que cet axiome qui dit que la première chose dans l'intention est la dernière dans l'exécution, parce que la première chose à quoi l'on pense et la dernière où l'on arrive, c'est la fin. » BOSSUET, *Traité des causes*.

2° Finalitas est duplex : alia *intrinseca* quae consistit in inclinatione ipsis rebus insita, vi cuius finem prosequuntur ; alia *extrinseca* quae sistit in quadam directione ipsis rebus extrinsecus impressa, vi cuius finem attingunt quin ad ipsum naturaliter ordinentur.

3° Quæritur utrum finalitas existat in mundo, utrum scilicet res mundaneæ propter finem intentum agant, vel utrum casu et fato in actionibus suis dirigantur. Materialistæ cujusque ætatis existentiam causarum finalium denegant, ita Positivistæ qui omnem rerum activitatem viribus mechanicis explicant. Cartesius et Cartesiani non admittunt nisi finalitatem extrinsecam. Deus, juxta ipsos, ordinem universalem efficit et conservat, actione externa suæ Providentiae in causas efficientes. Aristoteles, S. Augustinus, S. Thomas et omnes scholastici finalitatem intrinsecam affirmant, vi cuius res omnes ad finem tendunt apprehensive vel executive.

II. Existentialia causarum finalium affirmatur.

THESIS. — OMNE AGENS AGIT PROPTER FINEM, SIVE APPREHENSIVE SIVE EXECUTIVE, ET QUIDEM PROPTER ULTIMUM FINEM.

Prima pars. — *Omne agens agit propter finem.* Omnia agentia determinatos producunt effectus. Atqui tales determinatos effectus constanter producere non possunt nisi agant propter finem. Ergo omnia agentia agunt propter finem.

Major ex experientia constat. Minor facile apparet. Etenim si agentia casu agerent, indifferenter sese haberent ad omnia, et nulla daretur ratio cur unum produceret potiusquam alterum.

« Si agens, ait S. Thomas, non esset determinatum ad aliquem effectum, non magis ageret hoc quam illud. Ad hoc ergo ut determinatum effectum producat, necesse est quod determinatur ad aliquid certum quod habet rationem finis. »^{(1)}}

2° Proprium est entis intelligentis sibi proponere finem, ad quem obtainendum sua opera ordinat. Ergo agens intel-

(1) *Sum. theol.* I-IIa, q. 1, a. 2.

lectuale, Deus nempe et homo agunt propter finem intentum. Atqui omnia alia entia ratione destituta sunt opera Dei vel creaturæ rationalis seu hominis, sunt enim res naturales a Deo creatae, vel artefacta ab homine confecta. Ergo omnia alia agentia ratione destituta ad finem ordinantur a Deo vel ab homine intentum, ideoque agunt propter finem.

Secunda pars. — *Apprehensive vel executive.* Etenim entia cognitione capacia agunt propter finem quem apprehendunt, sive libero arbitrio ad ipsum obtinendum sese moveant, ut homines, sive instinctu, ut animalia bruta. Entia vero cognitione destituta finem non apprehendunt, sed exequuntur secundum naturalem inclinationem quem receperant sive a Deo, si sint res naturales, sive ab artifice si sint artefacta.

Tertia pars. — Omne agens agit propter finem. Ille autem finis vel est proximus, vel intermedius, vel ultimus. Atqui finis proximus ad intermedium, intermedius ad ultimum ordinatur. Ergo omne agens mediate vel immediate agit propter finem ultimum.

III. De casu, et fortuna. — *Casus est effectus secutus præter intentionem agentis.* Effectus secutus præter intentionem naturæ, seu agentis per naturam, dicitur *casus*; præter intentionem agentis per intellectum, dicitur *fortuna*.

Aliquid evenire potest præter ordinem vel intentionem causæ secundæ, quia istæ causæ sunt finitæ, et in actione sua impediri possunt ab aliis; sed præter ordinem seu intentionem causæ primæ infinitæ, in cuius virtute agunt omnes causæ secundæ, nihil evenire potest. Ergo respectu causarum secundarum casus admitti potest, non autem respectu causæ primæ.

VI. De fato. — *Fatum nihil aliud est nisi casus prout sumitur pro causa, sic dicitur ordo mundi esse a casu, seu a fato.* Hoc sensu *fatum* definitur: *vis cœca necessitate ineluctabili omnibus et singulis agentibus determinatos effectus imperans* Fatum prout sic a Fatalistis accipitur, nonnisi in imaginatione existit.

INDEX RERUM

ELEMENTA PHILOSOPHIÆ CHRISTIANÆ

AD MENTEM

SANCTI THOMÆ EXPOSITA

Lettre-préface	v
Avertissement	VIII
PROLEGOMENA	
De philosophia in genere	1

I

LOGICA

SEU PHILOSOPHIA RATIONALIS

Prolegomena	7
-------------------	---

LOGICÆ PRIOR PARS

DIALECTICA

LIBER PRIMUS

DE SIMPLICI APPREHENSIONE

CAPUT I. De ideis.	12
Art. I. De natura ideæ.....	14
Art. II. De divisione idearum.....	17
Art. III. De prædicabilibus.....	24
Art. VI. De prædicamentis.....	28
Art. V. De postprædicamentis.....	33
CAPUT II. De terminis.	36
Art. I. De natura terminorum.....	37
Art. II. De proprietatibus terminorum.....	42
CAPUT III. De definitione et divisione.	47
Art. I. De definitione.....	49
Art. II. De divisione.....	53

LIBER SECUNDUS

DE JUDICIO

CAPUT I. De judicio.	57
Art. unicus. De natura et speciebus judicii.....	58

CAPUT II. De propositione	63
Art. I. De Natura propositionis.....	65
Art. II. De propositionum speciebus.....	69
Art. III. De oppositione propositionum.....	76
Art. IV. De equipollentia et conversione propositionum.....	84

LIBER TERTIUS

DE RATIOCINIO

CAPUT I. De ratiocinio.	89
Art. unicus. De ratiocinio.....	90
CAPUT II. De syllogismo	94
Art. I. De natura syllogismi.....	96
Art. II. De legibus syllogismi.....	101
Art. III. De figuris syllogismi.....	107
Art. IV. De modis syllogismi.....	110
Art. V. De speciebus syllogismi.....	115
Art. VI. De argumenti formis quæ ad syllogismum reducuntur.....	121
CAPUT III. De inductione.	124
Art. unicus. De inductione.....	125
CAPUT IV. De syllogismo demonstrativo probabili et sophistico.	133
Art. I. De syllogismo demonstrativo.....	135
Art. II. De syllogismo probabili.....	144
Art. III. De syllogismo sophistico.....	151

LOGICÆ SECUNDA PARS

CRITICA

LIBER PRIMUS

DE CERTITUDINE

CAPUT I.	De natura certitudinis	156
Art.	I. De veritate	158
	II. De diversis mentis statibus erga veritatem	161
	III. De certitudine	167
CAPUT II.	De existentia certitudinis	171
Art.	I. De dogmatismo	172
	II. De scepticismo absoluto	175
	III. De scepticismo hypothetico	180
	IV. De Agnosticismus et Relativismo	183
CAPUT III.	De causa certitudinis	186
Art.	I. De evidentia	187
	II. De criterio veritatis	191

LIBER SECUNDUS

DE MEDIIS QUIBUS MENS CERTITUDINEM
CONSEQUITUR

CAPUT I.	De facultatum cognoscitivarum veraci- tate	196
Art.	I. De sensuum exteriorum veritate	198
	II. De sensibus internis, præsertim de cons- cientiæ testimonio	206

Art. III. De objectivitate idearum.....	209
Art. IV. De universalibus.....	214
Art. V. De certitudine primorum principiorum.....	223
Art. VI. De certitudine judiciorum mediatorum.....	226
CAPUT II. De auctoritate.....	229
Art. I. De auctoritate in genere.....	231
Art. II. De auctoritate divina.....	238
Art. III. De auctoritate humana.....	243

LIBER TERTIUS

**DE MODO ORDINATE PROCEDENDI AD CONSE-
QUENDUM CERTITUDINEM**

CAPUT I. De scientia.....	255
Art. unicus. De scientia.....	256
CAPUT De methodo.....	262
Art. I. De methodo in genere.....	263
Art. II. De methodo in specie.....	266

II

METAPHYSICA

SEU PHILOSOPHIA REALIS

Prologus.....	273
----------------------	------------

METAPHYSICA GENERALIS
SEU
ONTOLOGIA

Prolegomena.	274
----------------------	-----

LIBER PRIMUS

DE NATURA ENTIS

CAPUT UNICUM. De natura entis.	276
Art. I. De notione entis.	278
Art. II. De actu et potentia.	284
Art. III. De essentia et existentia.	289
Art. IV. De possibilitate.	297

LIBER SECUNDUS

DE PROPRIETATIBUS ENTIS

CAPUT I. De proprietatibus transcendentalibus.	304
Art. I. De unitate et distinctione.	306
Art. II. De veritate et falsitate.	312
Art. III. De bono et malo.	317
CAPUT II. De universalissimis entium proprietati- bus.	322
Art. I. De pulchro.	324

Art. II. De perfectione in se.....	330
Art. III. De finito et infinito.....	332
Art. IV. De simplici et composito.....	336
Art. V. De necessario et contingente.....	338
Art. VI. De immutabili et mutabili.....	340

274

LIBER TERTIUS**DE DIVISIONE ENTIS SEU DE CATEGORIIS**

CAPUT I. De substantia.	344
Art. I. De natura substantiae.....	345
Art. II. De individuatione.....	351
Art. III. De subsistentia.....	358
CAPUT II. De accidentibus.	366
Art. I. De accidentibus in genere.....	368
Art. II. De quantitate.....	374
Art. III. De qualitate.....	377
Art. IV. De relatione.....	380
Art. V. De actione et passione.....	385
Art. VI. De ubi seu de loco.....	390
Art. VII. De quando seu de tempore	393

LIBER QUARTIUS304
306
312
317**DE CAUSIS**

CAPUT I. De causis in genere.	397
Art. unicus. De natura et divisione causarum	398

CAPUT II. De causa efficiente.....	401
Art. I. De natura cause efficientis.....	402
Art. II. De existentia cause efficientis.....	411
Art. III. De modo operandi cause efficientis.....	416
CAPUT III. De causa materiali et formali.....	424
CAPUT IV. De causa finali.....	428
Art. I. De natura causæ finalis.....	429
Art. II. De existentia causæ finalis.....	432

INDEX ALPHABETICUS

A

Abstractio: def., 15.
Accidens predicable, def., 27.
Accidens predicamentale, def., 29. — species : absolutum, modale, 369 — realiter distinguitur a substantia, 369 — non repugnat accidens absoluuntum, virtute divina, existere sine subjecto, 371.
Actio, def., 29, 385 — species : creatio, effectio, 386 — immanens, transiens, 386 — instantanea, successiva, 386.
Actio in distans, 419.
Actus, notio, 285 — species : actus essendi, existendi, 285 — palmus, secundus, 285 — purus, non purus, 285.
Agipollentia propositionum, notio et leges, 84.
Equivoca, def., 280.
Estimativa, def., 206.
Eternitas, notio, 396 — species : absoluta, participata 396 — positiva, negativa, 396.
Euum, notio, 396.
Alienatio, def., 46.
Alteratio, def., 35.
Ampliatio, def., 46.
Analogia, def., 280.
Analogia, Argumentum analogie, notio, 145 — effectus, 146 — utilitas et abusus, 146.
Analysis, def., 18.
Appellatio, def., 45 — species : formalis, materialis, 46 — regulae, 46.
Argumentum apodicticum, 135 — a pari, a fortiori, a contrario, 147.

Arte, def. 328 — species : artes mechanicae, liberales, 325 — iudiciorum artes, 328 — De habitibus artis ut bonum morale, 328.
Associatio idemcum, 22.
Attentio, def., 15.
Auctoritas, notio, 281 — divina, humana, 282 — effectus, fiducia, 281 — cognitionem veram et certam facit, 287 — Auctoritas divina certitudinem producit et quidem metaphysicam, 289 — Auctoritas humana in re historica certitudinem moralem producit, 290 — Auctoritas sapientium doctrinam certam non facit sed probabilem, 288.
Augmentatio, def. 35.
Augmentum et decrementum, 368.
Axiomata, def., 141 — ex comparatione actus et potentiae desumpta, 286 — ex notione possibilitatis, 290 — de bono, 321 — de simplici et composito, 337, 338 — de causa efficiente, 421 — de fine 422.

B

Bonitas, def. 317.
Bonum, notio, 317 — species : metaphysicum, physicum, morale, 318 — utile, honestum, delectabile, 318 — reale, apparenz, 318 — finitum, infinitum, 318 — materiale, immateriale, 319 — naturale, supernaturale, 319 — Bonum et ens convertuntur, 319 — Bonum est sui diffusivum, 321 — Bonum est prius malo, 321 — Bonum ex integra causa, malum ex quocumque defectu, 321.

C

- Casus**, def., 434.
- Causa**, notio, 399—quomodo a principio distinguitur, 399—causa efficiens : notio, 402—removens prohibens, 403—species : prima, secunda, 403—principialis, instrumentalis, 403—physica, moralis, 404—per se, per accidens, 404—proxima, remota, 404—totalis, partialis, 404—universalis, particularis, 404—necessaria, contingens seu libera, 405—univoca, equivoca, 405—agens per naturam, agens per intellectum, 405—quantum ad fieri, quantum ad esse, 405—cognitio effectus dicit ad cognitionem cause, 410—creature sive spirituales, sive corporales sunt vere causa efficiens, 412—In rebus creatis virtus agendi realiter distinguitur ab essentia, 417—axiomata, 421—causa materialis : notio, 425—materia prima, materia secunda, 426—causalitas materiae et formae, 427—Causa formalis : notio, 426—forma substantialis, accidentalis, 427—causa finalis : notio, 429—species, 429, 430, 431.
- Causalitas**, notio, 409—principium, 409.
- Certitudo**, notio, 167 species : subjectiva, objectiva, 168—Scientiae, fidei, 168—metaphysica, physica, moralis, 169—naturalis, supernaturalis, 170—vulgaris, philosophica, 170—Gradus certitudinis, 170—Existencia certitudinis in dubium revocari, nec denegari potest, 172—Certitudo vulgaris circa quasdam veritates est vera certitudo, 173—De causa certitudinis, 186,—Certitudo primorum principiorum, 223—judiciorum meditorum, 226.
- Circulus vitiosus**, def., 154.
- Comparatio**, def., 15.
- Compositio**, notio, 336—species : realis, logica, 336—substantialis, accidentalis, 336—essentialis, integralis, quantitativa, 337—Nullum compositum potest esse absolute perfectum et infinitum, 337—In omni composito est actus et potentia, 337—Ens compositum supponit existentiam entis simplicis, 337.
- Conceptualismus**, notio, 216—refutatio, 217.
- Conclusio** directa, indirecta, 97.
- Concretum**, metaphysicum, physicum logicum, 18.
- Conditio**, def., 403—sins qua non, 403.
- Conscientia**, def., 207—sensitiva, intellectiva, 207—veracitas, 207.
- Contigua**, def., 376.
- Continuum**, def., 376.
- Contradiccio**, def., 78.
- Conversio propositionum**, notio, species, leges, 85.
- Corruptio**, def., 35, 341.
- Credibilitas**, def., 235.
- Criterium veritatis**, notio, 191, 192—Facultas cognoscitiva et objectum cognitum non possunt dici Criterium veritatis, 192—Criterium veritatum mediatarum non est evidencia, 193—Criterium veritatum mediatarum est resolutio earum in sua principia, 193—Quid de generali criterio veritatis? 194.
- Critica**, def., 8, 155.

D

- Definitio**, quid, 49—species : nominalis, reris, 49—intrinseca, extrinseca, 50—essentialis, descriptiva, 50—leges, 51.
- Demonstratio**, notio, 135—Species: propter quid, quia, 137—a priori, a posteriori, 137—directa, indirecta, 138—negativa, 138—absoluta, relativa seu ad hominem, 138—pura, empirica, mixta, 138—præcognita demonstrationis et præcognitiones, 139—effectus, 142
- Dialectica**, def., 8—divisio, 11.
- Differre**, toto genere, genere, specie, 27—numero, 27.

— Nui
 — abso-
 337 —
 tuta et
 positum
 simplici-
 — re-
 7.
 physi-
 s non,
 itiva,
 207.
 notio,
 191.
 et ob-
 dici
 Crite-
 non
 et ve-
 iutio
 Quid
 194.

Differentia, def., 26 — suprema infra-
 ma, subalterna, 26—ultima, 27,
 diversitati opponitur, 311.
Dilemma, def., 122 — ieges, 122.
Diminutio, def., 35.
Distinctio, def., 309 — species :
 realis, logica, 309 — realis major,
 seu absoluta, seu entitativa, 310 —
 realis minor, seu modalis, 310 —
 rationis ratiocinantis, ratiocinatae
 seu virtualis, 310 — rationis rati-
 cinatae major, minor, 310 —
 distinctio formalis scotistarum,
 310 — distinctio realis verificari
 potest multipliciter, 361.
Diversitas, def., 311.
Divisio, def., 53 — species : actualis,
 potentialis, 54 — essentialis, inte-
 gralis, metaphysica, potestativa,
 accidentalis, 55 — leges, 55.
Dogma, def., 232.
Dogmatismus, notio, 162 — demons-
 tratio, 162.
Dubium, def., 162 — species : positi-
 vum, negativum, 162 — speculati-
 vum, practicum, 163 — dubitationis
 causa, 162-163.
Duratio, def., 396 — species, 396.

E

Eminenter esse in subjecto, 331.
Ens, def. quoad nomen, quoad rem,
 278 — species : ens in actu, ens in
 potentia, 279 — ens reale, ens rationis,
 279 — Notio entis est com-
 munissima, 279 — omnium prima,
 279 — non est generica, 279 — non
 est sequivoca, nec univoca sed
 analoga, 280 — Ens rationis :
 notio, 279 — species : negativum,
 privativum, relativum, 279.
Enthymema, def., 121.
Epicherema, def., 121.
Error, def., 165 — causa, 165.
Essentia, def., 289 — nomina, 289 —
 species : physica, metaphysica,
 290 — artificialis, naturalis, 290 —
 dotes : necessitas, immutabilitas,
 indivisibilitas, eternitas negativa,
 290 — cognoscibilitas : essentiae

reales rerum non sunt nobis omni-
 nino ignota, 291.
Evidentia, def., 187 — species : im-
 media, media, 188 — intrinseca,
 extrinseca, 188 — objectiva, subjec-
 tiva, 189 — metaphysica, physica,
 moralis, 189 — habitudo evidentiae
 ad : certitudinem, 189 — evidenter
 veritatis, credibilitatis, 188-189.
 — evidenter attestacionis, 235.
Exemplum, prout est argumentum,
 147.
Existentia, def., 292 — distinguitur
 realiter ab essentia, 293 — difficultates
 solvuntur, 296.

F

Factum, def., 232.
Falsitas, def., 156, 315 — species :
 metaphysica, logica, moralis, 157.
 315 — nulla res dici potest forma-
 liter falsa per ordinem ad intellectum
 divinum, 315 — nulla res pro-
 prie et per se, sed per accidens
 tantum falsa dici potest per ordi-
 nem ad intellectum humanum,
 316.
Fatum, def., 434.
Fides, def., 233 — obscuritas objecti
 fidei, 233 — praerequisita ad actum
 fidei, 235 — cum scientia compa-
 tur, 236.
Figura, species qualitatis, 307.
Figura syllogismi, notio, 107 —
 numerus, 107 — ieges, 108-109.
Finis, notio, 429 — species : operis,
 operantis, 429 — proximus, inter-
 medius, ultimus, 430 — finis cui seu
 cuius seu objectivus, finis qui,
 finis quo seu formalis, 430 — pri-
 ncipialis, secundarius, 430 — natura-
 lis, supernaturalis, 431 — in ordine
 intentionis finis habet rationem
 causae, 431 — Causalitas finis, 431
 — Omne agens agit propter finem,
 433.
Finitum, def., 332.
Forma (species qualitatis) 380.
Formaliter esse in subjecto, 331.
Fortuna, def., 434.

G

- Generatio**, def., 35, 341—*Generatio unus est corruptio alterius*, 341.
Genus, def., 25—supremum, infinitum, subaltrenum, 26—proximum 26.
Gestus, def., 38.
Gustus aestheticus, 327.

H

- Habitus**, prædicamentum, def., 29—species qualitatis: notio, 29, 378—entitativus, operativus, 378—supernaturalis, naturalis, 378—bonus, malus, 378—subjectum, 378—origo, 378.
Historia, def., 233.
Hypothesis, notio, 148—principium, 149—utilitas, 149—effectus, 149—leges, 150.

I

- Idea**, def., 15—diversa nomina, 16—comprehensio et extensio, 16—species: positiva, negativa, 17—abstracta, concreta, 18—realis, logica, 18—simplex, composita, 19—singularis, universalis, particularis, 19—distributiva collectiva, 19—univoca, analoga, 20—transcendentalis, 20—intuitiva, abstractiva, 20—directa, reflexa, 20—clara, obscura, 21—distincta, confusa, 21—completa, incompleta 21—adæquata, inadæquata, 22—identicæ, diverse, 22—associate, insociatæ, 22—sociabiles, insociabiles, 23—De idearum objectitate, 209.

Idealismus, bistoria, 200—refutatio, 201.

Identitas, notio, 309—species: realis logica, 309—cum similitudine et equalitate comparatur, 309.

Ignorantia, def., 161—species: negativa, privativa, 161—causæ, 161.

Ignorantia elenchi, 153.

Improbabilitas, notio, 164.

Individuationis principium; sententie pbilosoporum, 352—senten-

- tia S. Thomæ demonstratur,
— solvuntur dubia, 35f.
Individuum, def., 352.
Inductio, notio, 125—species: completa, incompleta, 125—vulgaris, scientifica, 126—inductionis scientifice processus, 126—fundamentum, 129—leges—130—cum syllogismo comparatur, 131—inductio scientifica apud Aristotelem et S. Thomam, 132.

Infinitum, def., 332—species: actuale, potentiale, 332—absolutum relativum, 332—negativum, privativum, 333—Notio infiniti habet nequit per continuam additionem finiti ad finitum, sed babetur per totalem subtractionem limitum a finito, 333-334—Numerus actu infinitus repugnat, 335—multitudo, magnitudo, seu qualitas quemque creata actu infinita repugnat, 335.

Instrumentum, actio duplex, 406—virtus, 406—effectus, 407—species: pbyicum, morale, 408—artificiale, naturale, supernaturale, 408—inanimatum, animatum; 408—conjunctum, separatum 408.

Intellectus, diversa nomina, 223—infallibilitas circa prima principia, 224.

J

- Judicium**, notio, 58—materia et forma, 59—prærequisita, 59—varia nomina, 59—species: prudens, temerarium, 59—analyticum, syntheticum, 60—syntheticum a priori, 61.

K

- Kant**, doctrina exponitur, 209—refutatur, 212.

L

Latio, def., 35.

Loci dialectici, 144.

Locus, notio, 390—diversi modi essendi in loco, 391—Idem corpus

non potest esse simul in pluribus locis circumscriptive, 392 — Duo corpora non possunt esse simul in eodem loco, 392.
Logica, def., 7 — divisio, 8 — inventor, 9 — utilitas, 9.

M

Malum, notio, 316 — species : physieum, morale, 320 — natura, posse, 320 — Existentialia mali, 320 — mali causa, 320.

Maxima, def., 145.

Memorativa, def., 206.

Metaphysica, def., 273 — divisio, 273

Methodus, notio, 263 — species : analytica, synthetica, 263 — generalis, specialis, 266 — leges, 264 — utilitas, 265 — scientiarum physicarum, 266 — mathematicum, 267 — moralium, 268 — philosophicorum : auctoritatis, 269 — cartesiana, 175, 270 — ontologica, 270 — rationalistica, 270 — idealistica, 270 — empirica, 270 — eclectic, 270 — scholastica, 270 — analyticо-synthetica est vera methodus philosophiae, 271.

Modus habendi, def., 35 — per inherationem, continentiam, possessionem relationem, juxtapositionem, 35.

Modus syllogismi, notio, 110 — modi possibles, 119 — utiles, 111 — perfecti, 112 — modorum symbota, 111 — reductio modorum imperlectorum ad perfectos, 112 — reductio per impossibile, 113.

Monumenta, def., 250.

Motus, def., 35, 387 — species : generatio, corruptio, 35, 383 — motus localis, alteratio, augmentum et decrementum, 35, 389.

Multitudo, def., 311 — opponitur unitati, 311 — aetū infinita reputat, 335.

Mutatio, notio, 340 — species : intrinseca, extrinseca, 341 — substantialis, accidentalis, 341 — generatio, corruptio, 341 — elementa, 342.

N

Natura, quid, 289 — cum essentia et

quidditate comparatur, 289 — supposito opponitur, 361.
Necessarium, def., 338 — absolute, hypothetice, 338 — ens necessarium est causa entis contingentis, 339.
Nomen, def., 65.
Nominalismus, exponitur, 216 — refutatur, 217.
Numerus, def., 335 — infinitus reputat, 335.

O

Objectum, materiale, 2, 257 — formale, 3, 257 — formale quod, formale quo, 257 — formale quo specificat scientiam, 258.

Oceanio, def., 403.

Occasionalismus, 412.

Ontologia, notio, 274 — divisio, 274.

Operatio sequitur esse 389.

Oppositio, def., 33 — relativa, contradictoria privativa, contraria, 33 — oppositio propositionum : def., 76 — fundamentum, 76 — species; contradictoria, 78 — contraria, subcontraria, sualterna, 72 — oppositionis gradus, 79.

Oratio, def., 66 — species : perfecta, imperfecta, 67 — enuntiativa, deprecativa, impiecativa, interrogativa et vocativa, 67.

Ordo, def., 325.

P

Passio, (species qualitatis), def., 29, 386.

Passio, (predicamentum), def., 29, 386.

Patibilis qualitas, def., 380.

Perfectio, def., 330 — species : absolute, relativa, 330 — totalis, partialis, 330 — essentialis, ex fine, accidentalis, 331 — simpliciter simplex, secundum quid, 331 — est in subjecto formaliter, virtualiter, eminenter, 331.

Persona, def., 360 — falsae definitiones, 365.

Petitio principii, 154.

Phantasia, def., 206.

Philosophia, def. 1 — objectum, 2 — divisio, 3 — utilitas, 4.

- Polysyllogismus**, def., 123.
- Possibilitas**, notio, 297 — species intrinseca seu absoluta, extrinseca seu relativa, 298 — physica, moralis, 298 — principium extrinsecum a quo pendet, 299 — Possibilitas intrinseca non pendet ab actuali rerum existentia, 300 — ab intellectu humano, 300 — a potentia divina, 300 — a libera Dei voluntate, 301 — pendet formaliter ab intellectu divino, et fundamentaliter ab essentia Dei, 301.
- Postprædicamenta**, notio et numerus, 33.
- Postulatum**, def., 141.
- Potentia**, notio, 284 — species : objectiva seu logica, subjectiva seu realis, 285 — receptiva, operativa, 285, 386 — naturalis, obedientialis, 286 — activa, passiva, 286.
- Prædicabilia**, notio et numerus, 24 — species, 25.
- Prædicamenta**, notio, 28 — numerus, 29 — discrimen a prædicabili, 29 — conditiones ut res sit in prædicamento, 30 — esse in prædicamento, *directe*, *indirecte*, *reductive*, 31.
- Principium**, notio 398 — quomodo a causa distinguitur, 399 — causalitatis, 408 — rationis sufficientis, 409.
- Principia demonstrationis**, indemonstrabilia, secundum quid, 140 — axioma, positiones, 141 — suppositiones, postulata, 141 — principia communia, propria, 141 — analytic, synthetica, 142 — contradictionis, identitatis, medii exclusivi, 282.
- Principiatum**, def., 398.
- Prioritas**, def., 34 — temporis, naturae, consequentiae, ordinis, dignitatis, 34.
- Probabilitas**, def., 164.
- Propositio**, def., 67 — materia et forma, 67 — de primo, secundo, tertio adjacente, 68 — elementa : materia, forma, quantitas, qualitas, 68 — species : necessaria : impossibilis, contingens, 69 — affirmativa, negativa, 69 — vera, falsa, 70 — universalis, particularis, singularis, indefinita, collectiva, 70 — universalis metaphysica, physica, moralis, 71 — simplex, composita, 71 — simplex incomplexa et complexa 71 — aperte composita : copulativa, causalis, discretiva, relativa, 72 — occulte composita seu exponibilis : exclusiva, exceptiva, comparativa, reduplicativa, 78 — categorica, hypothetica, 74 — conditionalis, disjunctiva, conjunctiva, 74 — absoluta, modalis, 75 — proprietates : oppositio, 76 — propositiones contradictoriae, contrarie, subcontrarie, subalterne, 78-79 — sequiollentia : notio et leges, 84 — conversio : notio, species et leges, 85 — propositio *er se nota*, nota *quoad se*, *quoad nos*, 142.
- Proprium**, def., 26.
- Pulchrum**, notio, 324 — elementa, 325 — species : idealis, reale, 326 — spirituale, sensibile, 326 — intellectuale, morale, 327 — naturale, artificiale, 327 — sublime, venustum, gratiosum 327 — facultas pulchri perceptiva, 327.
- Q**
- Qualitas**, def., 29, 377 — species habitus et dispositio, 29, 378 — potentia et impotentia, 378 — passo et patibilis qualitas, 29, 378 — forma et figura, 29, 378 — proprietates, 377.
- Quando**, def., 29, 393.
- Quantitas**, notio, 29, 374 — proprietates, 374 — ratio essentialis, 375 — species : dimensiva, virtutis, 375 — continua, discreta, 376 — permanens, successiva, 376 — realiter distinguitur a substantia, 376.
- Quidditas**, def., 289.
- R**
- Ratio**, (pro essentia) 226 — facultas intellectiva, 227 — in judiciis mediatis *per se* errare non potest, sed *per accidens*, 227 — (ad modum causae) 427.
- Ratiocinium**, notio, 90 — elementa, 91 — leges, 92 — principia, 93 — species : deductivum, inductivum, 93.

iva, 70
a., physis, complexa et posita : creativa, sita seu sceptiva, 78 — coniunctiva, — propria, contraria, 78 — leges, species et nota, 2.

menta, 326 — intellectus, artis, iustum, pulchri

babilonia, tentia pati- et figura, 377.

nieta- 375 — 375 — per- reali- 376.

ultas me- , sed odum enta, spe- . 93.

Rationalismus, exponitur, 239 — refutatur, 240.
Realismus, platonicus, 216, 218 — ontologicus, 217, 218 — empiricus, 217 — temperatus, 217, 219.
Reflexio, def., 15.
Relatio, def., 29, 380 — elementa, 381 species : realis, logica, 381 — transcendentalis, praedicamentalis, 382 — mutua, mixta, 382 — equiparantis, disquiparantis, 382 — equalitatis, similitudinis, originis et causalitatis, 382 — reales relationes babetur in rebus creatis, 383 — relatio praedicamentalis realitatis differt a suo fundamento, 384.
Retorsio argumenti, 188.
Revelatio, possibilitas, 239.

S

Scepticismus, notio, 175 — species : universalis, particularis, absolutus, hypotheticus, 175 — historia, 176 — refutatur scepticimus absolutus, 176 — solvuntur dubia, 178 — exponitur et refutatur scepticimus hypotheticus, 180, 181.
Scientia, notio, 256, — cum fide comparatur, 236 — objectum materiale et formale, 257 — principium specifikativum, 258 — species : speculativa, practica, 258 — suahalternans, aubalernata, 260 —
Scriptura, def., 39.
Sensus communis, def., 206.
Sensus naturae communis, def., 244 — intra limites proprii objecti gignit certitudinem, 244.
Sensus externi, notio, 198 — objectum sensibile, 198 — sensibile *per se*, *per accidens*, 199 — sensibile commune, proprium, 199 — conditiones requisite ad perfectum sensuum exercitium 199 — babitudo sensus ad sensibile proprium, 199 — ad sensibile commune, 200 — ad sensibile *per accidens*, 200 — sensus externi sunt veraces, 201
Sensus interni, notio, 206 — numerus, 206..
Signum, def., 37 — formale, instrumentale, 37 — naturale, arbitarium, 38 — specifikativum, practi-

cum, 38.
Similitudo, notio, 309 — perfectissima, perfecta, imperfecta, 309.
Simplex, def., 336 — absolutum, relativum, 337 — ens simplicissimum est infinitum et perfectum, 337.
Simplex apprehensio, def., 14.
Simplicitas, def., 336.
Simultas, def., 30.
Situs, def., 29.
Sophisma, notio, 151 — species : equivocationis, 151 — amphibologie, 152 — compositionis et divisionis, 152 — accentus, 152 — figures dictionis, 153 — accidentis, 153 — a simpliciter ad secundum quid, 153 — ignorantiae elenchi, 153 — petitionis principii, 154 — consequentias, 154 — non causa ut causa, 154 — interrogationis, 154.
Sorites, def., 121 — leges, 122.
Spatium, notio, 392 — species : reale, ideale, imaginarium, 393.
Species (praedicabilis) def., 25 — suprema, infima, subalterna, 26 — essentia vocatur species, 280.
Statistica, 147.
Subjectivismus empiricus, 200, 201 — Kantii, 209-212.
Subsistens, def., 365 — est quid realiter distinctum tum a natura singulari, tum ab existentia, 364.
Substantia, def., 29, 345 — falsae definitiones, 347 — ratio essentialis, 348 — species : prima, secunda, 348 — completa, incompleta, 349 — incompleta in ratione substantialitatis, in ratione speciei, 349 — simplex, composita, 349 — corporea, materialis, immaterialis seu spiritualis, 350 — Reales existunt substantiae, 350 — pro essentia sumuntur, 289.
Suppositio, def., 42 — species : materialis, formalis, 42 — realis, logica, 42 — absoluta, personalis, 43 — singularis, universalis, particularis, 43 — distributiva, collectiva, 43 — disjunctiva, disjuncta, 43 — regulae, 44.
Suppositum, def., 359 — distinguitur a natura : philosophorum sententiae, 360 — realis distinctio vindicativa, 360.

catnr, 361 — constitutiva appositi, 360.
Suspicio, def., 163.
Syllogismus, def., 96 — clementa, 96 — principia, 98 — utilitas, 98 — valor, 99 — leges, 101 — figura: def., 107 — numerus, 107 — leges, 107 — modus: def., 110 — modi possibles, 110 — utiles, 111 — perfecti, 112 — modorum symbola, 111 — reductio modorum, 111 — redutio per impossibile, 113 — species: scholasticus, oratorius, 115 — simplex, compositus, 115 — absolutus, modalis, mixtus, 116 — categoricus, hypotheticus, 116 — conditionalis, disjunctivus, conjunctivus, 116, 116, 117, 118 — expositarius, 120 — probabilis, 144 — vis syllogismi vindicatur, 227.
Synthesis, def., 15.

T

Tempus, notio, 393 — species: realis, ideale, imaginarium, 394 — intrinsecum extrinsecum, 394.
Terminus, notio, 38 — species: categorematicus, syncategorematicus, 40 — simplex, complexus, 40 — univocus, analogus, equivocus, aequalis, cognitatus, 40 — positivus, negativus, 41 — proprietates, 42 — terminus major, minor, medius, in syllogismo, 97.
Testis, def., 232 — species: ideonus, indicatus, 232 — ocularis, auritus, 232 — coœvus, posterior, 232.
Testimonium, notio, 232 — species: orale, scriptum, monumentale, 233 — historicum, dogmaticum, 233 — necessitas seu maxima utilitas, 237 — auctoritas testimonii, 237 — oralia, 245 — scripti, 247 — monumentalis, 250 — historici, 250 — dogmatici, 252.
Totum, def., 53 — species: actuale, potentiale, 53 — essentiale, integrale, 54 — metaphysicum, physi-

cnm, 54 — morale, artificiale, potestativum, accidentale, 54.
Traditio oralis, def., 246 — positio conditionibus, certitudinem producit, 246.

U

Ubi, def., 29, 390.
Unicitas, def., 307.
Unitas, def., 300 — species: numerica transcedentalis, 307 — simplicitatis, compositionis, 307 — substantialis, accidentalis, 307 — naturalis, artificialis, moralis, 308 — realis, logica, 308 — numerica, specifica, generica, analogia, 308.
Universale, notio 215 — species: metaphysicum, logicum, 215 — quoad idem conceptum, quoad medium concipiendi, 216 — philosophorum sententiae de natura universalium, 216 et seq.
Univoca, def., 280.
Unum et ens convertuntur, 308.

V

Verbum, def., 66.
Veritas, def., 158, 312 — primo et essentialiter dicitur secundum ordinem ad intellectum divinum, secundario et accidentaliter, secundum ordinem ad intellectum humanum, 312 — species: metaphysica, logica, moralis, 159, 312 — fundamentalis, 313 — omnis veritas a Deo pendet prima veritate, 314 — Veritas logica in simplici apprehensione semper habetur, sed imperfecte, 159 — perfecte habetur in iudicio, 160 — Veritas propositionum contradictioriarum, 80 — contrariarum, 81 — subcontrariarum, 86.
Verum et ens convertuntur, 314.
Virtualiter esse in subjecto, 331.
Vocabulum, def., 39.

po
ositis
pro-

merica
plici-
subs-
natu-
08 —
spe-
sp —
me-
foto-
iver-

et
um
um,
se-
um
sta-
812
ve-
te,
lici
er,
ete
tas
im,
ra-
nd

